



A. W. M. M. M.

38085/R

Vol 1

Adams 2<sup>nd</sup>.  
Vol.

Dr. Schmidt  
1835 L.A.





J. ANDREAE MURRAY

EQVITIS ORDINIS R. DE WASA

M. BRITAN. R. A CONSIL. AVL. MEDIC. PROFESSORIS P. O.  
 HORTI R. BOTAN. PRAEPECTI, SOCIETATVM SCIENTIARVM  
 STOCKHOLM. GOTTING. VPSAL. GOTHENB. LVND. FLORENT.  
 LYGDVN. ET BATAVO - FLESING. MEDICARVM PARIS.  
 NANC. ET HAFN. ATQVE OECONOMICARVM BERN.  
 CELL. ET GEORGOPHIL. MEMERI

# OPVSCVLA

IN QVIBVS

COMMENTATIONES VARIAS

TAM MEDICAS

QVAM

AD REM NATVRALEM

SPECTANTES

RETRACTAVIT EMENDAUIT AVXIT

---

CVM FIGVRIS AENEIS

---

VOLV MEN PRIMVM

---

GOTTINGAE

APVD JO. CHRIST. DIETERICH

1785.



PERILLVSTRI

REGIAE ACADEMIAE SCIENTIARVM

STOCKHOLMIENSI

QVAE AVCTOREM PRIMA

SODALITIO LITTERARIO

ORNAVIT

ET CORAM POSTEA

*PRAESENTE ADEO REGE*

PROPENSVM ANIMVM

IN EVM LIBERALITER

DECLARAVIT

HOC PRIMVM  
OPVSCVLORVM  
VOLVMEN

IN  
DOCUMENTVM  
OBSERVANTIAE PERPETVAE

OFFERT

IDEM



## P R A E F A T I O.

**M**ultiplex incidit per hosce viginti quinque annos, quibus interfui musis Gottingensibus, et quorum ultra viginti in munere academico transegi, scripta euulgandi causa et opportunitas. Aliae lucubrationum academicarum eius naturae sunt, ut ab arbitrio nostro fere pendeat, operam illis commodare velimus nec ne; alias exigit vel consuetudo vel lex, quarum e numero prolusiones sunt, sub exordium muneris, et, dum summi honores conferuntur, edendae. In neutra harum parte desiderari studium meum haecenus passus sum,



excitatus persuasione, non parum contulisse litterariis suis monimentis egregios viros, qui vel olim fundum academiae huius coluerunt, vel etiamnum colunt, ad eiusdem decus et existimationem, quam factam tectamque simili auso tueri fas et honestum est. Nec scio, quid magis valeat ad discentium fiduciam erga magistri doctrinam studiumque suscitandam, alendam, quam si is commendando in disciplinam, quam profitetur, publice testetur, se ultra elementa eius sapere, et, quae ab illo in vulgus eruditum prolata sunt, iudicum intelligentium et proborum laudibus condecorentur. Etenim observatum aliquoties, eos, quibus, gradum doctoris ambientibus, vix specimen iunceum, exsuccum, mutilatum extorqueri poterat, ut species saltim obsequii statutorum prostaret, ab auditoribus suis, aetate, ingenio et profectibus, sibi aequalibus, pereximios scientesque oratores declaratos fuisse; et animadversum, eos, qui male et exiliter scriberent, tanto magis docentes aquoso et languido dicendi genere, vel insulsis spurcisque iocis condito, vel ad intelligendum difficili, inconcinno,

inordi-

inordinato, rimarum errorumque pleno vfos fuisse, vel hypothesium clangore, item proprii meriti ostentatione, intonuisse, quum deesset, qui aurem vellicaret.

Quae igitur in viris extra academias degentibus aliquando haud immerito, praecipue si falcem in aliam, quam cui nomen dederunt, doctrinam immittunt, reprehenditur scribendi ambitio, haec in iis, qui academicae vitae operam suam consecrarunt, non excusationem modo facile init, sed officii instar reputanda est. Et hac quidem necessitate animum viresque meas suffulciri sensi, quum telas non contractioris solum ambitus, sed et amplioris, plurium annorum curas sibi vindicantis, texere aggrederer, quippe qui, si quis alius, scribendi pruritu destituor.

Quaenam illae sint, subsequens tabula indicat, quam ideo potissimum consignare e re visum est, ne mihi amplius tribuantur, quae mea non sunt. In quibusdam hic index, ut qui non in solis titulis subsistit, alios specialiores vsus habere poterit: iis e. c. satisfaciet,

ciet, qui stirpes cognoscere gestiant, quarum indaginem in commentariis Societatis R. scient. Gotting. per aliquot annorum seriem exhibui, vel nosse, quasmam haecenus in Apparatu medicaminum ordines stirpium naturales persequutus fuerim, quinam adhuc supersint. In horum laborum recensu, eorum praeprimis me non poenitet, quibus civium meorum quorundam celebrium nominibus meum iungere contigit.

Nam de meis quam parum arroganter sentiam, praesens opusculorum sylloge testatum faciet, quorum recudendorum haud facile consilium iniissem, nisi, quae post plurium annorum intercapedinem hinc inde rescanda, emendanda, locupletanda ducerem, hisce simul copia exstaret. Sic ea saltem, quae vel recusa a doctis viris vel commemoratione honorifica ornata vidi, plus gratiae habitura esse confido. Nec omnia colligere sed pauciora modo, meo iudicio probatiora, animus est, quae inter tamen quaedam antea non edita comparebunt. Sub incudem vero iterum hic reuocantur commentationes quaedam



dam in Societate scient. R. nostra recitatae (exclusis omnibus iis, quae descriptiones stirpium comprehendunt), orationes, programmata, disputationes academicae, quales scriptiones, utpote temporibus statis adstrictae, eius plerumque generis sunt, ut non facile moram concedant, quicquid negotiorum in reliquis muneris partibus urgeat et interpellet. Respiciunt hae vel aliquam historiae naturalis partem vel ex practicae medicinae fundo petitae sunt, cuius utriusque scientiae connubium mihi semper amabile fuit. Elegi plerumque ea argumenta, quae, quum scriberem, aliqua celebritatis nota conspicua erant, vel quibus nodi quidam inesse videbantur iterato studio soluendi, vel de quibus antea in utramque partem disputatum fuerat. In hisce persequendis quum novis observationibus vel experimentis plurimam vim inesse cognoscerem, eadem inspersi, quotiescunque res vel necessitas ita ferret. Sic tentavi, an medendi quibusdam morbis via planior reddi posset, additis ex propriae experientiae penucasibus, qui spem hancce sustinent; quorsum ea, quae de phthisi pituitosa, de tussi con-

vulsiua, de insitione variolarum, de tineâ, de metastasi rariori materiae arthriticae, de lepra, differui pertinent. Orationum vero materiem nolui aliam admittere, quam quae a plurimis intelligeretur, a munere tamen meo non alienam.



# INDEX

## SCRIPTORVM AVCTORIS

### EX ORDINE TEMPORVM.

1. *Enumeratio vocabulorum quorundam, quibus antiqui linguae Latinae auctores in re. herbaria vsi sunt.* Stockholmiae, 1756. 4. Epistola gratulatoria.
2. *Fata variolarum institionis in Suecia.* Gottingae d. 20. Aug. 1763. 4. Dissertatio inauguralis.
3. *Commentatio de Arbuto Vua vrsi.* Gotting. 1764. 4. Programma inaugurale, sub muneris Professoris initia editum. Subsequente anno 1765. sub titulo: *Commentatio de Arbuto Vua vrsi, exhibens descriptionem eius botanicam, analysin chemicam eiusque in medicina et oeconomia varium usum comparuit.*
4. *Pehr Kalms Beschreibung seiner Reise nach dem nördl. Amerika. Dritter Band, aus d. Schwedischen.* Gott. 1764. 8.
5. *David Schulz (iam Schulzenheim) Abhandlung von der Einpfropfung der Pocken, aus dem Schwedischen.* Primum inserui versionem hanc libri, Hamburgisches Magazin, Vol. 26. P. 1. 2. Dein emendatorem eam reddidi, sub titulo: *Unterricht von der Einpfropfung der Pocken,* Gött. u. Gotha, 1769. 8.

6. *De hydrophobia sine morfu praeuio.* Basil. 1765. 4. Disputatio.

7-II. *Nils Rosén von Rosenstein Anweisung zur Kenntniss und Cur der Kinderkrankheiten, a. d. Schwedischen übersetzt und mit Anmerkungen erläutert.* Gotha u. Gött. 1766. 8.

*Editio 2.* Gotha u. Gött. 1768.

*Editio 3.* Gött. u. Gotha, 1774.

*Editio 4.* Gött. 1781.

*Editio 5.* Gött. 1785.

Subpersi singulis editionibus animaduersiones numerosas, quae vel ad maiorem libri intelligentiam libri faciunt, vel ipsa argumenta, de quibus agitur, ubi opus, ponderant et recentiorum temporum lumine collustrant. Editioni tertiae et subsequenteribus praefixi vitam illustris auctoris.

12. *Historia insitionis variolarum in Suecia ad nouissimum tempus protracta.* Gott. 1767. 8.

13. *De puris absque praegressa inflammatione origine.* Gottingae. 1766. 4. Disputatio recusa in *Schröderi Opusc.* Vol. 2.

14. *De cognatione inter arthritidem et calculum.* Gotting. 1767. 4. Disput. recusa in *Schröd. dicta collectione*, Vol. 1.



15. *Observationes de vermibus in lepra obuiis iuncta leprosi historia, et de lumbricorum setis, cum figuris aeneis.* Gott. 1769. 8.
16. *Prodromus designationis stirpium Gottingensium, cum fig. aen.* Gott. 1770. 8.
17. *Descriptio et delineatio Aletreos capensis,* in Kgl. Vet. Acad. Handlingar, 1770.
18. *Commentatio naturam foliorum de arboribus cadentium expendens.* Inserta Commentariis Societ. R. sc. Gotting. a. 1771.
19. *De conciliandis medicis quoad variolas internas dissentientibus.* Gott. 1771. 4. Disputatio.
20. *Retzii primae lineae Pharmaciae ex Suecico idiomate versae.* Gott. 1771. 8.
21. *Tal om de på Djur anstälde Röns och Försöks opålitelighet vid tillämpningen på Menniskans Kropp.* Stockholm. 1772. 8. Oratio.
22. *Descriptiones et icones stirpium nouarum vel rariorum.* Insertae Comment. Societ. scient. Gott. a. 1772. Siftuntur *Heuchera dichotoma Murr.*; *Vinca pusilla L.*; *Gisckia pharnacioides L.*; *Calendula gibbosa Murr.*; *Ocimum polytachion L.*; *Chondrilla nudicaulis L.*; *Sida vrens L.*; *Spermacoce hispida L.*; *Cacalia fenchifolia L.*; *Sisymbrium islandicum Oed.*; *Peziza polymorpha Oed.*; *Peziza minima Murr.*; *Lycoperdon minimum Murr.*

23. *Enumeratio librorum praecipuorum medici argumenti.*  
Lips. 1773. 8.
24. *Commentatio de polypis bronchiorum.* In Comment.  
Soc. scient. Gotting. a. 1773.
25. *Linnei Systema vegetabilium. Editio 13.* Gottingae.  
1774. 8.
26. *Descriptiones et icones stirpium nov. v. rar.* In Com-  
ment. Societ. scient. Gott. a. 1774. Siftuntur  
Thlaspi ceratocarpon *Murr.*; Geum virginianum  
*L.*; Geum canadense *Murr.*; Polygonum undu-  
latum *Murr.*; Polygonum crassifolium *Murr.*;  
Colutea perennans *Jacq.*; Cestrum vespertinum  
*L.*; Oenothera sinuata *L.*; Rumex dentatus *L.*;  
Raphanus sibiricus *L.*; Rheum hybridum *Murr.*.  
absque figura.
- 27 - 29. *Medicinish-practische Bibliothek, Vol. I. II. III.*  
inde ab a. 1774. Gott. 8.
30. *Descriptiones et icones stirp. nov. v. rar.* In Comm.  
Societ. scient. Gott. a. 1775. Plantae recensitae:  
Oenothera muricata *L.*; Amomum Zerumbet *L.*  
Allium Pallasii *Murr.*; Allium Schoenoprasum  
*β, L.*; Sedum hybridum *L.*; Arabis pendula *L.*
31. *Apparatus medicaminum tam simplicium quam prae-  
paratorum et compositorum in praxeos adiumentum  
consideratus. Vol. I.* Gottingae, 1776. 8. Com-  
plectitur stirpes coniferas, amentaceas, compo-  
sitas, aggregatas, conglomeratas, umbellatas,  
hederaceas, sarmentaceas, stellatas, cymosas,  
cucurbitaceas, solanaceas, campanaceas, con-  
tortas.

tortas. *Versionem Germanicam* adornavit cl. Senger M. D. sub titulo: *Arzneyporrath od. Anleitung zur pract. Kenntniss der einfachen zubereiteten u. gemischten Heilmittel* I. B. Braunschweig, 1782. 8.

32. *De phthisi pituitosa*. Programma Gott. 1776. 4. recusum in ill. *Baldingeri Sylloge selectior. Opusc. Vol. 5.*
33. *De tempore corticis peruviani in tussi convulsiva exhibendi*. Progr. Gott. 1776. 4.
34. *Sylloge observationum de partu laborioso*, Disputatio auct. resp. *Josepho Gerson*, me praeside. Gott. 1776. 4.
35. *Descriptiones et icones stirpium nov. et rar.* In Comment. Soc. scient. Gott. a. 1776. Comparent *Gossypium latifolium Murr.*; *Lithospermum orientale L.*; *Lonicera media Murr.*; *Iris flexuosa Murr.*; *Cotyledon spinosa L.*; *Brassica polymorpha Murr.*; *Asphodelus ramosus L.*
36. *De redintegratione partium cochleis limacibusque praecisarum*. Progr. Gott. 1776. 4.
37. *Descriptiones et icones stirpium nov. et rar.* In Comment. Soc. scient. Gott. a. 1777. Siftuntur *Erythrina Corallodendron L.*; *Ranunculus plantaginifolius Murr.*; *Bunias cochlearioides Murr.*; *Leonurus crispus Murr.*; *Ocimum thyrsiflorum L.*
38. *Olof Acrel chirurgische Vorfälle I. II. Band mit Kupf.* a. d. Schwed. Göttingen, 1777. 8.

39. *Descriptiones et icones stirpium nov. et rar.* In Comment. Soc. scient. Gott. a. 1778. Continentur *Salvia coccinea Juss.*; *Salvia nilotica Juss.*; *Salvia nubia Juss.*; *Sideritis elegans Murr.*; *Plantago exigua Juss.*; *Sophora alba L.*
40. *Apparatus medicaminum Vol. II.* Gottingae, 1779. 8. Comprehendit stirpes rotaceas, sepiarias, bicornes, asperifolias, verticillatas, personatas, rhoeades, putamineas, filiquosas, papilionaceas, lomentaceas. *Versio Germanica* prodiit Brunsv. 1782. 8.
- 41-43. *Observationum et animadversionum super variolarum insitione satvra.* Prodiit tribus Programmatibus. Gott. a. 1779. 4.
44. *De Astaride lumbricoide Linn. vermium intestinalium apud homines vulgatissimo.* Disputatio. Gotting. 1779. 4.
45. *De Catechu.* Disp. Gott. 1779. 4.
46. *De limitanda laude librorum medicorum practitorum vsui populari destinatorum.* Gottingae, 1779. 4. Oratio.
47. *De dulcium natura et viribus.* Disputatio, me praeside, a resp. Io. Fr. Behrendt defensa, Gott. 1779. 4.
48. *Descriptiones et icones stirpium nov. et rar.* In Comment. Societ. scient. Gott. a. 1779. Huius loci sunt *Rheum hybridum Murr.* iterato scrutinio submissum cum icone; *Lycium ruthenicum Murr.*; *Betonica hirsuta L.*; *Verbescina dichotoma*



toma *Murr.*; *Commelina benghalensis Linn.*; *Malua virgata Murr.*; *Asclepias sibirica L.*

49. *Spinae bifidae ex mala ossium conformatione initia.* Programma. Gott. 1779. 4.
50. *Descriptiones et icones stirpium nov. et rar.* In Comment. Societ. scient. Gott. a. 1780. Exstant ibidem *Cercodia erecta Banks.*; *Aquilegia viridiflora Pall.*; *Geranium Reichardi Murr.*; *Geranium daucifolium Murr.*; *Othonna Tagetes L.*; *Plantago incurvata Juss.*; *Hypericum prolificum L.*
51. *Nils Rosén von Rosenstein Haus- und Reise-Apothek, aus dem Schwedischen, nach der zweyten Ausgabe, Leipz. 1781. 8.*
52. *Descriptiones et icones stirpium nov. et rar.* In Comment. Soc. scient. Gott. a. 1781. Perpenduntur *Saxifraga ligulata Murr.*; *Scrophularia altaica Murr.*; *Plantago squarrosa Murr.*; *Croton argenteum L.*; *Hyacinthus viridis L.*
53. *Praestet uno medico an pluribus iunctim uti? Quaestio, quam oratione a. 1781. discussi, volumine II. Opusculorum comparitura.*
54. *De medendi tinea capitis ratione paralipomena, Progr.* Gott. 1782. 4.
55. *Difficultates in curatione morborum infantilium obuenientes. Disp.* Gott. 1782. 4.

56. *De tempore exhibendi emetica in febribus intermittentibus maxime opportuno.* Disp. Gott. 1782.
57. *Descriptiones et icones stirpium nov. et rar.* In Comment. Soc. scient. Gott. 1782. Ibi prostant *Lyfimachia atropurpurea L.*; *Lyfimachia Ephemerum L.*; *Veronica marilandica L.*; *Scabiosa vralensis Murr.*; *Celosia procumbens Jacq.*
58. 59. *Vindiciae nominum trivialium stirpibus a Linneo Equ. impertitorum.* Progr. duo. Gott. 1782. 8.
60. *Descriptiones et icones stirpium nov. et rar.* In Comment. Soc. scient. Gott. 1783. Prodeunt heic *Spilanthus saluaria Domb.*; *Lycium heterophyllum Murr.*; *Gypsophila viscosa Murr.*; *Solanum marginatum L.*; *Tetragonia expansa Murr.*
61. *Linnei Systema vegetabilium. Ed. 14.* Gott. 1784. Præcedente longe auctior et correctior. Se-iungo nouissimam editionem a priori, quum ferior plura longe propriae operae documenta exhibeat.
62. *Descriptiones et icones stirpium nov. et rar.* In Comment. Soc. scient. Gotting. 1784. Proponuntur *Solandra lobata Murr.*; *Forskâhlea angustifolia*; *Rhus semialatum Murr.*; *Carduus ciliatus Murr.*; *Berberis sibirica Pall.*
63. *Apparatus medicaminum. Vol. III.* Gottingae, 1784: 8. In hoc volumine significantur stirpes multifiliquae, fenticosae, pomaceae, hesperideae, succulentae, columniferae, gruinales, caryophylleae, calycanthemae, ascyroideae, coadunatae.

64. *Descriptiones et icones stirpium nov. et rar.* In Comment. Soc. scient. Gott. 1785. Commemorantur *Euphorbia cyathophora Murr.*; *Silene procumbens Murr.*; *Hibiscus arenarius Rottböll.*; *Geranium terebinthinaceum Ait.*; *Paeonia anomala L.*; *Paeonia integra Murr.*
65. *De metaflasi materiae arthriticae ad verenda.* Progr. Gott. 1785. 4. Propediem euulgabitur.
66. *Apparatus medicaminum. Vol. IV.* quod proxime prodibit. Complectetur stirpes dumofas, trihilatas, tricoccas, oleraceas, fcabridas, vepreculas, palmas, piperitas, fcitamineas, liliaceas, tripetaloides, calamarias, gramina, filices, mufcos, algas, fungos. Addentur species ordinis dubii et medicamina vegetabilia speciei incertae, item fupplementa ad priora volumina.
67. 68. Varias commentationes argumenti phyfici vel medici inferui promptuario Hannouerano, *Hannoverfches Magazin*, item diario, quod olim Gottingae prodiit fub titulo *Allgemeine Unterhaltungen*.
69. Per aliquot annos, olim ab ill. *Oedero* inuitatus, quum in Florae Danicae complementum *Kaltenhoferus* noster stirpes depingeret et fculperet, botanicas curas in me fufcepi.
- 70-73. Librorum cenfuris quoque in variis diariis praeter illud, quod proprio nomine prodiit, operam dedi. Pertinent huc

*Vogelii n. medicinifche Bibliothek*, cuius quatuor vltima volumina meo praecipue adiumento com-

## XX INDEX SCRIPT. AVCT.

paruerunt, quippe in quibus non solum censuræ littera *M.* notatae, sed bene multae aliae me auctorem habent.

Noua litteraria Gottingensia s. *Göttingische gelehrte Anzeigen*, quibus inde ab a. 1765. symbolas impertiui et adhuc impertio.

*Commentarii de rebus in re medica et naturali gestis*, quibus ipsis librorum Suecicorum censuris præpexi.

*Die allgemeine Deutsche Bibliothek*, quæ olim et me laborum socium habuit.

---





---

T I T V L I  
COMMENTATIONVM  
VOLVMINIS PRIMI.

---

- I. Commentatio de Arbuto Vua vrſi. Pag. i
- II. De natura foliorum de arboribus cadentium. 103
- III. De puris absque praegreſſa inflammatione origine. 141
- IV. De cognatione inter arthritidem et calculum. 187
- V. De obſervationibus et experimentis apud bruta captis caute ad corpus humanum applicandis. 226
- VI. De polypis bronchiorum. 253
- VII. De phthiſi pituitoſa. 275
- b 3 VIII.

VIII. De tempore corticem peruuiianum in  
tussi conuulsiua exhibendi. P. 305

IX. De redintegratione partium cochleis li-  
macibusque praecisarum. 315

X. Obseruationum et animaduersionum su-  
per variolarum infitione satura. 343

I.

COMMENTATIO

DE

ARBVTO VVA VRSI

EXHIBENS

DESCRIPTIONEM EIVS BOTANICAM

ANALYSIN CHEMICAM

EIVSQVE IN MEDICINA ET OECONOMIA

VARIVM VSVM.

COMPTON

ARRIVAL

THE ARRIVAL OF THE  
S.S. COMPTON  
FROM THE  
PORT OF ORIGIN



---

COMMENTATIO †  
DE ARBUTO VVA VRSI.

---

PROOEMIUM.

**S**i Cicutam excipiam, vix alia planta ferioribus hisce annis magis medica sua virtute inclaruit, quam Vva vrsi. Neminem enim, qui aliquantulum modo nouitatibus medicis noscendis delectatur, latet, quantum huic in calculo, intra lotii vias generato, tribuerit ill. DE HAEN. Sed prout illa non vbiuis medentium iudicio probata fuit: sic nec haec vituperatione omni caruit; dum vel eandem non satis efficacem, vel in tam protracto usu, quem curatio sibi vindicat, ob noua incommoda, quae nasci putant, non tutam satis iudicant. Haec inter medicos dissensio vltiorem certe Vuae vrsi indaginem requirere visa est, ad quam equidem tanto alacrius accessi, quum summi WERLHOFII consilium annueret, et haec ipsa me incitauit, vt,

A 2

quum

† Prima eius editio instar Programmaticis a. 1764. sub exordium muneris Professoris medici comparuit, et mutato ad votum bibliopolae titulo omissaque inuitatione instar singularis tractatus sub a. 1765.

quum mihi auspiciū muneris sollemni scriptiōe capiendū esset, hanc potissimum rem meditatione, obseruationibus et experimentis, persequer. Eidem argumento ante me operam accommodarunt cl. GERHARD \*), item cl. QVER \*\*), cuius vero opusculum nonnisi aliquot annos post in versione legere mihi contigit, et quoad chemicū scrutinium cl. MO-DEL \*\*\*) tempore me prior existit. Eodem anno, quo ego, in naturam huius stirpis inquisiuit cl. GIRARDI \*\*\*\*), neutro nostrum alterius operae gnaro. Non poenituit me tamen postea horum commentationibus perlectis laboris impensi: sed vel ex plurium vno fere tempore eidem rei dicato studio tanto certius enituit, non in sterili negotio me desudasse, et, comparatione obseruationum et experimentorum meorum cum alienis, natura virtusque huius stirpis tanto verius erui potuit, quippe quum, licet in quibusdam euentus laborum nostrorum differrent, in aliis tamen bene multis laete conspirarent.

\*) *Bärentraube chymisch-medizinisch betrachtet.* 1763. 8.

\*\*) *Dissertacion physico-botanica sobre la passion nephritica, y sa verdadere specifico la Vva vrsi ò Gayubas.* Madrid 1763. 4. cuius versio Gallica prodiit titulo *Dissertation physique et botanique sur la Maladie nephritique et sur son veritable specifique le Raisin d'ours (Vva vrsi).* Argentorati 1768. 8.

\*\*\*) *Zweytes Schreiben wegen der Bestucheffschen Nerven-tinctur, welchem eine physicalisch-chemische Untersuchung und Vergleichung der Fiebertinde beygefüget ist.* 1763. 8.

\*\*\*\*) *De Vva ursina eiusque et aquae dulcis vi lithontriptica nouae animaduersiones, experimenta, obseruationes.* Patavii 1764. recus. in cel. SANDIFORT *Thesauro Dissertationum etc.* Vol. 2. p. 455. sqq.

rent. Iam vero retractans hocce argumentum, suis locis, tam quid isti cll. viri, quam quid alii, serius ad virtutem stirpis praecipue medicam respicientes, de ea cognouerint, interferam. Praemissa igitur ea, ad quam Botanice ducit, plantae consideratione, quid per analyfin chemicam, tum quid per praxin veri de illa erui possit, explorare conatus sum, adiciens, quae ad oeconomiam eius vtilitatem aestimandam faciunt.

## SECTION I.

### BOTANICVM VVAE VRSI SCRVTINIVM.

#### §. I.

**I**n tantis tenebris, quibus veterum tempore res herbaria obuoluta latuit, quum nimirum laxissima stirpium delineatio, earundemque cum aliis plantis, aequae nobis ignotis, lubrica comparatio, stabilitatem roburque illud, quod iamiam in Botanice obtinet, supplerent, scintillae tamen quaedam ex monumentis eorum emicant, quae plantarum quasdam, Arbuti nomine hodie comprehensas, primis istis scientiae botanicae aestimatoribus notas iam fuisse credere sinunt. Non hic iam inquiram, quatenus istae species fuerint, nec an inter has ea quoque, quam hac commentatione celebrandam mihi sumsi, occurrat; quoniam inferius de his dicendi commodior locus erit. Sed a generis Arbuti characteribus definiendis orso laudare mihi conuenit sollertiam,

A 3

quam

quam THEOPHRASTVS ERESIVS a) Κόμαρον (ita enim Arbuti quandam speciem appellat) delineans, ad florem plantae suae adhibuit, quem vna cum fructu, inde ab immortalis CONRADI GESNERI tempore, generibus stirpium condendis aptissimum fanior quiuis botanicus agnouit. Non enim modo ad racemos, in quos flores digesti sunt, attendit, sed florem κοῖλον ὥσπερ ὠόν ἐγκεκολαμμένον describit. Et porro de illo dicit: ὅταν δὲ ἀπανθήσῃ, ἡ πρόσφυσις τετρυπεται. το δὲ ἀπανθῆσαν λεπτόν, ὥσπερ σφόνδυλος περὶ ἀτρακτον, ἡ κάρνειος δωρικός. b) Quam pulchre haec in Arbuti florem quadrent, naturam ipsam cui-cunque consulere volupe est, perspiciet. Etenim figura ouata flori competit, qui basi sua pistillum clauī instar infixum continet. Hoc itaque ex calyce surgens corollam quasi perforat; vnde caute illa auulsa, vel, quum marcescere iam incepit, sponte delapsa, in fundo eius minutum foramen cernitur.

Decidua

a) *Histor. plant. Lib. 3. cap. 16. Ed. BODAEI A STAPEL. p. 234.*

b) Locum hunc in se nonnihil obscurum non clariorem multo reddit THEOD. GAZAE versio. Ita vero illum interpretatur: "concauus (scil. flos) tanquam ouum excavatum, ore aperto. Cum autem defloruerit, retinaculum perforatur. Quodque defloruerit, tenue sicut verticillis (verticillus) circa fusum, vel carniis Doricus, extare videtur." Haec commodè GAZA vocem πρόσφυσις per retinaculum explicat, quum proprie nihil quam adhaesionem s. coalitionem denotet, ideoque ad illam floris partem, qua cum vicinis cohaeret, h. e. ad fundum seu basin corollae congrue referri queat. Loco κάρνειος δωρικός THEOPHRASTVM κρانيον δωρικόν scripsisse quidam putant.



Decidua vero corolla, quae succo priuata tenuior fit, cum verticillo, qui circa fufum, qua mulieres ftamina nentes vtuntur, fitus eft, vel cum fuma columnae, fiue Doricae, fiue alius cuiuscunque, parte, (Epistylum VITRVVIVS vocat,) quodammodo comparari poteft. Mirandum fane, quod nec DIO-SCORIDES, nec PLINIVS eadem oculorum acie hanc plantam complexi fint, proletaria fructus descriptione tantum contenti, quam vero hic memorare, quum non vbique eiusdem indolis in hoc genere fructus fit, non attinet.

## §. 2.

Abfit tamen, vt in iftis fuppetiis, quas in re herbaria LINNEVS tulit, hanc THEOPHRASTI descriptionem ad discernendum Arbuti genus (nam quoad florem in plerisque fpecies eiusdem generis conuenire notum eft) fufficientem exiftimarem. Multa enim hic cum Vaccinio, Erica, Andromeda aliisque communia funt. Sed laudo nouos, veteres non fperno. Tutiori contra ea via prodibimus, fi fingulas partes, florem fructumque componentes, feorfim perfcutemur.

Corolla nempe Arbutus inftituta eft monopetala, ad oui figuram accedente, fuperius in quinque lacinias leuiter fefta. Hanc extus calyx, et quidem infra germen, cingit, quinquies pariter, fed maioribus fegmentis diuifus, corolla aliquoties minor, et ad maturitatem fructus vsque fuperftes. Intus ftamina

decem cum vnico pistillo latent. Stamina antheras parum bifidas gerunt, et corollae aperturam, per quam pistillum transit, circumdant. Stylus verò pistilli, germine globofo suffultus, in stigma crassius desinit. In parte ista, cui germen infixum est, receptaculum vocant, puncta decem conspiciuntur. Fructus bacca est, rotundae figurae et quinque loculos, in quibus semina osseae duritiei iacent, continens. c)

### §. 3.

Maxima similitudo inter Vaccinii genus illudque Arbuti intercedit; vnde et magni in Botanica viri, CLVSIVS, BAVHINI, RAIVS, TOVRNEFORTIVS aliique, et inter meos ciues FRANKENIVS, RVDBECKIVS, THILLANDSIVS, BROMELIVS, LINDERSTOLPIVS, hanc vel illam speciem, quae iam auctoritate Equitis A LINNÉ Arbutus audit, Vaccinii vel Vitis idaeae nomine insigniuerunt. Ad germinis verò situm qui probe attendit, discrimen facile animaduertit. Hoc enim in Vaccinio extra vel infra calycem, in Arbuto autem intra vel supra illum situm est, siue quod idem est, in illo germen infra receptaculum, in hac supra illud reperitur. Stamina insuper ibi 8, hic 10 collecta sunt. Notat praeterea ill. A LINNÉ Arbutos ad basin corollae 5 vel 10 eminentiis pellucidis fere et melliferis distinctas esse et cortice deciduo vestitas, quod

c) Cfr. TOVRNEFORTII *Institutiones rei herbar.* p. 598. 599. Tab. 368. 370; vti et LINN. *Genera plant.* Ed. 5. gen. 488. Ed. 6. a. 1764. gen. 552.

quod postremum et THEOPHRASTVS *d*) et PLINIVS *e*) iam memoriae tradiderunt. Quin etiam fructus discrimen condit, utqui in Arbuto ficcior et durior.

## §. 4.

Genericis igitur Arbuti characteribus constitutis, ad species eius progredior, quarum 5, ferioribus libris, LINNEVS, pater *f*), numeravit, *Vnedinem* scilicet *Andrachnem*, *Acadienssem*, *alpinam* et *Vnam vrsi*. Adidit LINNEVS, filius, nouissime \*) alias 4, scilicet *laurifoliam*, *ferrugineam*, *mucronatam* et *pumilam*, quarum characteres heic omitto, rationem modo reliquarum, de quibus nullum dubium superest, habiturus. Omnes et singulae autem species vel arboreae vel fruticosae naturae sunt.

Vetustiorum priores duae in eo conueniunt, quod caule arborem firmitate referente baccisque multis feminibus foetis foliisque glabris instructae sint. Differunt vero foliorum ambitu, qui hic omnino integer, ibi ferratus est. Vtramque vete-

A 5

res

*d*) *Hist. plant. J. I. c. 8. Ed. cit. p. 17*, vbi de cortice dicit, ὡς περιπίπτειν, οἷον ἀδράχνη, μηλέα κόμαρος. BOD. A STAPEL scribi mauint περιρρίπτειν, ut Φλοιόν intelligatur. Verae autem Arbuti species plantae istae censentur.

*e*) Quibusdam, inquit, *cadit* (cortex) *ut malo unedoni*. V. *Hist. natur. Lib. 16. cap. 31. Ed. DALECHAMP. p. 723.*

*f*) *Syst. nat. Ed. 10. p. 1024. Syst. vég. Ed. 12. p. 300. Ed. 13. p. 339. Spec. plant. Ed. 2. p. 566.* Accessit primum in *Ed. 10. Systematis nat. et Ed. 2. Specierum Andrachne.*

\*) *Suppl. plant. p. 238. Conf. Syst. veg. Ed. 14. p. 407.*



res iam cognouisse probabile. *Vnedo*, quam Romani alias speciatim Arbutum, Angli vero Strawberry-tree g) et Germani Erdbeerbaum, ob fructus cum fragis similitudinem, nominant, THEOPHRASTI h) *Κόμαρος* esse videtur. Licet enim de fructu vix aliud hac occasione vtile dicat, quam quod cibo idoneus sit, florem tamen corticem et folia (§§. 1. 3.) ita describit, vt coniecturae huic aliquis locus sit. Fructum eius *μεμαίκυλον* vocat. Nolo me in eam litem, nunquam forsitan in istis descriptionum nubibus componendam, immergere, an DIOSCORIDIS i) *Κόμαρος* pro eadem cum illa THEOPHRASTI habenda. Interea licebit cum CLVSIO k) de eo dubitare, quum Arbuti ista species nulla in re Malo cotoneae, vt DIOSCORIDES vult, similis inueniatur. PLINIVS l) vero, *aliud corpus*, inquit, *est terrestribus fragis, aliud congeneri eorum vnedomi*. Et nomen inde natum esse asserit, quod nonnisi vnica eius bacca absque fanitatis quadam laesione edi possit; quoniam nempe, vt alio loco monet, *fructum difficilis coctionis, et stomacho inutilem*, ferret m). Consentit ille quoad effectum cum DIOSCORIDE n), si modo de vna eademque planta fermo fuerit, et cum GALENO o), de Epimelide,

g) RAII *Synops. stirp. Britann. Ed. 3. p. 464.*

h) *Loc. cit. Lib. 3. c. 16. p. 234.*

i) *Mater. med. Lib. 1. c. 134. Ed. VERGILII a. 1529. p. 152.*

k) *Rarior. plant. hist. L. 1. c. 30.*

l) *Hist. nat. L. 15. c. 24. p. 684. Ed. cit.*

m) *Loc. cit. L. 23. c. 8. p. 1087.*

n) *Loc. cit.*

o) *De simpl. medicam. facult. Lib. 6. c. 5. Tom. 13. CHARTER. p. 174.*



lide, quam Graecos rusticos Vnedonem nuncupare ait, loquente, praeterquam quod hi, capitis dolores ex esu excitari, addant. Et haec sine dubio illa Arbutus est, de qua VIRGILIUS *p*), HORATIUS *q*), alii-que veterum poetarum canunt. De loco vero Vnedonis natali sciendum est, quod in syluis tum orientalis Asiae, tum australium Europae regionum, ut et Hiberniae, crescat.

## §. 5.

Nec *Andrachne* vel *A'dpáχvnr*), quam interpres GAZA Portulacae voce nominat, THEOPHRASTO *r*) ignota fuit. Folia illi, Arbuti foliis similia, tribuit, quod quidem figuram si spectes, verum est, ambitum foliorum, non item, quippe qui, ut supra iam dictum, in hac specie omnis incisurae expers est. Corti-

- p*) Ex multis istis versibus hos modo pictura poetica praestantissimos, quibus Corydon temperatoris aëris umbraeque beneficium pecori suo exoptat, adponam:

*Muscofi fontes, et somno mollior herba,  
Et quae vos rara viridis tegit arbutus umbra.  
Solstitium pecori defendite: iam venit aestas  
Torrida: iam laeto turgent in palmit gemmas.  
Bucol. Ecl. 7. 45. etc. Ed. MARTYNI 8. p. 305.*

- q*) *Impune tutum per nemus arbutos  
Quaerunt latentes et thyma deuiae  
Olentis uxores mariti.*

*Carmin. Lib. I. Od. 17. ad Tyndarid. Ed. GESNERI p. 42.*

- r*) SCALIGERVS et BOD. A STAPEL *A'dpáχvnr* legi volunt, suadente PLINIO, alterum scribendi genus ad designandum olus, nobis Portulaca dictum, seruantes. V. eorum commentarii ad THEOPHRASTVM *l. c. p. 18. 19. 244.*

- s*) *Loc. cit. p. 234.* alia loca ut reticeam.

Corticem porro facile dehiscere, dicit, immo etiam fructum eius Comari baccas aemulari; qui characteres prae aliis huius loci sunt. PLINIVS t) pariter eius meminit, similitudinem inter hanc et Vnedonem agnoscens. DIOSCORIDES autem, Ἀνδράχωνν ubique scribendo, Portulacam oleraceam manifeste intellexit. Orientem patriam habet.

### §. 6.

Recensitae ambae species caulem erectum, ut innui, gerunt, in ceteris contra ea in terram prostratus extenditur. *Acadiensis*, cuius natale solum nomen iam indicat, flores hinc inde in caules sparsi competunt, et baccae multa semina fouentes. Folia vero ouata margine leuiter ferrato habet.

Proxime huic affinitate *Arbutus alpina* iungitur, cuius folia, in rugas crispata, ferrato parites ambitu terminantur. Fusius illam ill. LINNEVS u) et ill. HALLERVS x), descriptam, depictam vero elegantissime cel. OEDERVS y) et cl. LIGHTFOOT \*), exhibuerunt.

### §. 7.

Vltima huius generis ista est, quam *Vuam vrsi* appellant, quae a proximis duabus foliis margine integer-

t) *Loc. cit. lib. 13. cap. 22. Ed. DALECH. p. 620.*

u) *Flor. Lapp. p. 122.*

x) *Enumer. stirp. Helv. p. 415. EIVSD. Hist. stirp. Helv. n. 1019.*

y) *Flor. Dan. Fasc. 2. Tab. 73.*

\*) *Fl. Scot. Tab. 10. a. b.*

tegerrimis fatis distinguitur. Et haec praecise est, ob quam illa omnia de Arbuto praemisi, vt nimirum, in quo tam a plantis congeneribus, quam ab aliis genere remotioribus, differat, clarum euaderet. Sed adhuc melius discrimen patebit, si stirpem istam, quoad omnes suas partes, ipse definiuero; cuius rei copiam mihi fecit celeberrimus TAYBE, Regiae aulae medicus et Cellensium Physicus dexterissimus, qui quaesito meo satisfaciens, plantam sine mora, vna cum Vaccinio Vitis idaea, recentem Cella mihi benigne misit. Quoniam vero, quum adueniret, baccas iam ferebat: floris specialiozem descriptionem aliunde fumere cogor. Geninarum cl. LÖFLING \*\*) et pilorum cl. GVETTARD \*\*\*) speciatim rationem habuerunt.

*Descriptio Vuæ vrsi. z)*

*Radix* eius perennis est, lignosa, longe horizontaliter procurrens, numerosos ramusculos s. fibras ad latera emittens, teres, ad exortum fibrarum nonnihil nodosa, in vetustioribus plantis vsque ad pollicem

\*\*) In LINN. *Amoen. Vol. 2. p. 179.*

\*\*\*) *Mem. de l'ac. d. sc. de Paris. 1747. p. 634.*

z) Haec, quam subministro, delineatio ex comparatione plurium exemplorum nata est. Dimensiones partium non possunt non pro soli diuersitate, vt de aetate plantae nihil dicam, variare. V. hac de re cel. Witteb. Prof. BOEHMERI *Diff. de virtute loci natalis in vegetabilia 1761.* Vnicum Vuæ vrsi exemplum, si senescere incepit, saepe spatium sex pedum, diametri ratione habita, in terra Cellensi obtegere, cl. TAYBE mihi perscripsit.



alicem fere, vbi cauli proxima est, crassa, in iunioribus vero culmum frumenti tantum, vel quoddam exilius est, crassitie aequans, cortice fusco tenui, facile siccescente et separabili, vestita.

*Caulis* fruticosus, procumbens, vltra pedem longus, crassitie pennae cygnae aequalis, vel illa inferior. In suprema eius parte, altera, quae terrae incumbit, nuda, numerosi rami, horsum versus flexi, ad acutum non valde angulum, sparsim excurrunt. Teres praeterea est et dehiscente cortice scaber. Truncus et rami maiores fusci sunt; minores vero et foliis instructi, virides et rubescentes. Liber cortici substratus colorem pallide brunum habet.

*Folia* simplicia, ramea, numeroque plurima. Situ alternant, sursum tendunt, marginem cauli quoad plurimam partem aduertentia. Petiolis insident. Figura oblongo ouata sunt, ad basin angustissima, vltra alterum dimidium latiora, latitudine dein decrescente. Vtrinque venis non extra superficiem, si mediam illam excipias, eleuatis, notantur; pagina superiori laete virente, inferiori vero pallida et venis obscurioribus picta, vtraque denique glabra. Margo, qui integerrimus est, in iunioribus foliis pubescit, vbique autem versus inferiorem paginam acutior. Quoad apicem, aliquantum reflexum, iuniora folia parum acuta, cetera obtusa sunt. Ex duobus planis; ad venam intermediam sub angulo valde obtuso

obtusio iunctis, composita esse videntur. Durioris compagis sunt. Ceterum ad pollicis fere longitudinem perueniunt, et perennant.

*Petoli* foliis quadruplo breuiores, compressi, basi autem gibbi, alternis posterius cauli insertis, et rubicundi coloris sunt.

*Flores* a) in apice ramorum racemis simplicibus pro-pendent. Duo vero ad octo vsque sociari solent; quorum quisque proprio suo pedunculo, breuissimo, tereti fere, ad basin squama aucto, infidet.

*Calyx* monophyllus, in quinque partes obtusas fissus, exiguus et pallide purpureus est, nec marcescente corolla simul perit.

*Corolla*, ouum figura referens, ad basin nonnihil plana cernitur. Superius in quinque minutas lacinias obtusas et reflexas, colore carnis tinctas, diuisa est.

*Stamina* decem, quorum filamenta supra crassiora, versus baseos corollae marginem, vbi inserta sunt, gracilescunt, et vix vltra quartam eius longitudinis partem surgunt. Apice totidem *Antheras*, duabus setis instructas, gerunt.

*Pistil-*

a) Cfr. descriptio floris a LINNEO in *Flor. Lapp.* p. 125., ab HALLERO in *Enum. stirp. Helv.* p. 416. et *Hist. st. Helv.* n. 1018, item a SEGVIERO in *Plantar. Veronens.* Vol. 2. p. 275. suppeditata.



*Pisillum* vnicum adest. Huius *Germen* ouatum intra calycem collocatur. *Stylus* stamina longitudine superat, et in *Stigma* obtusum terminatur.

*Fructus* bacca est, glabra, aliquantulum depresso, primum alba, dein rubra, pisum magnitudine aequans, stigma orbiculare brunum ex calyce infra, punctum vero minutum eiusdem coloris ex stylo supra, habens. Discissa externa epidermide, pulpa farinacea alba insipida apparet, loculos quinque continens, in quibus

*Semina* totidem, ossea, extus conuexa et gibba, ad centrum vero, ubi uniuntur, linea recta et acuto angulo terminata, et plurimam baccae partem implentia, iacent.

*Receptaculum* inferum est, siue germine situ inferius reperitur.

### §. 8.

Iam apparebit, quo iure Vva vrsi ad Arbuti genus referatur. Attamen fuere quidam, iique botanicorum celeberrimi, inter quos RAIVM, MAGNOLIVM, CHRISTIAN. KNAVTIVM, BOERHAAVIVM, ADANSONIVM, QVERIVM nomino, qui separandam istam ab Arbuto, paucitate seminum haud dubie praesertim inducti, arbitrati sunt. Vix vero vnicum plantarum genus exploramus, quin modo hanc, modo illam floris fructusue partem in distinctis eius speciebus variare obseruemus. Sic in Gentianis corollas

mox

mox in 5, mox in 4, mox in 8 lacinias diuifas inuenimus. Campanularum pericarpia mox 3 mox 5 loculos fouent. Similis diuerfitas in Valerianis ratione ftaminum numeri et in Rumicibus ratione eorum cum pistillis vel confortionis, vel ab iisdem feperationis, obtinet. Et plura hac de re exempla nobis Verbenas, Daturas, Rhamnos, Scabiofas, Papauera, Thaliſtra, Cleomes, Valantias, Sidas, Fumarias, Ceraſtia, Conuallarias aliasque examinantibus, obuiam veniunt. Deinde reſpectu ad cetera rite habito, ſpecies iſtas omnino coniungere licet, quae, fructu etiamſi diſcrepent, flore tamen inter ſe congruunt. b) Hoc perſpicientes eximii viri HALLERVS et LVDWIGIVS illam Arbuto addere cum LINNEO non dubitarunt, in quo omnes fere poſtea noſtri aevi botanici imitatores habuerunt.

## §. 9.

Nec ſtirpem noſtram, a Vaccinii ſpecie, Vitis idaea, Suecis autem Lingon, Germanis rothe Heidelbeere, Kronsbeere item Preiſſelbeere, dicta, diſcernere erit difficile. Nam in Vitis idaea folia latiora ſunt, et ſtatim, vbi petiolis inferuntur, ouata ſiunt, in ſuperficie autem inferiori punctis crebris c) nota-

b) LINN. *Philosoph. bot.* §. 175. et 176.

c) QUUM C. BAVHINVS (*V. Pinax* p. 470.) Vuae vrſi folia *veluti punctata* deſcribit, reſpexiſſe ad venas cenſendus eſt, quae, quippe infra crebras anastoſes facientes, punctis quaſi obſitam reddere ſuperficiem videntur. Ill. HALLERVS VERO BAVHINVM, in deſcriptione foliorum Vuae vrſi, Vitem idaeam ante oculos habuiſſe exiſtimat. *V. Opuſc. bot.* p. 138.

notata apparent. Sed multos alios characteres, distinctioni struendae peridoneos, obseruavi. Huius enim caules non procumbunt, sed oblique assurgunt; inferne insuper paucioribus cum ramis, tum foliis, instructi. Cortex heic non fuscum colorem habet, nec dehiscit, sed viridis et firmus est. Corolla profundius incisa campanulam fere refert; ut de staminibus, quorum modo octo hic adsunt, et de receptaculo, quod superum est, nihil dicam. His adde, quod baccae, in Vitis idaea *d*) magis globosae, succo grate acido turgeant, et loculos quatuor tantum, semina numerosa continentes, habeant.

### §. 10.

An Vva vrsi iam in veterum cognitionem usumque venerit, paucis nunc dispiciam. Sunte), qui DIOSCORIDEM *f*) illam sub Ἰδαία ρίζη voce descripsisse existimant, non tam, me quidem iudice, characteres eius, quos allegat, externos, quam virtutem, quam illi tribuit, medicam considerantes. Etenim, ob adstringendi vim, in alui laxitate, muliebri fluxione et haemorrhagiis sistendis, radicem istam commodam habet. Quam debili vero fulcro nitantur, qui ex effectu, quem stirpes in corpus nostrum exserunt, earundem vel affini-

*d*) V. eius icon in *Flor. Dan. Fasc. I. Tab. 40.*

*e*) Ex. gr. DALECHAMPIVS in *Hist. general. plant. p. 193. c. BAVH. Pin. p. 470.* Notari tamen debet, DALECHAMPII figuram non veram Vuae vrsi formam exprimere.

*f*) *Mat. med. L. 4. c. 42. Ed. VERGILII p. 487.*



affinitates vel discrimina hariolari fatagunt, vel me non monente, quisquis perspicit. Sed vtut breuis et manca delineatio, quam de Idaea radice DIOSCORIDES exhibet, censenda sit: quum tamen folia illi, Rusco g) (Ο'ξύμυρσίνη) similia, tribuat, quibus pampini vel ligulae (ἐλικες), ex quibus flos surgat, adhaereant, non Vuam vrsi, sed Hypoglossum potius, ab Equ. A LINNÉ ad Rusci genus pariter relatum, indicare voluisse, cum FABIO COLVMA h) arbitror. Nec huic opinioni vis Hypoglossi contraria est. Quam GALENVS i) Ideam radicem appellat, cum illa DIOSCORIDIS, saltim si virium nominisque conuenientia acquiescere liceat, congruit. Et idem de Idea herba PLINII k) sentire fas est. Verum minus falli videntur, qui CLVSIO l) adstipulantes, inter Α'ρχου σταφυλῆν GALENI m) nostramque Vuam vrsi nihil discriminis intercedere credunt. Planta nempe, quam haemoptoicis commendat, secundum illum in Ponto crescit, humilis et fruticosa est, folio Memaecyli n), fructum ferens rubrum et rotundum, gustu au-

B 2

sterum.

g) Ruscum aculeatum LINNEI procul dubio intellexit.

h) Φυτοβασανος, Neapol. 1592. p. 63.

i) De simpl. medic. facult. L. 6. c. 9. Ed. CHARTER. Tom. 13. p. 78.

k) Hist. nat. L. 27. cap. 11. p. 1209. Ed. DALECH.

l) Rar. plant. hist. L. 1. c. 41. p. 63.

m) De compos. pharm. sec. loc. L. 7. c. 4. p. 548. Tom. et Edit. cit.

n) Memaecylum Comari fructum proprie significare, supra iam retuli, sed eadem denominatio ipsi quoque arbori nonnunquam competit; qua de re consule inter alios MATTHIOLVM in Comment. in DIOSC. lib. 1. Ed. C. B. p. 151.

*sterum.* Hae certe notae haud ita commode ad Ribes rubrum, quod GALENI Αῤῥκου σταφυλῆν esse quibusdam placet, quos vero MATTHIOLVS o) strenue increpat, applicari possunt. Quicquid demum sit, in tam dubio tramite de hac tota quaestione haesitanter pronunciare praestat, quam intempestiua in veteres, magni alios faciendos, veneratione, et huius plantae cognitionis laudem adiudicare illis velle.

### §. II.

Stirps tanta annorum serie cognita, non potuit non multis iisque diuersis plane nominibus cumulari, quorum tamen *Vuae vrsi* vox maxime sollemnis est. Vuam, ni fallor, ideo eam dixerunt, quod baccae in racemos, vuarum instar, congregantur; vrsis vero in deliciis esse, indeque epitheton eius traxisse ortum suum, docet BOERHAAVIUS p). Quam vagae tamen significationis Vuae vrsi nomen olim fuerit, ex DODONAEO q) patet, vtqui Vitis idaeam (Roode Crakebesien), Myrtillum (Swarte Crakebesien), et Pyracantham (Mespili speciem), sub eodem a quibusdam comprehensas esse indicat. Vt vero, quam auctoritatem quoduis nomen, plantae huic tributum, agnoscat, et quinam botanici eius mentionem iniecerint, sciatur, eorum iam tabulam, quantum fieri potuit, locupletem, adponam.

*Vua*

o) loc. cit.

p) *Histor. pl. hort. ac L. B. p. 656.*

q) *Cruydt - Boeck. p. 1297.*



*Vua vrsi*: CLVSII *rarior. plant. hist. p. 63.* TABER-  
 NAEMONTANI *Kräuterbuch p. 1488. r)* RAII *method.*  
*plantar. emend. p. 161.* SCHEVCHZERI *Iter alp. 7.*  
*p. 520.* KNAUTHII *compend. botan. p. 52.* TOVRNE-  
 FORTII *instit. rei herb. Tom. 1. p. 599.* BOERHAAVII  
*index alter plant. Hort. L. B. Tom. 2. p. 219.*  
 Item *Hist. plant. Hort. L. B. p. 656.* ZWINGERI  
*neu-vollkommenes Kräuterb. p. 85. a. 1745.* SEGVIERI  
*plant. Veronens. Tom. 2. p. 275.* LVDWIGII *Defin.*  
*gener. plant. p. 38.* MILLERI *Gardeners Dictionary*  
*Ed. 4. 8.* MISLEYI *descriptio in Haenii Rat. med.*  
*Tom. 2. p. 160.* OEDERI *Flor. Dan. Fasc. 1. p. 8.*  
*Tab. 33.*

*Vua vrsi Galeni apud Clusium*: LOBELII *stirp. hist. p.*  
*547.* PARKINSONII *Theater of plants, p. 1457.*

*Vua vrsi foliis ilicis*: WAGNERI *Hist. nat. Helv. 289.*

*Arctiostaphylon*: SIEGESBECKII *primitiae flor. Petrop.*  
*p. 13.*

*Arctostaphylos*: ADANSON *Familles des plantes Tom. 2.*  
*p. 165.*

*Arbutus caulibus procumbentibus, foliis integerrimis*:  
 LINNEI *Flor. Lapp. p. 123. Tab. 6. fig. 3; Hort.*  
*Cliff. p. 163; Mat. med. p. 72; Flor. Suec. Ed. 2.*  
*p. 138; Spec. plant. Ed. 2. p. 566; Syst. veg. Ed.*

B 3

14.

r) DALECHAMPIVM huc ponerem, nisi in sua *Vua vrsi* sai-  
 narum et foliorum in ambitu dissectorum meminisset,  
 quae in nostram non quadrant; ut igitur aliam plan-  
 tam eum indicasse certo certius sit. V. EIVS *Histlor.*  
*gen. plant. p. 133.*

14. p. 408. HALLERI *Enumer. stirp. Helv.* p. 415. ROYENI *Flor. Leyd. Prodr.* p. 440. WACHENDORFII *Hort. Ultrai. ind.* p. 76. HILLII *History of Plants* p. 426. ZINNII *Catal. plant. Götting.* p. 201. SCOPOLI *Flor. Carniol. Ed. 1.* p. 275. *Ed. 2. Tom. 1.* p. 288. GORTERI *Flor. Ingr.* p. 64. IAQVINI *Enumer. stirp. Vindob.* p. 70. GOVANI *Hort. Monsp.* p. 208. *Fl. Monspel.* p. 46. WILCKII *Flor. Gryph.* p. 64. WEIGELII *Flor. Pomerano - rugica* p. 77. GVNNERI *Flor. Norveg.* p. 64. MÜLLERI *Fl. Fridrichsdal.* p. 77. LIGTHFOOTII *Flor. Scotica.* p. 216. *Tab. 11. c. d.* RETZII *Fl. Scandin.* p. 78. GMELINI *Fl. Sibir. Tom. 4.* p. 118. GLEDITSCHII *Forstwissen-schaft, Vol. 2.* p. 172.

*Arbutus caulibus procumbentibus, foliis duris integerrimis*; HALLERI *Hist. stirp. Helv. n.* 1018.

*Arbutus procumbens, foliis ovatis solidis*: HALLERI *Enum. plant. Götting.* p. 164.

*Arbutus Noueboracensis* Bearberry: COLDENI *plant. Coldingh. in Act. soc. scient. Vpsl. a.* 1743. p. 81.

*Arbutus foliis integris*: GERARDI *Flor. Gallo - prov.* p. 439.

*Radix idaea putata et Vva vrsi*: IO. BAVHINI *Hist. plant. Lib. 5.* p. 523. CHABRAEI *stirp. icones et sciagraphia* p. 40.

*Vitis idaea foliis carnosiss et veluti punctatis*: C. BAVH. *Pinax* p. 470. RALL *Hist. plant.* p. 1489.; *Stirpes extra Brit.* p. 263.

*Vitis*

*Vitis idaea rubra Bauarica*: CAMERARII Hort. med. et phil. p. 182.

*Vitis idaea repens*, fructu rubro farinaceo: LINDERI Flor. Wiksberg. 40.

*Vitis idaea foliis oblongis acuminatis*, baccis rubris insipidis: RVDBECKII Lapp. illustr. 9.

*Vaccinia rubra farinacea*: FRANKEN. Spec. botan. 38.

*Myrtillus maior et minor*: TILLANDSII Catal. plant. Aboens. 47.

*Myrtillus ruber minor humiserpens*, fructu farinaceo;  
*Myrtillus ruber maior*, fructu farinaceo: BROMEL. Chlor. Goth. 71. RVDBECKII Catal. pl. Vps. 29.; Hortus botan. 77.

*Buxerola in Gallia vulgo*: SAVVAGESII Nosol. method. Tom. 1. part. 1. p. 165. et part. 2. p. 200.

An *Chamaerhodendros alpigena odora*: LOBELII Stirp. aduersaria p. 154. et GERARDI: Herball. p. 1221. huc referenda, aliis dirimendum relinquo.

## §. 12.

Anglis *Vua* vrsi sub nomine *Spanish Redwhort*, PARKINSONIO MILLEROQUE testibus, et *Bear Whortleberry* teste LEWIS, venit, *Bearberry* autem in Noue-boracensi Americae prouincia, vt supra indicatum, vocatur. Galli *Boufferole* s. *Buxerole* eam nominare secundum GOVANVM et SAVVAGESIVM, vti etiam *Vigne d'ours a)* vel *Raisin d'ours*, solent. Hispani

B 4

multa

a) BARBEIRAC medicament. constit. Lugd. 1760. p. 211.

multa illi pro diuersitate prouinciarum nomina impertiunt, e quorum maxime vulgare *Gayubas* esse, QVERIO fidas. In Suecia voce *Miölonris* vbiuis nota est, aliis etsi illa *Miölon*, *Miölbärsris*, sicut Gotlandis *Linbär*, Ostrogothis *Miölabär b)*, magis arridet. Cum hac denominatione illa *Meelbär c)* inter Norvegos vsitata conuenit. A Russis vocatur, significante GORTERO, qui nomen litteris Russicis scribit, *Medveschi Volschi Iagodi*, item secundum Pharm. Rossicam (p. 55.) *Tolocknjanka*; a Iacutis *Ongochtach Oton* teste GMELINO: Oton autem baccam denotat. Germania stirpem nostram pariter multis nominibus ditavit. CAMERARIUS nempe eam *Steinbeerlein*, ZWINGERUS *Bärbeerstaude*, cel. KAESTNERUS d) *Mehlbeere*, et cl. GERHARDUS e) *Bärentraube*, dixerunt; et a Cellensibus \*) voce *Moorbeere* insignitur. Ill. HALLERUS f) vox *Sandbeere* prae aliis placet. An haec ipsa eadem sit, quam CHARLEVOIX *petit Buis de Canada g)* vocat, de eo, quoniam baccis succum grate acidum adscribit, quodammodo ambigo, licet stirpem nostram in Canada crescere tanta minus dubium

) LINN. *Flor. Suec. l. c.*

c) *Flor. Dan. l. c.* PONTOPPIDAN'S *natural History of Norway T. I. p. 134.*

d) *Schwed. Abhandl. 1743. p. 237.*

e) V. ei. *Bärentraube chymisch - medicinisch betr.*

\*) TAVBE in *Beiträgen zur Naturkunde d. Herzogth. Zelle P. I. p. 75.*

f) *Götting. Anzeig. St. 26. a. 1764.* in libelli censura, cuius, ni fallor, auctor est.

g) *Histoire de la nouvelle France, Tom. 2. additament. p. 53.*



bium sit, quum et KALMIVS \*\*) eam ibidem copiose crescentem viderit, ita vt sub nomine *Sagackhomi* infantibus adeo nota esset, et Equiti a LINNÉ olim sub nomine *Iackashapuck h)*, tanquam Americanis septentrionalibus familiari, ex Anglia missa fuerit. Belgae \*\*\*) eam *Beerenbezien* nuncupant.

## §. 13.

Non is quidem sum, qui plantarum cognitionem ex imaginibus addiscendam, sed naturam, omni imagine, Ehretiano licet penicillo picta, praestantior, consulendam, suadeam: attamen, si plantam ipsam conspicer, non contingat, multum ex comparatione bonae eiusdem descriptionis cum icone fide delineata, adiumenti accedit. Eo igitur sine figuras, Vuam vrsi repraesentantes, indico. CLVSIVS primus est, qui eam delineandam curauit, quod rudius quidem factum, vtpote quum iconem in lignum incisam sistat, ita tamen, vt haud aegre eam cognoscas, quamuis folia pleraque nimis acuta appareant. LOBELIVS et PARKINSONIVS, prout totam CLVSII iconem in sua opera transtulerunt, nec hanc mendam transferre intermisere. TABERNAEMONTANI icon, quam ZWINGERVS imitatus est, ex maiori exemplo, nec male, descripta est. 10. BAVHINI figuram autem minorem, et praecedentibus

B 5

facile

\*\*) *Resa til Norra America Vol. 3. p. 426.*

h) *K. Vet. Acad. Handl. 1743. p. 292.*

\*\*\*) SANDIFORT in versf. Belg. libri ROSENSTEINII *Van de ziekten der Kinderen p. 135. not. t.*



facile postponendam, deprehendes, quam tamen CHABRAEVS denuo recusam praestitit; nec florem, sed fructum, sistit. In omnibus vero, vti et in quibusdam sequentium culpandum est, quod erectos caules, nec, vt fieri deberet, procumbentes depingant. DALECHAMPII figuram, Idaeae radicis descriptioni additam, Vaccinium vitis idaea maiori iure sibi vindicat. IO. GERARDI, Angli, icon, Chamaerhodendro alpigenae dicata, huius forsitan loci est. TOVRNEFORTIVS florem eiusque varias partes, nitide, vt solitus est, depictas, praestitit. Proximus huic ill. A LINNÉ est, qui in *Flora* sua *Lapp.* elegantem fidamque eius figuram dedit, quam cl. GERHARDVS suae de *Vua vrsi* commentationi adiecit. Quae in CHARLEVOIXII historia nouae Franciae occurrit, modo ad *Vuam vrsi* pertineat, pusillum nimis exemplar exhibet. QVERII icon, quem et DILLON \*) recudi curauit, venas foliorum nimis ornatas sistit et apices iusto acutiores. Vitiis hisce caret icon GIRARDI. Quae denique in *Flora Danica* i) comparet, eaque coloribus suis nitidissime picta, egregie characteres exprimit, nec huic perfectionis aliquid deest, nisi quod praeter ramulos abscissos integram plantam simul delineatam desiderares. Eadem querela in diiudicanda icone LIGHTFOOTII redit, nisi adeo credendum sit, apices ramulorum ex priori figura mutuatos esse.

§. 14.

\*) *Travels through Spain.*i) *Fasc. 1. Tab. 33.*

## §. 14.

Quanquam non omnibus, qui de plantis in systema redigendis bene meruerunt, botanicis, haec nostra stirps nota fuit: plerique tamen vel varias, sub communi Arbuti nomine, species, vel vnicam saltem memorarunt. Cum hac ideo ob similitudinem copulare licet Vuam vrsi. Quin illos etiam attingendos duco systematicos, qui plane Arbuti genus silentio praeterierunt; vt nimirum, quodcunque aliquis systema sectetur, statim sciat, quorsum collocare eandem, vel vbinam exquirere queat. Pertinet itaque ad

CAESALPINI *k)* *classẽm* 2. arborum, corde e basi feminum, feminibus pluribus; *ordinẽm* 3. flore in fede fructus.

MORISONI *l)* *cl.* 1. arborum; *ord.* 6. bacciferarum polypyrenarum.

RAII *m)* *cl.* 29. arborum et fruticum bacciferorum non vmbilicatorum; *ord.* 4. fructu polypyreno.

CHRISTOPH. KNAVTII *n)* *cl.* 17. fruticum; *ord.* 1. bacciferorum perpetua fronde virentium.

HER-

*k)* De plantis lib. 16. p. 103. Arbutum Vnedinem L., non vero Vuam vrsi, tangit.

*l)* Huc LINNEVS Arbutum collocat (V. *Classes plant.* p. 38.) vsus sine dubio ANONYMI, quem allegat, *hisor. nat. Sciagraphia*, quam ego vero nunquam vidi.

*m)* *Meth. pl. emend.* p. 161 Vuam vrsi ab Arbuto distinguit.

*n)* Non inserta quidem Arbutus est eius *Enumerationi plant. circa Halam*, sed hunc in methodo locum haberet.

HERMANNI o) *cl.* 24. arborum fructu non umbilicato;  
*ord.* 5. bacciferarum polypyrenarum.

BOERHAAVII p) *cl.* 33. arborum et fruticum dicotyledonum, flore monopetalo; *ord.* 2. ovario intra florem, fructu feminibus ossibus foeto.

RIVINI q) *cl.* 1. florum regularium monopetalorum;  
*ord.* 13. bacca s. pericarpio molli paruo.

RVPPII r) *cl.* 1. fl. regularium monopetalorum; *ord.* 15. bacca polypyrena.

LVDWIGII s) *cl.* 1. fl. monopetalorum regularium;  
*ord.* 9. decantherarum.

CHRISTIAN. KNAUTHII t) *cl.* 1. fl. monopetalorum unifornium; *ord.* 17. capsula simplici carnosa pentasperma.

TOVRNEFFORTII u) *cl.* 20. arborum monopetalorum;  
*ord.* 2. quarum pistillum abit in fructum feminibus ossibus foetum.

MAGNO--

o) *Flor. Lugd. Bat. opera* LOTH. ZUMBACH p. 167. Vuae vrsi speciatim non meminit.

p) *Index alter. plant. L. B. Tom. 2. p. 219. et hist. plant. L. B. p. 656.* Vna vrsi ab Arbuto separatur.

q) Quanquam nec in RIVINI operibus nec HEUCHERI *Horto Witt.* obuiam venit, hisce tamen non inepte adiicitur.

r) *Flora Ienens. Ed. HALLER. p. 52.* Occurrit hic modo Arbutus Vnedo L.

s) *Definit. gen. plant. 1747. p. 38.* Arbuto Vuam vrsi iungit.

t) *Compend. bot. s. meth. plant. genuin. p. 52.* Seorsim describitur.

u) *Instit. rei herb. T. 1. p. 599.* Seiungit illam ab Arbuto.

MAGNOLII x) *cl.* 15. arborum et fruticum duplici calyce, externo et interno; *ord.* 2. flore monopetalo.

LINNEI y) *cl.* 10. decandriam; *ord.* 1. monogyniam.

ROYENII z) *cl.* 17. plant. diplosantherarum; *ord.* 1. antheris bicornibus.

HALLERI a) pl. petaloideas, dicotyledones, diplostemones.

WACHENDORFII b) pl. pollaplostemonopetalas diplostemones.

GLEDITSCHII c) pl. petalostemones decantheras.

WERNISCHECKII \*) *cl.* 3. fl. monopetalorum simplicium limbo corollae quinquefido; *ord.* 1. monogyniam.

§. 14.

Qui in partiendis stirpibus ordinem naturalem sectantur, normam istam, quam solidior quisque bota-

x) Hic locus illi secundum eius systema assignari posset. Omissa vero est, in *Novo charactere plant.* a filio edito *Monsp.* 1720. In *Prodromo hist. gen. plant.* 70. diuclititur ab aliis Arbuti speciebus.

y) *Syst. nat. T. 2. p. 488.*

z) *Florae Leyd. prodrom. p. 440.* Varias Arbuti species complectitur.

a) *Enum. stirp. Helv. p. 415; et Enum. plant. Götting. p. 164.*

b) *Horti Ultrai. ind. p. 77.*

c) *Syst. plant. a flam. situ 1764. gen. 941.*

\*) *Genera plant. secundum numerum laciniarum corollae, 1764. gen. 262.*



botanicus tanti iure aestimat, ob defectum vero cognoscendarum specierum nondum stabiliri fatis posse, dolet, *Bicornibus* Vuam vrsi adnumerare solent. Inter has plantas ab ill. LINNEO *d)*, ROYENIO, ZINNIO et GERARDO collocatur. Nomen ordo ex fetis istis duabus, quae, cornuum instar, antheris plerarumque eius specierum insident, gerit. Conveniunt huius generis plantae in eo, quod foliis alternis instruantur, virore perpetuo delectent, ex semine difficillime propagentur, et adstringendi vim habeant. Differunt vero corolla, quae in quibusdam, ut *Arbuto*, *Vaccinio*, *Erica*, *Azalea*, monopetala; in aliis, ut *Memaecylo*, *Lawsonia*, tetrapetala; in reliquis, ut *Clethra*, *Ledo*, *Pyrola*, pentapetala est. Cl. SCOPOLI primum *e)* classi suae 12. *Blattariarum* illam addidit, et praeter alias, innoxiae huic plantae cum solanaceis, haud ita fidis focus, connubium tribuit; ferius *f)* Tribus 16. *Polymorpharum* genti 2. et quidem diuisionis 2. ordini 2., qui complectitur plantas *flaminibus pluribus et segmenta calycis vel corollae*, illam inseruit. Et ADANSON illam ad sua *Vaccinia* refert.

### §. 16.

In septentrionalibus Europae regionibus in primis copiose crescit: interim nec australes respuit. Ita legerunt illam in Hispania, in colle prope vicum  
Venta

*d)* *Gener. plant. a. 1764. Ord. nat. 18.*

*e)* *Fl. Carniol. Et. 1.*

*f)* *Introductio ad hist. nat. p. 200.*



Venta el bahul, inter Guadix et Baça, in regno Granatenfi, CLVSIVS, et ferius QVER tot in locis, Castilia, Leona, Asturia, Catalonia aliisque; vt ea recensere operae pretium non existimet; item nouissime auctor *Synopseos stirp. Arragoniae* (p. 5.) in multis tractibus Arragoniae; in Gallo-prouincia, in monte Esperou, SAVVAGESIVS, GOVANVS, GERARDVS; in Italia, in altioribus Baldi montis iugis, et in montibus Tridentinis, SEGVIERVS, et circa Neapolin QVER; in Corsica VALLE g), in Heluetia, circa Geneuam, in monte Iura, in Gemmio aliisque locis, BAVHINI, RAIVS, SCHEVCHZERVS, HALLERVS; in Finnia TILLANDSIVS; in Lapponia et Suecia, praefertim in insula Gothlandia circa Wisbyam h), LINNEVS; in Norwegia passim OEDERVS; circa Petropolin SIEGESBECKIVS et GORTERVS; in tota Sibiria etsi non valde copiose GMELINVS; prope Wolgam copiosissime GEORGI i); in insula Beringiana prope Kamschadaliā STELLERVS \*). Quod ad Germaniam attinet, vidit eam, in Austria prope Vindobonam et in alpihus prætenfibus, IACQVINVS; in Carniola, in monte Grindowitz et alpihus Vochinensibus scopoli; in Styria, in alpihus niualibus dictis, MISLEYVS; in Pomerania in sylua Gryphiae vicina rarissime, WILCKE; in Rugia adiacente copiose WEIGELIVS; in Silesia superiori Comes MATTVSCHKA \*\*);

in

g) *Nov. act. nat. cur. T. 4. p. 207.*

h) *Öländska och Gothländska resa, p. 182.*

i) *Reisen, Vol. 2. p. 875.*

\*) *PALLAS in n. nord. Beytr. Vol. 2. p. 300.*

\*\*) *Schlesf. Pflanz. P. I. p. 364.*

in Marchia electorali ad canalem Friderici Wilhelmi et alibi in Lusatia inferiori GLEDITSCHIVS \*); ad Hassiae montem Weissner MOENCH k); in Alsatiae monte Breitenau et in Sundgovia MAPPI l). In terra Hannoverana hucusque tantum in ducatu Cellensi versus Schelplau m) et regione pago Sülze vicina reperta fuit. Nam nec catalogi Flor. Gött. nec opuscula botanica, quibus ill. ab HALLER itinera sua Hercynica inseruit, montes huius nominis Vuae vrsl patriam constituunt. In Britannia teste WHITERING n) in Scotiae montosa parte (Highlands) et Walliae montosis sponte crescit. Accuratus stationes eius in Scotia et insulis occidentalibus, item in Anglia, cl. LIGHTFOOT determinat. Memorabile est, quod, testibus CHARLEVOIXIO et LINNEO, etiam ad fretum Hudsonis in America, habitet, et ex observatione KALMI 22 miliaribus trans Quebecum ad promontorium Cap aux Oyes, vbi quidem copiose occurrit. In Islandia eam detexit cl. KÖNIG o).

Dele-

\*) *Forstwissenschaft, Vol. 2. p. 174.*

k) *Pl. indig. Hass. P. I. p. 199.*

l) *Plant. Alsat. p. 334.*

m) *V. praeter Catal. Flor. Gött. HALLERI et ZINNII ll. cc. HALL. Disp. observationes botan. et med. resp. WIL-LIGIO Gött. 1747. p. 7. et cl. TAVBII Beitr. z. Naturkunde v. Zelle P. I. p. 75.*

n) *Botanical Arrangement of all the vegetables growing in great Britain, Birmingham, 1776.*

o) *Vid. MÜLLER in Nov. Act. nat. cur. T. 4. p. 207.*

Delectatur vero vbiuis *locis apricis*, incultis, *fabulosis*, sterilissimis et aridissimis, vel in *montibus*, vt exposui, vel in *syluis* reperiunda. Praeferri pro vsu medico eae plantae debent, quae locis apricis nascuntur, reliquis, quae opaca loca occupant *p*).

## §. 17.

Hanc foli indolem imitari arte debent, qui de transferenda planta solliciti sunt. Vix enim, nec nisi difficultate summa, feminibus propagare se finit, quod et de reliquis bicornibus valet. Attamen et ipsa eius translatio ob tenuem, quo radix vestitur, corticem, facillime, euulsa planta, siccescente, multum taedii parit. Vulgare est artificium, plantas in alia loca remouendas cum gleba radicem circumdante excindere, quod MILLERVS *q*), hortulanorum princeps, et de *Vua* *vrfsi* nominatim commendat. Interea tentari meretur, an cl. GERHARDI *r*) consilium, qui eam in vas aqua recenti plenum coniiciendam ibidemque tam diu seruandam, donec transferri queat, suadet, melius succedat. Etiam si vero in hortis radices agat, paullo post tamen, aegre hocce hospitium ferens, emori solet.

## §. 18.

Botanicorum pariter ac pharmacopolarum scire interest, quando flores suos emittat, horum inprimis

*p*) GIRARDI *l. c. p. 457.*

*q*) GARDENERS *Dictionary*, sub titulo. *Vua vrfsi.*

*r*) V. EIVS *Bairentraube p. 18.*

mis vt tempestiue eam pro aegris colligere possint. Sponte autem patet, *florendi tempus* pro climate diverso varium esse. In Hispania iam *Martio* m. florentem eam vidit CLVSIVS, consentiente QVERIO, qui tamen et *Aprilem* memorat. In Austria vero *Maio*, IACQVINO teste, hoc vigoris sui fastigium attingit: quod idem fere in Suecia est, vbi versus eiusdem finem floribus ornatur. Ex his regionibus tantopere a se remotis, tempora, quibus alibi floreat, augurari, haud ita difficile erit. Baccas tandem versus *Decembris* finem Cellae *maturefcere*, cl. TAVBE observavit; in Hispania m. *Septembri* vel *Octobri* QVER.

## SECTION II.

### ANALYSIS VVAE VRSI CHEMICA.

#### §. I.

**A** botanico isto Vuae vrsi scrutinio ad chemicum me conféro; simpliciori tamen illam examini, nempe sensibus peracto, prius subiiciens.

Hora a. m. 10. ingessi pulueris *foliorum* grana 6, quae vndique in ore lingua agitans palato demum firmiter admoui. Adstringentem s. stipticum *saporem* statim percepi, postea vero haud ingrate amarum. Intra 4 minuta temporis prima, tantum salivae effluxerat, vt vix illam ore continere possem, vnde eam deglutiui. Post 2 circiter minuta omnis fere amarities cesserat. Verum successit ardor quidam linguae, palati et faucium, et levis pharyngis quasi con-



constrictio. Interim per quadrantem horae sapor herbaceus remansit, salina sensim sensimque dulcescente. Post deglutitionem salinae linguaeque ad palatum deterisionem, humida tamen satis apparuit, imo adhuc continuo, etsi minus copiose, salinalis latex interna oris rigauit. Dimidia hora exacta, omnis fere faucium ardor siluit. Eadem semper repetito periculo animaduerti, modo quod propulueris copia vel magis vel minus intensa vis eius esset; adeo, ut maiori quantitate ingesta, linguae papillas, praesertim maiores, turgere plus solito obseruarem. Amaritiei quoque sensus diutius durauit, quando, puluerem quo minus exspuerem vel deglutirem, mihi temperare poteram.

Caules teneriores, fragiles, f. *stipites*, foliis proximi, amaritudine foliis magnopere cedere, sed adstrictionis sensu istis potiores esse, mihi visi sunt; tanto magis austeri, quo propius radici gustabantur, amaritiae eadem proportionem decrescente. Virtutes vero hae foli cortici, vix ligno, inhaerent.

*Odore* omnia folia destituuntur, nisi quod in puluerem redacta, dulce illud (liceat ita dicere) quod radix Liquiritiae vel eius succus spirat, quodammodo aemulentur.

*Color* pulueris foliis integris, quae viriditatem graminis habent, aliquantum pallidior est. Vnde, si ab isto deflectit, caules vel folia marcida et effoeta, utpote quae bruna vel subnigra, admista esse, indicio esto.

## §. 2.

Dum experimenta, quae feci, chemica iam recensere animus est, nolo aliquem, quod statim ab initio monendum iudico, illa eo fine suscepta arbitrari, ut modum, quo in corpus nostrum vim suam stirps exferat, exinde eruerem. Nam probe persuasum mihi habeo, quod chemia corpora saepe ita immutet, ut partes eliciantur longe alius naturae, quam quae ante adfuerunt; quod in recludendis iisdem crebro debilis nimium sit; quod vegetabilia, virtute licet diuersissima, easdem tamen paresque sub examine chemico partes exhibeant; quod corpori nostro non tanta vis, quae igni vel menstruis fortioribus, competat; quod denique, etiamsi per chemiam natura vegetabilium indagari posset, pro corporis tamen nostri diuersa conditione eorum vis variet: ita ut constantia effectus, cuius herbae capaces sunt, tamen non nisi experimentis apud ipsos aegros captis, addisci possit. Frustra igitur plurimam partem experimenta a membris academiae scient. Paris. cum tanto plantarum numero instituta esse videntur, nisi vtiliter facta esse dixeris, quoniam praeiudicatis de harum analysium usu opinionibus multos exuere valuerunt. Hanc chemiae ad virtutem medicamentorum explicandam impotentiam scriptis quoque suis, ut alios taceam, BOERHAAVIUS a), CHOMELIVS b), BVCHNERVS c) et ferius

a) *Elementa chem. Tom. 2. p. 11. sq. Ed. Lips.*

b) *Abregé de l'histoire des plantes usuelles Tom. 1. Praef. p. 36. sqq. Ed. 5.*

c) *Diff. de cautelis circa chemicam remedium explorationem resp. I. G. D. KVRSSNER, 1753.*

rius ill. Archiater Regius VOGELIVS d), quem, ob merita in rem medicam, etiam post fata suspicio, agnouerunt. Et mirum est, tot nihilominus tamen adhuc existere eiusmodi tentaminum aestimatores, imo scriptorem nuperum vsque adeo iisdem indulgisse, vt chemiam ad cognoscendam vegetabilium vim ipsa praxi certiore pronuntiaret.

Manet tamen et chemiae suus honos. Quamvis enim, in quo lateat plantae virtus, praecise non detegat: multa tamen experiendo discimus, in medicina ipsa vsum habitura. Nisi MODELIVS e) in corticem Peruvianum chemica arte inquisiisset, etiam nunc rationem probabilem, cur pulvis extracto eius longe praestet, nesciremus. In extracto nempe, quacunque ratione parato, ne minimum quidem particularum ferrearum vestigium inuenit, quum istae e contrario magna satis quantitate in terra, ex cineribus corticis crudi elicita, sese proderent. Nec negari poterit, historiam plantae tanto completiorem euadere, si chemice quoque considerata fuerit. *Enfin en sondant et en interrogeant la nature de plusieurs manieres differentes, il y a toujours du profit à faire f).* Sunt HOMBERGII verba, cuius effatum tanto maioris hic faciendum, quum ipse laudem experimentorum chemicorum, prout par est, restrinxerit.

C 3

§. 3.

d) *Diff. de analysi medicamentorum simpl. chem. ad virtutes ipsorum determinandas hactenus perperam adhibita, resp. G. C. WITTE, 1764.*

e) V. *Erus* (eistes) *Schreiben an einen Freund die Bestucheffische oder sogenannte Lamoltische Nerventinctur betreff. Ed. 2. 1762. p. 38 sq.*

f) *Hist. de l'Ac. des scienc. a. 1701, p. 70. et 113. 4.*

## §. 3.

Ante me, praeter cl. GERHARDVM g) et cl. MODERIVM h), nemo, quantum scio, Vuam vrsi chemico examini submisit; eodem autem mecum tempore cl. GIRARDI \*). Ast quum partim noua quaedam experimenta fecerim, partim ante iam facta meis corroborarentur; nec, quae ego obseruauerim, legere pigebit. Qui nouit, quanta sollertia in hisce laboribus opus sit, vt ne quod vitium committatur, non culpae mihi vertet, quod in recensenda methodo, qua vsus sum, solito fufius verfer. Herbam, quam adhibui, Cellae aestate a. 1763. collecta fuit.

## §. 4.

*Extractionibus*, siquidem non tantam ignis vim, ac cetera praeparata, requirunt, ideoque magis ad corporis nostri naturam applicari possunt, in primis immoratus sum.

I. Ad *extractum aquosum primum*, quod vocant, obtinendum, d. 11. Aprilis, *foliorum* Vuae vrsi, in rudiores puluerem redactorum, vnciae 1. sufficientem aquae fontanae quantitatem infudi, et obturata probe cucurbita, eam in arenae balneum, vt digestionem

g) *Bilventraube chymisch - medicinisch betrachtet. 1763. p. 16. sqq.*

h) *Zweytes Schreib. weg. d. Bestuch. Nerventinctur, welchem eine physikalische chymische Untersuchung und Vergleichung der Fiebrerrinde mit der Vva vrsi beygefüget ist. 1763. p. 17. sqq.*

\*) *De Vva vrsina observationes l. c. p. 457.*



stionem subiret, immisi. Digestionem per 14 fere dies continuavi, et tantum aquae, defusione quavis vice, qua noua liquidi pars adiceretur, praegressa, addidi, vt nullus denuo sapor colorue, ex foliis oriundus, perciperetur. Ad hunc vero laborem aquae vncias 24 consumsi. Quod primis defusionibus obtinebam liquidum, fuit valde amarum et adstringens, coloris saturate bruni, vitro vero versus diu directo, gratioris et rubicundioris. Nullum autem odorem, praeter illum, quem puluis foliorum sponte spargit, sensi. Expressione liquidi per linteum digitis facta, illoque per chartam typographicam colato, pondus vnciarum 18 haud superauit.

Odor, qui sub spissatione eius, lento igne suscepta, nares feriebat, aliquid balsamici prodidit. Et spathula ferrea, qua extractum agitabam, nigra euasit, vnde illam reiicere aliamque substituere necesse fuit. Tanta enim stiptica vi polluit. *Extractum* ipsum drachmās 3 et grana 6 pendebat, residua parte ficcata et librata vnciam  $\frac{1}{2}$  granāque 44 constituyente; vt itaque totum pondus granorum 10 dispendium passum esset. Mellis odorem habuit, saporem autem valde amarum et adstringentem, nonnihil insuper empyreumaticum. Postquam in lingua solutum esset, pars quaedam insipida, aegre solubilis, remansit, quae haud dubie resinosae naturae fuit. Ad accessum aëris semper mollius fiebat. Colorem denique eius profundissime brunum inueni.

2. Residuae massae, quantum opus erat, spiritus vini fortissimi infudi, digestionem eius, vt antea factum, pariter per 14 dies perficiens. Impensis spiritus huius vnciiis 18, tincturam nactus sum, oliuarum colorem referentem, amaritie infusio iamiam dicto longe inferiore, et odorem a vini spiritu mutuante. Media digestionem ad cucurbitae latera magna pingue conspexi, fasciam quasi ad superficiem liquidi constituens, quod autem agitatione, squamarum instar, se separabat, et dein solvebatur. Postquam infusum colatum esset, pondus vnciarum 13 habuit.

Hoc, vt *extractum spirituosum secundum* pararem, spissavi. Sed quum in ipso negotio flammam spiritus caperet: aliquid sub extinctione eiectum est; ita vt dein modo vncias 10 reliquas haberem. Massa tum emerfit coloris herbacei, cohaesionem respuens, et postquam siccaretur, sub leui inter digitos tritu in puluerem transiens. Grana 34 graue fuit, sed, si pars amissa pariter in calculum referatur, ad grana 44 aestimari potest. Extractum hocce odorem spiritus vini diu conseruans, saporis initio amari, dein oleosi vel rancidi, fuit. Candelae forficis ope admotum flammam cepit, sed non omnino deflagrans carbonem reliquit, postea adhuc candentem, fumo leue aroma spirante. Quoniam autem gummi admisti satis manifesta indicia aderant, ad illud separandum grana extracti 28 aqua tepida repetitis vicibus elui, solutumque gummi per chartam emporeticam transmissi. Tum resina pura ponderis

deris granorum 20 remansit, tenax inter dentes, atro-viridis, et confusa colorem herbaceum praese ferens, odorem vero cerae.

### §. 5.

1. An proportio inter gummi refinamque eadem semper esset, experturus, mutavi artificium, et iam primam infusionem cum spiritu vini fortissimo feci, *foliorum* rudius comminutorum vncia 1 adhibita. Digestio tum per 2 hebdomades duravit. Affuso defusoque variis vicibus spiritu, et subinde solutis cucurbitae vinculis per lintea expresso, eius vncias 27 impendi. Nam non prius destiti, donec nulla amplius spiritus nec quoad colorem nec saporem mutatio appareret. Tinctura, prioribus defusionibus elicitā, in vitro obscure viridis fuit, ita ut vix solis radii transirent, sed cochleari excepta grate viridis, amara insuper insigniter. Fortiori olfactu balsamici aliquid sentire mihi visus sum.

Infusum vnciarum 25, praegressa eius per colum transmissione, in extracti formam redegi. Notari meretur, quod charta bibula colando viridesceret, et ad marginem eius multum resinae adhaereret. Sub exhalatione nihil odoris specifici animaduerti. Elicui itaque *extracti spirituosi primi*, quod atro-viride erat, odoris parum balsamici, saporis impenso amari, ad aërem mollescentis, drachmas 3 cum granis 26. Residuum vero ficcatum vnciam  $\frac{1}{2}$  aequavit. Vnde patet dispendium hic maximum fuisse, nempe granorum 34, quod tam

exhalationi, quam chartae bibulae, adscribendum. Quum extractum linguae imponerem, spumescere inde salua coepit, eoque fere omnino subacto, spuma tenui vndique lingua apparuit tecta; quod in ceteris extractis non contigit. Etiam heic spiritus multum gummofarum partium euoluerat, vnde veram vtriusque proportionem pernosceri auidus, extracti drachmam 1 aqua tepida solui, et sollerter maceraui. Colato liquido gummi impraegnato, in charta haesit *resina* tenuissime diuisa, quae ficcata grana 14 pendebat. Fuit profunde viridis, initio parum amara, mox vero insipida. Prunae iniecta se crispauit, odorem leuiter aromaticum spargens, et carbonem relinquens. Gummi vero gr. 39 spissando adeptus sum; vt igitur toti ponderi gr. 7 deessent. Gummi istud atro-brunum deprehendi, vehementerque amarum et adstringens, odoris aliquantum balsamici.

2. Residuum superioris extracti digestionem cum aqua commisi. In hac licet supra 2 hebdomades steterit, vix tamen aliquid inde eductum videbatur. Nam praeter colorem pallide brunum nihil mutatum fuit, siquidem sapor omnino fatuus, odor vero nullus alius, quam qui a spiritu vini ante vsurpato remanserat. Vncias ideo 10 aquae adhibere suffecit.

Liquidum hoc colatum et spissatum gr. 26 *extracti aquosi secundi* dedit. Quum vapores ascenderent, balsamici aliquid olfecit. Extractum ipsum balsamici fere odoris, atro-brunum, ad contactum primo



primo quasi resiliens, dein quum siccum esset, fragile fuit; praetereaue notabiliter falsum. Mirabar, vnde sapor ille salinus profectus esset. Verum aliquo tempore post totam eius superficiem crystallis minimis cubicis oblitam, et, fracto illo, innumeras cauernulas, crystallis eiusdem generis, minoribus autem, vestitas; video. Parca nimis salis huius copia impediuit, quo minus indolem eius inuestigare sollicitè possem.

## §. 6.

1. Nolui in extractionibus cum foliis factis acquiescere. Quoniam enim iam gustu inter folia caulesque minores s. *stipites* discrimen fenseram: hosce ipsos singulari chemiae examine dignos iudicaui. En! quae obseruauerim. Stipitum Vuae vrsi fragilium, coloris, quoad maximam partem, bruni, rudiusque contusorum vnciam 1 cucurbitae immisi, quam, debita spiritus vini fortissimi copia affusa, igni digestionibus accommodato imposui. Post 14 circiter dies non amplius ille tingebatur. Adhibitis igitur spiritus vini vnciis 26 liquidoque digitis expresso et per chartam transmissa, adfuit tinctura, primo adspectu profunde bruna, dein vero, quum, sedimine deposito, ad diurnum lumen teneretur, grate rubicunda, instar granati, euadens. Amaritiae fuit infuso spirituofo primo ex foliis inferior; austeritate vero manifeste superior. Odor non alius, quam qui vini spiritui peculiaris est.

Ex hoc infuso, vnciarum 22 pondus aequante, *extractum spirituosum primum* obtinui, atro-brunum, quamuis, quod cochleari, quo infusum spissescens agitabatur, adhaerebat, viride esset. Pendebat drachmas 2 cum granis 4; herba vero residua drachmas 5 et scrupulos 2: vt ideo grana 16 omnino deficerent. Communis illi cum cortice Peruuiano odor, qui stipticam eius vim iam prodit, infedit, inprimis, dum recens erat; nam dein balsamum leuiter oluit. Etiam huic mollescere datum. Sapor eius fuit insigniter adstringens, valdeque amarus. Quin adeo extractum aquos. pr. amaritiae vicit; quod fortassis a maiori vi, qua linguae papillas coarctat, et consequenter amaras partes illi magis imprimit, deriuandum est. Igni admotum non arsit, sed se crispans odorem haud ingratum sparsit. Vt resinam a gummi, quod copiose se admiscuerat, liberarem, extracti drachmam 1 aqua tepida solui, quae pallide bruna et turbida inde fiebat, mox vero grisea et flocculenta. Floccis in fundum delapsis, supra stagnauit liquor brunus, infusum Coffeae referens. Resina statim in fundo vasis se separauit, quare haud aegre bonam eius partem elicere poteram. Liquore colato, in charta perstitit *terra grisea*, in qua resinosae particulae, viriditate sua conspicuae, micabant; quibus vero, saepius etsi affusa tepida aqua, seiungendis non par eram. Terra ipsa, crebro antea lota, dedit, postquam illam siccaissem, puluerem subtilissimum insipidum ponderis gr. 9. Ex liquore autem illo bruno post exhalationem recuperaui *gummi* coloris rufi, extracto ipso minus amari,

amari, et facile in lingua deliquescentis, scrupulos 2; *resinae* autem viridis, inter dentes tenacis et insipidae, gr. 6. Grana illa 5, quibus drachma destituitur, partim in charta bibula, partim in aqua, qua terra lota fuit, quaeras. Etenim, quamuis hac in re magna aquae copia usus essem, pallide tamen flaua euasit, et infusa vitrioli martialis solutione, parum fusca.

2. Reliquum fuit, vt ex residuo extracti istius spirituosi *extractum aquosum secundum* quoque elicerem. Omnia vero eadem fere, quae in extractione secunda aquosa cum foliis facta, reperi; qua de causa illis repetendis supersedeo. De extracto ipso, cuius scrupulum 1 obtinui, tantum noto, quod tenacius esset, nec eiusmodi cauernulis constaret, falso denique sapore aliquantum debilius.

### §. 7.

Multum discriminis cl. MODELIVS i) inter infusum foliorum Vuae vrsi aqua factum et *decoctum* eorundem obseruauit, prout succum expressum vitrique horum antistare expertus est. Vt proprio hac de re periculo certior fierem, decoxi foliorum rudius comminutorum vnciam 1 cum aquae fontanae vnciis 9, vsque dum tertia tantum eius pars remaneret. Decocto per linteum tenuius transmissio et claro facto, paullo obscurius illud, attamen pellucidum, magisque amarum, quam infusum aquos.

pr.

i) *Zweytes Schreiben, p. 23.*

pr. foliorum, deprehendi. Gustu pariter lingua magis constringi visa est. Odor eius quasi ex foeno sicco fuit. Decocti saporem subtilius explorare, quum illud aegris propinare commodum sit habitum, operae pretium duxi. Post meridiem igitur, exacto vndecimo horae 5. minuto pr. haustum decocti cepi, quem hinc inde ore volutavi; quod ob insignem amaritiam cum adstrictione, amari tamen sensu praevalente, iunctum, haud sine molestia fieri poterat. Postquam tantum salivae affluerat, vt non amplius retineri posset, eam expui. Raucitas vero et ardor notabilis faucium statim praesto fuerunt, quae tamen incommoda 8 minutis post mitescere coeperunt, quum sapor haud ingrate dulcis succederet. Insignem dein siccitatem in lingua et faucibus percepi. Ast minuto 40. humiditas pristina redire visa est.

## §. 8.

Iam quid infusis in connubio *reagentium*, quae vocant, accideret, expiscari volupe fuit. Ne igitur iactura liquidi, ex quo extracta compararem, fieret, singulares infusiones eo fine feci.

1. Nempe primum vnciae  $\frac{1}{2}$  foliorum partitis vicibus *aquae* fontanae vncias 5 *infudi*. Post hebdomadem sesquialteram liquidum emerfit, omnibus criteriis supra descriptis vim, qua pollebat, prodens. Vtprimum huic *oleum tartari p. deliquium* intillabam, turbidum euasit, et griseum, qui vero color post leuem moram superius in profunde brunum, dein  
obscure



obscurè viridem, transiit, ita vt fere colorem infusi spirituosi aemularetur. In fundum mucosa quasi materia dein deiecta, et totus liquor insuper leue coagulum contraxit. *Spiritu salis* fuscum statim exstitit, quamuis, prout antea, lumen transmitteret. *Nitri* autem *spiritus* nullam mutationem, neque quoad colorem, nec fluiditatem, nec claritatem induxit. Quum *solutionem vitrioli martis* affunderem, atramentum actutum natum est, quo litteras commodè fingere poteram. Tam vero nigrum fuit, vt nec infusum Theae, nec quod ex cortice Peruviano paraueram, illi in eadem miscela equiparari posset. Proximum hoc ex cortice factum, pulverem sensim dimisit, quo delapso, supernatans liquor viridescens apparuit. *Syrupus Violarum* infusum nonnihil turbidum reddens colorem eius in profundius brunum mutauit. *Charta coerulea* denique manifeste viridis inde facta.

2. Eadem pericula dein *infusum spirituosum* ex vncia  $\frac{1}{2}$  foliorum cum vnciis 9 spiritus vini fortioris digestionis ope confectum, nec minus viribus praestans, subiit. Quae hisce occupatus viderim eodem ordine, quo ante, vt comparatio tanto facilior sit, exponam. Addito *oleo tartari p. del.* turbidum statim euasit, colorem fordide viridem induens, et, paucorum minutorum pr. mora, terram griseam copiose demisit, cohaerentem satis inter se, attamen in fundo vasis sub motu nonnihil fluctuantem. Haec aliquot dies post ita induruit, vt agitatione vasis nihil eius separaretur; liquidum vero superius fluidum,

dum, vt ante, manfit. Experimenta MODELII cum terra ex succo Vuæ vrſi oleo tartari p. d. deiecta, imitatus, omnia fere ſimilia hic conſpexi. Lotione enim terræ illius grifeæ, vtut ſæpe, aqua tepida repetita, vi adſtringente eam tamén exuere non valui, quæ ſcilicet, quum lixiuio ſolutionem vitrioli martis inſtillarem, nigreſcente colore ſe prodidit. Dum hanc terram pluries lotam oleo vitrioli, quoad eius fieri potuit, ſoluerem et ſolutionem vitrioli martialis adderem, iterum nigreſcere coepit. Et affuſo oleo tart. p. d., de nouo decidit terra, quæ ſiccata ſpiculorum ſalinorum copiam oculo microſcopio inſtructo obtulit. Sal vero hoc, in miſcela ſoluti vitrioli, pariter nigrum colorem produxit. Tandem quoque maſſam coeruleam, in fundum demerſam, cuius MODELIVS mentionem facit, obtinui, quanquam non inficior, colorem non æque gratum in mea fuiſſe, ruſum etiam poſtea euaiſſe, et poſtquam illam ſiccaſſem, ochræ colorem retuliſſe. *Spiritus ſalis* infuſum colore, inter nigrum viridemque medio, tinxit; poſteaue terram grifeam deiecit, omnem nexum inter ſe reſpuentem. Die vno vel altero poſt ad latera vitri magna ad primum aſpectum grifeum vidi, quod, quum digito eximerem, viride tenaxque ita reperi, vt pilulam exinde formare poſſem. Illud nec ſpiritu vini nec aqua ſolui potuit, ſed, licet agitatione in hiſce liquidis in puluerem dilaberetur, in pilulæ tamen formam iterum redigere ſe ſiuit. Liquor vero ſedimini ſupernatans clarus eſſe perſtitit. *Nitri ſpiritu* in colorem pallide luteum inſtar cereuiſiæ triticeæ,

mox

mox transiit, materiam flocculentam paullo post demittens. *Vitrioli martis solutio* atramentum statim produxit, sed illo ex infuso aquoso initio pallidius, et tam fluidum, vt in charta etsi probe glutinata, etiam aliquot dies post, diffunderet. Post maiorem autem moram firmior eius nigredo euasit. Sedi-  
mentum quoque deposuit pallide nigrum, in quo, tribus diebus exactis, copiam crystallorum rhom-  
boidalium reperi, quarum figura statim nihil aliud, quum merum martis vitriolum subesse, docuit. Quod tanto certius factum, quum easdem in infuso soluerem, vtpote quod statim nigrescere coepit. Notare insuper incumbit, quod in omnibus supra dictis liquidis tenuis pellicula, sed exiguo modo spatio liquorem obtegens, postero die conspiceretur; maxima, vbi vitrioli martis solutio instillata fuerat. *Syrupo violarum* pallide viridis liquor fieri visus est. *Charta vero coerulea* omnem mutationem recusauit.

## §. 9.

In *resinae* naturam quoque mihi inquirendum fuit; vnde oleo, tam destillato, quam expresso, tentare illam conatus sum. Priori scopo *Carui oleum* elegeram. Illo scilicet *resinae* ex extracto spirituoso sec. vix instillato, nota solutionis apparuit, et maxima dein pars etiam sine calore diffluit. Quod reliquum erat, omne fere calore modico disparuit. Color miscelae viridis fuit, in luteum vergens. Vis igitur olei destillati in resinam hanc ex hoc exemplo patet. Quid expressum valeat, *oleum*

D

*Amygda-*



*Amygdalarum dulcium* ostendit. Hoc, licet per bi-  
duum resinae superinfusum stetisset, paucillum ta-  
men eius tantum absorpserat, ita vt leuem modo  
viriditatem contraheret. Nec calore et agitatione  
adiutum totam illam soluit, deiecta nimirum conspi-  
cua pulueris bruni parte. Interim colore satis vi-  
ridi tinctum est.

Effectus eosdem ex resina ceterorum extracto-  
rum spirituorum animaduerti, praeterquam, quod  
pro vario depurationis, quam subierat, gradu, mox  
plus mox minus solueretur; quare et in colore non  
nasci non potuit varietas.

#### §. 10.

Experimentis superioribus iam satis conuictus  
esse arbitrabar, nihil volatilis Vuae vrsi inesse. Ne  
quid vero ad hanc rem confirmandam omissum vi-  
deretur, *destillationem* eius cum aqua institui. Vin-  
ciis igitur 3 foliorum rudius contusorum aquam fon-  
tanam octupla proportionem, nempe ad libras 2 me-  
dicinales, superinfudi, vt tertia vasis retorti pars  
vacua esset; digestionem per noctem praemissa ipsum  
negotium perficiens. Ignem primo lenem, dein  
fortiorem subtraui. Tres dies laborem continuare  
oportuit, antequam tertia aquae pars in cucurbitam  
transcenderet. Tum refrigerio vasorum facto ea  
aperui. Nihil olei in aqua nec falis in collo retorti  
vasis videre fuit. Color aquae leuissime lactescens  
apparuit. Verum vt primum vasa seiungerem, odor  
quidam fortis et valde nauseosus, qualem fere Sen-



nae decoctum spirat, nares feriebat, ita vt mox remouere vitrum cogerer, grauitatem capitis sentiens. Empyreuma aquam contraxisse dici nequit, quum tantum eius adhuc relinquerem, nec cum illo odore, quem etiam inodoraе alias herbae, e. c. foenum ipsum, sub destillatione exhibent, commode satis comparari potest. Odorem vero hunc sensim aqua perdidit. Sapor eius quoque parum nauseosus fuit, ceterum fatuus, nec vlllo modo austerus; vnde nouo exemplo constat, vim plantarum stipticam frustra in aquis destillatis quaeri. Experimentis cum reagentibus, quae appellant, factis, nihil, praeter solitum motum vermicularem, obseruauimus. Liquidum, quod in vase retorto remanserat, vehementem amaritiem habuit, coloremque obscurissime brunum.

## §. II.

Tandem *sal* eius alcalinum, foliorum vnciiis 5 in crucibulo aperto combustis, erui. Fragorem quidem leuem, quum folia iniicerentur, percepi, sed flammam non ceperunt. Ad marginem crucibuli materia picea copiose collecta haesit. Fumus, cui quoad odorem nihil peculiare competebat, fauces satis coarctauit. Plus quam 2 horae effluxerant, ante quam *cineres* albescerent, quorum denique nimis paruum quantitatem, nempe drachmam modo 1 cum granis 9, obtinui. Ex hisce postea grana 16 *salis* alcalini exhalatione elicui, residuis scrupulis 2 cum gr. 13 cinerum pallide griseorum. An, quod quidam et animalibus et vegetabilibus tribuunt,

D 2

ferri

ferri vestigia cineribus inessent, experiendi cupido me incessit. Sed *magnete* etsi tam ante quam post falis separationem admoto, nihil eiusmodi detegere potui.

## §. 12.

Praeter haec iam enumerata experimenta alia quaedam clari isti viri, qui Vuae vrsi naturam chemicis artificiis rimati sunt, instituerunt. Sic GERHARDVS *k)* foliorum cum spiritu vini fortissimo destillationem; eorumque cum vino albo Gallico infusum extractumque fecit. MODELII *l)* scrutinium vero praecipue circa foliorum recentium succum, pauxilli aquae ope expressum, haesit. Destillatione porro, aperto igne suscepta, ea torfit. Tum, ut discriminis, quod intercedere succum inter ceterosque liquores Vuae vrsi, ficcatae pritis, vi impraegnatos, suspicabatur, certior redderetur, in infusum eius aquosum et decoctum selectiori cura inquisiuit. GIRARDI *m)* pariter destillationi siccae folia exficcata commisit, unde aqua acidula, liquor acidus subruber empyreuma redolens, tum oleum nigrum tenax, emerferunt.

## §. 13.

Tantum fane ex experimentis, a me institutis, elucebit, plantae nostrae vim, adstringentibus communem,

*k)* V. EIVS *Bärentraube* p. 19. et 21.

*l)* *Zweytes Schreiben* p. 17. 19. 22. 23.

*m)* *Loc. cit.* p. 458.

munem, competere. In hac enim re tum sapor  
tum nigredo, quae spathulae ferreae extractum mo-  
titanti inducebatur, tum experimenta cum solutione  
vitrioli martis facta, conueniunt. Infunt illi prae-  
terea partes insigniter amarae, quae in gummi la-  
titant; vtpote quum resina, quae viridis coloris est,  
insipida omnino sit. Tam arcte inter se haec duo  
cohaerent, vt alterum alterum in sui confectionem  
trahat. Praeualet vero gummosa pars, vnde aquam  
spirituoso menstruo, si virtus medica quaeritur,  
praestare intelligitur. Praeter resinam et gummi  
insigni terrae copia, eaque maximam eius partem  
constituente, instructa est. Haec tamen non ita  
fixa reperitur, quin in igne abunde aufugeret, quod  
in causa est, vt tantillum modo cinerum obtineatur.  
Subtilior extractis sese iungit, non arctissimo tamen,  
quod de illo ex stipitibus praesertim valet, conu-  
bio. Quam facile enim nexus solui possit, et,  
quum extractum ex stipitibus paratum soluerem,  
et, quum infuso spirituoso tartari sal liquefactum  
instillarem, expertus sum. Pauxillum salis insuper  
plantam nostram ingreditur. Stipites plus terrae  
quam folia fouent. Odorae partes in Vuani vrsi  
non cadunt; nihil enim eiusmodi in foliis, neque  
crudis, neque varia arte mutatis, detegitur. Nec  
huic iudicio, quod de aqua destillata supra dictum,  
aduersum esse volo. Meum nimirum modo fuit,  
quicquid expertus fuerim, candide et pro officio  
ingenui viri, indicare.

## S E C T I O III.

## VIRTVS VVAE VRSI IN CVRANDIS MORBIS.

## §. I.

**P**anditur mihi nunc via ad practicam huius disputationis partem, qua virtutem Vvae vrsi, in calculo ex lotio nato, nec non in aliis morbis debellandis, novis experimentis, pro re nata collectis, expendere satagam.

Antiquitatem plantae, quatenus nempe ad medelam adhibita fuerit, si spectes, ad GALENI usque tempora regrediendum est, modo coniecturis celebrium quorundam virorum, de quibus supra fufius dixi, subscribere fas fit. Commendat *a)* suam *Ἀρκουσαφυλῆν* in haemoptysi, librasque 16 Vvae vrsi cum aquae pluviae sextariis ad tertias coqui et liquorem expressum seponi iubet. Sed neque ob hanc, neque ob aliam quamcunque in morbis vim, longa annorum intercapedine Vva vrsi celebris fuit: donec medici, Monspelii degentes, folia eiusdem hominibus *calculo*, in lotii viis stabulante, laborantibus praescribere inciperent.

*a)* V. GALEN. *de composil. med. sec. locos* L. 7. c. 4. p. 548. Tom. 13 Ed. CHARTER. Ill. DE HAEN hunc locum recensens eam proportionem constituit, qua librae Vvae vrsi aquae sesquilibra adicitur. V. EIVS *Rat. med. P. 3. p. 157.*



rent. Quo vero anno seculi nostri haec virtus, et qua ratione, illis innotuerit, definire non audeo. Interim LINNEVS Equ. *b)* iam anno 1743. ab aliquot annis vsum eius Monspeli inualuisse, et a SAVVAGESIO probatum, notauit. Minus recte itaque cel. CRANZ *c)* LINNEVM, eximiis inuentis alias ditissimum, primum eius in calculum efficaciam perspexisse vel laudasse existimat, vtpote quum generosissimi viri propria verba hisce aduersa sint. Cl. QVER *d)*, qui quidem gloriam huius inuenti in Hispaniam, patriam suam, transferri cupit, iam a. 1734. Neapoli se eam aegris exhibuisse, aliosque ibidem triginta annos ante, perhibet. Vix vero tantum famae, tamque cito, obtinuisset, nisi ill. DE HAEN *e)*, consilio L. Baronis VAN SWIETEN, tam alacriter et sollerter, quid in calculo et vlceribus vias vrinarias affligentibus valeret, non ratiociniorum ludibrio, sed crebro in aegris experimentis captis, innixus, inquisiuisset; et quos sub vfu obseruaret effectus, in publicum commodum, in *Ratione sua medendi*, inde ab a. 1756. candide exposuisset. His exemplis alii dein excitati eam aegris, iisdem vitiis affectis, commendare consultum duxerunt.

D 4

§. 2.

*b)* V. Progr. ad orat. de telluris habitab. incremento in Amoen. acad. 2. p. 407.

*c)* Mat. med. et chir. Tom. 2. p. 31.

*d)* Versio cit. p. 84.

*e)* Rat. med. Tom. 2. p. 160; et EIVSP. Lettre à un de ses amis, 1763. p. 92.

## §. 2.

*Folia* in puluere exhibere maxime commune fuit. Hac enim forma tam Monspelienses plerumque medici, quam HAENIVS, vnicum inter recensitos ab eo casum si eximam, quo decoctum propinavit, praescripserunt. Nauseam in aegris puluerem excitasse non memorant docti isti viri. Sed aegre istos eundem ferre, ipse expertus sum, et idem ab aliis percepi; licet amarities, secundum meum quidem sensum, non adeo molesta, si haustus aquae superbibitur, facile vincatur, et in saporem grate dulcem mutetur. Mitigat quoque amaritiam additamentum tantilli sacchari. Cl. FARIÒN f) a scrupulo vno ad drachmam vnā praecipendum eum putat, praescribi tamen solere ad drachmam dimidiam, mane ieiuno ventriculo in sex aut octo dies, dicit. Suadet vero, ut alternis modo diebus in iusculo communi vel in cyatho infusi Theae aut capillorum veneris etc. fumatur, et diebus ab usu vacuis cyathus amplius levis Parietariae decoctionis, quia vias vrinarias abstergendo excretioni arenae aut muci viscidī favere existimat; bibatur. Ill. SAVVAGES g) dosin solito parciolem commendat, dum puluerem ad grana 15 vsurpari iubet. Ill. DE HAEN drachmam dimidiam, semel bis vel ter, pro natura mali, per diem ingerendam et senibus et infantibus obtu-

f) BARBEIRAC *medicament. constitutio.* Ed. Iac. FARIÒN T. 1. p. 212. Lugd. 1760.

g) *Nosolog. method.* T. 3. P. 2. p. 200.

obtulit. Ast in infante bienni a granis 4 incipiens dosin ad gr. 40 sensim auxit. Paregorica, quando dolor nimis vehemens fuit, subinde simul adhibuit; in diriori malo iniectione olei Lini facta. Hac ratione aegri eius Vva vrsi per aliquot hebdomades vel menses, prout illud necessitas requirere videretur, vsi sunt. QVERIO *h*) placuit amplior dosis ad drachmam vnā usque, semel bis, ter vel quater de die oblata, nam minoribus alvum solutam sicque aegrum debilitatum expertus est. *Infusum* foliorum minus fastidii excitat. Ea vero proportionē secundum SAVVAGESIVM *i*) optime conficitur, qua pro foliorum drachma vna, aquae cyathi 2 vel 3 sumantur. Vsum medelae huius, siue in puluere siue infuso datae, quotidie per mensis spatium continuari vult; consilium addens, quum exinde vesicae mucus abraderetur, et dysuria recrudescere posset, vt iusculum, ex herbis emollientibus, refrigerantibus, pullo vel ranis, paratum, forbeatur, tum praecipue, si pulvis eius vel infusum debilius ingeratur. Decoctum tamen, quo etiam HAENIVS et QVERIVS *k*) vsi sunt, efficaciam praestare infuso, ex supra de analysi dictis colligitur. Proxime dictus vir drachmas foliorum duas pro libra vna aquae assignat. Haud incongruum erit, Vuam vrsi cum aliis remediis, aduersus calculum proficiuis, adiuuandi eorum effectum scopo, miscere; cuius rei vero infra exempla afferam.

D 5

Cl.

*h*) L. c. p. 80.

*i*) Loc. cit.

*k*) Loc. cit. p. 78.



Cl. BOVRGELAT l) dosin vnciae dimidiae ad sesquialteram pro pecudibus assignat.

Paucis modo documentis praeter folia aliae stirpis partes in vsum medicum vocatae sunt. Non folia modo sed et *Baccas* et *Radices* stirpis ad vim adstringentem HERMANNVS m) commendat. Contra calculum baccae maturae in puluere a scrupulo dimidio ad drachmam dimidiam exhibitae, et radix a quodam CHRISTIANO praecepta in eodem morbo valuit.

### §. 3.

Quo de Vuae vrsi vi tanto melius constet, antequam proprios aliquot casus ipse exhibeam, ex historiis ill. DE HAEN, quarum 24 circiter nobis sistit, per varios *Rationis eius medendi* tomos dispersas, aliisque ferius patefactis fontibus ea momenta sollicite colligam, quae de genuino eius pretio certiores nos facere queunt. Aegris HAENIVS illam dedit, et quidem aequali semper euentu, secundo n) ad octogesimum vsque aetatis annum o) constitutis. Nec vetustas mali inanem illam reddidit, quin in octogenario isto p), in quo per 40 annos durauerat, virtus deprehensa. In maximo aegrorum numero signa

l) *Hist. ou Abregé de quelques drogues* p. 55.

m) *Cynosura Mat. med. Cont. 2.* p. 224.

n) *Tom. 6.* p. 177.

o) *Tom. 4.* p. 253. Cf. BVCHOZ *Traité des Plantes de la Lorraine* T. 6. p. 391.

p) HAEN l. c.



signa; quae renalis calculi praesentiam arguunt, tantum adfuere. Huc spectant testimonium ab editiore formularum cl. BARBEIRAC *q)* datum; plures HAENII casus *r)*; historiae aliquot infra exponendae; tria a cl. QVER *s)* exempla consignata; tertium a cl. SCOVOLO *t)* et aliquot a cl. GIRARDI *u)*; item tria a cl. BVCHOZ *v)*; iterumque vnum a cl. GESNERO *x)* in publicam lucem producta. Imo retentionem lotii, quae in diem 18. iam durauerat, et, quantum apparet, in calculo vreteribus impacto causam suam habuit, irritis reliquis, Vua vrsi sustulit *y)*. Attamen medela haec et illis proficuum se praestitit, in quibus calculus vesicae vrinariae vel signis suis *z)* vel catheteris exploratione *a)* sese declarauerat. Vim suam non vbique aequaliter prompte exseruit. Fuit puer, qui etsi per 4 annos dirissimis doloribus cruciatus, et calculus per catheterem detectus fuit, intra quatrimum maximum leuamen *b)* sensit. Alii vero per 7 menses illa vti *c)* opus fuit. Sunt, quos per-

*q)* *L. c. p. 163. Lugd. 1751.*

*r)* *L. c. Tom. 2. p. 170. Tom. 3. p. 177.*

*s)* *L. c. p. 84. sqq.*

*t)* *Apud GIRARDI l. c. p. 473.*

*u)* *Obs. 2. 4. 6.*

*v)* *Loc. cit. p. 389.*

*x)* *Samml. v. Beob. Vol. 3. p. 243.*

*y)* *BERGIVS in Güttheborgs Vet. Samhällets Handl. P. 2.*

*z)* *GIRARDI l. c. Obs. 4.*

*a)* *HAEN Tom. 3. p. 143. 147. 150. et T. 5. p. 145.*

*b)* *L. c. Tom. 3. p. 143.*

*c)* *L. c. Tom. 2. p. 164.*

perfectae omnino sanitati *d)* restituit. Nempe dolores inde mitescere coeperunt, vel filuerunt omnino, dysuria vel stranguria molesta vel ischuria euanuit, cruor vel parcius vel rarius secessit, item puriformis materia, donec omnino supprimeretur, stupor cruris vel pondus latentis, calculi disparuit, multum sabuli cum lotio prodiit, vel etiam lapilli veri eiectioni. Hique subinde haud exigui e. c. calculus Phaseoli magnitudinis *e)* et alius tam magnus, ut per vrethram sine chirurgi auxilio eliminari non posset *f)*. Lapillorum renum, qui prodierant post usum Vuae vrsi, superficies laeuior apparuit *g)*. Quibusdam vero leuamen modo malorum *h)* attulit. Contra recrudescentes insultus cruciatuum a calculo in conubio acidularum profecit *i)*. Singulare quoque est, quod in nonnullis, symptomata quamuis omnia ab usu eius cessarint, calculus tamen cathetere *k)* tangi adhuc potuerit. Ad dolores sopiendos paregorica exhibere, oleumque iniicere saepe, ut dixi, necesse fuit: nihilominus tamen absque hisce adiuuentis interdum curationem *l)* absolueri licuit. Subinde incommodis sublatis, mucus, quem huius generis aegri

*d)* HAEN *T. 2. p. 171. T. 3. p. 176. T. 4. p. 253. ibid. 265.*

*e)* GIRARDI *Obf. 2.*

*f)* BVCHOZ *l. c. p. 390.*

*g)* ROSENSTEIN *Hus- och Rese- apot. p. 62.*

*h)* HAEN *Tom. 4. p. 256. T. 5. p. 145.*

*i)* ALIX *Obff. chir. Fasc. 4. p. 31.*

*k)* HAEN *Tom. 3. p. 151.*

*l)* *Rid. l. c.*

aegri excernere solent, manare desiit; quorum exempla perfecte sanatorum, et aliud pueri *m)* refero; in nonnullis parcius *n)* fluxit; ast in aliis, devictis etiamsi ceteris molestiis, perstitit. Saepe etiam accidit, ut, qui sanati credebantur, in vetus malum *o)* aliquo tempore post iterum inciderent. Venereum vero inquinamentum nullo impedimento fuit, modo mercurius caute interfereretur *p)*.

Non diffitendum tamen est, varios obuenisse calculosos, quibus haec stirps nihil auxilii ferre valuit, imo usu eius in nonum adeo mensem continuato *q)*. Quantum ex titulo dissertationis, quam ipsam legere mihi non contigit, colligo, eiusdem inertiae illam ream facit cel. HARTMANN *r)*. Id quod vero minus exspectaueram effatum cl. LEWIS *s)* est, affirmantis omnibus casibus, qui sibi in Anglia in notitiam venire, multas molestias illam excitasse sine ullo apparente leuamine. Etenim expresse ill. DE HAEN et cl. QVER *t)* monent, ex protracto eius usu nullum malum

*m)* L. c. Tom. 3. p. 146.

*n)* L. c. Tom. 3. p. 150. Tom. 5. p. 161.

*o)* Tom. 2. p. 164. 166. T. 3. p. 144. T. 4. p. 254. GIRARDI l. c. Obs. 3. 6. et casus duo mihi met obuii et postea significandi.

*p)* DE HAEN l. c. T. 3. p. 178. GIRARDI l. c. Obs. 3. 6.

*q)* HAENII Rat. med. Tom. 6. p. 197. Tom. 4. p. 254. Tom. 10. p. 277.

*r)* Diff. antinephritica Vucae ursinae virtus merito suspecta. Frst. ad Viadr. 1778. resp. 10. HEINR. SCHNEIDER.

*s)* Mat. med. p. 622.

*t)* L. c. p. 77.

malum fuisse pedissequum. An forsitan in casibus minus secundi cuentus inflammatio manifestior subfuit, in qua quidem non conducere eam arbitror. Minus tutam Vuam vrsi SAVVAGESIVS *u)* iam pronunciauit. Nullam virtutem exseruisse vel ante vel post sectionem in calculosis suae curae demandatis docet ill. Eques ABACREL *v)*, exemplis quoque peculiaribus querelae fidem confirmans *x)*. Coniicio ad calculum praecipue sinistrum de ea iudicium Londinensium quorundam medicorum sodalitis iunctorum pertinere, breuiter modo expressum *y)*. Sic cl. WITHERING *z)* incertum effectum in Anglia fuisse narrat, ita vt in nonnullis quidem casibus calculosis et nephriticis voto responderit, in aliis autem potius malum exasperauerit. Tum nominatim hinc inde effectui impar fuit, quando vel a calculo vel a pure vel a lotio saepe diuque retento insignis viarum vrinariarum degeneratio suborta. Saepe tamen et tum opem fert, quando a calculo in yrinae viis et vicinis, vt scroto, pene, perinaeo, exulcerationes enatae fuere, vel et pus ex superioribus cum lotio secessit *a)*. Iudicia varia HAENII de effectu huius stirpis in calculo quicunque inter sese sollerter

*u)* Nosol. meth. T. 3. P. 2. p. 200.

*v)* Chirurg. Handalagens förkårtande p. 53.

*x)* Chir. Händelser, Ed. 2. p. 370. 372.

*y)* Praef. ad med. Observations et Inqu. Vol. 3. p. 5.

*z)* Botanical arrangement of all the vegetables growing in great Britain.

*a)* HAEN l. c. Tom. 2. p. 163, 166. GIRARDI Obs. 5.



ter comparet, candorem eiusdem laudabit, defectus aequae ingenuae ac successus remedii exponentis.

§. 4.

*Historiae aliquot aegrorum calculo laborantium.*

Sed iam ad hasce de vi Vuæ vrsi in calculis obseruationes ipse aliquot symbolas conferam.

1. Harum e numero primum ea significo, quæ ill. WERLHOFFVS, iam ad coelites elatus, pro humanitate et beneuolentia sua, cuius in me documenta exstare voluit numerosa et gratissima, de successu stirpis ex praxi sua litteris perscripsit. Desuit incomparabili viro occasio illam in vesicæ calculo tentandi; siquidem, qui Hannouerae degunt, civibus adeo felices esse contigit, vt hoc malo immunes existant. In dysuria autem ex calculis renum minoribus et sabulo oriunda, conspicuum se leuamen aegris pluries Vuæ vrsi attulisse fatetur. Verum simul me certiore reddidit, se in mictu cruento chronico cum tenesimo et dysuria insigni coniuncto, qui vesicæ vlcus causam habuit, haud ita pridem per aliquot hebdomades quotidie eam quater ad drachmam dimidiam, sed absque vlla boni effectus nota, exhibuisse.

2. Quum ill. VOGELIVM eam vsurpasse perciperem, petii, vt mihi successum, a se obseruatum, exponeret. Accessit desiderio meo, sequentem historiam enarrans, quam ex relatione eius dein

dein consignauit. Senex, per aliquot dies dysuria vehementissime vexatus opem celeberrimi viri quaesuit. Ille quicquid suppetiarum ars haberet, adhibere non omisit: sed per 4 dies omnia conamina incassum; ita vt vera ischuria metueretur. Quam ob rem puluerem Vuæ vrsi commendauit, cuius cochleare minimum ter de die aeger caperet. Tres istas doses vix ille consumserat, quum libere lotium manere inciperet, omniaque sensim integra fieri.

3. Placuit etiam celeberrimo TAVBE, quum mihi plantam recentem mitteret, quaedam de suis cum Vva vrsi experimentis, in aegris captis, attingere. Inuitatus dein, vt eadem paullo plenius describeret, se plane de foliorum huius plantae, siue pulueris siue infusi forma sumtorum, contra nephritidem calculosam efficacia conuictum esse, retulit. Interim non diffitebatur, se eousque illam non solum, sed cum alio quodam remedio, plerumque cum Virga aurea mixtam, præscripsisse. Nempe, quum paroxysmus nephriticus et inde dependentes spasmi cessassent, infusum eius plerisque per 8 vel 10 dies mane ad aliquot libras bibendum dedit. Quod largissime quum lotium, tum mucum cum sabulo et lapillis, mouit. Aegris hoc malo affectis infusum extra paroxysmi terminum prophylactice magno emolumento propinatum est. Puluerem, si solus ad drachmam dimidiam datus fuerit, tantam nauseam intra paucos dies creasse animaduertit, vt eam aegri redderent; de cuius vero incommodi culpa infu-

infusum absoluit. Ope Virgae aureae et Vuae vrsi, quarum vtramque, ad scrupulum i mixtam, pro dosi quouis trihorio in puluere praecepit, dirissima colica nephritica deuicta, aliquot calculos satis insignes expellere peritissimus vir valuit. Addit tamen ingenue, multa antea remedia oleosa, manata, aliaque fuisse subministrata. Refert praeterea, quid cl. Berolinensis Professor, PALLAS, cui aliquot annos ante magnam herbae quantitatem transmiserat, perscripserit; illum nimirum, quamuis adhibendi eam crebra adfuerit occasio, nullam aliam vim, quam magnum molestiarum nephriticarum leuamen inde percepisse; cui ipse sua experientia fultus cl. TAVBE adsentitur, hanc interim virtutem encomio dignissimam merito censens.

4. Vt denique propriis periculis de efficacia plantae in calculo certior fierem, ad inuestigandos aegros hoc malo cruciatos nulli operae peperi. Verum non nisi in duos, quorum alter extra urbem commorabatur, incidi, quum calculus vrinae viarum rarissimum Gottingae malum sit, adeo vt ill. et generosiss. ab HALLER *b)* inter 230 cada-

*b)* *Opuscula pathol. p. 70. Obs. 33.* Tanto frequentius autem viro illustri calculi vesicae felleae sese obtulerunt. Mirum videbitur, quod hisce tam saepe praesentibus, calculos vrinae reperire ita rarum fuerit, quum vtrorumque tamen connubium adeo crebro alias ab anatomicis observatum sit, vt VATERVS exinde causas vtriusque generis communes esse crederet. V. MORGAGNI opus aureum *de sed. et caus. morbor. Epist. 37. Art. 43. et Epist. 57. Art. 12.*

cadauera, quae in theatro academiae anatomico fecuit, duo tantum se vidisse affirmet, in quibus huius generis calculi occurrerint. Refellitur simul cl. LOBBII *c*) aliorumque opinio, qui eiusmodi aquas, quae athena ad Theam vfitata, crusta densa lapidea obducunt, calculi humani generationi favere suspicantur. Nam ahenis, Gottingae aquae decoquendae dicatis, tantum lapidis huius aquei, idque tam duri, adhaerescere solet, vt crebrius ad fabros aerarios mitti debeant, quo hi malleis crustam excutiant. Tantoque minus natales calculorum ex eiusmodi aqua tophacea deriuari possunt, quum lapides renum et vesicae vrinariae animalis originis sint, ideoque quam maxime a concretione minerali discrepantes *d*). En vero casus ipsos!

*α.* Primus aeger, quem expiscari mihi contigit, erat vir 45 annorum, staturae procerae, habitus gracilis, militiae olim, nunc, per anni circiter spatium, arti pannum aestiuum ex lana contextendi (Camelotveber) deditus. Pater eius calculi plane liber fuit; nec ullus ex aegri liberis, quorum nouem numerat, morbi huius molestias sensit. Ante 17 annos, quum in Brabantia castris interesset, prima calculi signa percepit. Praeter dolores enim, renum et vesicae regionibus infestos, merum fere sanguinem minxit. Hunc sistere statim nouit cohortis,

*c*) *Treatise on dissolvents of the stone, Vers. Lat. Praef. p. 13.*

*d*) Idem indicium fert cl. HEBERDEN in *Medical Transactions Vol. 1. p. 6.*



hortis, cui adscriptus aeger erat, chirurgus. Sed intumescere inde coepit abdomen, omnisque lotii excretio supprimi. Remora vero, quae urinae ponebatur, fuit calculus vrethram obturans, quem, quum nullo artificio eximere posset chirurgus, cathetere suo strenua manu retudit, eo quidem successu, ut sub atrocissimo dolore ingens sanguinis intus stagnantis copia prorumperet. Postea abdominis tumor subsedit, ceteraque symptomata mitescere coeperunt. Inde ab illo tempore continuus a calculo molestiis vexatus est, quae subinde inter profectiones militares dirissime eum affecerunt. Nam urina vel cruenta fuit, vel mucosa, sedimentum crassum arenosum interdum deponens, nec raro plane ad tempus suppressa, plerumque autem guttatim et cum ardore stillans. Veros quoque lapillos variae magnitudinis saepe excrevit. Aliquando dolor arthriticus *e*) tumore iunctus, mox superiorum partium, mox inferiorum articulos occupans et tam vagus, ut a brachio unius lateris opinione citius ad pedem alterius descenderet, eum valde torfit. Hisce malis interdum stupor pedis in sura inprimis sensibilis accessit. Ante duos annos

E 2

memi-

- e*) Calculi et arthritidis affinitatem iam agnouit SYDENHAMVS (*Opera Lugd.* 8. 1742. p. 442.), etiamsi utriusque materiem eiusdem generis esse affirmare praecise non audeat. Verum ita esse, tum alterni isti articulorum et urinae viarum cruciatus (V. HAENII *rat. med.* Tom. 5. p. 175. sqq.), tum calcis utriusque comparatio, quae quoad colorem, odorem, saporem, analysin chemicam, compagem etc. convenientia apparet (V. CHEYNE'S *Essay upon the gout*, p. 64.), docent.

meminit se cruciatum atrocissimum perpeffum esse, sub quo post magna conamina demum per vrinae iter lapillum piso maiorem emolitus est. Multi vero postea calculi secesserunt, quorum mihi tres attulit. Maximus ex his ex crustis variis conflatus erat, pisi magnitudinem aequans, pondere eius vnum modo granum constituyente.

Iam pondus doloremque continuum in vtraque lumborum regione percipiebat, sub flexione corporis molestiorem, latusque sinistrum praesertim affligentem. Et quoniam sub laterali situ molestias increfcere animaduertit, supino in lecto decubitu vti illi necesse erat. Dolorem quoque sub motu maiorem fieri, et quum sanguinem cum lotio meieret, tensiones dolentes inguinum se pati querebatur. Non minus incommodi rigoris in sinistro crure sensus et stupor circa genu praecipue perceptus pariebat. Lotium mane missum clarum et pallidum erat, in fundo vitri mucum album perlucidum gerens, qui defusa vrina tenaciter vitro adhaerebat. Nulla eius cum nitri spiritu ebullitio ciebatur nec violarum fyrupi coloris mutatio. Signa haec sane non obscure calculi renalis praesentiam arguunt. An vero in vesica simul calculus haeserit, incertum manet, quoniam prima catheteris immiffione perterritus, in commune emolumentum, vt ille MORANDI f) aeger, secundum experimentum subire e re sua esse minus iudicabat. Interea occasionem

f) " Il ne iugeoit pas à propos de se laisser sonder pour le Public." V. *Memoires de l'Acad. des sc.* année 1740. p. 191.

sionem Vuam vrsi experiendi commodam censens, quouis mane pulueris foliorum drachnam dimidiam illi fumendam exhibui. Vide, quo successu! Iam tertio die bono effectū gaudebat, mitiorem longe dolorem esse, et liberius crus sinistrum se mouere posse, solito eius sensu redeunte, narrans. Sed sexto, postquam illa vti coeperat, die in pubis regione ardorem dirum, per duas horas durantem, sensit, sub mingendo vehementiorem. Longe etiam plus muci, quam solitus est, minxit cum sanguinis leui stillicidio. Quae tamen incommoda postero die, excepto tantum muco, iterum copioso, pacabantur. Die vero octauo dolorem plane abesse, crus sensum suum recuperasse, et vtrique lateri sine vlla molestia se in lecto incumbere posse laetabatur. Et hisce induciis per totum fere tempus, quo puluerem sumsit, fruitus est, modo, quod cum vrina, si corpus sub labore validius exercuisset, sanguis postridie vel fluidus vel grumofus, et quidem semper mane modo, proflueret. Motus istam vehementiam, quam muneris ratio illi imponit, veram fuisse huius et ceterorum symptomatum incrementi causam, vel exinde patebit, quod, quum festus dies praecederet, altero die se semper melius haberet. Multis praeterea salinis spiculis toto fere tempore vitrum, lotium excipiens, obductum intus vidi. Mucus mox largius mox parcius fluxit, vrinæ riuum plerumque praegrediens. Semel etiam, forsitan, quod pulueres negligentius fumeret, dolorem lancinantem se in vrethra, qui vero succedente lotio mox siluit, questus est.

Quum, mucī licet profluuium et vrinae pallor perſisterent, ſanitati tamen, poſt uſum puluerum per ſex hebdomades continuatum, reſtitutus videretur, an firma eadem conſtansque eſſet, experiri volui. Vnde per octo dies pulueris nihil ſumeret, auctor fui. Verum vix ſex dies abſuit, quin rediret opem quaefiturus. Nam recruduere dolores in lumborum et poſtea in pubis regione et arthritica articulorum incommoda. Minxit vero eodem die ſanguinem grumofum copioſe et mucum ita tenacem, vt poſt meridiem ex vitro etſi aperturæ ſatis capacis elabi recuſaret; quod et alias paſſim accidit. Ex nouo uſu iterum leuamen cepit. Sed dein aliquoties mane lotium apparuit ſanguineum, et ſemel ita album, quod tamen ipſe non vidi, vt crederet, ſe vlcus intus habere. Subinde lumborum regio plane non doluit, quum dolor ſupra pubis oſſa vehemens eſſet. Semel per binos dies adſtriſta aluo laboravit. Dein puluere per octo dies, ſed me inſcio, neglecto, nono regionem renalem ſiniſtram dolor iterum acutiſſimus infeſtauit, cui mane tormina dira cum magna abdominis diſtenſione ſe adiunxerant, quae vero multis per aluum ſecedentibus flatibus ceſſarunt. Verum etiam hoſce nouos morbi inſultus iterum deuicit, ex quo puluerem bis quotidie ſumeret, ita vt mingendo ardorem modo leuem perciperet, ſuperſtite tamen muco in lotio. Quaenam poſthac valetudinis eius conditio fuerit, dicere nequeo; non enim rediit.



β. Alter, qui mihi sese obtulit, erat horologiorum automatorum artifex, homo 39 annorum et plurium liberorum pater. Per integros 15 annos calculi indicia senserat, dolorem scilicet in postica vrethrae parte, dum lotium mitteret, ingrauescentem, crebrum sed irritum mingendi conatum, vrinam denique mox cruentam, mox mucosam, et interdum materiam calcaream deponentem. Doluit simul dorsum circa renem sinistrum g), ast calculum secedere nunquam vidit. Contra haec incommoda per totum tempus remedia sed frustra adhibuit. Verum ultimis duobus annis peior eius conditio fuit, ex quo agyrtae cuiusdam, heic loci satis noti, consilio, quum caput doleret, drasticum remedium sumeret. Et ante aliquot hebdomades sanguinem per pulmonem emisit, quem vero stitit peritia medici, cuius cura ante meam, usus erat. Proximis tribus hebdomadibus nullum quidem sanguinem minxerat, lotio vero copiosum et tenacem mucum deiecerat, dolorem praecipue sub ingressum urinae in vrethram et stimulum mingendi inanem perpessus. Dolor quoque in sinistri renis vicinia, tum in primis, quum diu erectus staret, eum crebro inuasit. Quum haec signa renalis calculi praesentiam indubiam facerent, pulveres foliorum drachmae dimidia mane ingerendos obtinuit. Catheterem

E 4

autem

- g) Vterque casus immunitatis, dextro lateri in calculosis concessae, nouum exemplum adest. Vide hac de re PISONIS *Observ. et consil. Ed BOERH. p. 38.* et SCHLIZII *Diff. de lithiasi, sinistro quam dextro reni magis infesta.*

autem reformidans, an vesica eodem vitio laboraverit, incertum reliquit.

Tertio pulvere sumto mane cum vrina multum mucī, fabulo copiose mixti, profluxit. Diebus aliquot post omnis in renali regione dolor evanuit, et qui ad collum vesicae molestus fuit, pariter mitescere coepit. Mansit tamen ingratus ille stimulus nec mucus in matula vnquam defuit. Vrina etiam subinde sanguine tincta apparuit. Postquam 14 diebus pulveres vsurpauerat, ex eorum per aliquot dies neglectu pristina mala redierunt, ita ut dolor infernae sedis, post prandium inprimis, accedente ventris inflatione, mox tamen cessante, eum valde affligeret. Ad haec vincenda vltiorem pulverum vsum illi commendaui.

### §. 5.

Casus, quos fautorum benevolentia collegi, tum et isti, quos propria obseruatione prolixius paullo, sed studio deditaque opera, quo inusitatae medicinae effectus tanto exactius cognosceretur, descriptos praestiti, ad calculum renalem inprimis spectant; quapropter, quid in hoc malo valeat, discernere praecipue possum. Cruciatu scilicet pristini paullo post leuati sunt vel tandem plane continuerunt, cruor cum vrina mistus rarius et parcius, nisi aegri culpa aliter factum, apparuit, fabuli multum profluxit, cruris stupor evanuit; aliaque inde in aegros commoda redundarunt. Verum breue solatium, quippe quod, cessante vfu, pariter cessauit.

fauit. Lenimen igitur modo symptomatum, fomite mali restante, ex allatis saltem hiltoriis, Vuam vrsi afferre, pronum est colligere. Idem SAVVAGESIO *h)* obuenisse videtur; nam medelam istam, vt dixi, minus tutam appellat. Cum quo consentit dissertatio academica *i)*, quisquis eius auctor fuerit, nuper edita, qua *vasorum debilitatem illa quidem tolli, alteram causam vero calculi disponentem, nempe glutinosum principium, non tantum non tolli, sed augeri, perhibetur.* Cl. GERHARDVS *k)* his quoque addendus est. Nec hariolari difficile est, quale remedii genus Vindobonensis Chirurgus cl. PALLVCCI *l)* intellexerit, dum contra illos, qui nostro tempore sine sectione calculo mederi se posse arbitrantur, adeo intonet, ipse, vt haud aegre coniicies, lithotomiam exercens, verum ita exercens, vt incommoda curationis FRATRIS COSMI, feliciter tamen toties Viennae *m)* adhibitae, detegere et sua arte vitare didicerit. HAENIVS denique ipse, vt iam supra indicaui, non diffitetur, varios exstitisse aegros, a reditu mali non satis tutos. Hisce suadet, vt Vuam vrsi perpetuo vsurpent, quae fane lex mihi non durior videtur, quam quae podagricis saponem vel amarissimas plantas per totos annos ingerere iniungit.

E 5

§. 6

*h)* Nosol. method. T. 3. P. 2. p. 200.

*i)* Diff. de frequentiori ortu calculi renum et vesicae eiusque causis, praef. ill. BÜCHNERO, resp. I. F. ACHILLE Hal. 1764.

*k)* Bürentraube, p. 66. sqq.

*l)* Lettre sur la cure de la Pierre, Vienne 1764.

*m)* HAENII R. m. T. 6. p. 175. sq.

## §. 6.

Notari meretur, quod in aegris meis tam, quum calculi molestiae quiescerent, quam reduce mali sensu, (de lotii pallore iam non loquar) mucus stillare pergeret. Quaestio igitur nascitur, an, quousque ille appareat, nihil veri praesidii sperandum sit? Haud incommode ille cum narium mucos vel ouorum albumine comparatur, si ad eius consistentiam, quam vocant, colorem et perluciditatem, tantum respiciatur. Sed glutinantem vim hisce communem in mucum istum non cadere leui experimento constat. Nam quum supra chartam bibulam aëre libero illum siccarem<sup>n)</sup>, fluido ablato, materia calcis instar alba, leuiter modo cohaerens, splendescens, quasi ex meris crySTALLIS constaret, et ad attactum fabuli minimi instar dura, remansit, quae nec in aqua nec nitri spiritu solui poterat. Carboni iniecta foetorem pilorum combustorum instar sparsit, cineribus brunis residuis, qui digitis prehensi, calcem descriptam et duritie et splendore referebant. Eadem videtur esse materies, quam BOERHAAVIVS<sup>o)</sup> in vitreis suis vasis cylindricis, quibus vrinam sani hominis, eamque tempestiue captam, immisit, animaduertit. Post tertiam horae partem lotium microscopii ope examinatum, flocculentum apparuit, tum aliquid materiae albescentis visum est.

<sup>n)</sup> Cfr. HAENII experimenta cum mucos hoc facta in *R. m.* T. 5. p. 172. et T. 6. p. 233. sq.

<sup>o)</sup> *Praelest. de calculo in consultat, med.* Vol. 2. p. 143. Ed. Gotting.



est. Postea strata pingua, illis ex spiritu vini cum aqua miscela non absimilia, celeb. vir conspexit, quae in nubeculas sensim sensimque densiores mutata sunt, vnde tandem verus emerfit calculus. Eximium sane experimentum, quo ad generationem calculi explicandam vix aliud existit aptius. Non solum enim exinde, qua ratione vrina pedetentim calculosam materiam deponat, sed sanissimae quoque vrinae istam inesse, quae vero non nisi quiete, quam partium lotio dicatarum debilitas parit, vt ibi vitrorum quiete accidit, vel solidiori quadam molecula oblata, quod rarius tamen fieri videtur, colligitur et coadunatur, disci potest. Hunc mucum HALLE-  
RVS *p*), quum renes incideret, in cadaueribus aliquoties offendit, comparans illum cum rudimentis crustarum arteriosarum, et stamina renum calculi prima continere suspicatur. In plerisque etiam HAENIVS *q*) calculo laborantibus eum reperit, etsi pauci quidam eiusdem immunes fuerunt, et quum illum ficaret, semper in calcem transiisse obseruavit *r*). Et mirum est, quod de homine, cui sectione calculus extractus fuit, narrat, gluten nempe, labiis vulneris adhaerens, intra 24 horas in veros calculos concreuisse *s*). Haec omnia videntur gluten istud constans calculi latentis indicium arguere. Nihilominus tamen dispiciendum esse puto, an mucus

*p*) *Opusc. pathol. Ed. 2. Obs. 40. p. 104.*

*q*) *R. m. T. 5. p. 172.*

*r*) *L. c. Tom. 6. p. 235.*

*s*) *L. c. p. 207.*

cus siccatus calcem vbiuis relinquat, quam interdum vel omnino defecisse *t*), vel pariori tantum copia adfuisse *u*), legitur. Nam, quoniam naturale gluten, quod interna caua lubrica reddit eaque ab iniuriis defendit, adeo nonnunquam copia crescit, vt morbosum fiat; vnde, pro varia mali sede, catarrhum, vomitus et deiectiones pituitosas, quorum pituitae vèteribus vitreae dictae secessus pertinet, aliaque mala creat: quidni igitur nonnunquam praeter calculi suspicionem idem in lotii viis fieret? Mixtus autem particulis istis calcareis si mucus occurrat, calculum iam intus delitescere, vel glutine commodo, quo inter se coadunentur, accedente, fore, vt in veros calculos compingantur, vero simile est. Tantaè illas duritiei esse, quidam experti sunt, vt in hac re ipsi adamanti non cederent, et iisdem, pulueris huius gemmae instar, vitrum poliri posset *v*). De singulari earum duritie meum etiam cum nitri spiritu experimentum testatur.

### §. 7.

Fuisse quosdam, qui Vva vrsi adhibita omnino a calculo conualuere, HAENII praeprimis experimenta

*t*) BONETVS medici meminit, qui lotium hominis omnibus notis, confirmante id etiam sectione post mortem, calculosi, sollicite per colum transmittens, nihil tamen in mucro arenosi reperit. V. EI *Sepulchret. L. 3. Sect. 23. Obs. 9.*

*u*) HAENII *R. m. l. c. p. 235.*

*v*) BLACKMORE *Dissertations on a Dropsy, a Tympany, the Jaundice, the Stone, and a Diabetes, p. 158.*

menta edocent, quorum successum adeo laetum, ut cl. eorum auctor narrat, existisse, etsi cum illis a me allatis non plane hac in re conueniunt, in dubium vocare nolo. Et illa certe remedia, quae calculi, dum ad notabilem iam magnitudinem peruenit, nexum plane destruere valent, et ut sabuli minimi forma foras eliminetur, idoneum reddunt, quae vis, an plantae nostrae, vel ulli alii medelae competat, iam non disquiram, ceteris antistant, quae symptomatibus modo demulcendis paria sunt. Sed demus, posteriorem tantum virtutem, vero calculo praesente, dolorem inprimis sedando, Vuam vrsi exserere; praeterea autem, si sabuli forma in renibus latet, ad hocce expellendum  $x$ ) commodam esse (quod utrumque emolumentum tribui illi historiarum enarratarum vi potest), quantis laudibus non est praedicanda; et quot in casibus sectioni non est praeferenda!

## §. 8.

Aegri calculo affecti nihil aliud appetunt, quam ut cruciatibus, quibus torquentur, liberi euadant. Dum vero Vua vrsi dolorem, qui in ipsa calculi sede obtinet, sopit, omnes simul turbas, a consensu nervorum in remotioribus partibus oriundas  $y$ ), pacat. — Attamen ipsa mali causa manet? — Manet. Verum tot exempla exstant hominum, in quibus post

$x$ ) Adsentitur FARION in BARBEIRACI *medicam. constitut.* P. I. p. 211.

$y$ ) V. L. B. V. SWIETEN *Commentl. ad BOERH. Aph. Tom. 3. p. 229. et 236. Ed. Hildb.*

post mortem calculi, iique maxime insignes reperti, quorum nulla plane per vitam suspicio  $\alpha$ ) fuit, et aliorum, per interualla modo calculosis affectibus infestatorum: ita vt non tam calculi moli, quam irritationi inductae agmen illud malorum tribuendum esse credas. Erit interim aliqua tum magnitudinis calculi, tum figurae eius, tum loci, quem occupat, habenda ratio. Dein sectionis incommoda nobis ante oculos sistamus. Nostro quamuis tempore lithotomia adeo exulta sit, vt ad hanc artem vix perfectionis aliquid accedere posse videatur: omnium tamen virorum in illa exercitatorum, nisi nimis gloriose de se sentiant, testimonio, tam ob vitae periculum  $\alpha$ ) quam ob alia vitia, quae saepe creat, et doloris tormenta, curatio est, ad quam, vt cum CELSO loquar, nonnisi vbi vltima experiri statutum est, confugere liceat. Senes inprimis sub eadem periclitari obseruatum est: nonne igitur praestat vitam hisce Vva vrsi tolerabilem reddere, quam mortem, sponte iam celeri gradu accurrentem, sectione citare velle? Nec in magna partium corruptela, nec quouis anni tempore, sectio aequae tuta reperta

$\alpha$ ) MORGAGNI *de sed. et caus. morb. Epist. 42. art. 10.* BONNETI *Sepulchr. L. 3. Sect. 22. Obs. 24.*

$\alpha$ ) Ita ill. Eques AB ACREL, in hac quoque arte versatissimus, etsi sectionem sollertissime peregerat, aegrum intra 38 horas. ex gangraena partium, mortuum vidit, cuius nullam aliam causam, quam commercium cum aegris, empyemate laborantibus, et quodam mercurium vsurpante, indagare potuit, V. eius *Chirurgische Händelser, Ed. 2. p. 363. sq.*



reperta est *b*). Saepe scirrhus vesicae vel caruncula *c*) et tumores extra illam in propinquis partibus nati *d*), medentibus imponunt, vt ad veros calculos catheterem allidere existiment. Contra ea, calculo vere praesente, nonnunquam muco ille nimio obducitur *e*) vel cryptis *f*) vesicae morbofis se abscondit, vel vesica tam contracta est *g*), vt catheter intrudi nequeat vel procedat infra calculum et apex catheteris vesicam protrudat *h*); quibus in casibus ab instrumento isto nihil certi indicii, et consequenter nihil a sectione auxilii, peti potest. Sunt et causae, quae, licet calculus cathetere indagetur, eximere eum prohibent. Quis enim audet calculos, ad libram vsque supraque ponderosos, spe vitae superstitis emoliri? *i*) Sic calculus, si cum vesica

*b*) Haec tamen cl. PALLYCCI vilipendit, ex quo aegrum, qui multum puris tam vrethra, ipsis diebus canicularibus optimo euentu sectione sanauit. V. eius *Lettre p. 88. et 89.*

*c*) RVYSCH *Thef. anat. Tab. 2. fig. 1.*

*d*) HAENII *Rat. med. T. 3. p. 161.*

*e*) MORGAGNI *l. c. Ep. 42. Art. 15. et 16.*

*f*) Quomodo hae nasci queant, ex obseruatione ill. HAL-  
LERI (*Op. pathol. Obs. 44.*) iudicare licet.

*g*) MORGAGNI *l. c. Ep. 20. 28.*

*h*) CAMPER *Obff. circa mutationes, quas subeunt calculi in vesica, cap. 2. §. 7.*

*i*) Cuius generis sunt ille 19, et alius supra 25 vnc., quos GROENEVELTIUS delineatos sistit in *Diss. lithol. p. 34. et 67.* GARDENIUS in *Philos. Transact. abridged, Vol. 3. p. 150.* meminit calculi 32 vnc. Imo ROBINSON in *treatise of the gravel and stone p. 86* Pariliis calculum 51 vnc. se vidisse testatur. Ctr. BONET. *Sepulchr. L. 3. Sect. 28, Obs. 1. sqq.* item CAMPER *l. c. cap. 4.*

vesica cohaeret *k*), siue quod intra eius tunicas, dum ex vrteribus descenderet, fauente horum directione, irreperit, siue quod fauciata vesica illi accreuerit, siue quod mucus circa calculum in rugis vesicae latens induruerit, siue quod ipsius vesicae pars se circa calculum constrinxerit *l*), sacculumque effecerit, sectionem non admittit. Nec minus a sectione deterrire potest, quod ter, quater, quinque *m*) illam repetere interdum opus fuerit. Re-geret tamen PALLVCCI *n*), necessitatem hanc duram non tam a malo corporis habitu, quam fracto ad ossium pubis arcum calculo, (de curatione FRATRIS COSMI loquitur) relictis fragmentis quibusdam, profectam esse. Tandem etiam tum Vua vrsi conferet, quando aeger sectioni submitendus est, quum nimirum a lithotomo remotis, ad eum veniendi moram aliisque, commodam tempestatem eligendi occasionem, concedat.

## §. 9.

- k*) Dignus, qui huc referatur, casus est, a cl. WÄHLIN in *Kgl. Vetensk. Acad. Handlingar a. 1761. p. 300.* addita icone descriptus, quem doctis notis cl. ROL. MARTIN et cl. ACREL illustrarunt. Cohæsiones eiusmodi verae observationis fulcro niti PLATNERVS in *Diff. de calculo ad vesicam adhaerescente* numerosis exemplis demonstrauit. Et quanto periculo sectio tum coniuncta sit, vel vnicus a TVLPPIO (*Observ. med. L. 3. c. 5*) allegatus casus docet.
- l*) Memorabile eiusmodi constrictionis exemplum suppeditat cel. MECKEL in *Histoire de l'Ac. des scienc. de Berlin, 1754. p. 103. fq.*
- m*) V. casus collecti in PLATNERI *Chir. p. 961.*
- n*) *Lettre p. 39. fqq.*

## §. 9.

Postquam hucusque, quanta commoda Vuae  
 vrsi vfu exinde, quod symptomata leniat, emer-  
 gant, ostendi: iam quanti ob vim, qua in eiiciendo  
 sabulo pollet, facienda, expendam. Sed de illo  
 tantum, quod in renibus latet, dico, vtpote quum  
 eodem modo aegri, quos adduxi, laborauerint.  
 Nolo equidem calculi cuiusuis incunabula in reni-  
 bus quaerere, sed saepissime ibidem nasci, et dein  
 in vesicam deuolui, historiae medicae exponunt.  
 In hisce autem non semper verum lapidem constituit,  
 sed arenae forma, vt vrina indicat, sine magno  
 saepe aegri incommodo, plerumque adest. Ast  
 semper verendum est, ne particulae istae, glutine  
 vnitae, in magnum olim lapidem coeant. Consentit  
 HOLLERIUS o) aliique. Et calculorum, qui murales  
 (Pierres murales) vocantur, structura, quorum  
 iam aliquem coram habeo, idem confirmat. In  
 hoc enim circa nucleum pyriformem innumeram  
 calculosarum particularum, glutine albidiori, instar  
 laterum muris insidentium, coagmentatarum con-  
 geriem conspicio. Tanto plus vero periculi ex hoc  
 sabulo in renibus stagnante nascitur, quum, si in  
 calculum, renibus impactum et diram nephritidem  
 causantem, concreuerit, illum nonnisi, dum  
 abscef-

o) "*Cur igitur, inquit, multi arenas mingunt, neque cal-  
 culosi sunt? Causa in promptu est. Non enim coaguntur,  
 nisi viscido aliquo et crudo humore, tanquam glutine.  
 Opus est tempore.*" V. de morbis internis Lib. 1. p. 2.  
 fol. 222. Lugd. 1578.

abscessus in lumbis ortus sit, nephrotomia eximere haud facile aliquis audeat: vt igitur illis, qui renibus calculum fouent, peius adhuc, quam qui vesicae calculo laborant, consultum esse, appareat.

### §. 10.

Sed quomodo haec conimoda Vva vrsi calculosis conciliat? Subridentes intueri WERLHOFIOS, ROSENSTEINIOS, HAENIOS, STOLLIOS, mihi videor, quoties ingeniose istas in museo contextas virium medicamentorum explicationes perlustrent, quibus quidam adeo delectantur, vt eo sapientiores se esse credant, quo magis in hac arte calleant. Mihi sufficiat, quid Peruuianus cortex agat, scire, si quomodo agat, natura mihi patefacere detrectet. Sic quoque allatis de effectu plantae momentis lubens acquiescerem, nisi, quid in calculi molestiis non efficiat, veriùs, quam quid praestet, indicare possem.

### §. 11.

An soluendo calculum prodest? calculi molem Vva vrsi non quidem minui, sed lapides granulatos friabiles in minora fragmenta, glutine soluto, dirumpi, SAVVAGESIUS ait. De utilitate experimentorum LOBBII, HALESII, HARTLEII, MORANDI, STAEHELINI aliorumque cum variis liquidis, quibus calculos immerferunt, factorum, persuasus, diuersae compagis calculos vrinarios decocto Vvae vrsi saturato immisi, quum sperarem fore, vt si plantae vis soluendi inesset, haecce hac se ratione proderet.



1. Calculum vnc. 3 et drachm. 6, qui ex genere muralium, quos vocant, licet aliquo loco cortice externe obductus videretur, et tam durus erat, vt post repetitos modo mallei ictus diffiliret, diffregi, eiusque fragmentum drachm. 1 et gr. 35, versus centrum nonnihil friabile, in decocti saturati libram dimidiam inieci, et in fenestram seposui. Mox, haud violenter tamen, proruperunt bullae, calculo adhaerentes. Postero iam die corticis externi aliqua pars deradi potuit, quod aliquot dies post adhuc melius succedebat. Sed per 5 supraque hebdomades quamvis in decocto fragmentum fuisset, interna tamen eius latera nullo modo molliora facta erant.

2. Alter lapis, quem ab aegro, supra memorato, obtinueram, ex crustis sibi impositis constitit, externe laevis, aliquot locis detritus, et gr. 1. pendens. Immerso illo in decocti vnc.  $1\frac{1}{2}$ , vt ante, numerosae bullae prodierunt. Quatuor dies post crustam externam durissimam reperi, sed nucleum molliorem. Sex fere hebdomadibus exactis, pristinam quidem molem adhuc seruabat, verum, fortius digitis compressus, in multa minora fragmenta comminuebatur.

Ne vero mihi obiiciatur, quod liquido tantum frigido vsus fuerim, reliqua experimenta ignis ope, calorem animale, quantum fieri potuit, aemulantis, peregi.

3. Quamobrem fragmentum ex maiori isto lapide defuntum, ponderis gr. 25, in quo externae superficiei parum modo supererat, cum decocti Vuae vrsi vnc.  $2\frac{1}{2}$  digestionem in arena commisi. Postridie extus vngue aliquid deradi potuit, intus vero nihil. Sed 8 dies post, quum calculum eximerem, ubi vis haud aegre in frustula minora se decerpere fuit, quorum quaedam, nucleo proxima, inter digitos, omnino fere conterebantur.

4. Alio tempore calculum ponderis gr. 11 nucleum albidiorum intus continentem, at tam durum, ut in vitro lineas incideret, figuram insuper urethrae, per quam transierat, mentientem, decocti vncis  $2\frac{1}{2}$  immisi. Nullae bullae surrexerunt. Nec per 3 hebdomades, quibus liquido immerfus iacuit, ullum solutionis indicium animaduerti.

Liquet ex hisce, Vuam vrsi soluendi virtute orbam esse; quod etiam ex cito eius in calculosis auxilio et catheteris indagine eruere licet. Etiam si enim quidam calculi friabiliores euaserint: hoc tutius tamen aquae soli, quam plantae admistis partibus, tribuitur. Hanc aquae communis in calculo soluendo potestatem, quam LOBBIVS p), nonnisi sub maximo aquae ebullientis calore agnoscit, multi suis experimentis q) vindicant. Quoniam vero hoc non

p) *Dissolvents of the Stone, Vers. Lat. p. 42. et 158.*

q) HARTLEY *Diff. epist. de lithonriptico* 1. STEPHENS p. 47. STAEHELIN *Epist. eucharist. p. 28. 32. 35.* LITRE *Memoir. de l'Ac. d. sc. 1720. p. 436.* HALES *Hæmæstatique p. 177.* MENGHINI in *Comment. Bonon. Vol. 5. P. 1. p. 261. sqq.*

non de qualibet aqua locum habet r), ipse aquam, ad experimenta adhibitam, exploraui. Nempe fragmento calculi maioris, ponderis drachm. 1 et gr. 54, aquae fontanae libra  $\frac{1}{2}$  infusa, vitrum arenae, digestionis causa, imposui. Postridie aqua nonnihil turbida fuit, et calculus extus aliquantum mollior. Diebus sequentibus externaе superficies calce quasi porosa obductae s) praesertim in lateribus fractis apparuerunt, quae ad attactum, laminarum figura, secedebant. Calculus substratus vero, quum post 8 dies eximeretur, vt ante durus fuit, excepta parte nucleo proxima, vbi mollior; et aqua supra stagnans valde foetuit. Siccatum dein et ponderatum, gr. 4 sui ponderis perdidisse, et alio tempore, postquam per 14 dies supraque iterum in digestionе stetisset, dispendium gr. 12 eum passum esse reperi.

Sub experimentis binis a se institutis, cl. LAMPHIER t) infuso foliorum pondus calculi potius auctum quam imminutum cognouit, vnde vere solui hac stirpe calculum argumentum negandi capit.

F 3

Aduer-

r) *Mem. de l'Ac. d. sc. a. cit. p. 23. fq.*

s) Idem huic lapidi, qui ex muralium genere fuit, quod antiquis muris, accidit, vt scilicet molecule ipsae potius, quam gluten, quo coadunatae fuerant, soluerentur.

t) *Diff. de calculo renum et vesicae recuf. in WEBSTERI med. prax. Syst. Tom. 3. p. 182.*

Aduersari hifce quodammodo cl. GIRARDI experimenta videntur. Hic enim liquori acido destillatione ficca ex Vva vrsi eruto calculos varios vrinarios immittens, emollitionem, aëris explosionem, ponderis dispendium obseruauit, quae ipsa soluendi potestatis indicia indubia habet. Nec hanc efficaciam liquoris debilitauit lotii, salinae vel bilis, conubium *u*), ita nec miscela vini vel succorum vegetabilium, certe haud paucorum. Spiritus vini autem eam inertem reddidit, et addita oua, pisces, saccharum vel mel *v*) manifeste eam minuerunt. Nonne vero soluendi ista potentia vnice acidae naturae liquoris ignis vi extorti tribuenda, quum, quantum acida in calculo saepe valeant, constet. Mirum, quod cl. GIRARDI omisso hocce liquido, quod tantopere extollit, in aëgris suis, foliis modo in puluerem redactis vel decoctis acquieuerit.

§. 12.

An Vva vrsi vi pollet mucum in lotii viis alligandi, prout gustata salinam in ore aduocat, et, dum ille se calculo interponat, iniurias parti vicinae illatas, expiat? Non omnino ita sentire absolum esset, si, quod quidam volunt, mucum in calculosis, Vva vrsi ingesta, copiosius manare, et quidem sine calcis miscela, verum esset. Iure etiam ill. DE HAEN *x*) eam ob causam hanc plantae

vini

*u*) GIRARDI *l. c.* p. 461.

*v*) *Loc. cit.* p. 464. *sqq.*

*x*) *R. m. T. 3.* p. 156.



vinum denegat, quod, doloris etiam si leuamen mihi aegro conciliaret, ponderis tamen sensum auferre non posset.

## §. 13.

Plurimi, qui plantae, ut calculi remedii, meminere, adstrictione sua efficacem esse coniiciunt, inter quos celeberrimos viros LINNEVM *y*), VOGELIUM *z*) et CRANZIUM *a*) referas. CL. GERHARDVS *b*) autem, et auctor dissertationis Halensis supra allegatae, dubium nullum hac de re admittunt. Probabilem sane hanc sententiam, tam vehemens adstrictionis sensus in lingua, quam experientia, quae medicaminum adstringentium in calculo pellendo usum extollit, reddunt. Nec est, ut quis adstringentibus calculum figi potius, quam propelli, metuat, quum, prout cadauerum sectiones innuunt, viae urinariae plerumque in calculosis valde laxae et debiles sint, et virtutem horum medicamentorum in maturando partu, et pellendis adeo mensibus *c*), obseruemus. Neque Vicia vrsi sistit, sed

F 4

accele-

*y*) *Amoen. acad. T. 2. p. 408.*

*z*) *Mater. med. p. 128.*

*a*) *Mat. med. et chir. P. 2. p. 24.*

*b*) *Libro saepe cit. a pag. 48.*

*c*) Huius loci casus est notatu dignus foeminae melancholicae, balneo frigido sanatae, cui, quum adhuc in aqua commoraretur, menstruus sanguis, diu antea retentus, copiose prorupit. V. cel. MÜZELL *med. und chirurg. Wahrnehmungen, zweyte Samml. 1764. p. 56.* Quantum vero spei in ipso calculo ex balneo frigido concipi queat, ex propria experientia, in sua de bal-

neis

accelerat saliualem riuum. De his autem remediis generatim differere fufius, vix opus eft, quum doctiffime totam rem HEVCHERVS d) fingulari differtatione complexus fit. Equidem amaritiem iftam infignem, quae plantae noftrae ineft, pariter in cenfum trahi debere exiftimo, tanto magis, quoniam remedia, in quibus amaritudinis fenfus adftrictione manifefta fuperior eft, e. g. Abfinthium, Gentiana, Trifolium fibrinum, Acmella, Virga aurea, tantopere inter medicamenta, quae calculofis profpiciunt, emineant. Eminere quoque amara in podagra, malo maxime calculo affine, compertum eft. Amaris vulgo vis faponacea adfcribitur: licetne igitur emollitionem quandam faltem in externo calculi cortice assumere? Nihil eiusmodi experimenta extra humanum corpus facta confirmant: an vero in corpore noftro aliter fiat, nescio. Erunt forfitan, qui et aufteras partes, et amaras iunctim in id vnum collimare putant, vt tonum fibrarum amiffum reftituant. Quicquid fit, comprehendere animo non poffum, quomodo doloris tam celere leuamen praeflet, quod ab aliis adftringentibus propulfo modo calculo, nec faepe fine magno cruciatu praegreffo, redimi folet. Definire hoc quibusdam haud difficile videtur, dum nimirum Vuae vrfi, vt adftringentibus generatim, vim folidas partes

neis frigidis commentatione, *Tat om kalla Bad i gemen, och Loka Badningar i synnerhet* 1764. 8. cel. BERGIVS oftendit.

d) *Diff. de calculo per adftringentia pellendo, Vitenb. 1711. recuf. in Oper. T. 1. p. 241. fqq.*

tes contrahendi et naturale gluten spissandi adscribunt, unde fibrarum soliditatem, elasticitatem, irritabilitatem, sensibilitatem, vasorum amplitudinem mutari, putant. Ita quidem cel. GERHARD *e*). Hinc et cl. BISSET *f*) existimat illam conducere in dysuria symptomatica ex irritatione a calculo orta ad inflammationem discutiendam et irritabilem vim vesicae infringendam. Et cl. LAMPHIER *g*) vi sedativa, vel, ut ipse id explicat, mobilitatem solidorum imminuendo, tum et robore organis urinae secretoriis suppeditato, iuuare arbitratur. Verum haec omnia me non rite capere, ingenuus fateor. Si sensibilitas et irritabilitas in partibus, quos calculus infestat, imminueretur, quidni idem in aliis fieret? Aegrorum vero non prosternitur ciborum cupiditas, sed erigitur, non stringitur aluus, sed laxa manet, non torpet arteriarum ictus, sed viget. Viget etiam animi serenitas, rubet facies, integra manent omnia. Nollem igitur (iam ill. BVCHNERI *h*) verbis vtor) Vuae vrsi actionem in calculo ab imminuta partium irritabilitate deducere.

§. 14.

Frustra itaque aliquid damni in calculo ab Vua vrsi, nisi intempestive administrata, metui,  
 F 5 sponte

*e*) V. d. Bärentraube p. 52. sqq.

*f*) Medical Essays p. 157.

*g*) Diff. de calculo renum et vesicae l. e.

*h*) Diff. de destructa partium irritabilitate per incongruum adstringentium usum, resp. I. V. KOEHLER 1763. p. 24.



sponte iam patet. Nec tanta copia fumitur, ut nocere posset. Ne calculi loca constringendo, eum firmet et immobilem reddat, non veretur, qui multum virium, antequam ad destinata loca perueniat, amitti perpendit. Amarities insuper, quicquid mali ex usu continuato resultare posset, impedire videtur.

§. 15.

Coniecturis quoque longius progredi, et ad alios morbos plantae usum exigere, proclive iam erit, ad istos quippe omnes, in quibus adstringentia remedia et amara conferre experientia docuit. Nam quid in ultimis elementis corrigendum sit, cogitatione me assequi haud posse non diffiteor. Adstringentia nouimus laxitati partium succurrere, amara autem, praeter istam virtutem, fluidas partes balsami instar condire, et ubi spissitudine quadam coierunt, hanc bilis instar resolvere. Superuacaneum igitur ducens, morborum, quibus debellandis forsitan par esset, longam tabulam exhibere, eos modo indicabo, quos vere sanasse deprehensa est.

Nimirum in variis vitiis organorum lotio vel secernendo vel transferendo et excernendo dicatorum, absentibus calculi indiciis, auxilium praebuit. Ad horum censum pertinent illarum partium vti et vicinarum c. c. scroti, *ulcera*, siue calculi praesentis iuxta suspicio adesset, siue haec deficeret i). Quo quidem successu inductus HAENIVS et in alio etiam quo-

i) DE HAEN *Rat. med. Tom. 2. p. 163. 166. Tom. 4. p. 253.*



quocunque viscerum vlcere profuturam speravit *k*). An euentus huic spei responderit, postea non exposuit. Certe tentamen alius medici in phthisi purulenta successu caruit *l*). Profuit porro stirps in *dysuria* et *stranguria* ex praegresso maligno morbo *m*); et in aliis aegris quidem causa haemorrhoidalis subfuit *n*). Ita coërcuit *miſctum cruentum* ex vitio cololum vesicae occupante cum mictu valde doloroso et purulento *o*), et mingendi stimulum molestissimum cum lotio mucoso *p*) deuicit. In *catarrho vesicae*, qui ex transpositione mucosae collectionis in pectore originem suam ceperat, decoctum stirpis et Glycyrrhizae sub nitri miscela valuit *q*). *Paralysis* quoque *vesicae* apud senem, quae supra tres menses ad lotium euocandum catheteris applicationem iniunxerat, intra paucas hebdomades stirpe hac discussa est *r*).

Sed iterum querelae quaedam insurgunt, nec in hisce morbis vbiuis satisfacisse votis. Ipse eius exemplum de mictu cruento ex vlcere vesicae, quod WERLHOFIVM auctorem habet, memorauimus. Ita nul-

*k*) L. c. Tom. 4. p. 258.

*l*) HASENÖHRL *Hist. febr. petech. Obs.* 10. p. 69.

*m*) DE HAEN l. c. T. 4. p. 261.

*n*) GIRARDI *Obs.* 1. 3.

*o*) SCOVOLO apud GIRARD. *Cas.* 1.

*p*) L. c. *Cas.* 2.

*q*) ROUX *Journ. de Medec.* T. 43. p. 126.

*r*) PLENCK *Mat. chir.* p. 276.

lum lenimen homini incontinentia vrinae cum vlcere velicae absque calculi vel sabuli indiciis tento conciliauit, sed molestias potius exasperauit<sup>s</sup>). Breue modo solamen attulit beato AB HALLER t) per plures annos stranguria et dysuria correpto.

Insignem eius effectum in foemina 46 annorum, *leucorrhoea* laborante, egomet expertus sum. Et enim per sex annos, quibus vidua vixit, naturalis excretio nimis copiosa, et quod secessit, vel obscure rubrum crassumque, vel albidum s. viride foetensque fuit. Iam vltra hebdomadem eodem vitio affecta, tantum sanguinis profuderat, vt ad canthari mensuram iacturam aestimaret, ceteris memoratis incommodis denique se sociantibus. Vnde dispendium magnum virium et crebra animi deliquia passa est. Habitus corporis euasit cacochymicus, appetitus cibi deletus, somnus turbulentus et tremoribus interruptus. Pilulis purgantibus semel praemissis, 6 doses pulueris Vuae vrsi drachmae dimid. illi exhibui, quarum 2 de die sumeret. Mirari dein oportuit, quod adeo cito et tam parua pulueris copia iuuaretur. Nam paullo post cessasse fluxum cibique cupiditatem rediisse narrauit. Color faciei sanus et subrubellus simul rediit. Hoc igitur auxilio contenta tum purgantis remedii, tum Vuae vrsi vsum, quem suaferam, continuare recusauit. Aliud simile

s) FOTHERGILL in *medical. Obs.* Tom. 3. p. 144.

t) *Comment. nov. Societ. scient. Gott.* Tom. 7. p. 6.

simile efficaciae stirpis in fluore albo exemplum  
serius memoriae proditum est *u*).

In *febre tertiana* illam semel praescripsi. Afflictus ea erat iuuenis, qui emetico et venae sectione, qua sanguis lardosus apparuit, frustra administratis, et paroxysmo febris ter reuerso, meum consilium implorauit. Aluo conueniente medela soluta, Vuam vrsi eadem lege, qua cortex Peruvianus, vsurpandam dedi. Verum quater nihilominus febris eadem vehementia reuertit, etsi pars culpae aegri neglectui tribuenda sit. Quare Chinchinam substituere necesse fuit, quae tamen nonnisi nouo iterum paroxysmo ingruente desideratam opem praestitit.

Cl. GERHARDVS *v*) prout hunc morbum, ita affectiones cachecticas et hydropicas, febres catarrhales, quum carpi pulsatio torpere insigniter inciperet, imo gangraenam ipsam (vtinam quaedam exempla per partes enucleata addidisset) se eadem sanasse narrat. Cortici Peruuiano igitur illam aequiparare non dubitat. Nollem, quod in alterius remedii locum substitui quodammodo possit, pro eodem habere. Chemicis momentis innixus hunc eidem delatum honorem cl. MODELIVS *x*) limitauit. Sed restringet adhuc magis, ni fallor, experimentorum, in aegris capiendorum, crebritas.

§. 16.

*u*) BICKER *Mat. med.* p. 98.

*v*) *L. c.* p. 67. et 56.

*x*) *Zweytes Schreiben*, p. 19.

## §. 16.

Remedii tamen nomine, si quid vnquam, Vva vrsi digna est, digna, quae vbiuis in pharmacopolia recepta, medicorum formulas, explosa inertium farragine, crebro, in salutis aegrorum haud lubricam spem, ingrediatur.

## S E C T I O I V.

## VSVS VVAE VRSI OECONOMICVS.

**N**on minoris vero pretii Vva vrsi habenda, si ad vsum, quem in oeconomia praestat, attendas, quem paucis adhuc libari non iniucundum erit.

## §. 1.

Ruber licet color, qui baccis competit, ad gustandas istas facile inuitet, vix tamen ob fatuam farinam, quam continent, nisi fame valde urgente, crudae, in cibum cedent. Miror ideo, baccas maturas tam a Russis quam a Iacutis largius ingeri *a*). In annonae caritate commodius, notante Equ. A LINNÉ *b*), praegressa siccatione, in panem redactae comedi poterunt. Alias auibus, quae eas valde appetunt, crudae in escam relinquendae. Aqua coctae syrupum erogant vulgari ex saccharo syrupo non absimilem *\**).

## §. 2.

*a*) GMELINI *Fl. Sibir. Tom. 4. p. 118.*

*b*) *Amoen. acad. Vol. 3. p. 86.*

*\*) Kgl. Vet. Acad. Handl. 1774. p. 257.*



## §. 2.

Quos Nicotianae fumum haurire delectat, habent, cur Americanis gratias agant, quod, quum plantam illis dederint, ad fallendas molestas temporis moras adeo eximiam, aliam quoque, qua gratius iucundiusque fallerent, detexerunt. Nam ante 20, et quod excedit, annos, herba quaedam sub nomine Iakashapuck Londinum ex septentrionali Americes plaga translata fuit, quae Nicotianae admista, sapidiorem et delictiorem eam reddere dicebatur, vsu laudem eius apud Anglos quoque comprobante. LINNEVS tam barbara voce percitus, mox illam ex Anglia sibi mittendam curabat, qua aspecta, Vuae vrsi folia esse statim apparuit. Odorem foliorum et saporem haud ingratum esse, si Tabaco miscetur, ipse ill. vir expertus est. Et quum adstringendi vi excellat, ductus saliales nonnihil roborari, si diu adhibetur, et salinae fluxum minui, existimat c). Quam Americanorum Vuam vrsi cum Tabaco commiscendi consuetudinem KALMIVS deinceps confirmavit.

## §. 3.

Inter plantas tinctorias pariter locum non infimum, saltim in Suecia, obtinuit. Alumine enim coctam griseo colore, vitrioli vero ope, nigro, laneas merces illam imbuere, compertum est. Quid ad

c) *Kongl. Vetensk. Acad. Handlingar 1743. pag. 292. sqq.*

ad posteriorem valeat, cl. HARALDVS VRLANDER *d*) inprimis abunde declarauit, qui incommotis, quae in vulgari modo lanae nigredinem delatiationem, Haematoxyli campechiani auxilio, inducendi occurrunt, descriptis, solam Vuae vrſi herbam, omisso sumtuoso isto et exotico ligno, praestantissimum colorem nigrum, castoreum ab arte peritis dictum, impertire, consilio patriae beneuolo, ostendit.

#### §. 4.

Maiori tamen longe me iudice laude digna est ob emolumentum, quod cerdones in subigendis et parandis coriis inde petunt. Multum omnino regionis interest, vt sylvarum merita habeatur cura, ne in tanta ligni consumptione, quam quotidiana indigentia sibi vindicat, pretioso isto naturae munere vel nosmet ipsi vel posterī nostri destituantur. Vnde vix vllam rem ardentius ciuibz suis, quam sylvarum culturam commendare solet, quae Stockholmiae florēt, R. scientiarum academia, non tam suae, quam venturae aetatis *e*) commodis, intenta. Haud exiguum arborum numerum, earundemque pretiosissimarum fere, Quercus nempe praesertim et Betulae, ars coriaria extirpat *f*), quum tamen  
inter

*d*) *Könl. Vet. Acad. Handl. år 1753. pag. 123. sqq.*  
*Cfr. LINNEI Öländska resa, p. 10. et Wästgöta resa p. 110.*

*e*) *För efterkommande: academiae huius illustris symbolum.*

*f*) Haud mediocris igitur momenti erat quaestio, a Societate R. scient. Gott. a. 1753. et 54. proposita, annon in hunc finem arborum corticibus alia quaedam substitui possent.

inter herbas vulgarissimas, et vix in alios vsus vocatas, larga seges proftet, quae corticis harum arborum vices apte supplere posset. Multus in hisce stirpibus colligendis et designandis fuit ill. GLEDITSCHIVS g), qui et nobis harum characteres tam experimentis chemicis, quam leui domestico superstructos, indicauit. Igne enim eadem partes, quae ex arbore Rhus Coriaria dicta, gallis variisque corticibus, euoluuntur, fixae nimirum, terreae, gummosae, aut resinoso-gummosae, quibus interdum aliquid volatilis se adiungit. Puluis vero, vel decoctum earum in miscela soluti aqua martis vitrioli colorem vel rubrum, vel coeruleum, vel plane nigrum creat. Secundum haec criteria, nemo erit, qui Vuae vrsi coriariam vim, vt experimenta superius allata testantur, denegabit. Plurimae ex plantarum bicornium classe, cui ista adscripta est, eadem virtute pollere videntur, quarum Ledum palustre eminet. Praeter hoc ex eadem classe Myrtillum et Vitem idaeam in tabula sua GLEDITSCHIVS recenset. Et in actis academiae scient. Parisiensis Erica vulgaris eodem fine valde laudatur.

possent. V. Gütt. Anzeig. 1753. p. 1251. et 1754. p. 844. Idem argumentum pars quaestionis est, quam Academia scient. Suec. in annum 1766. denuo exhibuit, quum desiderio eius nondum plane satisfactum fuisset. V. *Svar på frågan om Ekar och andra Luf-träd kunna, utan fara för Rötta eller Mask, barkas, för än de fällas? etc. 1763. in Praef.*

g) *Histoire de l'Acad. R. des sciences de Berlin, 1754. p. 17. sqq. et p. 124. sqq.*

datur. Quamobrem Suecis iam dudum Vva vrsi in pretio fuit, ita vt, Stockholmiam magna copia missa, a coriariis copiose coemta sit, etiam adhuc in patria ideo vsitatissima *h*). Sic in Russia, prope urbem Toropez, mos est coria tenuiora, vt vitulina, foliis eius indurandi, quamuis haec ipsa corio bouino non sufficiant *i*). Et prope urbem Casan ex pellibus ita praeparandis faccos consuunt, in quos scopo coriario fruticulum comminutum immittunt *k*).

### §. 5.

Vbi vberius crescat, operae pretium est, herbam pro cineribus comburere, quorum, vt ex Vacciniis, copiosus prouentus est *l*).

### §. 6.

Duo tantum hucusque infecta nota sunt, quae in Vva vrsi alimentum quaerant, quorum vnum Phalaena est, a scientiae naturalis arbitro, Equ. A LINNÉ, Arbutella dicta. Haec a cognatis suis alis sanguineis fasciisque argenteis tenuissimis *m*) dignoscitur;

*h*) LINN. *Fl. Lapp. p. 124. et Fl. Suec. 138.*

*i*) GMELIN ex narratione cl. GÜLDENSTEDT.

*k*) GEORGI *Reisen T. 2. p. 816. Conf. PALLAS Reise T. I. p. 11.*

*l*) V. GLEDITSCHII *Forstwiss. Vol. 2. p. 175.*

*m*) *Syst. nat. T. 2. p. 538. et Fn. Suec. ed. 2. p. 358.*  
vbi prolixior eius descriptio reperiunda est.



scitur; nec ullam ob rem valde inclaruit. Sed alterum infectum tanto dignius est, quod a quouis naturae scrutatore cognoscatur. Est Cocci species. Qui in Cactis opuntiis commorantur cocci propter colorem, quem largiuntur, egregie purpureum, prae ceteris in magno honore habentur. His dignitate inferior longe est, quoniam magnitudine illis cedit, Coccus Polonicus, qui, licet in Polonia et Vcrania imprimis copiose, alibi tamen in eadem stirpe, nempe Sclerantho perenni, parcius reperitur. In Suecia rarius occurrit. In Germania vero in ducatu Megapolitano et circa Rostochium largum eius prouentum esse cl. BVRCKHARD *n*) narrat. Minor adhuc est Pilosellae Coccus, nec coloris iucunditate ceteris aequiparandus. Inter infecta a folis hisce purpureum colorem obtineri posse, creditum est, donec a. 1758. Maio m. aliquis auditorum, qui LINNEVM ad conquirendas stirpes exeuntem, comitabatur, infecta in Vua vrsi detegeret, quae quum praeceptoris oculis subiicerentur, coccus esse constitit, et in papyro vel linteo contrita amoenissimum colorem purpureum exhibuerunt. Detectae ferius aliae species, coloris causa memorabiles, in Fragaria vesca, Potentilla verna, Polygono auiculari, Hyperico perforato, Nardo stricta aliisque plantis indigenis.

Sed abstinens horum omnium coccorum solertiori consideratione, coccum Vuae vrsi modo,

G 2

et

*n*) V. *Aff. Societ. R. scient. Vps. a. 1742. p. 54.*

et loca, quae obsidet o), fufius describam, eo praeprimis fine, vt qui in Cellenfi ducatu locis, vbi planta crefcit, habitant, ad infecta ifta colligenda, augenda et in vsum transferenda, excitentur. Cocco Polonico duplo maiora funt, vel Oryzae granum magnitudine aequant. Extus rufa apparent, et initio laeuia, fucceffu vero temporis pili albi incurui erumpunt, qui fenfim ita inter fe implicantur, vt cutem, niuis inftar, candidam vel folliculum mentiantur, qui tandem fe fe-  
parat; vnde quilibet vermis intra putamen album delitefcere videtur p). Sub hac forma aliquoties eum ipfe, in itineribus botanicis, ill. LINNEO duce institutis, legi. Cocci ifti caulibus Vuae vrſi, radici proximis, et quidem in infima eorum parte inhaerent, vbi ſub terra fere vel muſco latent; locis praecipue nonnihil humidis. Opus vero eſt, vt, ſi eorum copia quaedam collecta fuerit, mox in fumo exſiccentur, ne in volucres mares mutati aufugiant, vel foeminae, grauidae factae, inutiles fiant. Vere hoc infectum in ditione Cellenſi obuenire, indagine cel. TAVBE q) iam nouimus, qui illud in infimis plantae ramis ſed valde exiguum et parco tantum numero ibidem detexit, attamen et chartam et lin-  
teum colore purpureo inſtar Suecici tingens. Anne exigua eius magnitudo et paucitas ibidem in cauſa fue-

o) LINNEVS in *K. Vet. Acad. Handl. für år 1759. p. 39.*

p) Cfr. deſcriptio Cocci Vuae vrſi in *Fn. Su. p. 266.*


q) *Beiträge zur Naturkunde d. Herzogth. Zelle, P. 1. p. 75.*

fuerit, vt subsequente tempore collectionis eius nulla cura haberetur, non dixerim, prout et in ipsa Suecia eandem plane neglexerunt. Non despondendus tamen animus est. Propagando stirpem arte videntur ericeta eorum tractuum sterilia, nullique fere vtilitati inferuientia, in campos lucrosos saltem multis in locis commutari posse. Inuitat ad hocce tentamen, quum multiplex eiusdem recensita haecenus vtilitas, tum nominatim infecti, quod nuperrime descripsi, praestantia. In plagas vero, quibus defit, illud facile ex remotioribus transferri poterit.

Pecora autem respuere hanc plantam, experimentis constitit 1).

1) HESSELGREN in LINN. *Amoen. acad.* T. 2. p. 224.

---





II.

# NATVRA FOLIORVM

DE ARBORIBVS CADENTIVM

EXPENDITVR.





---

# NATURA FOLIORVM

## DE ARBORIBVS

### CADENTIVM. \*)

---

#### §. I.

**M**eministis, Sodales honoratissimi, Vos, aestate praeterita iam ad finem vergente, id documenti Vestrae erga me beneuolentiae et iudicii de meis ausis honorifici exstare voluisse, vt in coetum Vestrum illustrem reciperer. Tempore hoc accidit, quo iam languescere coeperat stirpium vigor, tristiorque tam hortorum quam camporum vestitus vacationem laborum herbariorum denun-  
tiasse videbatur, et interceptam fere omnem obser-  
uationibus botanicis vltius indulgendi opportuni-  
tatem. Quoniam tamen litteris Vestris cognoui, ea praecipue, quae in rei herbariae auctus facere possent, Vobis exponere iniunctum mihi esse: nolui, quum primum coram Vobis dicendum, ex-  
spectationi Vestrae deesse. In vltimam ideo stir-  
pium scenam, quae tum in plerisque adhuc super-  
erat,

G 5

\*) Commentatio. R. Societati scientiarum Gottingensi d.  
4. Maii a. 1771. praelecta.

erat, diligentius inquirere constitui, eam nimirum, qua viuere desinunt; qua ipsa nescio, an vlla alia scrutinio botanicorum dignior sit.

§. 2.

Habet huius rei consideratio aliquid triste, et moeroris causam vix ab alio, quam qui stirpes ipse quam maxime in deliciis habet, percipiendam. Quid enim potest huic accidere tristius et acerbius, quam tot elegantissimas stirpes, quae curae illi et oblectamento per integram aestatem fuerunt, vel lenta morte consumi, vel vnus frigidioris noctis asperitate extinguui? Hunc dolorem quodammodo vt lenirem, et vel ex interitu stirpium aliquid fructus repeterem, iam per aliquot annos, sub remissione ista negotiorum botanicorum, quam anni tempus concesserat, quaenam mortis earum ratio sit, pensitare solitus sum.

Et ad id quidem rei vtilitas me praecipue impulit. Quippe quae ad abditas vegetationis leges vltius eruiendas, ad climatum cognationem et diuersitatem magis definiendam, ad cuiuslibet denique stirpis peculiarem genium cultumque necessarium expiscandum, insignem lucem afferre semper mihi visa est.

§. 3.

Non mihi iam fumo, mortis plantarum historiam completam pertexere, et omnia eius phaenomena, quae pro varia stirpium compage,  
dura-



duratione caufisque variis, quarum frigoris maxima vis est, feſe exſerunt, recensere. Verum amplitudine argumenti praepeditus, particulam eius iam modo decerpam, et mutationes, quae in frondibus vetuſtate deciduis feſe manifeſtant, propriis obſervationibus illuſtrabo. Pleraeque harum in horto botanico factae ſunt, multis intra biennium exoticis arboribus locupletato. Quum autem in iſto variae arbores indigenae vel omnino deſint, vel exiliori adhuc ſtatura fruantur: in vicinas quoque ſylvas et nemora excurrere mihi opus fuit. Quae hiſce ſubſidiis cognoui, in aduerſaria ſecundum dierum ſeriem conieci, a quo ordine iam vero recedere viſum mihi eſt, et ſimilia coniungendo continuo ſermone rem explanare.

#### §. 4.

Simplex forſitan et vniforme dixeris hoc naturae negotium, quo arbores et frutices (communi nomine ſtirpes arboreſcentes ſubinde in poſterum vocabo) foliis ſuis exuuntur. Aſt inſignis in illo varietas. Sunt enim variae huius generis plantae, quae vltra conſuetum tempus frondes ſeruant. In iis autem, quae quotannis eas dejiciunt, magna diuerſaeque multis modis foliorum quoad colorem, compagem, ſuperficiem petioloſque praecedat mutatio. Variat quoque tempus, quo cadunt, ſive regionum, ſive ſpecierum diuerſarum, ſive altitudinis diuerſae ramorum, rationem habeas. Et ſub ipſa, vt apparet, rei ſimplicitate, in cauſarum, quae iſtam perficiant, explicatione tot ſententiarum diuor-

diuortia obtinent, vt habeat, qui veriozem enucleare cupiat, in quo ingenium suum exerceat.

§. 5.

Obtingit nimirum quotannis istud sub nostro climate spectaculum, quod folia arborum plerumque et fruticum, quae primo vere eruperunt, declinante aestate labem contrahant, et, postquam ad certum quendam interitus gradum peruenerint, nexu suo, qui ante firmissimus fuit, soluta decidunt. Considerari igitur folia tanquam annuae plantae possunt, quae propriam vitam degunt, sed instar parasiticae alimentum suum per aestatem ab arboris ramis, quibus insident, hauriunt. Delapsis foliis, arbor asciscit conditionem, illi animantium somno alto per hiemem sopitorum, haud absimilem, donec redeunte veris beneficio vita quasi suffocata refuscitetur.

Cadunt folia arborecentium stirpium diu post florum eruptionem, quum herbaceae contra ea, mox illa peracta, vigorem suum amittant, iunctimque dein cum foliis marcescant, et vel vna cum radice vel hac vnice intra terram superstite, postquam caulis lente exsiccatus fuerit, intra annum spatium depereunt.

Deiicere folia arborecentibus videtur esse proprium, certe rariora herbacearum existant exempla. Eiusque rei rationem quaeras in structurae vtriusque discrimine. Est enim herbaceis plantis con-

textus

textus laxior et quasi spongiosus, vasa ampliora magisque flexilia et copiosiori liquido referta. Idque nominatim de petiolis et foliis valet, quibus hoc praeterea commodi accedit, quod superiori superficie aequali auiditate ac inferiori *a)* humores hauriant. Tanto igitur facilius vi intrinsecus expandenti cedunt et tanto tenacius externe constringenti resistunt; nec, ob vberes humiditatis suppetias, penuriam liquidi per breuem stirpis durationem folia patiuntur. Arborefcentium vero vasa angustiora sunt magisque firma: et inferior superficies auidius longe humores attrahit. Nihilominus tamen et hac ipsa in re exceptioni locum esse, et quasdam quoque plantas herbaceas folia perdere, conspexi inter annuas in Ocymo Basilico foliis bullatis; inter biennes in Basella alba, Gossypio herbaceo, Sida indica; inter perennes autem in Lino flauo, Sida paniculata, Boerhaavia scandente et Euphorbia palustri, cuius proxime dictae folia, antequam decidant, colore ex rubro flauo suffunduntur.

### §. 6.

Verum in arboribus ipsis foliorum durationem variare cernimus. Praeter eas enim, quae quotannis autumnio folia deiciunt, sunt aliae, quae eadem et per hiemem integra seruant, ideoque semperuirentes dicuntur, prout ipsa folia, perennantia siue persistentia nuncupantur. Sunt rursus aliae arbores, quarum frondes autumnio quidem emoriun-

*a)* BONNET *recherches sur l'usage des feuilles* §. 5. et 6.

riuntur, sed colore alienato et varie contortae et aridae per hiemem in ramis residuae manent. Tres igitur arborum constitui classes possunt, de quibus omnibus seorsim dicam.

### §. 7.

Primum notari meretur, tantam in ista foliorum perennitate et lapsu sub eadem aëris temperie constantiam esse, vt ad specierum characteres statuendos commoda iudicetur. Nec in diuersis modo generibus stirpium, sed in vno eodemque speciebus quibusdam folia decidua, aliis perennantia, competere obseruamus; vnde sub defectu aliarum, quibus folis praecise dignoscantur, idonearum notarum, huius diuersitatis in differentia specifica ratio iam dudum a botanicis summis, CLVSIO, BAUHNIS, COMMELYNIS, HERMANNO, DILLENIO, habita, et adhuc a LINNEO et MILLERO, vt alios taceam, habetur. Sic, inter Prunos Lusitanica L. et Laurocerasus EIVSD. item Caroliniana MILL. foliis sempervirentibus vestiuntur; inter Quercus, Ilex L. Gramuntia L. Virginiana MILL. et semperuirens EIVSD. inter Rhamnos, Alaternus, inter Rosas, Rosa semperuirens L. et inter Sideroxyla, Melanophleos L. et illa species, quam vnice, quantum hucusque innotuit, perill. OTTO A MÜNCHHAUSEN *b)* in horto suo Schwöbberano possidet, Sideroxylon decandrum.

Quin experimenta aliorum docent, ramum arboris sempervirentis insitione arbori foliis deciduis

*b)* Hausvater T. 5. P. 1. p. 313.



duis innatum, per hiemem vt antea folia feruare, quamuis altera folia folito suo more deiciat c).

### §. 8.

Regiones sub calidissimo coelo ad 36um gradum vsque sitae, in primis, quae intra tropicos comprehenduntur, reliquis inter tot alia stirpium genera, terram per totum fere annum grato virore obuestientium, arborum in vniuersum copia et varietate antistant, quarum multae bis quotannis flores proferunt, et eodem tempore fructus variae maturitatis gerunt. Hae eadem terrae semperui-  
rentibus quoque arboribus fertiliores d) sunt, quam temperatae magis frigidaeque; vnde tot succosas plantas, vt Crassulas, Aloes, Cotyledones, Cactos, Euphorbias, Cacalias, hypocauſta botanica calidiora perenni suo vigore ornare conspiciamus; nec minorem plantarum membranaceis foliis instructarum copiam, vt Iusticias, Jasmina, Coffeam, Boseam, Plumbagines, Solana varia, Achyrantes, Yuccas, Lauros, Annonas, Melianthum maiorem, Hermannias, Palmas aliasque. Bene multae tamen quoque in temperatioribus regionibus, quin nostrae

c) Notauit hoc ill. DV HAMEL de Pruno Laurocraſo, Pado, et de Quercu llice, vulgari Quercui inſitis. Idem experimentum ſuccedere connubio inter Quercum Suber et vulgarem, et inter Pinum Cedrum et Laricem, factò exponit cl. JACOBI in *Hausuat. T. 5. P. 2. p. 683.*

d) Quod nec effugit aciem THEOPHRASTI ERESII (*Hiſtor. plant. L. I. cap. 11.*), qui in calidis regionibus, vt agro elephantino, arborum frondes non cadere monuit,

nostrae Europae, Lusitania, Hispania, Gallia inferiori, Italia crescunt semperuirentes, vt Olea Europaea, Cneorum, Oleander, Alaternus, Tinus, Citri species, Laurocerasus, Myrti, Teucris varia, Rosmarinus, Medicago arborea, Ilex europaea, Cinerariae plures, Gnaphalia varia, Cupressus semperuirens, Smilaces variae, Rusci, vt reliquas, post exempla vnice ex horti nostri collectione desumpta, praeteream, quae omnes stirpes vero ob mitius coelum, cui in patria sua assueuerunt, apud nos nonnisi intra hibernacula per hiemem vitam et virorem suum continuant. Sed tantum abest, vt frigidiores terrae tractus hoc ornamento omnino destituerentur, vt potius, licet sub minori specierum numero integrae syluae in borealibus adeo, Suecia, Russia, America septentrionali, eo niteant, et eo praecipue tempore, quo reliquae arbores nudae conspiciuntur, peregrinatores oblectent et statura sua procera et ramis lato ambitu expansis venerabiles existant. Pini praestantissimum genus, Juniperi, Thuyae, Taxi, nominatim huius loci sunt. Multi insuper frutices ibidem per totum annum virere pergunt.

Quamuis vero in hisce folia per hiemem persistant: in haud paucis tamen libero aëre fruentibus color ingrator mihi apparuit, vel in sordide brunum, vt in Thuya occidentali, Junipero vulgari, Sabina, vel in profundius viridem, vt in Taxo et plerisque planifoliis, Aquifolio, Vinca, rel. inclinans.

## §. 9.

Otium mihi fecerunt in speciebus iis vberius enumerandis, quae sub dio, coelo etiam si asperiori, viriditatem suam seruant, ill. DV HAMEL *e*) et cl. MILLER *f*) et HANBURY *g*), quorum ille tamen quum ad Gallicum praecipue, hi ad Anglicum clima, animum aduerterint, non omnino eorum indices in nostros tractus quadrant. Curatior autem istarum plantarum notitia iis certe necesse est, qui luculis suis arte instructis (Bosquets), et per hiemem, decus conciliare student. In horum gratiam indigenas arbores et frutices, qui intra limites Florae nostrae hucusque definitos crescunt, significabo. Sunt hae

inter arbores:

Pinus Abies,

— — syluestris; et

Varietas, Pinaster tenuifolia

lius julo purpurascens c.B.

Juniperus vulgaris,

Taxus baccata,

Ilex Aquifolium.

inter frutices:

Vinca minor,

Hedera Helix,

Vaccinium Vitis idaea,

— — — Oxycoccos,

Erica vulgaris,

— — Tetralix,

Andromeda Polifolia,

Arbutus Vua vrsi,

Empetrum nigrum,

Viscum album.

Buxum

*e*) *Traité des arbres et arbustes, Tom. I. Introd. p. 54.*

*f*) V. in *Gardeners Dictionary*, inter catalogos Ed. 8. annexos, eum, cuius inscriptio *Catalogue of hardy evergreen Trees and Shrubs.*

*g*) *Compleat Body of planting and gardening, p. 203.*

Buxum quidem semperuiuentibus plantis, quae sponte apud nos emergunt, annumerare non licet: ob vsum vero in omnibus fere hortis obuium ius ciuitatis inter eas sibi vindicat.

### §. 10.

Praestantissimo tam quoad vtilitatem quam quoad habitus elegantiam coniferarum ordini prae reliquis haec praerogatiua folia per hiemem retinendi concessa est, quae tamen tanto minus, vt multi existimant, a copia resinae, qua scatent, deriuanda, quum, et sub huius prouentu, etsi vberi satis, quaedam huius ordinis arbores folia decidua habeant. Eiusque naturae, quantum scio nonnisi duae, Pinus Larix *h*) nimirum et Cupressus disticha, sunt; quibus aliquo iure Pinus syluestris adiungenda, quae quotannis copiam foliorum inferiori ramorum parti insidentium deiicit.

### §. 11.

Dum vero quaedam arbores fruticesque semperuiuentium nomine veniunt, hoc non ita intelligendum, ac si in his folia, quae semel emerferunt, quousque arbor ipsa viuat, integra residuaque manerent. Sed in hisce pariter cadunt, licet post diuturnio-

*h*) Ex obseruatis tamen cel. OELHAFEN A SCHÜLLENBACH (*Abbildung der wilden Bäume, Stauden und Busckgewächse, Abhandl. 4. p. 50.*) edoceor, Laricem, primo anno et interdum etiam secundo, folia sua adhuc retinere, nec nisi vere insequente post consuetam decolorationem deiicere.



turniorem moram et magis clanculum. Quaedam nimirum post binos tres pluresue modo annos decidunt. Quum vero hoc dispendium non simul et vno impetu sese exferat, et in multis mox nouis foliis refarciatur, vel vetusta non ante nouorum eruptionem cadant, in perenni viriditate versari hae arbores reputantur. Hanc iacturam quotannis in arboribus intra hibernacula seruatis, e. g. in Olea, Alaterno, Lentisco, autumnno et hieme conspicio, ad quam clausus aër partem conferre videtur; manifestior autem fit vere per vim nouorum foliorum pullulantium. Et in harum multis, vt in Vinca rosea, Riuina humili, numerosa folia in inferiori ramorum parte cadunt, extremis tamen remanentibus. Modus, quo semperuirentes hocce vestitu orbantur, non in omnibus idem. In iis, quarum folia angustam insertionem habent, siue petiolata siue sessilia sint, et vel plana, vt in Buxo, Aquifolio, Vinca, vel acerosa, vt in Pinis et Taxo, folia singulatim post praegressum marcoris vel maiorem vel minorem gradum, decidunt. In iis autem, quarum folia imbricata et foliola bina ad vtrumque ramuli latus condunata, vt in Thuyis, Sabina, Cupresso semperuirente, vel terna, vt in Junipero Virginiana, haec non solitarie, sed iunctim cum ramulis exsiccatis delabuntur. Accedit aliud genus sempervirentium, quarum folia amplexicaulia, vt in Aloibus variis et Yuccis, non cadunt, sed lenta tabe consumpta remanent, donec vel sensim deterantur, vel dedita opera auferantur; vnde in quibusdam succosis ex reliquiis truncus squamosus euadit, id-

que quidem contingit foliorum infimorum iactura, quam interea alia noua in summo caule emergentia restituunt.

§. 12.

Et hucusque de *sempervirentibus*; a quibus ad eas arborescentes stirpes progredior, quarum frondes autumno quidem pereunt, sed, vsque ad proximum ver, aridae varieque tortae et vento flante strepentes ramis adhaerere pergunt. Non me iam morantur pauca ista folia, quae haud raro in extremis ramorum pomiferarum aliarumque arborum residua videmus. Et simile contingere in tenerioris naturae quibusdam arboribus, e. gr. Moris, observavi, quando repentinum gelu, antequam sponte ad lapsum prona folia euaserint, incidit; nec non in iis, quae autumno foliis adhuc onustae transplantantur, vt in Hippocastano proxime conspexi. Magis autem id inter nostrates Fagi syluaticae, Quercus Roboris et Carpinì Betuli naturae proprium est, in quibus tamen non omnia folia remanent, neque in tenellis arboribus, neque aetate prouectioribus, plura autem longe in tenellis. Inter peregrinas arbores multa per hiemem retinet Rhus Cotinus, Color per id tempus in Fago rufo brunus, non multum abludens a colore Fagi foliis atrorubentibus, in Quercu et Carpino ferrugineus apparet. Seruant et folia sua arida Quercus variae Americae, vt Quercus alba et nigra *i)* et gratum diriori frigore et procella infestante auibz refugium praebent.

*i)* KALM'S *resa til Norra America*, T. 3. p. 27.

bent. Ab hisce exemplis discrepat Atriplex Halimus quodammodo, cuius folia vsque ad Ianuarii initium, pluries etsi tam pruina quam gelu inciderat, vegeta, tandem frigoris intensitate vna cum ramorum extremis exarescebant, et arida, prout in plantis herbaceis, remanebant.

## §. 13.

Quandoquidem autem maxime frequentes inter nos sunt arbores frondibus autumnio deciduis, hisce potissimum me occupari oportet. Atque aequae fere memorabilia mihi visa sunt prodroma ista futuri foliorum delapsus indicia, quorum magna varietas, ac delapsus ipse. Haec ipsa indicia notabile tempus, antequam frondes cadunt, sese manifestant.

## §. 14.

Id quod maxime in oculos incurrit, est coloris multiplex ista a naturali viriditate deflexio, quae in singulis speciebus eadem semper est, sed nonnunquam adeo singularis, vt incautos de specie dubios reddere possit. Egregium huius rei exemplum praebet Quercus palustris MÜNCHH. k), cuius folia, aestate viridia, autumnio gratissima rubedine suffunduntur. Eo attentius autem haec ipsa res considerari meretur, quum et color foliorum deciduorum ad species discernendas et affinitatem plantarum confirmandam aliquid ponderis habeat. Ita eo certior euasi Nitrariam Schoberi ab alio simili frutice, olim

H 3

a me

k) Hausvater, Tom. 5. P. 1. p. 253.



a me descripto <sup>1)</sup>, differre, quum in illa folia viridia, in hac flauida, decidere animaduertentem. Et singulare, quod variae species Rhois, vt Coriaria, Vernix, radicans, Toxicodendron, colore intense rubro foliorum delapsum minantium, conueniant. Paria exempla praebent genera Corni, Crataegi, Sorbi, quorum folia in speciebus plerisque colore vario gradu ex rubro fusco vel lateritio tinguntur. Pruni et Pyri folia autem ante lapsum flauescere solent.

Sunt tamen et arbores, et frutices, quorum folia, dum adhuc viridia sunt, cadunt, e. c. Nitraria, Fraxinus excelsior, Sambucus nigra; idque fit non procelloso solum aëre, sed et quieto. Nam procellae faeuientis vi multa saepe folia iusto praecocius detruduntur, quae sub diuturniori mora viriditatem suam depositura essent. Quod vidi in Lonicera Tatarica et coerulea, in Ceraso, et haud paucis aliis.

Facilius oculum fugit diuersitas ista coloris, quae sub comparatione vtriusque folii superficiei apparet. In vniuersum superior superficies prius labem contrahit, inferior serius. Quin adeo multa folia decidunt, varie supra, quoad colorem mutata, fusca, rubra, flaua, maculata, superstiti inferius consueta viriditate. Sic vigente eadem in inferiori superficie, superior in Vite vinifera fusca, in

1) *Designatio stirp. Gotting. p. 196.*



in Corno sanguinea et Corno alba obfcure rubra erat. Apex quoque et margo folii colorem citius mutant, quam loca venis iftius vicina, quae diu adhuc vel viriditatem feruant, vel peculiari colore tinguntur; vnde multa folia initio variegata confpicimus, quae dein vnicum modo colorem prae fe ferre animaduertuntur. Vt exempla nominem, Salicis viminalis folia fuperius media parte, vbi neruus tranfit, viridia, ad marginem autem flaua erant; in Rhoe glabro profundius viridia et rubro mixta; in Lonicera Dieruilla tenella folia, quae initio ex rubro lutea, et inftar Amaranthi tricoloris eleganter variegata erant, fenfim iucunde rufa euadebant. Et etiamfi vtrinque viriditas perierit, alio colore inftui fuperficiem fuperiorem, alio inferiorem obferuau; e. gr. dum in Crataego Crure galli et in Dieruilla fupra erant intenfè rubra, in inferiori lutea apparebant. — Rationem huius coloris fuperficierum discriminis haud aegre intelligimus, memores diuerfitatis iftius ftructurae, coloris et functionis, quae in foliis tantum non omnibus fanis et vegetis, naturalis eft. Horum enim fuperficies fupera plerumque glabra et nitens eft, minus exftantibus venis notata et colorem profundius viridem habet, infera autem afperior venis magis prominentibus et pallidior. BONNETI<sup>m)</sup> quoque cel. experimentis conftitit, debilius longe fuperficiem fuperiorem imbibere aquam, quam inferiorem. Perftitit igitur fuperficies inferior diutius

H 4

viri-

*m) Recherches fur l'usage des Feuilles, p. 2.*

viridis superiori, quoniam haurire adhuc pergit rorem ascendentem, dum nihil amplius vel parce modo haurit superior. Et quum nec in sanis vegetisque foliis vtrunque respondeat color, quid mirum, id contingere in tabescentibus et languidis? Prope venas autem ideo diutius conseruant viriditatem, quod ista pars frondis liquidorum fonti proxima est. De alio officio foliorum nos serius edocuit ill. INGENHOVSS \*), scilicet inferiorem eorum superficiem destinata esse praecipue spargendo aëri puro seu dephlogistificato, superiorem resorbendo aëri atmosphaerico, eique in dephlogistificatum elaborando.

Coloris ipsius autem foliorum sub hoc stadio vitae magna varietas; et hanc quidem coloris mutationem maturitatis nomine vulgus solet nuncupare. Ne vero in eo definiendo error committatur, ex superficie superiori frondium, et quidem earum tantummodo, quae sponte quasi, vel leuissima modo ventorum agitatione cadunt, illum diiudicandum esse arbitror. Secundum hanc normam sequentia genera constitui poterunt, quibus mox exempla substernam. Nimirum cadunt folia flaua, ex Tilia, Rubo idaeo, Xylosteo, Pyro communi et Ceraso, Hippocastano, Staphylaea pinnata, Ulmo, Juglande regia, Quercu Robore, Celtide occidentali, Philadelpho, Larice; rubicundo flaua, ex Potentilla fruticosa, Pruno spinosa, Berbere;

laete

\*) *Experiences sur les vegetaux*, 1780. p. 12.

laete rubicunda, ex Rhoe coriaria, Vernice, radicante, Toxicodendro, Crataego torminali, coccinea, Dieruilla;

obscure rubra, ex Euonymo Europaeo, Corno sanguinea;

fusca, ex Spiraea hypericifolia, Opulo;

fusco rubra, ex Vua crispa, et aliis speciebus Ribis;

fusco coerulea, ex Lonicera Caprifolio;

variegata, ex Rhoe glabro, Viburno, Lantana.

Inter omnes hucusque recensitos colores nullus crebrius in deciduis foliis occurrit flauo. Gradus colorum omnes et singulos ob defectum nominum commodorum definire non vacat; nec inferior, in quibusdam varia de causa, pluuia, nebula, frigoris asperitate aliisque discrimen interdum aliquod obtinere.

Sunt et quaedam folia, quorum interitus maculis initium capit, vel albis siue albo-flauis, vt in Amygdalo Persica; vel fuscis, vt in Syringa vulgari et Cytiso Laburno; vel ferrugineis, vt in Moro alba et nigra, et Corylo Auellana; vel nigro, vt in Ligustro vulgari.

De foliis, quae adhuc, dum cadunt, viriditatem suam seruant, supra iam dixi.

In quibusdam frondibus petioli et venae gratam rubedinem, ante quam marcescant, contrahunt, vt vidi in Berbere, Platano occidentali et va-

riis Rosis, in quibus proxime dictis et stipulae grate rubescunt.

Intercedit similitudo quaedam inter haec colorata tabis lente obrepentis vi folia, eaque, quae variegata (des feuilles panachées) proprie dicuntur. In hisce folia pariter vel maculata, vel varie picta colore albo, luteo, rubro, idque quidem vel in margine, vel in ipsa superficie. Et vtut in pretio a quibusdam ob elegantiam habentur, merito morbi quodam genere correpta reputantur; magis vero subdole iste ingruit, vnde foliorum nexus non ita vt in foliis autumnino cadentibus soluitur.

§. 15.

Post colorem foliorum memoranda venit mutatio ista varia, quae in superficie ante delapsum in multis conspicitur. Quum enim folia aestate vel plana, vel radiante intensius sole concaua, esse solent: contra ea autumnino superficies eorum superior conuexa euadit. Vidi id manifestius diebus, absque tamen gelu frigidioribus, multis exemplis, quorum iam modo cito Opulum, Euonymum Europaeum, Ribes nigrum, Vitem laciniolosam; in quibus margo foliorum quasi iusto arctior et rigidior euasit, vnde conuexitas ista non nasci non potuit. Per hanc stricturam quaedam folia margine alias integra crenas hinc inde contrahunt, exemplo Syringae vulgaris.



## §. 16.

Quarundam arborum folia exarescere ante lapsum incipiunt, alia fatis adhuc succosa reperiuntur, et in quibusdam sub aduentum frigidioris tempestatis pernionum instar compages tumida existit et rigida, sub qua conditione digitis flexa facile franguntur. Quaedam, e. c. Rosarum folia antea erysiphe conspurcantur; in aliis infecta, vt in Pyro communi et Ceraso curculiones *n*), in superficie folii inferiori tubercula gignunt, quorum vestigia maculis fuluis etiam superius sese manifestant; in foliis dictae Pyri maculae quoque aurantii coloris prouecta aestate haud raro vtrinque conspiciuntur, quae sensim in colliculos fursum eleuantur, in Lycoperdon cancellatum L. transituros.

## §. 17.

Directio foliorum varia tum et singularia habet. A linea horizontali sensim magis magisque declinare et apice suo dependere incipiunt. Quin quarundam arborum folia per plures dies ante petioli solutionem ita contracta vel dependentia cernuntur, vt sub somno sic dicto plantarum fieri obseruatum. In Moro nigra, cuius rami recti procedunt, multis foliis alternatim insertis instructi, haec, vix dum labefactata videbantur, in ramis perpendiculariter dependere instar foliorum pinnatorum vidi. Notaueram hoc d. 25. Octobris, nec ante

*n*) Curculio pyri. LINN. *Faun. Svec.* p. 182. EIVSD. *Skånska resa*, p. 355.

ante d. 5. Nouembris folia deciderunt. Ptelea trifoliata, praegresso frigore intensiori, foliola sua versus petiolum deorsum oblique contraxerat, ita vt lateralia parallela essent, et sibimet approximata, impar vero marginem reliquorum contingeret o). In Robinia Pseudo-acacia p) pinnae foliorum perpendiculariter dependebant, spatio tamen inter vtrumque foliolum oppositum relicto. Id quod d. 30. Octobris iam obseruaueram, delapsus vero notabilis non ante d. 13. Nouembris successit. In Gleditsiae triacanthae q) foliis contraria pinnarum directio erat, nempe non deorsum sed sursum oblique spectans, foliolaque arcte petiolo adpressa et imbricatim sita conspiciebantur. Addere me oportet, antequam hoc contingeret, iam pluries pruinam, quin subinde gelu noctu praecessisse, sed absque vlla manifesta in arboribus recensitis labe.

Prout vero folia ipsa appropinquante delapsu nutare incipiunt, ita petioli, quibus nectuntur, vel solito magis incuruantur, vel, prout in foliis pinnatis vidi, angulum acutum rachis foliorum affectat.

§. 18.

v) Facies fere eadem. quae folii in LINN. *Amoen. acad.* Tom. 4. Tab. 4. fig. 40. depicti.

p) Huc refero illustrationis causa *loc. cit.* fig. 42. et BONNETI *sur les feuilles* Tab. 13. fig. 3.

q) V. LINN. *Amoen. l. c.* fig. 41.

## §. 18.

Hifce omnibus praegreffis, tandem delapfus ipfe foliorum contingit. Quo vero modus, quo fit, tanto clarius animo concipiatur, ftructuram bafinque petioli nexumque eius cum ramis confiderare oportet. Conflatur ifte copia vaforum fuc-  
 coforum et aëreorum, cellulofo texto inter feſe iunctorum, quae vero ob mollitiem et flexilitatem robur modo exiguum illi impertiunt. Media autem eius parte decurrunt fibrae lignae in plures faſciculos *r*) collectae, quarum quaedam figuram ſegmenti circuli habent, aliae integrum circulum, aliae angulum, aliae tres quinque vel plures diuerſos faſciculos, formant. Et ab hiſce quidem fibris haud mediocri tenacitate inſtructis praecipuam ſuam firmitatem petioli repetunt, cui ipſa faſciculorum in petiolo deſcripta diſtributio inſigniter fauet. Accedit tamen huic cuticula petiolum extrinſecus obveſtiens, quae, quouſque folium vigeat, ſatis tenax eſt. In plerisque ſoliis baſis petioli craſſior eſt reliqua eiusdem parte, et in quibusdam geniculum format ſuccoſae magis ſubſtantiae colorisque diuerſi. Rami ipſius illa pars, cui adneſtitur petiolus, gibber quoddam format, quo petiolus ſuffulcitur. Dum viget planta, ramus et petioli baſis tam arcte coadunantur, vt vix limites appareant, et petiolus inflexus alio loco facilius, quam eo, quo poſtea ſponte ſoluitur, frangatur. Laxior tamen ſenſim  
 fit

*r*) Omnium optime eos deſcripſit GREVV in *Anatomie des plantes*, p. 128. ſqq. fig. 13.

fit ille nexus, adeo vt, instante lapsu, leuiori vellicatione, quin venti mitioris impetu, dirimi possit. Extremum diuulsi petioli variam figuram habet, nec haec ipsa reliqui petioli figurae semper respondet. In plerisque petiolis plana est, etsi non nihil scabra, et triangularis fere, in aliis angulum format, iis nimirum, quorum basis amplexicaulis e. c. in Salicibus; in aliis multis foueam exiguam; sunt et petioli, quorum basi fouea conica ex inclusa gemma impressa est, vt in Robinia Pseudo-acacia, Platano occidentali, Philadelpho coronario, Acere Negundo, videre est.

### §. 19.

Differt casus foliorum simplicium ratio ab ista compositorum et connatorum. Cadunt simplicia vna cum petiolo suo, nisi articulum habent, vt in Citro et Aurantio, qui ipse, certe hisce exemplis, diutius superstes reliquo folio manere solet. In compositis quibusdam pariter contingit, vt simul folium et petiolus cadant, docentibus id Fraxino excelsiori et Rhoe glabro. Verum et alia exempla exstant; quorum pinnae primum decidunt, superstitae adhuc per tempus petiolo et rachi intermedia, vt in Gleditsia triacantha, Rosa canina, Sambuco nigra, Colutea arborea, cognoui. Si folia pinnata cum impari: pinnae laterales citius cadunt, impar serius, e. c. in Juglandè regia. Ordinem hunc turbat forsitan aliquando magnitudo foliorum, vel ventorum ferocia; nam in Hippocastano pinnas partim sigilla-

tim



tim partim iunctim in consortio petioli delapsas animaduerti.

In *Lonicera Caprifolio*, cuius folia suprema caule perforantur, vidi haec ipsa media parte sensim angustiora fieri, et constringi, donec ex vno hocce duo euaderent, quorum singulum seorsim nexu suo diremtum est. Nec dubium, eodem modo in reliquis arboribus connata folia solui.

### §. 20.

Peculiarem attentionem tempus, quo folia dimittunt arborescentes stirpes, sibi vindicat. Obtinet ratione eiusdem eadem lex, quae in reliquis, quas subeunt plantae, mutationibus, gemmarum protusione, foliorum eruptione, florum explicatione, seminum fructuumque maturatione. Qua lege obseruata, quantum adiumenti capi possit ad tempora definienda, quibus hortenses varii ac agrestes labores ineundi, vt satio stirpium frumentique, messis, foenifecium, collectio plantarum in vsum medicum et fructuum horaeorum, tonsio arborum, transplantatio varia et ex hibernaculis stirpium translatio, vel in eadem reductio, ill. A LINNÉ neruose inculcauit. Prout in hisce non ad dies natura sese restringit, ita nec in frondium lapsu; sed hic pro varia aëris temperie in diuersis speciebus citius ocyus contingit, semper vero eadem quoad species sese concomitantes vel mutuo excipientes serie. Ita nunquam videmus *Cotoneastrum*, *Loniceras*, *Robiniam* *Caraganam*  
et

et fruticosam, versus finem autumnii folia deicere, et Platanum occidentale, Vitem, Morum albam, Persicam et Armeniacam initio, quum contrario ordine id fieri natura vtriusque arborum generis requirat. Sunt tamen quaedam, quae hunc ordinem in foliorum lapsu recondunt et turbare videntur. Variat nempe tempus in vna eademque arborum specie; pro diuersitate plagae, cui obvertuntur, quarum orientalis et septentrionalis lapsum praecipitant; nec non pro statione liberiori vel magis clausa: nam statio clausa in causa est, vt diutius folia seruent, siue quod humiditati colligendae faueat, siue quod ventorum vim infringat. Iunioribus quoque arboribus plerumque diutius frondes adhaerere obseruavi, quam aetate proVectioribus, quod et in pomiferis, quibus nouissime ramuli insiti fuerant, vti et in surculis Tiliae e radice propullulantibus constitit. Excipi tamen debent arbores, prae natura sua frigoris impatientiores, e. c. Morus alba, cuius exempla vetustiora ferius folia deiecerunt. An ideo ceteroquin in iunioribus longiorem moram trahunt, quod hae succo ditiores sunt? Visumque mihi pariter est diutius frondes superstites manere in arboribus, quae nondum fructus tulerunt, quam in aliis. Soli quoque indoles hic sine dubio considerata venit, de qua autem nihil habeo, quod ex propria observatione pronuntiem. Ast in omnibus et singulis arboribus folia inferiorum ramorum prius decidere, quam superiorum, et prius ad basin rami, quam apicem versus (nisi ob procellam vehementiorem aliter

ter contingat), Larice non exemta, animaduerti, praegressa eadem serie decoloratione eorum et petiolorum infirmitate. Euenit hoc inde procul dubio, quod sensim hiemem versus ascensus succi per radicem languescat, quo torpore semel nato succus semel haustus largiori copia in superiori arboris parte, quam in inferiori, colligitur. Id ita esse cortice Quercus patet, qui secundum testimonium HALESII <sup>s)</sup> initio veris facilius prope basin trunci deglubi se patitur, tenacius autem ramis adhaeret, exeunte autem vere facilius in ramis (scil. ob succum copiosius tum ibidem stagnantem) quam ad trunci basin soluitur. — In arboribus, quae subitaneo gelu corripuntur, contraria ratione se res habet; in hisce enim prima labes in foliis extremis ramis insidentibus, vtpote maxime tenellis, sese manifestat.

Ob descriptam autem ante diuturniorem, in superioribus ramis et extremis, foliorum moram, aegrius tempus, quo singulae arbores frondes deicere dicendae sunt, definitur, quum in quibusdam intra hebdomadis, quin maius adhuc, temporis spatium, lapsus foliorum vix omnino absoluitur. Determinandus igitur iste est secundum tempus, quo pleraeque frondes eaeque superioribus ramis adhaerescetes soluuntur.

§. 21.

s) *Statique des vegetaux*, p. 328.

## §. 21.

Auidus fui pernoscendi, an lapsus foliorum in diuersis istis arborum speciebus eadem series esset, ac eruptionis florum vel frondium. Quod ad florum eruptionem attinet, discrimen haud exiguum mihi obuiam venit. Etenim licet e. c. *Corylus Auellana*, *Populus tremula* et alba *Salices*que ex praecocissimis arboribus sint, quae vere florent, idque ante frondium eruptionem, ferissime tamen frondes deiciunt. Contra ea *Cotoneaster* et *Robinia Caragana* multis aliis serius florent, sed interprimas sunt, quae foliis orbantur. Differunt igitur, vt supra iam monui (§. 5.), et hac in re stirpes arborescentes ab herbaceis, atque paullo post florum eruptionem marcescunt; vnde et ferotinae, vt plantae Americae septentrionalis, viriditate per totam aestatem perdurante placent.

Longe maiorem conformitatem cum serie, qua folia erumpunt, in arboribus obseruaui; etsi et hic exceptioni locus est. Nam *Sambucus racemosa* primo vere folia excludit, sero autem autumno amittit; *Salix viminalis* vernat aliquot dies ante *Cotoneastrum*, sed ad serum vsque autumnum folia retinet; *Robiniæ* dictae sero frondes explicant, sed mature easdem deiciunt. Nihilominus tamen in plerisque respondet sibi mutuo tempus eruptionis et iacturae frondium. Ita *Nitraria*, quae omnium prima, et adhuc in hibernaculo seruata, folia protrudit, eadem et prima perdit. Sequuntur *Lonicera Tatarica*, coerulea, *Xylosteum* e. s. p.

Vt



Vt ordo, quo notiores arborum species foliis denudantur, quodammodo cognoscatur, tabulam earum secundum obseruationes praeterito autumnino a me factas inseram. Haec quoque comparationi cum ill. Equitis A LINNÉ *t*) obseruationibus de arborum vernatione inseruiet

*Mensis Septembris initium. M. Nouembris initium.*

Nitraria Schoberi.  
Nitrariae affinis. Vid.  
*Design. mea stirp. Gotting. p. 196.*

*M. eiusdem medium.*

Mespilus Cotoneaster.

*M. Octobris, inde ad d. 22., praecedente procella.*

Lonicera Tatarica.  
Xylosteum.  
coerulea.  
Dieruilla.  
Robinia Caragana.  
fruticosa.

Ribes rubrum.  
Potentilla fruticosa.  
Sorbus aucuparia.

Tilia Europaea  $\gamma$ , folio  
minori (nam  $\alpha$ , folio  
maiori diutius integra persistit)

Aesculus Hippocastanum.

Pyrus communis.

Cerasus.

Prunus domestica.

Pyrus Malus.

Rhamnus catharticus.

Spiraea salicifolia.

Ribes Vicia crispa.

Betula alba.

Juglans regia.

Rosa canina.

Sambucus nigra.

Quercus Robur.

Fraxinus excelsior.

Salix fragilis.

Populus tremula.

I 2

Pinus

*t*) V. *Amoen. acad. Vol. 3. p. 367. et Vol. 4. p. 397. et 399.*

Pinus Larix.	Ulmus campestris.
Philadelphus coronarius.	Salix viminalis.
	Babylonica.
<i>M. eiusdem medium.</i>	Ligustrum vulgare.
Gleditsia triacanthos.	Viburnum Opulus.
Robinia Pseudo-acacia.	Syringa Persica.
Sambucus racemosa.	Amygdalus Persica.
Cornus sanguinea.	Prunus Armeniaca.
Platanus occidentalis.	Lonicera Caprifolium.
Morus alba. (Arbor procerior)	Vsque ad <i>M. Januarium</i> sequentis anni
Vitis vinifera. (Vtriusque folia gelu consumpta ceciderunt).	Atriplex Halimus viruit. V. §. 12.

## §. 22.

Hucusque obseruationibus fere vnice indulsi: iam vero in causas inquiram, quae delapsum foliorum efficiunt; qua in re vereor, vt ultra coniecturas progredi possim. Ad istas enim definiendas accuratissima tam structurae stirpium, quam virium, extra stirpes sitarum, quae vegetationem adiuuant vel infringunt, notitia requiritur. Multa in vtriusque cognitione sagacitati prae primis celeberrimorum viro-  
rum HALESII, BONNETI, HAMELII debemus; quam tamen quaestioni oblatae nondum satisfacere, si quis queratur, non succensebunt ei meritissimi hi naturae scrutatores, quum id apertis fere verbis ipsi fateantur.

## §. 23.

Mirum sane videbitur attentius rem trutinanti, quod, dum cadunt folia, tot vascula, quae ex ramis in folia per petiolos sese transferunt, et quae tantum nexus robur creant, vt extra consuetum tempus nonnisi manifesta fibrarum dilaceratione diiungi possint, iam sponte vel leuissimo tantum accedente impetu diffiliant. Paria tamen solutae firmiter alias condunatarum partium cohaesionis inter ipsa adeo animalia existunt exempla; quorsum ungues et vnci, plumae et pennae, pili et setae, aculei, squamae, dentes, nec non ceruorum cornua pertinent; maxime autem memorabile documentum placentae vterinae sub partu solutio praebet. Quaedam harum partium nulla anni temporis vel aetatis habita ratione soluuntur; aliae definito tempore vel naturali lege vel morbosa de causa: quod de dentibus sub dentitione secundaria, de placentae vterinae separatione, de plumis auium et pilis quadrupedum, nec non de cornibus ceruorum valet.

Proxime ad illam, de qua disquiro, foliorum naturam ceruorum cornua accedunt, quae quotannis vere decidunt *u*), et quod de arborum foliis supra innui, in ceruis aetate prouectioribus praecocius, in iunioribus ferius. Et, prout folia non propria semper vi, sed venti agitatione adiuta cadunt, ita et cerui lapsum cornuum leui ad ramos arborum concussione accelerant. Haec cornua in

I 3

fron-

*u*) BUFFON *Histoire naturelle*, Tome 6. p. 72.

frontis ossibus animalis futura quadam coadunantur, nexu initio laxiori, absoluto autem incremento cornuum, tam firmo, vt vnum idemque corpus frontis os et cornu constituere videatur; nec nisi violenta ruptura *v)* diuelli possit.

§. 24.

Sed redeo ad stirpes meas, in quibus praeter folia aliae quoque partes sese sistunt, quae, licet per tempus vasorum communione inter sese coalitae exstiterint, hisce tamen ocyus tardius oblitteratis vel exsiccatis dirimuntur. Sunt quaedam plantarum partes, in quibus hoc minus constans est, vnde ad discrimina specifica constituenda eximium adiumentum afferunt; cuius generis sunt perianthia, corollae, stipulae quaedam, deciduarum partium nomine ideo a botanicis nuncupatae. In aliis hoc magis perpetuum est, vt in spathis, calyptris, feminibus, fructibus maturitatem assequutis, bulborum propaginibus, squamis gemmaceis, aculeis strigisque. In hisce omnibus modus quidem, quo a parte, cui inhaeserunt, disiunguntur, idem est, sed causae pro vnus cuiusque conditione multae et variae.

In foliorum vero delapsu, vt ex dictis supra elucescit, rumpi oportet epidermidem petiolorum firmam, numerosa vasa succosa et aërea, fibrasque tenaces ligneas intermedias, quas ipsas praecipue  
quid

*v)* BUFFON *loc. cit.* p. 107.



quid comprimat, oblitteret, exsiccet, et tam fragiles reddat, vt leuiori tantum vi admota cadant, illustratum maxime cupio.

§. 25.

Quum eo anni tempore arbores frondibus suis orbari cernamus, Septembri scilicet, Octobri, Nouembrique mensibus, et initio Decembris, quo frigus manifestius grauat, pruinis geluque saepe stipatum: facile in eam opinionem trahimur, rem totam a frigore dependere. Fauet illi quodammodo, quod quaedam arbores mitiori hieme folia feruent, quae asperiori perdunt; et quod pro frigoris vel praecociori vel seriori aduentu vel citius vel tardius autumnino cadant. Vnde et contingit, quod proxime elapso anno, quo aestas etsi pluuiosa et frigida, messem calamitosam et anno-nae caritatem post se trahens, praecesserat, blando sereno siccoque autumnino fruebamur, longe vltra consuetum tempus frondium lapsus protraheretur. Frigori vero vnice hanc potestatem adscribere, multa sunt quae vetant. Nam nec hibernaculorum fatus prohibet, quo minus arbores, quarum naturae id consentaneum est, folia deiciant. Idque non solum de stirpibus calidioris climatis valet, sed et de illis, quae alias hiemes nostras impune ferunt, in hibernacula translatis. Ex istarum plantarum numero ne succosae quidem eximuntur, Cacti Peireskiae et neriifolii exemplis. Si porro frigus vnice in caussa esset: calidiorum regionum arbores prius deiectionis essent

folia, quam frigidiorum, siquidem istae frigoris impatientiores sunt. Equidem vero expertus sum autumno proxime elapso, Elaeagnum angustifolium, Viburnum Lantanam, Celtidem australem, Bignoniam Catalpam, quinquies pruinam aliquando satis vehementem sine noxa tulisse, nec Mori albae et Vitis viniferae folia, nisi gelu d. VI. Novembris ingruente, quod primum istius anni fuit, perisse, Amygdalum Perficam autem et Prunum Armeniacam nec huius vehementia aliquid noxae contraxisse, quum tamen Lonicerae, Sorbi, Pruni, Pyri, Populi, Tiliae aliaeque durioris naturae stirpes iam dudum frondes deposuissent. Et tanto adhuc citius frigoris effectus exstare deberet in plantis herbaceis calidioris patriae, quarum tamen multae, ut Reseda Aegyptiaca, Pforalaea corylifolia, Conuoluulus farinosus, Phytolacca icosandra, Chenopodium ambrosioides, Scabiosa atropurpurea, Ricinus vulgaris, post praegressas aliquot noctes pruinosas, vegetae manserant. Nec scio, cur quibusdam arboribus perennans viror contingeret, quum eidem frigoris gradui ac aliae folia deicientes pateant. Tanto minus haec causa pondus habet, quum delapsum foliorum calor ipse nonnunquam praecipitet. Ita calidiori aestate praegressa aliquando accidit, ut folia integro mense citius solito decolorentur. Et quotannis experimur in arboribus tenerioris naturae, mox postquam transferantur in hibernacula, foliis eas exui, etsi sub dio probe adhuc iisdem vestitae exstiterant. Ut de hac vi caloris certior magis euaderem,

rem, studio, medio mense Ianuarii ex hibernaculo frigidiori (vbi calor raro 38 gradum thermometri Fahr. superat) in tepidius (quorū intra gr. 54 et 58 calor plerumque subsistit) arbores varias, Alaternum, Myrtum, Solanum Pseudo-capsicum, transferendas curavi, easque satis proceras et robustas; quas ipsas autem post moram aliquot dierum frondibus fere omnibus destitutas observaui.

### §. 26.

Quo autem aliquid lucis in re hac obscura accendatur, ad impetum istum diuersum et copiam, qua succus arborum sub diuersis anni temporibus ascendit, attendendum est. Vbertas ista liquidi, quod verno tempore, antequam gemmae sese expandant, vulneratione arborum effluit, demonstrat, insigni istud copia tum sursum ferri; et altitudo ista stupenda 40 pedes superans; ad quam, secundum HALESII *w)* experimenta, succus Vitis tum temporis intra tubum vitreum ascendit, docet, quanta vi et velocitate id fiat. Hisce auxiliis explicantur tum gemmae in folia, erumpunt flores, propullulant furculi, et tam latitudine quam longitudine insigniter arbor crescit. Exacto Junio mense *x)* vsque ad finem Augusti fere, vel pro temperiei aëris ratione serius, succi motus tardius longe succedit, et debilius

I 5

*w)* *Statique des vegetaux*, p. 101.

*x)* Cf. LECHÉ in *Kgl. Vet. Acad. Handlingar för År 1763*. p. 264.

bilius longe arboris incrementum obseruatur, nec furculi vlli noui prorumpunt. Verum appropinquante autumnno pristina fere, qua succus ascendit, alacritas et vis redit. Tum enim interdum secunda vice flores emergunt, vt proxime elapso anno in Corno mare (quae stirps tamen flores suos nonnisi vere insequente explicuit) comperi, facilius, prout vere, cortex soluitur, noui iterum furculi et gemmae enascuntur. Huic ideo, qui sese versus petiolum foliorum liquidò iamiam turgidorum tum temporis exserit, nouo succi impulsui, lapsum eorum adscribit cl. MVSTEL \*).

## §. 27.

Sed equidem in noua gemmarum progenie praecipuam causam, cur frondes cadant, quaero. Hae vel in ala folii, vt in plerisque arboribus, vel intra basin petioli (§. 18), vt in Platano occidentali et Philadelpho coronario, vel intra corticem ramorum, vt in Indicis, sitae sunt. Quaecunque autem sedes sit, ea esse videtur, vt, dum gemmae emergant, pressio in petiolum exerceatur, sub qua iste humorum commeatu necessario orbatur et vna cum folio tabescit. Qua de causa nexum sensim sensimque infirmiores fieri arbitror. Haec infirmitas variis externis causis, quae autumnno collimant, in arboribus sub dio crescentibus augetur. Perit tum sensim tepor iste blandus, qui eousque  
vafis

\*) *Traité theorique et pratique de la végétation, Tome I. p. 107. sqq.*



vasis iustam mollitiem et humoribus suam fluiditatem praestiterant, noctesque tum frigidae fiunt, quin interdum gelu nocturnum omnem fere propulsionem liquidorum suffocat. Nec, quum luminis tanta vis in vigore stirpium seruando sit, ratione caret, quod protractae tum noctuum tenebrae, haud exiguum ad interitum foliorum conferant\*). Mane nebula frequentior grauat, et tum temporis pluuia copiosius decidit; quibus ipsis macerantur quasi petioli, et pondere incumbentis humoris depriuntur. Procella simul perpetuo fere vrget, folia hinc inde agitans et nexum eorum frangens. Quae omnes causae tanto maiorem vim habent, quum transpirationem aquae et aëris, et quae pari passu cum eadem ambulat, inspirationem vtriusque in foliis labefactent.

## §. 28.

Scio quidem, varia obiici sententiae a me prolatae posse. Quo id pertinet, quod Quercus et Carpinus folia sicca per hiemem seruent, licet gemmae consueto tempore proruperint. Sed in hisce existimo ob structuram singularem nobis abditam id contingere, quod tanto probabilius est, quum eiusmodi exempla tam rara sint. Nec inficior, eo nondum planum fieri, cur quaedam arbores fruticesve in perenni virore versentur. Verum nec aliorum

\*) Vide de hac vi praecipue experimenta ven. SENEBIER *sur l'influence de la lumière solaire pour modifier les étres de trois regnes de la nature*, 1782. Tom. 2. p. 207. sqq. et alibi.

rum explicationes dubia discutunt. Nam quod hisce resinae copiam tribuant, qua contra frigus obdurari perhibent, non in omnes quadrat. Carent enim multae ea, ut Vinca, Aquifolium, etc. quae tamen folia per hiemem viridia seruant. Contra ea aliae sunt, quae ea scitent, et vel folia dimittunt, ut Larix, Cupressus disticha, vel ea retinent in hibernaculis, sed sub dio totae pereunt hiemis vi, Lentisci et Cupressi semperuiuentis exemplo. De semperuiuentibus affirmat HALESIUS y) lentius motum humorum ob parciorē transpirationem peragi, indeque eas contra frigus muniri. Ast, licet Oleander, Citrus, Aurantium aliaeque huius generis arbores parce transpirent, nemo tamen sub nostro coelo hiemis iniuriis committere eas, sine iacturae manifesto periculo, audebit.

y) *Statique des vegetaux*, p. 271.

### TAB. I.

Repraesentantur folia varia, eo quo, antequam cadant, situ comparent.

III.

DE

P V R I S

ABSQVE

PRAEGRESSA INFLAMMATIONE

O R I G I N E.

1 2 7 9

THE NEW YORK PUBLIC LIBRARY

ASTOR LENOX TILDEN FOUNDATION



DE  
P U R I S A B S Q U E  
PRAEGRESSA INFLAMMATIONE  
O R I G I N E. \*)

§. I.

**V**ulgaris fere medicorum sententia est, frequens istud malum, quod Latini inflammationem, Graeci vero φλεγμονην, s. φλογωσιν vocant, pro diuersa liquidi in vasis minimis haerentis natura, varia ista humorum a tergo alluentium celeritate, vasorum, in quibus obstructio nata sit, maiori vel minori rigiditate, sanguinis denique ipsius vel acriori vel blandiori indole quatuor diuersis modis terminari: ita nimirum, vt materia stagnans vel propitioris naturae beneficio absque vllis pristinae labis reliquiis soluatur et in societatem circumacti sanguinis rapiatur; vel in liquamen quoddam albidum, puris nomine insigniri solitum, degeneret; vel iniquiori forte vna cum vasis, quibus coerceatur, in tumorem doloris omnis expertem indu-

\*) Dissertatio alieno nomine a me conscripta, licet praefide b. SCHRÖDERO nostro a. 1766. haec defensa.

indurescat; vel etiam deleta omni cum parte affecta humorum commercio, in gangraenam seu sphacelum transeat. Quibus postea venerabile istud academiae nostrae quondam decus, illustris RICH-TERVS *a*), ingeniosè duos alios inflammationis exitus, alterum, qui rigescendo, alterum, qui desquamando absoluitur, adiecit.

## §. 2.

Vtut autem verum sit, inflammatione praegressa, abscessum, scirrhum et gangraenam, saepe enasci: non temere tamen originem istam extendere licet, sed e contrario sine vllis inflammationis vestigiis, haud raro vitia ista emergere, fatebitur mecum quilibet in naturae tramite premendo sollertior. Nec mihi firmiori talo illa de eorum natalibus theoria (si nempe de originis constantia sermo est) stare videtur, quam quae inflammationem a liquidorum in angustiora iusto vasa impulsione, errorem loci vulgo dicunt, deriuat *b*), vel quae venae sectionem *c*), in inflammatoriis morbis intra exiguos

*a*) V. Progr. de duplici nouo inflammationum exitu rigescendo et desquamando, 1748. Gött.

*b*) Quae huic hypothesei aduersentur, abunde exposuit ill. AB HALLER in *Elem. Physiolog. T. I. p. 114. sqq.*

*c*) Quanti vero sit, hac ipsa in re non nimis auctoritati fidere, bene docuit cl. KLOEKHOF in *diff. de ven. sect. termino in acutis, Opusc. med. p. 117. sqq.*; quod ipsum quoque cel. olim BRENDelius in praestantiss. *diff. de seriori usu euacuantium in quibusdam acutis*, memoriae

guos tridui cancellos, coërcet. Hanc vero originem in abscessibus BOERHAAVIVM vbiuis accusasse, ex capite de inflammatione, de abscessu, de febre, de peripneumonia et pleuritide, de phthisi, in primis apparet. Vnde non mirum, quod tot alii, et inter hos famae sane haud exiguae viri, HEISTERVS, PLATNERVS *d*), GRASHVISIVS *e*), HVNTERVS *\**) aliique eandem sententiam amplexi sint.

### §. 3.

Tum vero ex inflammatione pus generari vulgo dicunt *f*), quando materia vascula obferans adeo impacta haereat, vt per conuergentes canales liquidi posterius irruentis efficacia non possit in venas impelli, sed quouis cordis ictu arctius firmetur; vnde vascula tenerrima ista sensim diuellantur, adeo vt effusio liquidi fiat, quod dein vna cum vasis, quibus

riae reliquit; nec non cel. TISSOT in *Avis au peuple, à Lyon p. 48.*, vbi dicit praemissis momentis, quae seriore venae sectionem suadent: *il faut sans s'embarasser du jour, faire une saignée, fut ce le dixieme.*

*d*) B. PLATNERVS non solum in *Chirurgia sua*, sed etiam in *Diff. de noxis ex cohibita suppuratione* (*Opusc. I. p. 226.*) se pro ista stare ostendit.

*e*) *Diff. de generatione puris* praemio condecorata (*p. 8.*) vbi *suppuratio*, inquit, *est consequens vel exitus inflammationis, posterior necessario requiritur, vt fiat prior* (*p. 10.*).

*\**) In *medic. Observations and Inquiries, Vol. 2. p. 55.* vbi *Pus of all Kinds*, ait, *is produced or preceded by inflammation.*

*f*) BOERH. *Aphor. 387.*

bus comprehensum fuerit, loci calore in liquidum album homogeneous resoluatur g). At aberrare ab ista norma haud raro naturam obseruamus, quincousque, vt ipsa suppuratio, inuersa rei conditione, inflammationem nonnunquam gignat, prout in phthificis obseruamus, quorum pus ad latera vlceris nouam saepe inflammationem accendit, et pulsū antea suppressum et mollem attollit durumque reddit, et veram febrem acutam suscitāt, nonnisi sanguinis missione, temperantibusque commodis compescendam. Nec minus communi sententiae aduersum est, quod scirrhusa glandularum durities saepe in verum pus vertatur, quod exemplo tuberculorum s. scirrhorum in pulmonibus reperorum, in quorum medulla pus natum fuit, satis patet. Hinc etiam, qui iniquius de Cicutaefentiunt, ill. STÖRCKIO obiecerunt, infaussto euentu eandem suppurationem in glandulis internis facile posse contingere, de qua in externis scirrhis practicorum nonnulli gloriantur; cuius vero effectus noxii immunem omnino stirpem pronunciat ill. ille Vindobonensis medicus h).

## §. 4.

g) V. etiam ill. v. SWIETEN, *Comment. ad Aph. cit. et GRASHVISVS, loc. cit. p. 14. sqq.*

h) *Libell. 2. de Cicuta p. 285.* Eandem vim HAENIUS tribuit Belladonnae, quam vero se obseruasse in aegra sibi commissā negat cel. TIMMERMANNVS (*Periculum de Belladonna p. 28.*). V. HAENII *Rat. med. 2. p. 36. sq.*



## §. 4.

Fatendum sane est, in hoc ipso, prout in multis aliis argumentis, quae non ratiocinii sed fidae observationis et experientiae fulcro nituntur, ex veterum monumentis fruges colligi posse praestantissimas; quo tota inprimis de crilibus doctrina pertinet. Ne vero quae de abscessuum, s. *αποσάσεων* v. *αποσπμάτων* origine dixerunt, maligne interpretemur, notare oportet, variam istis veteres tribuisse significationem. Sic HIPPOCRATES transfutum unius morbi in alium hoc nomine insigniuit, docente isto loco, quo ex aliis febribus et morbis abscessus (*αποσάσεις*) in quartanas fieri refert i). Frequentius vero per apostasin intelligit secessum materiae cuiusdam ad aliquem locum per varia coctionum molimina, siue verum pus ista fuerit siue liquamen quoddam isto crudius minusque elaboratum. Hanc speciem ita veteres distinxerunt, ut alios abscessus fieri per effluxum (*κατ' ἐξοχην*), si e. g. per alui deiectiones vel mictu crassioris lotii, inflammatorius quidam morbus solueretur, alios per decubitum (*κατ' ἀποθεσιν*) k) dicerent, cuius loci sunt parotides, abscessus ad inguina, coxas, aliasque partes. In denominandis abscessibus internis frequenter empyematis v. *εμπυμματος* nomen occurrit, quod saepe idem praecise vitium, quod Latini vomicam dicunt, denotat l), licet haec vox quoque

K 2

que

i) *Epidem. I. Text. 21. CHARTER. Tom. IX. p. 44.*k) *GALENI Comment. 2. in L. I. Epid. HIPPOCR. Text. 44.*l) *HIPPOCR. Epidem. L. 3. Aphor. V. 8. CAELII AVRELI. Acut. L. 2. cap. 12. Tard. pass. L. 5. c. 10.*

que ad effusionem puris intra pulmones et thoracem *m*) extendatur. Ratio quoque abscessus ad nervos, visus auditusque variis vitiis, apoplexia, paralyfi, spasmis etc. sese manifestantis, sedulo ab istis habita est. Generatim igitur ad veterum mentem abscessus in duas classes dispesci possunt, quarum altera liquido quodam vel in loco primum laeso, vel in remotiori, collecto absoluitur; altera in nervis per consensum plerumque modo affectis sese exserit. Paucis ipse HIPPOCRATES rem expedit, dum, *abscessus*, inquit, *fieri aut per cutem, aut ad ossa, aut ad spinalem medullam, aut secundum alias effluxiones* (*ἐκροαὶ*), *os, pudendum, aures, nares, ex utero menses n*). Ego vero abscessus significatum ad verum pus conceptum restringo, siue istud aliquo loco decumbat, siue, in quo praeceuntem GALENUM habemus, per patulas corporis vias effundatur, et quid de huius praecise origine statuendum sit, disputo.

### §. 5.

In vniuersum criseos genus abscessus esse scimus, quibus natura in praesidium sanitatis utitur, ut quidquid vitii in humoribus nostris contractum sit, subigatur, subactum denique ex corporis sinu eliminetur. Quum vero eadem causae aduersam valetudinem gignant, quae secundam sustentant, nec inter sanitatem et morbum aliud quam gradu

*m*) GALEN. *Lib. de tumoribus cap. 3.* AEGINETAE *L. 3. c. 32.*

*n*) *Epid. 2. Sect. 1. p. 688. Edit. LIND.*

gradu discrimen obtineat: in sano alioquin homine nec praegresso alio morbo labefactato aliquando oriuntur; vt ex furunculis, varis, scabie, capitis tinea aliisque exemplis, constat. Crebrius tamen post acutum morbum pullulare solent, nisi iste sub declinatione febris sudore largiori, vel vrina, vel deiectionibus aluinis, solutus fuerit, nec rarius intermittentes febres vel chronicos morbos excipiunt; licet pro temporis ratione haud exiguum discrimen sit. Lentius obrepunt, quibus febres longae solvuntur, nec continuo sed partito molimine et febriculis acutioribus haud raro interrupto isti perficiuntur. Quas ipsas latentes insidias occultas istas phthises experiri satis certum est. Interdum istud molimen modo in viscus aliquod internum vel externam quandam corporis partem vim suam exferit, aliquando autem totam massam sanguinis inquinat et in consensum trahit. Saepe quoque fit, vt purulenta materies, quam primum occupauit sedem, relinquat, aliorsum confugiendo. Quod vero huius in primis loci est, differre in eo abscessus videmus, quod quidam inflammationis effectus sint, alii autem sine isto symptomatum satellitio, quod phlegmone sibi vindicat, procedant; de quibus omnibus iam dispiciendum est sollertius.

## §. 6.

Quisque nouit inflammatione istam partem dici affectam, quam doloris sensus grauat, in qua calor percipitur, rubor quidam apparet, et quae vltra superficiem reliqui corporis prominet, quibus fe-

brem tanquam aliud idque indiuulsum symptoma nonnulli addunt o), quam vero SWIETENIVS haud sine limitatione admittit, ita vt vel in toto (scil. corpore) vel in parte tantummodo, (quod nihil aliud quam consueta ista pulsatio est) sese manifestet, respiciente nempe illustri viro ad doloris connubium, quem veram febris causam habet, et quomitius affligente, febrem saepe deesse affirmat p). Cui SWIETENII effato equidem non omnino subscriberem, quum in dirissimo dolore colico inflammationem comitante pulsus debilis, nec ita vt alias fit, acceleratus sentiatur. Et licet largiores inflammationes febris plerumque comitetur: in cadaueribus tamen haud raro turgida conspiciuntur vasa praesertim ventriculi et intestinorum imo gangraena correpta, absque vlllo vel febris vel doloris indicio \*). Contingunt inflammationes hae occultae praecipue in biliosis putridis. Neminem autem latet, quatenam ex dictis signis ab inflammatione interna vbiuis excludenda sint.

## §. 7.

Quod vero veteres ad puris prouentum iam perspexerint prodroma haecce signa non absolute requi-

o) PLATNERI sunt: *omnes, qui inflammatione laborant, febricitant. Chirurg. p. 27.*

p) *Comment. T. I. p. 649.*

\*) Vid. DE HAEN *Rat. med. Pars 9. p. 65. p. 118. sqq. Conf. loc. cit. P.<sup>a</sup> 14. Sect. 1. cap. 3. de inflammatione et dolore membranarum. MORGAGNI de sed. et caus. morb. Epist. 35. Art. 19. sqq.*



requiri, ita tamen vt appareat iis hoc non omnino vulgare visum fuisse, non vno indicio palam est. Docuit quidem HIPPOCRATES circa puris generationes dolores et febres magis accedere, quam ipso facto q). Interim ipse id non semper contingere aperte testatur r), sed nonnunquam *in morbis abscessus sine febre et facile ferri*. In cuius loci interpretatione etsi MARTIANVS s) et VALLESIVS t) inter sese dissentiunt, dum ille istum de suppuratis, hic vero de iis qui suppurantur, intellectum cupit: ipse tamen Cous exemplo Leambii cuiusdam in progressu mentem suam explicat, de quo quum *intestinum ulcerosum esse putaretur in dysenteria pharmacis curata, humerum et sedem ulcerata fuisse in sinistra parte citra febrem*, refert. GALENVS vero abscessuum duo genera manifeste constituit, his nimirum verbis: *transmutantur autem in abscessum inflammationes quaedam, atque ex inflammationibus erysipelatis participantibus et ex erysipelatibus inflammationis participantibus non pauca*. Sine his vero etiam abscessuum dispositio consistit ex multitudine quorundam humorum aut spirituum vaporosorum, siue in ipsis partibus in medio generentur, siue ex aliis confluant u). Memorabilis quoque locus est, quo, non solum, inquit, *ex inflam-*

K 4 matio-

q) *Aphor. 47. Sect. 2. De ulcer. 11. 8. et Praenot. 17. 6. et alibi passim.*

r) *Epidem. 4. 23.*

s) *Annotat. ad hunc locum.*

t) *Comment. ad eundem locum.*

u) *De arte curatiua ad Glaucon. Lib. 2. cap. 7.*

mationibus generatis abscessibus est, sed etiam statim ab initio nonnunquam propter alium aliquem humorem spatio temporis excoriantem et abducentem a subiectis ea quae continent x). Et alibi eodem modo abscessus distinguit, duplex eorum genus esse perhibens: unum quum phlegmone in pus versa pus ipsum tanquam in sinu aliquo est collectum, alterum quum nulla praecedente phlegmone humor aliquis statim ab initio isque alias specie alius, ceterum omnino acris, in parte aliqua colligitur y). Nec potuit effugere haec ipsa res perspicaciam veterum, qui adeo analogiam intra sedimentum urinae, quod FERNELIVS materiam puri finitimam appellat, et ipsum pus cognouerunt. Hoc nempe instructam urinam iam dudum HIPPOCRATES purulentam libro prognosticorum vocauit, vbi ait: *forte etiam purulentam urinam album et leue sedimentum habentem*, eamque illi vim tribuit, quod abscessibus alias nascituris praeuertat. Pertinet huc elegantissimus locus z): quibus spes est abscessum fore ad articulos, eos abscessu liberat urina multa et crassa et alba reddita, qualis in febribus, in lassitudine, quarta die quibusdam fieri incipit; et alius a): quibus febre iudicatorie desinente tumores ad aures in febribus cum doloribus suborti neque conquiescunt, neque suppurantur, eos profluuium ut intestinorum difficultas, aut quod in urinis crassis subsidet, liberat. Illustrat rem cl. A. I.

SCHMITT

x) Lib. de tumoribus, cap. 4.

y) De method. medend. Lib. 14. cap. 12.

z) Aphor. Sect. 4. 74. V. et Epidem. Lib. 6. Sect. 4.

a) Epid. Stat. 3. Lib. 1. Sect. 2.

SCHMITT ad mentem praeceptoris sui, ill. BRENDII, in dissertatione *de coctione pathologica*, consilio suo, quo iubet praefocare abscessum ad aures in cunis adhuc latentem, repellere tempestivis emollientibus materiam stagnantem, quibus factis fore ut plurimum, ut albo sedimine urina scateat, affirmat. Et FOESIVS, in locum praenotionum coacar. (Loc. CL.) HIPPOCRATIS commentans, *Erasistratum* quondam refert sedimentum urinae in febrientibus pro pure habuisse. Contrarium autem iudicium veteres ferebant, si urina tenuis et cruda mingeretur, prae-lucente eodem diuino viro, cuius effatum est: *qui urinas tenues et crudas meiunt multo tempore, sique cetera salutaria signa sint, illis abscessum ad loca infra septum transversum expectare oportet b)*. Quae de abscessuum in urinas purulentas commutatione dixi, satis docent eandem utrique criseos generi esse originem, et eodem naturae molimine utrumque perfici. Nec negare ideo licet, verum pus emanasse cum lotio, quod istud in apostemate haerens crassius apparet magisque elaboratum, quod nimirum morae et quieti in loco calido et resorptioni tenuiorum partium tribuendum esse censeo.

### §. 8.

Mirandum igitur quam maxime est, quod in tanta luce, quam veteres circa abscessuum primordia accenderunt, posteriorum medicorum plerique de hoc suppurationis genere vel omnino ta-

K 5

ceant,

b) *Prognostic. n. 78.*

ceant, vel in isto refellendo moram nectant; unde pauci isti, qui illius meminerunt, refutare potius recentiorum placita, quam veterum novis argumentis confirmare videntur. Ex seculo 16. inter fautores huius sententiae FRANCISCVM VALLESIVM c), commentariis suis in Hippocratis libros de morbis popularibus, inconcinna licet dictione exaratis, imprimis celebrem, repono, cuius verba de hac re sunt, *abscessus ad articulos sunt aliquando citra articulorum dolores ac tumores, qui solis effeminationibus seu luxationibus cognoscuntur*; cui ex medio seculo 17. adiungendus est ANTONIVS SANTORELLVS, quem breuiter hanc rem attigisse refert MARCVS AVREL. SEVERINVS d).

## §. 9.

Commodissime autem abscessus isti sine inflammatione in 3 Species dispesci me iudice possunt.

*Species prima.*

Prima haec esto, in qua *pus eodem, quo collectum reperitur loco, originem suam cepit*, nec aliunde, nisi per latens et occultum sanguinis vitium, illuc delatum fuit; locum vero, quo emerfit, sensim vi morbi exundante, exulcerat. Haec saepe ex acuta quadam febre orta est, a qua tam longo nonnunquam interuallo distinguitur, vt vera eius origo omnino fere delitescat. Nonnunquam vero sponte subnasci videtur in corpore ad eandem concipien-

dam

c) *Epid. Lib. 6. Cert. 1. Text. 11.*d) *De recondita abscessuum natura, p. 24.*



dam per naturam, vel peculiari corporis conformatione vel hereditaria quadam labe, accedentibus causis procataëticis, apto.

§. 10.

Subdoli hi sunt natales plerarumque phthium, quos miror BOERHAAVIUM silentio in Aphorismis præteriisse, ad originem earum vel ex hæmoptysi vel ex peripneumonia prægressa vnice respicientem. Excludit istud phthiseos genus vulgares illas causas, hæmoptysin, febres pectoris inflammatorias, exanthematicas, vt variolas, morbillos, malignas denique, et intermittentes, vitio vel naturæ vel artis male curatas, nec non metastases ex iisdem, exanthemata retropulsa, strumas infantum suppressas, rel. Sed inter varias viscerum debilitates et symptomata varia spastica cum corporis extenuatione obrepit. Hi ipsi spasmi doloribus variis, affectionibus hypochondriacis, rubore isto genarum siue fugaci siue constantiori, quin veris nonnunquam motibus conuulsivis sese produnt. Quo in statu aegri diu sæpe vitam, quin per complures annos protrahunt, ita tamen vt certis periodis et pro varia anni tempestate diutius afficiantur. Nec statim ab initio febris sese effert, quæ eadem subdola vi emergens catarrhalem subinde refert nec constanter sed per intervalla quasi affligit. Sub hisce insidiis tandem supurationis molimen manifestius redditur doloribus in primis circa thoracem humerosque mox obtusis, mox acutioribus, respiratione molestiori, pressionis  
circa

circa pectus sensu, quocum tussis interdum coniungitur, habitu cachectico, aliisque eius generis signis. Et ne nunc quidem febris semper molestiarum comes est, licet aliquando accedat, eaque plerumque valde recondita, et vt ante iam dictum, inducias vel longiores vel breuiores relinquens, vel mitius aegrum grauans; donec rupto abscessu verum pus egeratur, et in apertam phthisin malum transeat. Stadium hocce, suppuratorium merito dicendum, saepe febre alius generis et si mitiore vt catarrhali vel intermittente acceleratur, notante iam HIPPOCRATE: aliquos febre qualicunque ad suppurationem perducit *e*). Ad rariora autem exempla pertinere videtur, quod vlcus in pulmonibus per totum tempus nihil doloris vel tussis excitauerit, cuius exemplum, ex NICOL. MASSA, BONETVS *f*) recenset.

## §. II.

Saepe hectica labes praecedat, a variis pulmonum obstructionibus, scirrhis, tuberculis crudis, vt HIPPOCRATES illa vocat, apostematibus, calculosis vel calcareis concrementis, materia fabulosa *g*), tuberculis s. vomicis non pure sed tenaciori liquore *h*) mucoso alioque repletis, pituita  
cor-

*e*) Praenot. coacar. 3. 333.

*f*) Sepulchret I. 731.

*g*) SOLENANDER, Confil. med. Sect. 5. c. 16. WIERVS, de praestig. daemon. L. 3. cap. 2.

*h*) BONET. Sepulchret L. 11. Sext. 7. Obs. 24. HEVRNIUS, Obs. hist. 21.

corrupta flacciditatem inducente i), atonia singulari k), osteogenia, steatomatibus, vt taceam alia vitia, repetenda. Scite veteres inter hecticam et phthisin s. tabescentes et empyos distinxerunt, licet diagnosis saepe nonnisi post mortem pateat, tanto magis si vomica clausa aeger laborauerit. Nec opus fuisset WILLISIO l), qui eiusmodi tubercula haud raro se obseruasse refert, si ad istud discrimen attendisset, erroris istos redarguere, qui vlcus pulmonis semper in phthisi supponunt, eamque per totius corporis contabescentiam a mala pulmonis conformatione ortam definire. Hinc quoque RICH. MORTON m) reprehendens istos, qui in vlcere pulmonis tantum acquiescunt, multas alias phthises recenset, scorbuticam, scrophulariam, ictericam, asthmaticam, melancholicam aliasque, quarum non ita arctum cum vlcere connubium. Multa tuberculorum in pulmonibus repertorum, quibus tabes inducta fuit, occurrunt exempla, quorum autem ea natura est, vt licet durio rem materiam, cretaceam quasi seu gypseam initio contineant, sensim tamen in mollius liquidum, quin verum pus resolvantur; vnde hecticae in phthisin transitus cognoscitur. Quod inde euidentius fit, quod in vno eodem-

i) SEVERINVS, *de abscess. pest. 2. cap. 36. p. 269.*, qui GALENO succenset, semper vlcus accusanti.

k) BENNET. *theatr. tabid. Exerc. 23.*

l) *Pharmac. rational. Tom. 2. Sect. 1. c. 6. p. 87.*

m) *Phthisiolog. L. 2. ab initio p. m. 35. de diuisionibus vero agit L. 3. c. 1. 2. 3. 4. 13. etc.*

eodemque corpore materia iis contenta diuersae naturae fuit, mox durior digitisque comprimentibus resistens, mox scissilis, mollior et pultacea, quin aliquando vere purulenta. Sic in actis medicorum Edinb. *n*) quadriennis puer sistitur, qui convaluisset perfecte ex incipiente phthisi visus fuit, post mortem vero conuulsionibus acceleratam, pulmones exhibuit tuberculis scatentes, quorum quaedam crassam materiam instar casei recentis, alia pus tenue incluserunt. De milite BARRERIVS *o*) refert, macilento viribusque valde prostrato, perque octo fere menses tussi valde afflicto, et febre lenta decumbente, qui post sputorum tenacium alborum eiectionem sudoresque molestos tandem succubuit. In huius pulmonibus magna tuberculorum copia apparuit, diuersae magnitudinis et duritiei; quaedam discissa emisserunt materiam gypso similem, et vnicum adfuit pure plenum. Quae nec SYDENHAMVM *p*) latuerunt, utpote qui in aegris phthisi decedentibus glandulas et tubercula adnasci, sanie ut plurimum distenta, dicit. Quibuscum etiam MEADII *q*) et PRINGLI *r*) observationes conueniunt.

Et

*n*) *Medical Essays, T. 2. p. 298.*

*o*) *Observat. anatom. p. 124. sq.*

*p*) *V. Process. integr. Op. Ed. Lugd. p. 638.*

*q*) *Monit. et praec. med. Sect. 10. p. 27. Ed. Lips.*

*r*) *In the bodies, inquit, which I dissected of those, who died of the phthisis pulmonalis, I found the lungs full both of tubercles and ulcers. V. Diseases of the army 1764 p. 169.*



Et hi aegri sine dubio sunt, quos HIPPOCRATES s) subtabescentes nuncupat, et quos dein ingruente epidemica, eaque austrina aëris constitutione, vere tabidos euasisse refert, addens: quandoquidem multis etiam dubie sese habentibus tabes tunc confirmata fuit. Possunt ista tubercula per aliquod tempus pus eructare, et sputis, intra reliqua verae phthiseos signa, reiicere, dein autem minuto sensim riuo iterum consolidari, redeuntibus iterum postea nouis puris screatibus. Quod innuit istud practicae sapientiae Coum oraculum, dum suppuratos ex tabidis et vicissim ex suppuratis tabidos fieri notat t).

## §. 12.

Nonnunquam vero etiam sine prodromis hisce vitiis suppurationis negotium peragitur, ita vt protinus ab initio in pulmone pus concipiatur. Quod frequenter in istis hominibus, quibus peculiaris opportunitas ex structura corporis dependens ab HIPPOCRATE in Coacis elegantissime descripta, accidit. Hos φθισώδεις vocauit GALENVS \*), quoniam isti, phthiseos etsi adhuc expertes, procliuitatem ad eam habent, scapulis prominentibus, pleniori et angustiori thorace, collo longiori carnisque teneritudine, ex placitis medicinae antistitum, cognoscendam.

## §. 13.

s) *Epid. I. Text. 18.*t) *De locis in hom. XXVII. 3.*\*) *Comment. in I. libr. Epid.*

## §. 13.

Vix opus est operose testimonia auctorum conquirere, qui hancce latenter obrepentem phthisin obseruarunt, quum ill. SWIETENIVS *u)* nullum medicum esse putet, qui lautam praxin habuerit, quin similes casus viderit. Pluribus locis, in veterum monimentis obuiis, eandem istis cognitam fuisse, constat, in quibus tabescentium, latenter phthysicorum etc. mentio fit. Huc quoque respexisse eos existimo, dum pituitam intra pulmones collectam accusant, et hanc causam ab aliis manifeste distinguunt *v)*. Adponere huc iuuat locum GALENI *x)* notatu dignissimum: *duae namque, inquit, sunt eius differentiae maximae, una quidem ex capitis defluxionibus constat; altera vero, quae ex ipsis pulmonibus affectis ortum ducit, prorsus quidem ex cruentis sputis, maximeque rupto vase, saepius et rheumate affecto viscere, ob aliam quandam ex aliis partibus non ex capite causam.* Diffiduum quod inter medicos obtinere dicit FERNELIVS *y)*, an sine haemoptysi praeuia aliquis contabescere posset, ex propria obseruatione dirimit, dum complures se vidisse affirmat, quos tabes consumsisset, licet ne vllum quidem per totum morbi decursum sanguinis vestigium exstiterit. Magni ponde-

*u)* V. Comment. T. 4. p. 3.

*v)* HIPPOCR. *de internis affect.* c. 2. CAELIVS AVREL. *de morbis chron.* L. 2. cap. 14. p. 410. CELS. L. 2. cap. 7.

*x)* Comment. in I. libr. Epid.

*y)* Pathol. L. 5. c. 10. V, Ed. Genev. uniu. med. p. 458.

ponderis est assensus LOMMII *z*), fidi veterum practicorum interpretis, qui alios latenter etiam, sine sanguinis sputo, sine signis momentaneae destillationis praegressae contabescere ob infirmos natura pulmones notat. Facile patet, haec non potuisse effugere attentum tabidorum scrutatorem BENNETVM *a*), qui et curatius modum, quo eiusmodi abscessus erumpit, definire ausus est. Nec perfunctorie hoc ipsum phthiseos primordium descripsit ELLERVS *b*); vt taceam varias egregias disputationes a BRENDHELIO editas, quae aliquid commercii cum hocce argumento habent.

#### §. 14.

Negari quidem nequit, quod praeter pulmones alia quoque viscera latenti isti corruptelae, quae exulcerationem parit, obnoxia sint, prout phthises ex vlceribus in iecore, renibus, splene, mesenterio, tibiis, gutture, aspera arteria aliisque partibus natae, manifeste docent. Sed ne sub hisce quidem labis expertes esse solent pulmones, adeo vt rarius in exitium aegri vergant, nisi hi ipsi communi vitio afficiantur. Hinc post febres acutas, quando ex suis signis abscessus exspectare fas est, nisi in parte quadam externa emergant, phthiseos pulmonalis metus merito concipitur. Fauere isti, etiam-

*z*) *Observ. med. Ed. WED. p. 135.*

*a*) *Theatr. tabid. p. 32. n. 34.*

*b*) *Obs. de cognosc. et curand. morbis, p. 208.*

etiam si nulla in ipsa thoracis compage labes accusari possit, non structura solum spongiosa pulmonum, sed et copia ista perpetuo alluentis sanguinis videtur. Quum enim, quicquid humorum in corpore reperitur, subigi, misceri, densari a pulmonibus debeat: non possunt non vitia, quibus isti laborant, vna inferri et vim suam ad istos dispergere, cui vero iniuriae tanto minus resistere possunt, quum mollities ipsius visceris ad fouenda ista adeo apta sit. Eo nempe videmus diathesin purulentam facile ferri, quo minima resistantia est. Hoc quoque in causa est, quod contagio varioloso hausto plurimae pustulae iis in locis erumpant, quae lanceola, hinc inde per cutem leuiter ducta, debilitauimus; et quod in insitione variolarum plurima pars puris per vulnus inflictum effluat. Hinc retropulsa materia arthritica pulmones praeprimis afficit. Hinc quoque pectoris oppressiones et anxietates, quae ex retrocedentibus exanthematibus nasci obseruantur. Quae vero labes dum semel in pulmones translata fuit, ob languescens in commodo nutrimento parando officium tota humorum congeries vitietur nimium, et primo fomiti noui semper igniculi addantur, necesse est, tanto magis, si inquilinum quoddam pulmonum vitium praecefferit.

## §. 15.

Nec desunt alia, praeter phthisin, puris citra inflammationem concepti exempla. Variolas aliquando sine febre, saltem leuissima, prodixisse, easque vero pure repletas, in variis practitorum libris legi-



legimus *c*). Et etiam si cum Wratislauiensibus medicis *d*), FORESTVM, RHODIVM aliosque, qui eiusmodi observationes consignarunt, errasse dicendum esset, quum haud facile distinguatur leuissima febris a nulla: haud tamen raro videmus ex contactu pustulas quasdam variolosas enasci, absente omni febris indicio, in iis nempe, qui variolas iam superarunt, imprimis si cutem mollem et teneram habent. De abscessibus spontaneis externis autem Eques ABACREL *e*) tres nobis exhibet casus, in quorum duobus nulla inflammationis antecedentis suspicio fuit. Primus ad foeminam spectat, in qua abscessus mollis, diametro quartam cubiti partem constituens, prope eius spinam natus fuerat, iam quoad partem sub scapula dextra sese abscondens. Per complures quidem annos infirmæ valetudinis ægra ante fuerat, et doloribus vagis conflictata; abscessus vero ipse doloris expers exstitit. Tandem, priori licet abscessu sanato, ob diathesin purulentam, nouo postea abscessu sese manifestante, morte occubuit. In alia foemina pariter nec febris nec alius ullus morbus praeceffit. Non valde dissimilis casus est, quem SWIETENIVS *f*) sistit; viri nempe mediae ætatis fani et alacris meminit, in quo sine manifesta

L 2

- cau-

*c*) V. DRELINCVRTIVS *L. de variol. et morbill. op. p. 649.*  
FOREST. *L. 6. Obs. 49. 50.* HVXHAM *de variol. T. 2.*  
*p. 123. Ed. REICHEL.*

*d*) *Const. epid. 1700. p. 161.*

*e*) *Chirurgiska Händelser, Ed. 2. p. 236.*

*f*) *Comment. T. 1. p. 718.*

causa ortus tumor mollis in latere sinistro circa os ilei fuit, cui tandem hectica febris accessit, eaque lethalis. Alio loco g) mentio fit aegrae, in qua vigesimum morbi diem iam transgressa, subito, quum pridie nulla eius nota adesset, humoris fluctuantis copia percepta fuit in brachio, nec, quod expresse addit, toto morbi ambitu, vllum topicae inflammationis vel suppurationis vestigium apparuit. Bis contigit SWIETENIO \*) in puerperis videre mammam integram suppuratione consumptam, licet vix vllum dolorem percepissent; et cutis leuiter tantum rubesceret. Cl. BILGVER vero h) praeter istos abscessus externos, quos immediate praecedens inflammatio, febris, rubedo, et acutus dolor indicat, alios quoque existere aperte monet, et magna copia pus sub cute et pinguedine accumulari, absque omni extrinsecus apparente indicio. In tanta observationum copia non potuit non quoque veri amantissimus ill. MORGAGNI i) hanc ipsam abscessus originem agnoscere, qui dum de illa agit, se inprimis collegae suae PVIATI observationibus firmari in ista dicit, qui adeo in hominibus firma et florente aetate constitutis et semel in robusto viro illam obseruauit. Ad hoc abscessuum genus quoque refero vlcera varia venerea, cariem ossium variam, quae si temere supprimitur, haud raro veram phthi-

fin

g) *Tom. 2. p. 81.*

\*) *Comment. Tom. 4. p. 640.*

h) *Wundarzneykunst in Feldlazarethen, p. 826.*

i) *De sed. et caus. morb. 55. p. 341.*

fin generat, epiphoram purulentam, gingivarum vlcera, linguae fistulosa vlcera *k*), vlcera varia mali moris crurum, aliorumque membrorum. Furunculorum, qui nonnunquam deuictis variolis exsurgunt, adficiente HAENIO *l*), eadem ratio est, ita vt nonnisi a purè cutis tendatur, et vnica die nascatur, augeatur, tumor iste, apertus vero nonnunquam eodem die pus fundere incipiat.

### *Species secunda.*

#### §. 16.

Iam vero in secunda abcessuum specie considerata occupabor, quam in eo colloco, quod pus non fixo quodam loco colligatur, eundemque lenta vi depascat, sed *libere in sanguinis massa ob-erret*, et data occasione per patula corporis loca effluat. Quicquid in hocce difficili argumento lucis nobis affulget, decursus morbi cum iis, quae in cadauere post mortem obseruantur, comparationi debemus. Nam in sanguine ipso, dum e vena mittitur, nihil purulenti apparet, sed omnia in eo accurate commista et homogenea reperiuntur. Haud raro autem inciso cadauere circa cuiusuis generis viscera crustas subflauas albidas easque instar lardi compactas absque vlllo exulcerationis vestigio conspiciamus, quibus quum nullae aliae viae, quam tenerrima exhalantia vasa, patuerint, ex ipso sanguinis

L 3

*k*) HILDAN. *Observat. Chirurg. Cent. 4. p. 43.*

*l*) *Rat. med. 2. p. 17.*



guinis penu promanasse credibile omnino est. Hinc et exsudationem inflammatoriam vocat cel. WILH. HVNTER \*). Annuunt obseruationes, quae, licet magna aliquando copia puris per quaedam loca in vita effusa fuerit, nullum tamen peculiare eius receptaculum post mortem sub scrutinio anatomico inuentum testantur.

## §. 17.

De phthisi purulenta exempla huius generis varia in scriptis medicorum obuiam mihi venere, in quorum tamen consideratione sedulo cauendum est, ne phthisis pituitosa imponat. Pluries se vidisse fatetur b. BRENDÉLIUS m) phthificos, quibus ne vestigium quidem vlceris iam elaborati pulmonum, vel alius visceris fuisset, sed profusa quaedam per pulmonum substantiam inque interstitiis mediastini extra vasa collecti liquoris proluuies ichorodes, spumosa, subcruenta, pallida et aliorum colorum. Sic BENNETVS n) hominem sistit, qui per longum tempus sputum subdulce summe emaciatus reiecerat, in cuius pulmone praeter laxitatem notabilem nihil alieni visum fuit. Nouum rei fulcrum HAENIUS o) dedit, dum variorum aegrorum sibi commissorum historias nobiscum communicat, qui sputorum purulen-

\*) *Medical Observ. and Inquiries, Vol. 2. p. 61. sq.*

m) *Diff. de tabescentibus ad nares ducenda fluxione, p. 50*

n) *Theatr. tab. hist. ad cap. 23. p. 69. aliisque locis.*

o) *Rat. med. T. 1. p. 86. sqq. Tom. 2. p. 12. Tom. 9. p. 49. p. 67. Conf. CAS. MEDICI Beobacht. a. d. Arzneywiss. Vol. 1. p. 315.*



rulentorum ingentem copiam excrearunt, unde  
 consumptionis insignis vel vomicarum haud exigua-  
 rum suspicio nata fuit; cuius vero labis adeo in-  
 fontes post mortem pulmones inuenti fuerunt, vt  
 ne tantillum quidem vel puris vel vomicarum de-  
 tegi potuerit. Nec quantum scio alius originis illa  
 puris per os excretio fuit, quae aliquando in ipso  
 phthiseos decursu citra febris connubium, vt passim  
 legitur, nata fuit. Quod etiam HIPPOCRATI proba-  
 bile visum, utpote quum iis hoc sputum familiare  
 esse pronunciet, quibus consuetae sanguinis excre-  
 tiones per commodiores vias substiterint. Singu-  
 lare autem est, quod in quibusdam formae quidam  
 vigor et torositas inter tantae colluuii corruptae  
 euacuationem remaneat. Huc pertinet matrona  
 ista, quam CVMIVS *p*) describit, quae menstrui  
 fluxus parcius promanantis loco, singulis mensibus  
 insignem ad tres saepe libras puris foetentis copiam  
 sputis reiecit et nihilominus vigorem formae suae  
 seruauit. Prout aliud eiusdem tenoris fere exem-  
 plum a BARTHOLINO *q*) memoriae proditum repe-  
 ritur, iuuenis nimirum, qui inter purulentam col-  
 luuiem, quam in adstantium haud exiguam mole-  
 stiam et intra lentae febris insidias exspuerat, adeo  
 tamen in dies carnosus euasit, vt vestimenta arctiora  
 sensim fieri sentiret.

L 4

§. 18.

*p*) In *Eph. nat. curios. Dec. I. Ann. I. O. 94. p. 223.*

*q*) *Histor. anat. 14. Cent. 2.*

## §. 18.

Non vnice, vero labe ista purulenta per pulmones sese liberare studet natura. Interdum ad nares redundare illam animaduertimus. Veteres inter alias phthiseos causas defluxum pituitae ex capite accusarunt, quem licet, quum nullae viae, per quas descendere possit, ex cranio pateant, hodie haud aliquis amplius reum facturus sit: ex catarrho tamen veram phthisin efflorescere posse, certo certius est. Vnde perspicacissimus et Hippocraticus practicus, ill. PRINGLE *r*) adeo de tussi ex catarrho contracto apud milites metuit, et inueteratam et neglectam tussim pro initio phthiseos declarauit. Non vero adeo mirum, quod veteres, in ista anatomiae infantia, in hunc errorem incurrerint, quum in hominibus ad phthisin procliuius affluxum muci ad nares copiosorem obseruarent, sub quo pectoris molestiae leuabantur; cui rei et recentior cel. BRENDÉLII experientia non mediocriter fauet *s*). Neque ideo sine re consilium ab ipso iam HIPPOCRATE captum esse videtur, in tabescentibus reuclendi stillicidium istud ad nares, vt praepediretur suppuratio vel iam praesens imminueretur. Cur vero adeo proficuum istud aliquando defluuium sit, exinde apparet manifestius, quod saepe ad puris naturam proxime accedit. Nec contrarium est, quod

*r*) *A recent cough from cold may be considered as the lowest degree of a peripneumony, and an old neglected cough as the beginning of a consumption. Vid. Diseases of the army Ed. cit. p. 169.*

*s*) V. BRENDÉLII *Diff. de Tabescentibus etc. p. 23.*

quod nonnunquam mere mucosum quoad aspectum sit, quum haec duo liquida adeo nonnunquam similia sibi inuicem sint, vt fere crederes, discrimen totum in maiori vel minori coctionis gradu tantum consistere. Memorabilis est SALMVTHI *t*) obseruatio, qui nares vidit, quemadmodum aliis sanguine stillant, sic pituita tenui cuidam stillare integrum triduum, per interualla tamen; et ipsius venerabilis MORGAGNI *u*), in lectissima Veneta muliere, facta, quae sub corporis conspicua extenuatione per complures menses tale profluuium experta fuit. Non solum autem stillicidium eiusmodi contingere ad nares, sed veros ibidem abscessus gigni, idque nulla febre, minimo dolore, vel solum FERNELII *v*) testimonium docere potest, qui ex ruptis eiusmodi abscessibus pus sincerum per nares affatim profluere perinde atque e purulentis auribus, et quidem nullo valetudinis incommodo, animaduertit. Constat simul, quid de diuturna ista puris per aurium meatum euacuatione, in praesidium aegri, difficultate licet auditus coniunctum, adstantium autem ob foetorem et turpitudinem fastidium, contingente, sentiendum sit. Et sane quae supra de vrinis purulentis ex ore veterum attulimus, haud leue oberrantis saepe vage puris documentum praebet. Morbos quidem praecipites praeter alias euacuationes vrina purulenta ac vitrea

L 5

affatim

*t*) BONETI *sepulchr. Sect. 17. Append. 2. ad Obs. 10.*

*u*) *De sed. et caus. morb. Epist. 14. Art. 20.*

*v*) *Pathol. L. 5. cap. 7. Ed. cit. p. 439.*



affatim reddita solui HIPPOCRATES innuit: sed et ad ipsos sanos integraque valetudine vtentes eandem extendere licet, quod probe quoque FOESIUS x) in annotationibus ad hoc Coi effatum monuit, voracitate et otio peccantibus illam quoque adscribens. Ego vero citra istas causas eam etiam agnosco, levibus istis abscessibus in perfecte ad speciem sanis haud raro pullulantibus innixus. Eandem fluari albo originem tribuo, in quo muci sensim in pus degenerantis ratio haud obscure cognoscitur, et qui morbos non acutos modo sed et chronicos imperfecta crisi solutos frequenter excipit. Affinitatem praeter dicta habitus cachecticus febrisque lente corpus depascens, quae diriori malo accedit, satis denotat.

## §. 19.

Multum praeterea lucis suppuratio ista ingens vulnerum maiorum, vt ex amputatis membris, accendit, quae nonnunquam omnem vitae conservationis spem, ex febre hectica, quae suscitatur, et virium summa prostratione, abscindit. Non potest tanta puris et tam diu excreti copia ex loci tam parui inflammatione nasci, sed diathesin quandam puri generando commodam et per inflammationem quasi seminio quodam inductam supponit. Hanc igitur potius, quam resorptionem puris, quae vulgo accusatur, febrem in his accendere existimo. Par quoque abscessuum extrinsecus natorum est ratio,

x) Praenot. Coac. loc. cit.



ratio, qui mirum est, quantum nonnunquam puris copiam comprehendant, quod apertura facta cognoscitur. In iuvene, dolore lumborum et ad inguennatemque dextri lateris praegresso, tanta, fectione facta, puris copia effluxit, ut non solum ad plus quam sex libras aestimaretur, sed totum lectum inundaret, respectu ne quidem ad eam quantitatem, quae sequentibus diebus effluxit, habito *y*). Eadem de ortu puris adeo copiosi mirandi occasio MORGAGNIO *z*) sese obtulit in Archidiacono quodam, cuius crus sinistrum dolor primum, dein abscessus corripuit, ex quo tanta copia prodiit, ut de vita desperarent, redeunte tamen sensim, licet in viro iam decrepito et febricula iam valdopere exhausto, summi MORGAGNI peritia, pristinae sanitatis vigore. Circa coxas praecipue eiusmodi collectiones purulentae crebrius observantur, haud raro per telam cellulosa fauente fascia, quam vocant, lata, undique serpentes; unde et ipsum potius os corrodi, quam, ut alias fieri solet, foras eleuata cute abscessum emergere videmus. Hinc diuinus cox *a*) iam vitionem laudauit, ut ne in coxendicis morbo vexatis coxa excideret, crus contabesceret et claudicatio fieret. Ideo quoque vesicatoriis tempestiue uti in dolore ischiadico experientissimus TRALLES *b*) post alios tam serio iniungit.

§. 20.

*y*) DE LA MOTTE *Traité complet de Chirurgie, Tom. I. p. 357. sqq.*

*z*) *Loc. cit. Epist. 55. Art. 14.*

*a*) *Aphor. 6. 60.*

*b*) *Vfus Opii Sect. 2. p. 314. sqq.*

## §. 20.

Nec momento suo vacat ad exulcerationem istam attendere, quae a leuioribus saepe causis, contusione, vulneribus, puncturis exiguis, in quibusdam hominibus nascitur. Quod quum adeo crebro multi in semetipsis experiantur, testimoniis firmare amplius superuacaneum, et ne ill. viri MORGAGNI c) quidem, nisi toti, de quo agimus, argumento tantopere accommodatum esset. In senatore nimirum iam aetate prouecto, post leuem contusionem in tibia, quam exiguum ibidem erysipelas et modica febris consecuta fuerant, tumor emerfit, sine peculiari febre, sine rigoribus vllis, vel doloris caloris pulsationisque sensu, cuius tumoris naturam fluctuans intus materia dein detexit. Et addit senex amabilis ab expertis Chirurgis sibi similes abscessuum ex leui causa externa ortorum relatas fuisse historias.

*Species tertia.*

## §. 21.

Sed praeter duas istas huc vsque recensitas abscessuum species, tertiam constituo, in qua nimirum pus, aliquo loco in corpore iam collectum, ad remotiorem quendam nullo antea vitio affectum, desertur. Est metastaseos genus ab alia quadam cuiuscunque originis enatum. Nolo illam cum ista primaria confundi, quae acutis morbis crisi perfecta non solutis, superuenit, et vel externum corpus ad aures, axillas

c) Loc. cit. *Epist* 55. *Art.* 16.

axillas vel inguina plerumque, vel peiori omine internum aliquod viscus occupat. Nam licet nonnunquam crisis ista imperfecta subito fiat, nec prodromis illis inflammationis signis stipata prodēat, *d)* faepissime tamen illa futuri decubitus praenuncia sese adiungunt. Vnde prisca ista in decursu morborum scrutando industria, quibuscunque ex morbo resurgentibus aliqua pars doluerit, illis abscessus exspectandos esse *e)* docuit, tumque praecise decubitus istos oriri monuit, si viginti dies febris detinens superet. Transitus vero puris, de quo loquor, non vna solet esse ratio. Mox enim ex vno viscere in alterum, vel interna quadam parte ad externam sese transfert, mox, postquam extrinsecus aliquo loco sedem fixit, ex hoc intro redundat. Nec adeo rarum est, pus, quod interne alicubi haesit, per emissaria corporis vasa euacuari. Natura partium abscessui vicinarum subinde iter puris dirigit. Nempe collecto pure cauum, quo includitur, ampliatur, ea praecipue parte, qua minimum obstaculum illi obuertitur. Hinc plerumque pus superficiem cutis petit, etiamsi longe profundiores sedem habeat, nec nisi lambendo partes duriores et circa eosdem proserpendo illuc perueniat. Subinde eadem de causa pus valde profunde et sub aponeurosi delitescens interstitia musculorum, tendinum, ossium, penetrat, hasque partes diuellit. Pus largius collectum in inferiorem corporis partem fauente suo pondere desidere solet.

§. 22.

*d)* SWIETEN *Commentar.* 2. p. 593.*e)* HIPP. *Aph.* 32. *Sect.* 4.



## §. 22.

Ad pulmones purulenta ista colluuius ex alio quodam viscere creberrime transuehitur, in cuius rei causam supra iam inquisiui. Ex vlcere vteri, cui obstetricis cuiusdam in secundinis extrahendis imperitia ansum dedit, iam sexto die experientissimus MVZEL f) sputa purulenta idque copiose prodire animaduertit. Alia puerpera, praeuiis signis omnibus abscessus in sinistro ileo, experta alui effluxum olidissimum et similis materiae per vterum profluuium sputa purulenta magna copia reiecit \*). In alio aegro sputorum causam apostema in peritoneo natum esse constitit; quod sagacitas MVZELII iam initio ex liberiori respiratione, decubitu supino, et, quum respirare aegrum profundius iuberet, tussis absentia praeuidit, dein vero abdominis intensione, dolore dorsi aliisque notis, et sectione tandem; quae ingentem puris copiam elicuit, apertius cognouit g). Translati ex hepate in pulmones puris exemplum memorat ill. VOGELIVS h), quod inopinato sub metu suffocationis prorupit, morte pedissequa, post quam pulmones quidem omni vomica vacui reperti, trachea autem pure repleta fuit inuenta. Vix vero alius illi similior casus extare potest, quam iste a MVZELIO consignatus de aegro,

f) *Medicinische und chirurg. Wahrnehmungen, zweyte Samml. p. 6. sqq.*

\*) V. SWIETEN *Comm. T. 4. p. 622.*

g) *Loc. cit. p. 9.*

h) *Diff. de vomica pulmon. sine cystide resp. S. H. U. KEISER.*



aegro, cuius hepatis in externa superficie faccus, quasi putrido pure refertus, adnatus erat, pulmonibus omnis culpaef infontibus *i*). Quod autem pus foris alicubi collectum non minus internas corporis sedes affectet, vel vnica MORGAGNI *k*) narratione palam est, quae scilicet foeminam adducit, cuius crus ob vlcera cacoethica ante praecidere necesse fuit, quod eo quidem effectu factum est, vt primum parotis ingentem in molem intumesceret, postea autem apoplexia corripereetur, cuius causam anatome detexit; nempe insignis puris copia in sinistro cerebri ventriculo latuit, absque vllo ceteroquin cerebri vlcere.

§. 23.

Sic quoque inuerso ordine decubitus puris extrinsecus haud raro ex abscessu interno contingunt; prout de empyemate ex pleuritide nato et per vlcus brachii iudicato in Ephem. naturae curiosorum *l*) historia lectu digna occurrit. Non magis autem mirum, quod nonnunquam abscessus ante extra nati subito dispareant. In exanthematicis morbis, variolis, scabie etc. hoc fieri saepissime obseruamus. Vnde et SYDENHAMVS *m*) bubones in peste lubricam et aleae plenam morbi iudicationem existimat, vtpote quum, quamuis interdum

*i*) *V. loc. cit. p. 1.*

*k*) *De sed. Epist. 4. 5.*

*l*) *Dec. 1. A. 6. 7. Obs. 147.*

*m*) *Oper. vniuers. Lugd. 741. p. 116.*

dum laudabiliter et cum symptomatum remissione protuberarint, saepe ex improviso evanescant. Fit nonnunquam subita ista metastasis aegri comodo haud mediocri, dummodo malum non nimis vetustum sit, nec loca nobilioribus functionibus destinata occupet. Fuit quidam *n*) abscessu ad coxam correptus, quem aperire constituerat chirurgus proxima die, sed per noctem disparuit pus et alui deiectionibus secessit. Peius cecidit diarrhoea in alio homine iam phthifico, quae pariter consilium abscessus ad thoracem sequenti die incidendi frustraneum reddidit *o*).

## §. 24.

Tandem et illam puris translationem trutinare oportet, quae eius per excretoria varia corporis vasa eiectione absolvitur. Possunt quae de metastasi secundaria nuperrime dicta sunt, huc referri. Nec minus autem ad intestina et vrinarias vias pus ruere aliquando animaduertimus, GALENO *p*) iam praeunte, qui pulmonis vomica per vrinam, thoracis autem per intestina et aluum expurgari retulit. Est haec ista diarrhoea colliquatiua phthificorum, qua scena malorum plerumque claudi solet, et qua ingruente homo tandem lampadis instar oleo orbae exstinguitur. Naturae tamen beneficio  
deiectione

*n*) *Misc. nat. curios. Dec. 2. A. 9. O. 49.*

*o*) HAENII *Rat. med. 2. p. 9.*

*p*) *De loc. affect. lib. 6. cap. 4. ad finem.*

deiectiones subinde purulentas fieri, tam obseruatio paullo ante ex ephemeridibus naturae curiosorum deprompta indicat, quam alia, qua tumor brachii insignis hac ratione sufflaminatus legitur *q*). Hisce vero in casibus videtur non arcta puris cum sanguine miscela sed fluctuatio modo locum habere, ita ut pus sanguinem ad intestina vel vias urinarias tantum quasi comitetur. Id quod tamen tam raro fieri censet ill. Eques et Archiater ROSÉN A ROSENSTEIN *r*), qui varias historias lectu dignissimas diarrhoeae purulentae recenset, ut inter mille aegros nonnisi in vno id contingere pronunciet. Idem forsitan accidit, quum rariori spectaculo pus verum in vrina non fundum petit, sed in superficie natans conspicitur *s*). Sic refert SCVLTERVS *t*) in homine, cuius abdomen perfossus fuit, cum leuamine omnium symptomatum urinam copioso pure mistam se vidisse. Ad rariora exempla pertinet, quod pus in dextro ilio collectum per vterum imo per mammam prodierit *\**).

§. 25.

*q*) V. *Decur.* 3. *A.* 3. *Obs.* 2. p. 6. *Cfr. etiam A.* 5. et 6. *Obs.* 281. p. 635.

*r*) *Underrättelse om Barns Sjukdomar*, p. 90.

*s*) BRENDÉLII *Diff. de tabesc.* p. 25.

*t*) *Armamentar. chirurg.* *Obs.* 61. p. 245.

*\**) SWIETEN. *Comment.* T. 3. p. 622.

## §. 25.

Non alienum est, in modum inquirere, quo ista translatio puris peragatur. Triplex me iudice constitui potest. Resorptionem plerumque vnice accusant. Nec equidem nego vasis bibulis eam vim esse, vt haurire queant stagnans aliquo loco pus subtilius vel liquidum illi analogum, quod, dum sanguini admiscetur, illum corrumpit et quasi eliquat, febremque istam lente corpus consumentem suscitatur. Non vero tam auide resorbere, prout plerumque putant, ex mora, quam pus collectum saepe trahit, diuturna apparet, cuius causa in inflammatione abscessum circumdante et telam cellulofam stipante quaerenda est. Nec spissum adeo humorem, prout in abscessibus plerumque reperitur, a tam angustis vasis imbibi vero simile videtur. Et quodsi resorberetur, cur non aliquando puris vestigium in ipso sanguine conspiceretur? Resolui putredine quadam ex mora, et tum resorberi, ais? sed scimus in repentinis istis metastasibus verum pus colligi non in faniem resolutum, in remoto isto, quem occupavit postea, loco. Alium igitur translationis modum quoque agnoscere debemus, cui miror, quod tum modo subscribant, quum acrimonia sua vicinam plagam consumere pus incipiat. Transmigrationem puris per telae cellulofae cauernulas intelligo, quam acum, spinarum, globulorum plumbeorum, in remotissimos recessus transitus, et aquae in hydropicis effusio per vulnus alicubi inflictum probabilem reddit. Ea nempe telae cellul-



lulosa natura est; vt nifum perpetuum sese contrahendi exerceat. Tum et tertio pus per erofam telam cellulofam adipe confumto transfertur; cuius rei apud auctores occurrunt multa exempla *u)* et in praxi creberrima. Fit hoc acrimonia; quam pus ex mora in loco calido et miscela rancidae pinguedinis contraxit, quae adeo valida est, vt ne ligamentis quidem, nec musculis; nec ipsis ossibus parcat. Hinc istae fistulae in distantibus saepe locis; et vlcerata ad ossa vsque serpentina; et illa puris abundantia ex tumore etiam si minori prorumpens.

### §. 26.

Multa ex hisce deduci possunt, in praxi latissimum usum habitura. Ita alteram suppurationem altera leuari, quin omnino sufflaminari notatur, quod tam sensui aegri quam rationi conforme est. Crurum vlceribus bene manantibus scabie leuiter eaque sicca modo afficiebatur iste MORGAGNI *v)* aeger, exsiccatis vero istis mox foedae pustulae cutem ferme vniuersam deturpabant. Elucescit simul, quantum in vlceribus artificialibus, vesicatoriis inprimis et fetaceis, inter feri lactis, vel ab-

M 2

sente

*u)* V. in SWIET. *Comm. I. p. 105.* casus parotidis, cuius pus viam sibi parauerat ad cubiti flexuram vsque, vbi anchylosin generauit. Cfr. et HAEN. *Rat. med. T. 4. cap. 4. de coxario morbo.*

*v)* De sed. et caus. morb. *Epist. 55. Art. 13.*

sente febre, ipsius lactis, et succorum ex herbis antiscorbuticis et balsamicis, connubia, temperantibus interpositis praesidii sit. Nec minus patet, quae-  
nam phthises purulentae curationem facilius admit-  
tant: haec nimirum existimo, in quibus nulla ad-  
huc vomica formata fuit, et in quibus natura  
sponte in metastases istas secundarias inclinat. Un-  
de quoque detrimentum illud insigne intelligitur,  
quod pure alicubi collecto, si repellitur, siue male-  
prouida arte, siue sponte id fiat, nascitur. Hinc  
vitia ista cerebri, cordis, pulmonum, visus etc.  
ex scabie, s. alio exanthemate retropulso, consoli-  
datis intempestiue vlceribus, etc. Hinc reuocatis et  
resuscitatis istis salus.

## §. 27.

Pedem hic sistere possem, nisi loci commoditate  
ad quaedam de ipsa puris generatione tangenda inui-  
tarer. Idque ideo fiet, quod sub meditatione de hoc  
ipso argumento et sub lectione auctorum sententiam  
de eius ex ipso sanguine origine, quae hodiernis qui-  
busdam medicis tantopere placet, et quam nouis-  
sime modo, in auctoris sui insignem gloriam con-  
ceptam haud pauci existimant, non esse nouam sed  
antiquis, et multis posterioris aetatis iam cognitam,  
comperi; nouis quamuis argumentis confirmare  
illam vlterius posse absit, vt diffitear. Quid de  
puris ex inflammatione origine sentiendum sit, quae  
plerisque maxime probatur, ex superioribus appa-  
rebit

rebit satis euidenter. Alii vero pus ex adipe in loculis telae cellulosae contento deriuare conantur. Cuius hypotheseos patronum modo cl. GRASHVIVM x) cito, qui eam studio deditaque opéra executus est, sedē puris nimirum cum adipe comuni, colore, tenacitate, natura inflammabili, pondere, consumptione pinguedinis in vlceribus, eiusque in febribus mutatione permoſus. Plerosque abſceſſus externos in tela cellulosa adipem coërcente generari verum quidem est, quin fomentum quasi quoddam ex adipe adipisci, pariter largior. Sed quum multis quoque locis adipe destitutis, pulmonibus, hepatis carne, testibus omnibusque aliis visceribus, pariter nascatur, non sufficit in hac sola causa acquiescere; vnde etiam secularis ingenii vir, ill. AB HALLER y) ad veros suos limites illam restrinxit. Tutissimum verò videtur natales puris in ipso sanguine cordis vi per sua vasa agitato quaerere. Hos veteres quoque agnovisse, quae de quadam humorum putredinis specie, quae de vrinis purulentis, nisi abſceſſus ad articulos fierent, oriundis, et quae generatim de abſceſſibus ex acutis memoriae prodidere, innuere videntur. Memorabilia quam maxime GALENI z) verba sunt, dum *putredo*, inquit, *humorum, quae fit in vasis, similis est illi, quae fit in inflammationibus*

M 3

et

x) *De generat. puris*, p. 18-28.

y) *Element. Physiol. T. I. p. 45.*

z) *De febribus, L. I. cap. 7.*



*et abscessibus, et aliis tuberculis.* Quid per istam putredinem intelligat, ipse postea explicat, duplex eius genus constituens: *alterum nempe fieri, vincente natura, ubi in inflammationibus et tuberculosis omnibus tumoribus pus fit; in humoribus autem arteriarum et venarum illud, quod subsidet in urina puri analogum.* Haec autem putredo non simpliciter putredo est, sed aliquid coctionis habet. Manente enim concoquente facultate vasorum, putrescens tunc humor ad talem alterationem deducitur. Ab hoc FERNELIVS a) nomine quidem non vero ipsa re discrepat, puri inter putredinem et corporis nostri substantiam mediam naturam tribuens. Eandem tamen ytrique adiudicat originem, prout ad tenorem veteris doctrinae dicit: non aliter calorem corporis alimentum aliter putridum humorem concoquere. Praeter pus autem et aliam materiam, quam vocat puri finitimam, gigni pronunciat. Pergit nempe eodem loco: venarum maiorum succus putrescens in aliquid mutatur, quod est puri finitimum, huius in urinae sedimento conspicuae sunt notae. Ex variis quoque locis BENNETVM, cuius in obseruatione rigor, quicquid stilo inconciinni insit, abunde compensat, puris ex sanguine ortum perspexisse colligo. Nam liquores naturae congeneres vt et alienatos et redundantes non diuerso distrahi motu, sed iisdem importari vasculis, (sunt eius verba) b) existimat.

Quam

a) *Method. med. Libr. 3. cap. 12. p. 218. Ed. cit.*

b) *Theatr. tabid. cap. 9. p. 31.*



Quam suam sententiam fusius alio loco *c)* explicat, quum omnigenae fluxionis materiam sanguini importari dicit, et dum quoquouersum eo innatauerit, haud grauare, — aliquando autem tumultuose agitari et in partem magis susceptiuam deponi. Conferendum quoque eius *Auditarium d)* est, quod dicta antea corollarii instar colligit, ex quibus prono alueo fluere putat: sanguinem liquoresque alienatos *συνοδευειν* i. e. vna iter facere. Referendus huc quoque illustris SWIETENIVS *e)* est, qui subita ista et inflammationem excludente abscessuum origine inductus existimat causam materiale[m] febris per febrem sic subigi et mutari posse, vt puris analogam naturam acquirat, licet adhuc cum reliquis humoribus per vasa fluat, et deinde deponi illud pus iam factum in quaedam loca corporis, in quibus collectum inuenitur. Quae et eximii BRENDÉLII sententia fuit, vt ex pluribus notis manifestum est, ex nulla vero manifestius, quam vbi *f)* aliquando sine vlla solutione continui, quibusdam ex organis secretoriis nisi pus, saltem aliquid puri analogum in statu praeternaturali secedere, ait. Et ill<sup>m</sup>. MORGAGNI variis locis supra citatis eandem pariter amplexum esse, cuiuslibet eadem relegenti constabit.

M 4

stabit.

*c)* Cap. 10. p. 34.

*d)* Loc. cit. p. 87.

*e)* Comment. 2. p. 81.

*f)* Diff. de tabescentibus ad nares ducenda fluxione, p. 25.

stabit. Tandem ill. HAENIVS g) nouum rei robur proprio scrutinio addidit, qui et curatius, quidnam esset in sanguine, quod generationi puris faueret, rimatus est.

### §. 28.

Quod vero ex ipso sanguine producat, quum ex difficultatibus; quibus ceterae recensitae hypotheses laborant, tum aliis haud infirmis argumentis elucet; quorum quaedam ex superioribus huc adducenda sunt. Sane haud parum memouet copia ista puris, in quibusdam morbis, vt variolis, lepra, scabie exundantis, et ista, quae abscessibus apertis vel vulneribus maioribus sub deligatione in conspectum venit, quae, vt bene monuit ill. HAENIVS, etiam sub prodromis inflammationis notis loci affecti ambitui non respondet. Nec minus aliter sentientibus celeritas, qua pus nonnunquam contrahitur, nec non ista, qua repente et improuiso aufugit, aduersatur. Nam licet in vulneribus externis nonnisi tertio vel quarto die puris notae appareant, longe citius id fieri in multis aliis casibus superius indicauimus.

### §. 29.

Quidnam autem istud sit in sanguine, ex quo pus nascatur, difficillimum dictu est. Speciosa

g) *Tom. 1. cap 7. sqq. Tom. 2. cap. 2.*

ciosa ill. HAENII coniectura est, pus ex eadem sanguinis parte pullulare, quae in crustam inflammatoriam, sanguine vase excepto, coit, et huc quoque ante se inclinasse SAVVAGESIVM exponit. Eandem etiam esse existimat, quae tam saepe post mortem non acuta solum, sed et lenta febris decumbentium circa viscera reperitur. Fauet huic sententiae vel id, quod, obseruante ill. PRINGLE \*), purum sanguinis serum, dum calore modico in putredinem pronum reddebatur, turbidum euaderet et sensim sedimentum deiiceret purulentum, quod connubium cum sero dein omnino respuebat. Plura huius rei argumenta lectores velim ex ipsis HAENII monimentis petant. Quodsi vero ita esset, causa tamen, quae hanc ipsam diathesin pariat, et particulas sanguinis puri generando fauentes euoluat, nos etiamnum latet. Praestat hac in re ignorantiam suam fateri, quam hypothesebus suum aliorumque animos demulcere. An miasma quoddam subest, quod non extrinsecus solum inferri possit, sed et intra corpus vt in rabie spontanea generari, quod fermenti instar totam sanguinis massam inquinet, et exundanti per quaedam loca puri, nouum semper pabulum praebeat? An hisce fauent variolae istae malignae, quae puris copia iugulant? An ideo phthiseos ex confectione cum aliis illa afflictis diuturniori haud adeo rara origo? Sed nec negandum, aliquando

M 5

ipfas

\*) *Diseases of the army, Append. Experim. 45.*

ipfas solidas partes inire connubium puris, vt ex confumtione earum apparet, licet et hoc agnofci debeat, quod fubinde non vera earum deſtructio ſubſit, ſed condenſatio modo membranae celluloſae. Meminiſſe quoque conuenit, confluere multiplex liquidorum genus ex vafis et receptaculis in locum, quo vel pus generatur vel in quem deriuatur.

---



IV.

DE

COGNATIONE

INTER

ARTHRITIDEM

ET

CALCVLVM.

COGNITION

PHILOSOPHY

WYLLIE

DE  
C O G N A T I O N E  
INTER ARTHRITIDEM  
ET  
C A L C U L U M. \*)

---

§. I.

**S**i de iis morbis, qui vel causarum quandam communionem, siue symptomatum conuenientiam agnoscunt, vel eam naturam habent, ut alter alterum mutuo excipiat, vel eidem praesidio-  
rum medicorum generi auscultant, *affinitate* qua-  
dam inter se iungi statuendum sit: quanto magis  
de iis hoc fieri debet, qui non vno modo sed omni-  
bus hisce cognationis vinculis copulantur? Horum  
ex tribu *arthritis* et *calculus*, in urinae viis ge-  
nerari solitum, esse, tot documentis certiores red-  
dimur, ut commode huc cor istud in libro de flat.  
effatum, licet de hisce illud praecise non protule-  
rit, referri possit: *morborum unus et idem est modus,*  
*locus vero ipse eorum differentiam facit.* Lepidus est  
iocus

\*) Dissertatio academica, cui, ab alio a. 1767. defen-  
dendae, praesidium b. SCHRÖDERVS commodauerat.

iocus litterati cuiusdam a BEVEROVICIO a) memorati viri, qui ipse calculo affectus, ad amicum podagra laborantem scribens cognatum cum vocauit, ideo quod cum duabus sororibus podagra scilicet et calculo connubium iniissent, imo interdum fieri, vt vxor vnus ad alterum sine adulterii suspitione accederet. Magis adhuc placet ROBINSONII b) effatum, vesicae calculum arthritidem vesicae (Gout in the Bladder) nuncupantis. Anglus alius quidam c) rheumatismum arthritidem et calculum gradu modo inter se discrepare asseuerat. SYDENHAMO d) vero, cui optimam et naturae rei conuenientissimam podagrae imaginem debemus, contigit, non solum in quam plurimis aegris calculi ex arthritide natales cognoscere, adeo vt quandoque arthriticos ob impeditum lotii per meatus vrinarios transitum de medio tolli pronunciauerit, sed in se ipso proh dolor! eosdem quoque experiri. Inter alias species arthritidis anomalae, calculi renum arthritici peculiari capite meminit haud vulgaris fane in hac re auctoritatis vir, MUSGRAVE e), morborumque historias, rem confirmantes, addidit. Et iunctim vna eademque sectione BAGLIVIVS f) calculum et podagram pertractat.

§. 2.

a) *De calculo ren. et vesic. Exercit.*

b) *Treatise on the gravel and stone p. 53.*

c) *Essay on the Rheumatism, gout and stone p. 20.*, cuius libri exemplo, quod coram habeo, nomen I. CAM adscriptum est.

d) *Opera vniuersa, Lugd. Batav. 8, p. 442. 634. 553.*

e) *De arthritide anomala, cap. 9. p. 146.*

f) *Opera omnia p. 115.*



## §. 2.

In horum, et ipso adeo grauissimo SYDENHAMI, qui loco omnium esse potuit, testimoniis, vix opus erit alios auctores excitare, qui vel, morbum vnum siue alterum generatim describentes, ad hanc cognationem respexerunt, vel peculiare casus suppeditando, alio licet aliquando sine, connubium vtriusque notarunt. Pauci tamen medicorum in hac re extra pathologicum campum exspatiati sunt, nec in hoc ipso omnia ista momenta, quae affinitatem vindicant, ita definiuerunt, prout rei dignitas requirere visa est. Vnde *commodum utileque* duxi argumentum, in quo penitus inuestigando vires periclitarer.

## §. 3.

Non multum ea moror, quae, comparatione inter vtrumque morbum instituta, vel ii, *qui leuiter* modo ad eorundem naturam *attendunt*, nec medici munere instructi sunt, communia esse deprehendunt. Quo pertinent *dolorum* ista tormenta dirissima, quae in maiori gradu inter eiulatus et querelas corporisque iactationes fere perpetuas prout interdiu animum angunt, ita noctu omne somni recreantis blandimentum arcent, quin aliquando tantopere crescunt, vt aeger, nisi religionis diuina aura afflatus, vix a manibus sibi met ipsi inferendis temperari queat. Dirior tamen, si non praesentis modo paroxysmi, sed totius malorum scenae rationem habueris, calculosi hominis fors esse videtur. Nam etsi in multis post mortem absque

que praegressis doloribus calculi iique satis magni in renibus inuenti fuerint, et dolor semel natus, manente licet eiusdem causa, per tempus excruciare aegrum desierit: constantior tamen solet esse calculi afflictio. Arthritis nimirum, et nominatim podagra, modo regularis sit, anni temporibus magis sese adstringit, per diem leuius afficit, et si per aliquot hebdomades vna serie sed interrupta duraverit, paroxysmos sequentes praecedentibus mitiores habere solet. Quod haud immerito sedis mali diuersitati tribuitur, quum secundum illustris HALLERI g) mentem, in arthritide ipsa cutis aut nerui cuti subiecti, non insensilis capsula, affecti sint. Vnde, quod et maior paroxysmus excipiens, confirmat, facilius pro tempore, morbi materies eliminari, saltem quoad partem, poterit, donec novus fomes priores cruciatus resuscitet, vel liquidum intra articulos collectum in tophum concreuerit. *Inter hoc concrementum et verum calculum* vrinarium pariter haud difficile *similitudo* quaedam, etiamsi modo coloris, externi habitus et texturae ratio habeatur, perspicitur: in multo pluribus vero momentis conuenire infra indicabitur. Id quoque nec vulgus, certe istos, qui horum malorum alterutro laborant, latet, nec candidior medicus vllus inficiabitur, vtriusque *curationem*, quae ipsam radicem succidat, esse *aegerrimam*, nisi et in malo nimis inueterato fere impossibilem, specifica autem remedia iis contraria vix vlla proflare. Quin propria

g) V. *Commentar. societ. R. sc. Gotting. T. 2. p. 123.*

propria sua valetudine aduersa, in opprobrium artis ista cedere, celebres quidam medici, alterutro eorum conflictati, demonstrarunt.

#### §. 4.

Repetitis vero medentium obseruationibus euictum est, ambo mala ex parentibus in liberos *hereditaria* quadam necessitate potius, quam iure, transmigrare. Hinc probari debet viri istius consilium *h)*, qui obseruans in sua familia per plures generationes podagram fuisse propagatam, ne posteritati infestum malum traderet, caelibem vitam agere constituit. Et de calculo neruose dicit ARETAEVS *i)*: *calculosam hereditariam dispositionem foecundam a nemine sterilem reddi posse, facilius enim esse vterum a pariendo prohibere.* Horum morborum, vt aliorum hereditariorum, ea aliquando natura fuit, vt filio pepercerint, in nepotem autem subdolan vim exferentes. Quarum induciarum causa iure in defectu peculiaris corporis dispositionis, ad euoluendum subtile istud semen requisitae, quae apta viuendi ratione coërceri aliquando se patitur, collocatur. Nec hoc factum modo in vno eodemque horum morborum genere, sed et eorum mutua commutatione. Cuius maxime memorabile exemplum de se ipse illustris WERLHOFFIUS *k)* narrat, quem

*h)* V. SWIETEN *Comment. in BOERH. Aphor. Tom. 4. p. 298.*

*i)* *Morb. diuturn. Libr. 9. cap. 3.*

*k)* *Cautiones med. Tract. I. v. 24.*

quem in arthriticorum numero fuisse, merito orbis eruditus dolet, quum, etsi podagrae vituperia ipse limitaret, viro tamen, tot meritis cumulado, vitam omnium aerumnarum expertem probus quilibet exoptandi causam iustissimam habuerit. Nempe filia ill. IO. HENR. MEIBOMII, ex qua celeberrimi viri pater natus, vehementissimis ex calculo doloribus excruciatu fuit, et licet filius cereuisia potissimum Lothariensi tam arthritidem quam calculum arcere valeret, asthma tamen, cum malo arthritico, vt obseruatum pluries, consensum habente, periit.

Pauciores sunt, nisi translatitia ex parentibus labe mala accita fuerint, vel in vitae genere manifestius vitium commissum, quos in iuuentute adorianur, sed fatiscentibus sensim coctionum viribus *prouectiori aetate* obrepunt. Nam calculo vesicae si ad mentem quorundam, e. gr. HEISTERI, PLATNERI, puerilem aetatem imprimis patere affirmandum sit, certe nephritidem calculosam senibus adiudicare conuenit. Hinc iocus iste ERASMI calculis vexati: *illud mirum videri potest, quum foeminae sterilescent aetate, me sinectus fecit foecundiozem; nam in dies crebrius parturio l*).

Ita et benefica natura, quae bona sua et incommoda aequa semper lance mortalibus impertit, molestias, quas sexus foemineus prius habet, non-  
nisi

l) HOFFMANNI *Med. system. Tom. 4. P. 2. p. 365.*



nisi rarius hisce malis augeri voluit. Quod ad arthritidem nominatim attinet, *foeminas*, si ista corripiantur, *non alias* isti obnoxias esse, quam vetulas, vel qui corporis robore viros aemulantur, SYDENHAMVS iudicat. Contra calculum vero foeminae praemuniuntur tam maiori vretherum amplitudine *m*), quae moram terreis particulis haud facile concedit, quam ipsius vrethrae insigniori latitudine et breuitate; vnde rarius in hisce sectione ad emoliendum calculum opus est.

Alium nexum *causarum manifestiorum* conuenientia constituit. Has BAGLIVIVS iunctim considerans, in vino, venere, otio, et crapula collocat. Omittere facile possum alias, alterutri horum speciatim adscriptas. Eae autem vtrobique adsunt, quae vel digestionis negotium turbant, vel materiam terream vberius impertiunt, vel eandem a vinculis suis in corpore humano soluunt, quae vis, vt infra euadet luculentius, acidis competere videtur, vel detritas effoetasque corporis partes intra corpus retardant, vnde ex mora coalescere debent. Apparet inde, quanta *mensae lautiori* insit, ad hos morbos generandos, potentia, dum non solum copia, sed et ciborum et potulentorum varietate coctionis vires euertit, quibus labefactatis, chylus vitari crudiorque non potest non fieri. An *vina acidula*

N 2

*m*) Certe ad mentem MARCHETTI in *Phil. Transf.* n. 307. de qua diuersitate autem HALLERVS (*Elem. Physiol. Tom. 7. p. 260.*) dubitare videtur.

*acidula* copiosius pota intra potiores causas referenda, multi quidem dubitant. Sed quum multa probent acida generatim natalibus vtriusque vitii fauere, culpa non possumus illa absolvere. De arthritide satis verum videtur, acidum *n*) ad illam producendam concurrere, quum vomitum manifestissime acidum *o*) aliquando comitem habuerit, fames intensior haud raro fociare se soleat, et ea, quae in alcalinam naturam inclinant, illi coërcendae prae reliquis paria censeantur; vt alia argumenta taceam. Memorabile est quod de ciuibz suis, Belgis, exponit ill. v. SWIETEN, neminem vlla podagrae vestigia sensisse, donec cercuisiae valedicentes ad vsum vini accederent. Et nonne videmus, pacatam etsi per longum tempus arthritidem hausto vino aliquando iterum reuiuiscere. Nec minus eadem causa calculum gigni animaduertimus. Hinc  
isti

*n*) Ita BOERHAAVIUS auditoribus historiam hominis narravit, qui ex spiritu sulphuris per campanam quotidie largius sumto podagram sibi contraxit (v. SWIETEN *T. 4. p. 297.*) et cel. GAVBIO, referente cl. COHEN (*Diff. de calculo et lithontripticis, p. 11.*) homo occurrit, ex nimio vfu aceti podagricus.

*o*) Eo superavit, vt refert cl. PYE, chirurgus quidam Anglus, podagrae paroxysmum, quo quum dirissime detineretur, subito dolor ex pedibus in suras transuolauit, et ex hisce in femora, et post breuem ibidem moram in abdomen, donec perueniret ad ventriculum, quo ipso, eiecto vomitu liquore viridi tenui, sed tam corrosiuo, vt aeger cum fortissimo acido minerali illum compararet, dolor omnino euauit. V. *Medical Observations and Inquiries, Vol. I. p. 41.* Mitigati paroxysmi per vomitum aeruginosum exemplum etiam legitur in ROLFII *Consil. med. p. 804.*

isti incolae, qui ad Rhenum et septentrionali Franciae plaga habitant, vbi tenue acidum pallidumque vinum bibitur, prae aliis calculo renum dicuntur obnoxii *p*). Hinc quoque, quae nuperrime dixi alcalina effectum haud mediocrem in curatione pollicentur. Transeo iam similitudinem istam, quae chemiae ope inter calculum humanum topbosque podagricos et tartarum vini HALESIUS alique detexerunt. Ad generanda haecce mala, nominatim arthritidem, victus animalis copiosior peculiaris vim habere videtur, vt apparet ex abstinencia a carnibus, quae multum leuaminis affert, et facili recursum mali, si ad pristinam lautiores dietam receditur. Vegetabilia tamen quaedam pariter non omnino insontia esse, casus quidam LOBBII *q*) ostendit, qui generosum virum sistit ab eo modo tempore arthritidis iniurias persentiscentem, quo vegetabili victui sese adstrinxerat. *Exercitii corporis neglectum* porro in utroque morborum genere accusamus, tanto magis, si muneris ratio agile ante vitae genus iniunxerat. Eo enim fit, vt subigi non possint satis ingesta, languente ventriculi vi, et admiscendorum menstruorum efficacitate resolui, et vt inertes particulae terreae, quae sine cordis intensiori vi per excretorias vias eliminari non possunt, stagnent sensimque coalescant. Merito

N 3

ideo

*p*) BLACKMORE *Dissertations on a Dropsy, a Tympany, the Jaundice, the Stone, and a Diabetes*, p. 171.

*q*) *Dissolvents of the stone, Vers. Latin. Praef. p. 13.*

ideo inter litteratorum morbos RAMAZZINI r) nephritidem et arthritidem recepit, quibus, quae meditatione protracta inducitur debilitas, nouum pabulum addit. Eodem quoque iure calculum morbum principum, dynastarum, ducum vocari posse, ac articulare malum SYDENHAMVS nuncupauerit, experientia confirmamur. Quantam neglectus corpori motus in calculi generatione vim habeat, iam eo apparet, quod in hominibus, calculo alias non opportunis, ex decubitu supino diuturniori, qui magis quam lateralis sedimentum lotii retardat, calculus renum nasci potest.

### §. 5.

Quae haecenus dicta fuere nexum quidem inter vtrumque morbi genus indicant, sed non adeo euidenter, quoniam istos tanquam disiunctos, et affligentes diuersos homines, consideraui. Manifestius vero consensio patebit, si aegrum utroque malo vel simul vel diuerso tempore, varia etsi nonnunquam forma, laborantem animo tibi repraesentantes. Creberrimae enim obseruationes docuerunt, eum, *qui uno horum laborat, procliuem in alterum quoque esse.*

Aliquando ambo mala *uno eodemque tempore* inuadunt. Ita apud MUSGRAVIUM s) sistitur vir chiragra et calculo simul affectus, non per dolores  
modo

r) *De morbis artificum, Opera omnia, p. 645.*

s) *De arthritide anomala, Hist. I. p. 152.*



modo sed et per alia consueta symptomata, vna ingruentia, cognoscendis. Et licet aegrius, an initium vnum idemque fuerit, stabiliatur: afflictiones tamen sub mutuo comitatu grauasse perceptum t).

In aliis *alter morbus in alterum transit*, ita vt, alterutro sese exferente, alter terminetur. Nihil plerumque ex horum intra sese mutua commutatione emolumenti emergit, quum neutrum malum alteri cruciatibus cedat. Nonnunquam tamen arthriticis contigit, calculo orto et sensim cum vrina eliminato, ab vtroque liberari. Solet in hiice vrina mucosa, qualis calculosorum, crassa, purulenta quasi, cretacea, fabulosa, calculosa, reddi. Eiusmodi exemplum recenset BAGLIVIVS u) hominis arthritici, qui eiecta vrina crassa eaque copiosa, quae paullo post in gelatinae naturam coit, ab arthritide conualuit. Et varios lectu dignos casus cl. PRIOR v), grauis de infusi liquidae picis efficacia testis, memoriae mandauit. Homo nimirum, qui ob arthritidem infusum istud adhibuit, mucosam primum materiam, et binos vel tres menses postea, post vrinae frequentem suppressionem et renum vehementes dolores, calculum magnitudine nucis oliuarum fructus, et postea numerum insi-

N 4

gnem

t) LA COSTE *Traité pratique sur la Goutte*, Observ. 6. 7.

u) *Opera omnia*, p. 117.

v) *Authentick narrative of the Success of Tar-water*. Cas.

gnem minorum calculorum et fabulum, eiecit, nonnisi colica aliquando postea laborans. Alius arthriticus, poto eodem infuso, sine doloribus fabuli copiam eminxit *x*). De nobili vero Veneto BENEDICTVS SILVATICVS olim BEVEROVICIVM *y*) certiore reddidit, qui, postquam dolor articularis cessauit, stranguriam sensit; in cuius vero lotio materia crassa viscida et tartarea fundum petiit. Cui similem casum consignauit TEICHMEIERVS *z*) de iuvene litteris operam nauante, cui, arthritide deuicta, immensa copia materiae cretaeae, crëtam, quum exsiccata esset, omnino referentis, fecerit, adeo albae, vt litterae eius ope pingi possent, et tam copiosae, vt vitrum lotio destinatum, intra hebdomadis spatium crusta, ad digitum minorem crassa, obduceret. Confirmat porro dicta casus hominis *a*), leuioribus arthritidis insidiis per intervalla vexati, qui vero repente frigore correptus paullo post urinam lacti similem reddidit, in qua sedimentum album fundum petiit, argillam referens, quod tamen intra bihorium circiter duritiem cretae assumsit. Intra octo vel nouem fere menses autem, sexaginta ad septuaginta cretaeae materiae libris excretis, a podagra conualuit.

Hoc prout in iis euenit, in quibus haec ipsa malorum commutatio cruciatuum finem peperit:  
ita

*x*) *Loc. cit. Obs. 232.*

*y*) *Exercit. de calculo.*

*z*) *Dissert. de arthrit. p. 15.*

*a*) *Histoire de l'acad. R. des sciences, 1747. p. 56.*

ita et in his, quos *alternatim* vtrumque *affecit*, percipitur. Huc pertinet lectu digna a cl. ADAMI *b)* conscripta història. Fuit vir per multos annos arthritide affectus, in quo ex applicato emplastro mali fomes intro conuersus fuit. Leuamen postea quidem sensit ex vesiculis, quae sponte in dorso et lumborum sinistra parte proruperunt et, cultello discissae, serum acre stillarunt: sed leue modo et inconstans, vtpote quum varia corporis loca arthritidis occuparet, et digitos quosdam valdopere detorqueret. Tandem post aliquot annorum intercapedinem dolores vesicae intensos et sensim incrementos percepit, quorum originem eiectione copiosa materiae calculosae et massae mucosae et tenacis euicit, quae adeo acris fuit, vt vitrum, quod vrinam exceperat, rimas facillime ageret, et sub leuissimo tactu dissiliret. Ad tempus hac ratione leuatus, recrudescens tamen alternis vicibus tam ex calculo quam ex arthritide tormentum percepit. Et quod singulare est, tum, quando podagra sese exseruit, mucus vrinae defecit, rediens vero, vtrimum illa delituit. Multa cum casu isto similia habet iste a cl. COHEN *c)* descriptus; quo simul discitur, quanta cognatio inter phthisin et arthritidem intercedat, ab aliis haud paucis quoque confirmata. In hoc dolores arthritici, qui

N 5

initio

*b)* *Diff. de materia calcarea post diuturnam arthritidem per vias urinarias educta, in Collect. HALLER. pract. Dissert. T. 8. 795. sqq.*

*c)* *Diff. cit. p. 34.*

initio vagi fuerant, sensim lumbos occuparant, et post aliquot annos dolorem descendere animaduer-  
tit ex regione renis sinistri secundum vreterum du-  
ctum ad peluim vsque, recurrentem vero ad renem  
rursus. Interim mucum eminxit copiosum, ces-  
sante autem lumborum dolore, in artubus recrudit  
malum; quae alterna affectio aliquoties rediit, eua-  
cuatione per vrethram mox alba, instar puris,  
mox mucosa, omnino fere sublata. Elegans est  
delineatio MVSGRAVII d) arthritidis cum calculo in  
amico alternantis. Hic diu arthritide conflictatus  
aetate prouectior, primum vertigine affici, dein  
renibus dolere coepit, et, inter ingentes cruciatus,  
calculorum congeriem emittere. Nunquam autem  
calculo, nisi vertigine et arthritide regulari infe-  
stante, liber fuit. Ordo tamen sese mutuo exci-  
pientium malorum non semper idem fuit; dum  
aliquando diuturnae, arthritide silente, induciae  
essent, alio tempore autem arthritidis paroxysmum  
calculus e vestigio exciperet. Addit attentus ob-  
seruator, se percepisse ab eo tempore, quo sese  
affociarant vertigo et calculus, arthritidem ea pro-  
portione decreuisse, qua istae molestiae incre-  
scent. Eandem malorum alternam affectionem in  
se expertus est medicus quidam HAMMOND, nar-  
rante cl. BLACKMORE e) ex WILLISIO, calculo tandem  
vitae

d) *Loc. cit. Hist. 3. p. 154.*

e) *Discourses, on the Gout, a Rheumatism and the Kings  
evil, p. 70.*



vitalis finem imponente \*). Et in podagricis aliisque nonnunquam magnum calculorum agmen, pisi circiter magnitudinis, exonerari, CAMPERVS vidit f).

### §. 6.

In tanta medicorum de connubio horum malorum consensione exsurgit quaestio, *an ubiuis ista intra sese iungantur*, vel alterum alterum post se trahat. Id generatim animaduertimus, crebrius ex arthritide calculum prognasci, quam illam ex hoc. Sed nec huius rei exempla deficiunt g). De altera autem commutatione adeo persuasi sunt SYDENHAMVS, RAMAZZINI, CHEYNEVS, alii, vt paucos modo casus excipiant. Causam impediti huius arthritidis in calculum apud quosdam transitus CHEYNEVS h) quaerit in peculiari et hereditaria angustia et rigore meatuum vriniferorum, et infelici quadam partium structura. Sed curatius, et ad sensum manifestius casus, in quibus arthritidis sine alterius sequela procedat, MUSGRAVE i) determinat, qui iterum iterumque calculum eius comitem indiuiduum esse negans, raro arthritidem frigidam dictam, raro languentem, calculum pedisequum habere,

\*) Huc quoque trahendus memorabilis casus alternorum huius generis cruciatuum a MORGAGNIO (*de sed. et caus. morb. Exist. 29. Art. 10.*) narratus.

f) *Obss. de calculis in vesica, cap. 3. ad fin. §. 1.*

g) HOFFMANNI *Med. syst. T. 4. P. 2. p. 365.* Item *Consultat. med. 2. Cas. 128. p. 516.*

h) *Essay on the gout, p. 73.*

i) *Loc. cit. cap. 9. art. 1. p. 146.*

bere, affirmat. Illustris MORGAGNI *k)* etiam, dum crebra exempla hominum adducit, qui vna calculis vrinariis et felleis laborarunt, praecise addit, horum nullum arthritide antea fuisse vexatum. Haud paruum insuper rei fidem existimo accedere, quod in electoratu Hannouerano; vbi calculus tantarum rarum malum est, arthritide tamen tot homines corripiantur.

### §. 7.

*Tempus*, quo calculus alteri incommodo *se se addat*, vel illud sequatur, non semper vnum idemque est. Nempe licet in multis modo prouecta iam arthritide, nodosque in articulis formante, percipiatur, maturius tamen, et dum vage adhuc in corpore oberret, in aliis succedere, tam iuncti iam initio cruciatus, quam alterni, de quibus dixi, confirmant. Sponte autem ideo vetustiore articulare morbum excipere videtur, quod sanguini tum temporis ad concretionem calculosam vel maior dispositio est, vel ob tophos articulos replentes difficilior depositio contingit. Acceleravit noui morbi progeniem aliquando externorum remediorum intempestiua applicatio, frigus corpus repente alluens etc. quae prout stagnans ante vitium ad nobiliora viscera retropellunt, ita non-

*k) De sedibus et causis morb. Epist. 57. art. 12. ad finem.*  
Cfr. etiam casum Bononiensis senatoris in *Epist. ead. art. 11. ad fin.*

nonnunquam in aegri solatium ad renes transferunt l).

§. 8.

Quodsi etiam hasce causas linquamus, a *quiete protracta* et decubitu diuturno in dorsum, cui ob doloris sub motum incrementum arthritici adstringuntur, calculum saepe oriri fatendum est. Eandem originem in semet ipse accusat SYDENHAMVS, dum supra lectum submollem iugiter ad duos menses decumberet. Sub inertia scilicet musculorum renibus contiguorum moram capit in renibus lotium, a qua haud iniuste primos calculi natales repetimus. Patet hoc experimentis BOERHAAVII m) cum vasis vitreis cylindricis, in quae lotium recepit, factis, et LITTREI n) obseruatione, de puero phimosi affecto, in quo intra praeputium et glandem, ob vrinam ibi resistentem, insignis copia lapillorum genita fuit. Hinc quoque non arthritidi soli, sed aliis quoque morbis, decubitum supinum longiorem imperantibus, vt paralyti, ossium fracturae, vteri haemorrhagiae etc. sese associare solet. Minoris pretii habet RAMAZZINI hanc corporis assiduum, per decu-

l) Casus ADAMI *loc. cit.* nam licet successerit calculus aliquot modo annos post impositum emplastrum, dolores tamen dorli et lumborum vel. docuerunt, metastasin ad renes statim fuisse factam.

m) *Praelectiones de calculo additae Consultat. med. Vol. 2. p. 143.*

n) *Histoire de l'ac. R. d. sc. 1706. p. 25.*

decubitum siue feffionem, quietem in calculi generatione, sed vtrique affectui materialem causam communem adiudicat.

§. 9.

Verum vtramque sententiam stare posse nihil prohibet. Quippe subinde communis quaedam sanguinis *ad calculum dispositio* animaduertitur, quae terreas particulas, non solum ad articulos vel lotii officinam, sed alias quoque partes, deponit. Hae aliquando spissius collectae, instar fluctuantis puris, libere intra sanguinem oberrare videntur, et sensim, prout istud, per aperta corporis ostia, eliminari. Quo spectat vrina alba, sedimentum cretaceum, seu gypso vel calci simile, dimittens, quam aegri interdum diu, sine praegressae arthritidis suspicione emingunt o). In aliis fixiorem sedem diathesis ista sibi parat et caua adeo maiora occupat p). Quibus obseruationibus confirmandis, in tanta earum copia et aliorum impenso studio q) supersedere possumus, ad eas potius nosmet restringentes, quae diathesin eiusmodi calculosam *in arthritide* euincunt. PLATERO r) debemus historiam

merca-

o) HUNDERTMARCK *Diff. de vrina cretacea* p. 6. sqq. V. et casus bini adducti ab auctoribus *Comment. de reb. in sc. nat. et med. gest. Vol. 2. p. 195.*

p) V. inter recentiores obseruationes. de tophaceis concretis in intestinis, *Essays and Observations physical and literary, Vol. 2. p. 345.*

q) Compendium nobis fecit cl. WINCKLER in *Disf. de vasorum C. H. lithiasi*, p. 22. sqq.

r) V. *Prax. med. Tom. 2. p. 528.*



mercatoris podagra diu vexati, in quo ex toto corpore per poros et adeo per palpebras, materia gypsea prodiit. PECHLINVS s) vero sistit iuuenes cum sputis sudoribusque tophaceam materiam edentes. Cum quo egregie conspirat KERCKRINGIVS, t) casum suppeditans militis podagrici, cuius artus interne non solum materia tophacea obfessi fuerunt, sed qui etiam, cum sputo, vrina, excrementis, eam eiecit. Ita et cl. LIGER u) in pulmonibus, renibus et hepate, podagra affectorum pariter eiusmodi calculosas concretiones reperit. Haec quum doceant, materiam arthriticam non semper peculiari in renes nisu ferri, ita et idem stabilitur arthritide ex prima sua sede manifestius repulsa, et, dum viuat aeger, variis circa pectus, abdomen, caput, molestis symptomatibus, post mortem vero haud raro calculosis concretionibus, ibi locorum prognatis, sese prodente. Lectu digna est historia ducis Aurelianensis, quam, ex narratione celeb. GVETTARDI, cel. HERISSANT v) recenset. Dux nimirum arthriticus ex retrogrado malo tussim primo persensit, quae eodem gradu increuit, quo nodi, in digitis formati, decrementum ceperunt. Disparentibus vero iis omnino, successit magna spirandi difficultas cum eiectione e pectore purulenta, qua facta, dein suffocatus princeps periit.

Inciso

s) *Observation. physico med. Lib. 2. Obs. 25. p. 272.*

t) *Opera omn. anat. Spicil. Obs. 28. p. 66.*

u) *Traité de la Goute, p. 344. 346. 347.*

v) *Mem. de l'acad. des sc. 1758. p. 429.*

Inciso cadauere pulmones tuberculis cretaceis instar tophorum arthriticorum pleni reperti sunt. Forsitan aliquando accusari potest vitium quoddam renum, siue istud consistat in nimia strictura meatuum vriniferorum, siue lentore quodam humorum, quo ipso materiae arthriticae per renes eliminatio impediri possit. Stricturae dictae fauet, obseruante cl. LA COSTE x), lotium pallidum, sub-turbidum, instar potus limonati, paroxysmum denunciens, eo facilius cessantem, quo plus sedimenti vrina deponeret: tenacitatem autem eiusmodi demonstrare videtur densitas sanguinis, venae sectione, in podagricis, ad minimum vigore aetatis constitutis, elicit y).

#### §. 10.

Quemadmodum autem *maïorem nexum* ex dictis superius *inter articulos et renes* in hac ipsa re, quam inter reliquas partes intercedere constat: ita hoc docet *vrinae* arthriticorum, in quibus alia calculi vrinarii signa deficiunt, emissæ natura. Quamvis enim limpida emingatur, tamen postquam refriguit, sensim sedimentum dimittitur instar sabuli, quod partim vasi adhaeret, partim in fundo sub agitatione fluctuat, et exsiccatum crystallorum formam

x) *Traité sur la Goutte, Ed. 2. p. 104.*

y) *Idem loc. cit. p. 34.* Sanguinem polyposum et incredibiliter paucum, ita vt vix guttula inter secandum prodiret, in arthritico post mortem inuenit cel. DE HAEN, *Rat. med. P. 5. p. 178.*

formam induit. Vrinam SYDENHAMVS *z*) etiam in regulari podagra primis 14 diebus describit coloratiorem, dein, post separationem, sedimentum rubrum et quasi arenulis refertum deponentem. Speciales historiae dictis respondent, quarum modo istam adduco HAENII *a*), quae arthriticum sistit, iam per quindecim annos, ex colli vertebrae et pedum manuumque articulis, calcaream materiam excernentem. Huius vrina primum pallida et furfuracea, dein purulenta furfuribusque onusta, apparuit. In eiusdem cadauere, conticescentibus etsi per vitam doloribus aliisque calculi veri indiciis, renes reperti in corticali substantia crassi et ampli et arenae copia scatentes. Ita et in Episcopi cuiusdam, subinde tamen nephriticis doloribus detenti, cadauere cel. MORGAGNI *b*) undecim lapides, magnos plerosque, et ramosos instar corallii, invenit. Non adeo mirum, quod in lotii vias arthritica labes facilius deriuetur, quum per hasce in sanis quoque detritas effoetasque partes quoad maximam partem natura euerrat. Magis videtur mirum, quod sub ista ad calculosas concreciones diathesi materies articulos, quibus, siue ipsum cavum, siue ligamenta, siue superstratam cutem hoc loco intelligas, perinde est, et inter iuncturas in primis istas pedis, occupet, quum arctiora minus-  
que

*z*) Opera omn. Ed. cit. p. 438.

*a*) Rat. med. loc. cit.

*b*) De sed. et caus. morb. Epist. 57, art. 10.

que conspicua ad quorundam mentem videantur hic vasa esse, et stagnans materies per membrorum motum facilius propelli. Sed primum, non ampliora ad transitum materiae concedendum vasa requiruntur, quam ipsi muci, quem abundare in hisce latibulis scimus. Quo vero transitu ne opus quidem semper est, quum ad BOERHAAVII *c)* sententiam vel sola mora diuturniori muci in articulis, resorptione eius impedita, acris fiat: et luxatione, qua secretio muci ex glandulis accelerata fuit, et mora insequente, contigerit, vt iste in callosam quin tophaceam duritiem concreuerit *d)*. Fauent vero isti in remotioribus partibus depositioni distantia a corde, lentius ideo stagnans liquidum, propellente, mucilaginis natura fomitem quasi materiae vitiosae praebentis, quies ad mitigandos dolores necessaria aliaque forsitan magis latentes causae. Accedunt aliae, quae recipiendae vel seruandae isti pedes magis opportunos reddunt, maior motus in hisce torpor, frigus et humiditas, calceorum pressio aliaque.

### §. II.

Affinitatem inter arthritidem et calculum licet quidem agnouerit eximius SYDENHAM, an vtriusque mali causa materialis eadem sit, pronunciare tamen veretur. Esse tamen eandem, multa docent. Vtrobique enim singularem in concretiones calculi

*c)* *Praelect. in instit. T. 2 p. 487.*

*d)* DOLAEI *Encyclop. chir. p. 1503.*



calculosas diathesin deprehendimus, de cuius prima causa omni tempore magnus dissensus fuit. Non diu insitam variis auctorum sententiis, de bile et phlegmate sanguinem corrumpente, de relaxatione partium vel huic contraria rigiditate, de defluxione ex capite, vel recentiorum quorundam, acidam quandam vel alcalinam corruptelam, vel mediae naturae salis abundantiam, tartaream vel mucosam degenerationem, plethoram, spissitudinem sanguinis, flatus aliaque, accusantium; quum licet contra plerasque momenta quaedam proferri in medium queant, vix vlla alia tamen certior extra omnem dubitationem proponi possit. Quarum quasdam, ut de arthritide, ita et de calculo, fouerunt. Maneamus in iis, quae in utraque *calce*, quae quidem aliam primariam causam supponit, communia reperimus, ut nouo argumento nexum inter utrumque morbum obtingentem confirmemus.

### §. 12.

Quoad *primordia* conuenire, multa docent, ita ut, licet solida plerumque forma concrementum utrumque nobis sese sistat, fluidum tamen fuisse molleque, in dubium vocari nequeat. Quod iam inde cognoscitur, quoniam, cum humoribus nostris commistum, motum cum iis per tenerrimos et exilissimos canales absoluit; nisi cl. HERISSANT *e)* adfentiendum, qui *materiam arthriticam* oriri in primis ex dissolutione extremorum ossium existimat.

*e)* Mem. de l'Acad. d. sc. a. 1758. p. 429.

mat. Annuunt ratiocinio ipsae in aegris factae observationes, quae depositam materiem lapideam initio gelatinosam vel mucosam praecise esse euincunt. Ita disparuit tumor podagrici ad extremum inferius digiti medii pedis enatus, referente cl. *PYE f)*, quum materia viscida instar oui albuminis in connubio lapillorum minutorum prodiret. In actis vero medicorum Berolinensium *g)* narrant, ad manum pedumque digitos hominis cuiusdam non tantum in articulis, sed etiam in apicibus digitorum, nodulos initio rubentes, mox albescentes, et, quum rumperentur vel aperirentur, molli et albescente mucido-terreo, (vt vocatur) coagulo, ad aërem obdurescente et tophefcente, fartos, emerfisse. Eiusmodi gelatinam vel gluten *BRENDELIVS h)* quoque in nodis hominis arthritici, post mortem incisi, inuenit; et, quum illud aqua dilueret, et per colum dein traiceret, copiam materiae griseae et tophaceae obtinuit. Ipsa autem aqua, exhalando ad dimidiam partem absunta et in locum frigidum reposita, particulas salinas cum multis terrestribus ad fundum demisit, quarum pars vasis lateribus adhaesit, formam spiculorum salinorum prae se ferens. — Absorptis vero partibus fluidioribus per moram, quod residuum est, solidescit, et mox firmiori mox laxiori compage apparet. Aliquando gypsum exacte retulit, vt

SCHEN-

*f) Medical Observ. and Inqu. Vol. 1. p. 47.*

*g) De ur. 2. Vol. 5. p. 29.*

*h) Observat. anatom. Dec. 3. Obs. 12. p. 9.*

SCHENCKIUS *i*) ex BRASSAVOLO exponit. Collecta enim huius materiae vncia fere vna, eique, postquam in puluerem redacta fuerit, aqua affusa, lapidi illita adeo cum isto concreuit, vt vi glutinante verum gypsum superaret. PECHLINVS *k*) pueri, a tenera aetate arthritici, mentionem facit, in cuius cubito tandem tumor insignis enatus, qui apertus liquorem falsum et, vt primum aër accederet, in albam calcem coëuntem, edidit. SYDENHAMVS calcem podagricam cum creta et oculis cancrorum comparat. Alii veros calculos in arthriticorum iuncturis obseruarunt, quorum textura, secundum KENTMANNVM, aliquando duriuscula, alio vero casu ex obseruatione IVLII ALEXANDRINI, prout urinae calculi, dura, narrante ex hisce SCHENCKIO *l*), fuit. L. B. VAN SWIETEN *m*) autem nunquam calcem podagricam tam firmiter cohaerere vidit, ac calculum vrinarium, sed leui vi conteri posse, nec post 20 annorum spatium magis, quam ante, induruisse. Et haec quidem de arthriticorum tophorum varia compage dicta sunt.

Renum vero *calculorum* prima stamina ill. AB HALLER *n*) crustarum arteriosarum primis rudimen-

O 3

tis

*i*) *Obseruat. med. rarior. Lib. 5. de arthritide, p. 691.*

*k*) *Lib. 2. Obs. 25.*

*l*) *Loc. cit.*

*m*) *Comment. in B. aph. T. 4. p. 325.*

*n*) *Opusc. pathol. Obs. 34.*

tis affinia inuenit, dum nimirum Bellinianos ductus aurantia fere et mucro simili materia aliquando, et in foemina, duriori alba et strepente materia plenos, viderit. Nec vllum latet, quanta copia mucum cum lotio in calculosis prodeat, qui, licet plurimam partem pro effectu potius irritantis arenae vel calculi, et ad secretionem glandulas sollicitantis, quam causa calculi, habendus, exsiccatus tamen, etsi antea instar albuminis oui vel gelatinae perlucidus tremulusque fuerit, calcem albam, splendescentem, quae ex meris crystallis constat, et ad attactum duram, relinquit. Ita cuilibet notum, duritiae o) calculos valde inter sese differre, mox arenae vel sabuli forma mox furfurum prodire, mox tophum referre, aliis autem tam duros esse, ut ad filicis naturam accedant, nec, nonnisi durioribus mallei ictibus, diffringi possint, qui iterum plerumque vel ex laminis sibiimet impositis vel granulis maioribus intra sese, ut lateres fere, confer-ruminatis constant.

Nec est, ut exiguos tophos istos podagricos semper esse quis arbitretur: quum SEVERINVS p) quosdam ouo magnitudine haud cedentes extraxerit.

§. 13.

o) GROENEVELTII *Diff. lithologica*, p. 24. et STAEHELINI *Epist. eucharistica ad Hartleyum*.

p) *Chirurg. efficac. P. 2. p. 132.*



## §. 13.

Extrinfecus vero vtrumque concrementum tam *superficie* quam *figura et colore* pari modo differunt. Alii enim tophi seu calculi sunt laeues, alii angulosi, alii rotundati, alii scabri, alii albi, alii cinerei, alii rubicundi vel alius coloris. *Sapore et odore* quoque conuenire, cl. CHEYNE q) notat.

## §. 14.

Minutissimas, quousque *microscopii acie* pertingi potest, partes etiam eiusdem figurae esse, LEVWENHOEKIUS r) obseruauit. Calx enim ex pede podagrici eruta, eaque sicca, primum arentularum speciem habuit, microscopio autem admoto oblongae et perlucidae particulae conspectae sunt, versus extrema acutae, quas comparat quoad figuram cum pilis equinis in frustula concisis. Hae aliquando satis contiguae iuxta se inuicem positae apparuerunt, verum plerumque sine ordine. Quaedam tamen harum particularum formam magis irregularem habuerunt. Particulas salinas alio tempore, combustis tam calce arthritica, quam calculis vrinariis, ex capite mortuo aqua eloto, eruit, quae figuram nuperrime descriptam omnino, microscopio subiectae, exhibuerunt.

q) *Essay on the gout*, p. 72.

r) *Opera omnia*, p. 43. cui adiecta imago. Item *Arcana naturae*, p. 108.

## §. 15.

*Analysin chemicam*, microscopicae obseruationis causa institutam, memorans, sponte ad eam deuoluor, quam, vt intimam miscelam concrementorū horum cognoscerent, perfecerunt. In hac rē quoad arthriticam calcem nobis studiis suis idem ipse LEVWENHOEKIVS, KERKRINGIVS, PINELLI, HALES, et quoad calculum ex lotio genitum, BOYLE, GREW, SLARE, HALES, alii, satisfecerunt. Curiosa quam maxime sunt PINELLI s) experimenta. Hic supra tres vncias calcis arthriticae, ex iuncturis variorum hominum elicitaе, in vas retortum paruum immisit, et praefixo vase recipiente destillationem instituit. Prodiit tum spiritus cum aliquot guttis olei, remanentibus drachmis duabus capitis mortui. Spiritum illum omnino volatilis alcalinae naturae esse reperit, eiusdem plane indolis, ac ille, qui ex sanguine, lotio et ossibus extrahitur. Ex hisce concludit, causam arthritidis non esse coagulans quoddam acidum, sed alcalinam potius corruptelam; (subscribente LOBBIO t)) tanto magis, quum viderit, acetum destillatum, spiritum vitrioli, et spiritum salis, materiam tophaceam dissoluere, alcalinos autem spiritus, vt spiritus salis ammoniaci, spiritus cornu cerui, spiritus vrinae, nullam solutionem producere potuisse. Si hisce effata auctorum citatorum, qui chemice calculos ex lotio scrutati

s) *Philosophical Transactions abridged by JOHN EAMES, Vol. 7. p. 634.*

t) *Treatise of painful Distempers, p. 137.*

tati sunt, conferimus, easdem accurate partes constituentes istis competere, palam erit; modo, insignem copiam aëris miscelam ingredi, cum HALLÉSIO *u)* statuamus. Ille enim calculum vrinarium 230 grana grauem, et  $\frac{3}{4}$  fere pollicis cubici magnum, destillans, 516 pollices elastici aëris separari animaduertit. Nec, praeter vini Rhenani tartarum, ullam rem tanta aëris copia scatere obseruauit; ad cuius vtriusque corporis naturam proximè accedere calcem podagricam pronunciauit. Ex salibus igitur alcalinis, aëre, oleo et terra, tam articularis ista quam vrinae viarum calx constat. Quae vero particulae et ex ossibus et ambientibus partibus quin sanguine et reliquis fluidis eruuntur, eo modo discrimine, quod plus phlegmatis minus olei et salis volatilis fluidis, quam solidis, insit. Quoniam autem, corpore perfecto sano, copia non peccat, et continuo, quod superfluum est, per vias excretorias eliminatur, nihil morborum gignere possunt. Ast accumulantur, vel languentibus digestionis viribus, vel ingestis, eiusmodi particulis nimis scatentibus, vel etiam iis, quae nexum harum partium soluunt.

### §. 16.

Videtur tamen *maior* naturae eorum esse *affinitas cum ossibus*, quam reliquis corporis humani partibus. Neque sola auctoritate cel. virorum ac-

O 5

quiesco;

*u) Vegetable statics, Versf. Germ. p. 112.*

quiesco; etiamsi ipse BOERHAAVIVS *v*) dicat calculum ex natura ossis esse, et de podagra SAVVAGES *x*), videri venenum podagricum (vtor eius verbis) esse terram calcaream eandem, quae ossium compositionem ingrediatur. Sed experimentis variis cum hisce factis, et pathologicis praecipue obseruationibus cum cadauerum sectionibus insistant. Multis nempe documentis constare videtur, quod calx ista arthriticorum eadem materia terrea ossium sit, quae *acidis*, quibus ossa immittuntur, soluitur, et rubro colore in animalibus Rubia tinctorum pastis, tingitur. Cl. HERISSANT *y*), vt naturam ossium scrutaretur, immerisit ea in spiritum nitri fuman-tem, quatuor partibus aquae communis dilutum. Post moram eorum in liquido per sesquihoram vel bihorium emollita ista, ita vt pro crassitie diuersa (nam in laminas ea disciderat) quaedam membranas, alia cartilagine referrent. Vtcrius progressus est cel. STOERCKIUS, teste L. B. A SWIETEN *z*), qui, postquam emollita ope spiritus nitri ossa essent, instillauit acido oleum tartari per deliquium, vnde in fundum puluis cecidit, qui ablutus merae ter-rae speciem habuit.

Quod

*v*) *Consult. med. Vol. 2. p. 176.*

*x*) *Nosolog. method. T. 3. P. 9. p. 8.*

*y*) *Mem. de l'ac. des sc. de Paris, 1758. p. 327.*

*z*) *Comment. in BOERH. Aph. T. 4. p. 326.*



Quod acida sub experimentis istis, ab aliis sedulo repetitis, fecerunt, idem natura in *morbis* aliquando praestitit. Multum lucis accendit casus iste foeminae SVPIOT a cel. MORAND *a)* descriptus, in qua, sub dolore per membra disperso, vrina prodiit sedimento albo; terreo, cretaceo instructa, ex qua dein emollita ossa fuerunt, et mirabilem in modum detorta. Eiusdem indolis inuenit HERRISSANT *b)* lotium hominum, vitio quodam ossium insigniori, ex labe scorbutica, rachitica, venerea vel etiam podagra, laborantium. Quaedam pars sedimenti ex vrina foeminae venereae soluebatur liquido eius acido, vt detexit flocculis, qui sese manifestarunt oleo tartari per deliquium instillato, et dein fundum petierunt. Et sic in reliquis morbis emisso lotio. Vnde concludit podagram praecipue consistere in solutione vel maiori vel minori materiae cretaceae ossium, in primis extremae eorum partis. Adducere etiam iuuat historiam, in actis Hafnienfibus *c)* consignatam, ex qua adhuc manifestior nexus inter ossium emollitionem et podagram fit. Respicit illa hominem, cui, praegresso dolore circa pedum talos, genua et femorum superiorem partem, post anni spatium ossa instar cerae emollita fuere.

Eodem

*a)* Mem. de l'ac. d. sc. 1753. p. 541.

*b)* Mem. de l'ac. des sc. 1758. p. 426.

*c)* Inseruit illam DV VERNEY libro suo *Traité des maladies des Os, T. I. P. I. Praef. 138.*

Eodem vergunt sectiones membrorum arthriticorum, quae PLATERVS *d*) ex morbi diuturnitate, quasi ex tineis erosa et sinuosa, Inuenit. In cadauere vetulae, diu hoc malo afflictæ vidit b. ROEDERER *e*) omnia fere corporis ossa leuia, porosa, fragilia, friabilia, vniuersali quasi carie exesa, prout esse solent ossa calcinata, vel acido quodam liquore imbuta. Anchylosis vero complures articulos vitiauerat. In multis articulis cartilagines defuerunt, et foueae ossium scabrae, et hinc inde leues exostoses ossium, apparuerunt.

### §. 17.

Quoniam igitur arthritis et calculus iisdem causis proueniunt, haec mala sese mutuo excipiunt, et concrementum vtriusque ex eiusdem generis partibus conflatur: nihil videtur vero magis consentaneum, quam utrobique *eandem medelam* commodam censere. Ast et hic rationi experientia amicas manus praebet, ita vt, inuerso ratiocinandi ordine, ex medicorum auxiliorum conuenientia cognationem inter vtrumque morbum nouo fulcro firmare queamus.

Fusus est cel. LOBB *f*) in istis *diaetae* praeceptis recensendis, quae vtriusque generis morbis  
subi-

*d*) *Observat. Lib. 2. p. 510.*

*e*) *Progr. de ossium vitiis, p. 4.*

*f*) *Dissolvents of the stone, Vers. Lat. Cap. 19. 20. 21. 22.*

subigendis vel praecauendis opportuna reputat, historiisque, probum successum demonstrantibus, eorundem efficaciam probat. Variant ista quidem, pro aegri vera temperie et corporis habitu; gracili vel obeso, quin ipsa tempestatis natura, unde, quam alteri concedere in vitae genere possumus libertatem, alteri minus commoda censenda. Generatim vero alimenti animalis usus restringendus, saltim vegetabilibus commiscendus est. Vegetabilia autem, ea praesertim, quae succum blande resoluentem habent; ut Raphanus, Daucus, Asparagus, Lactuca, Brassica &c., item fructus maturi varii generis, ut fraga, cerasa, fructus Rubi idaei, mora, vuae, poma, pyra &c., tanto magis commoda habenda. Lactis ideo efficaciam merito tam magni facimus, utpote vi plantarum ab animalibus depastarum scatentis, et simul animali natura imbuti; quod liquidum multorum magni nominis virorum consilio, SYDENHAMI, SPIESSII, WERLHOFII rel. esse praestantissimum ad arthritidem coercendam nouimus. Pro potu praeterea, quae vim blande soluentem habent, proficua sunt, ut limonada, infusa s. decocta fragorum, mororum, pomorum, ceparum, pomaceum, aqua hordei aliaque. Liberalior iusto videtur LOBBIVS in permittendo vario vinorum genere sub prandio, quum ante ipse in historiis suppeditatis et alibi recursus podagrae ex vini potu meminerit. Moderatum praeterea corporis exercitium, in utroque malo impenise iniungimus. Quae regulae quidem multis aliis morbis non minus conueniunt, obseruari tamen ab hisce

hisce aegris tanto follertius debent, quum mala ista ex harum neglectu saepissime orta fuerint.

Non huius loci est, commemorare ea omnia *remedia*, quae in alterutro horum morborum genere efficacitatem prodidere: ea tamen ex amplo eorum numero producere fas est, quae in utroque insigniorem praestantiam declarasse reperta sunt. Notissima sunt ALSTONI g), WHYTII h), BUTTERI i), HAENII k) aliorumque cum *calce viua* in calculo experimenta, cuius aquam vel aegris propinarunt, vel in ipsam vrethram ingerendam curarunt. Et quanquam non vbiuis calculum vere solutum fuisse coniicere licuerit, leuamen tamen insigne allatum, quin tum, vbi explorans catheter manifeste ad calculum allisit. Quod ita sagax WHYTIVS explicat, quod ad minimum asperitates calculi aquae calcis ope auferantur crustaque mucilagino-fa calculus obuoluatur, quae prohibeat, ne iste noxam pariat. Immissi vero in aquam calcis secundum ALSTONI, et ab HAENIO repetita, experimenta soluti fuerunt, sed modo post multorum mensium moram et haud sine scalpelli, spongiosam externam partem auferentis, adiumento. Facilius

g) *Dissertation on Quick-lime and Lime-water.*

h) *Essay on the Lime-water in Cure of the Stone.*

i) *Method of Cure for the Stone chiefly by Iniections.*

k) *Rat. med. P. 2. p. 193. P. 3. p. 141. P. 5. p. 183.*



cilius topi podagrici, vt expertus affirmat WHYT-  
TIVS. l) destructi fuerunt, in eandem aquam im-  
mersi; qui ob leuitatem primo superficiem affecta-  
runt, dein emissâ magna copia bullarum aërearum  
desiderunt, et post diem vnum vel alterum instar  
butyri emolliti sunt. Nihil vero spei ex hocce  
experimento redundare in arthriticos ipse fatetur  
WHYTIVS, vtpote quum idem ex mera aqua con-  
tigerit. Interim quum ex affinitate inter haecce  
mala operae pretium duxerit, aquam calcis etiam  
in arthritide tentare: experimentum postea vnum  
in podagrico cepit \*), in quo quidem leuamen  
sed non perfectam curationem mali praestitit.  
Arbitratur autem roborando ventriculum et intestina  
et acorem harum partium arcendo insultus eam  
posse et rariôres et mitiores reddere. Sic in po-  
dagrico obeso, cuius meminit cl. CLERK alium  
quotidie sollicitando potius, quam vera vi antar-  
thritica, recidiuo malo obuiam iuisse existimat.  
Nec videtur ill. PRINGLE m) de alia efficaciâ in  
hocce malo fuisse conuictus, quam ea, qua debi-  
litate ventriculo cum praedominante acido opi-  
tularetur. Frustra quoque multos affirmat cel.  
Suecicus medicus, BERGIUS n), per plures hebdo-  
mades

l) *Medical Essays of Edinb. Vol. 5. P. 2. p. 715. et Works p. 387.*

\*) *Observ. on nervous Disorders, p. 384. et Works, p. 655.*

m) *Observations on the Diseases of the army, Appendix p. 75. Edit. 4.*

n) *Svar på frågan, hvarföre gikt i de senare åren blifvit en mera allmän sjukdom här i Landet, än tilföre, samt*

mades in arthritide aqua calcis vfos, quamuis quotidie plures libras ingesserint. Aduersantur haecce testimonio ALSTONI o), qui egregio successu a pluribus podagricis eam ingestam fuisse significat. Cl. LIGER p) commendat miscelam saponis cum calce; bolos matrōnae STEPHENS sine dubio imitatus. *Saponem* idem cl. vir praestantissimum remedium in articulari morbo iudicat, et vna cum eo cl. BERGIVS, qui amara addit, multique alii q); nempe sensim arthriticas concretiones soluere videtur. Quanta vero in existimatione in calculo sit sapo, docent inter tōt vituperia, laudes medicamentis Stephenianis adiudicatae, quorum virtutis magna pars saponi haud immerito adscribitur. Quibus experimenta HAENII r) tantum addo, etsi nec sapone calculum solutum repererit. — Ad remedia *alkalina* progredior. Hisce multum tribuit in arthritide BOERHAAVIUS s), parua dosi datis, et continuato vfu; et subscribit interpretis practicae doctrinae praeceptoris aliique. Inter *alkalina* ista speciatim nominatur Alcahest Glauberi, sub nomine liquoris nitri fixi notius. Quod ipsum praecise

*samt hvilka äro de bästa Förvarings - och Bote-medel emot samma sjukdom? p.18.*

o) *Dissertation on Quick-lime and Lime-water, P. 3.*

p) *Traité de la Goutte, p. 287.*

q) Conf. CLERK apud PRINGLE l. c. P. 3. cap. 2. ad fin.

r) *Rat. med. P. 2. p. 172. Item P. 5. p. 171.*

s) *Aphor. de cogn. et cur. morbis. §. 1275.*

cise iamiam, commendatione ill. virorum VOGELII et MECKELII t), ad lithontriptica remedia refertur. Vir cel., quem proxime dixi, curauit hoc remedio virum calculo magno instructum, ita vt arenae specie excerneretur. Cui alcalinorum virtuti in calculo soluendo cel. MARCGRAF subscribit. Et serius constitit arcanum illud lithontripticum JVRINI et CHITTICKII nihil nisi lixiuium saponariorum esse, acre igitur alcali u). — An ob alcalinam naturam aqua *thermarum Carolinarum* tantopere in utroque malo efficax? Quicquid sit, omnibus reliquis remediis istas, in podagra speciatim, praefert FRID. HOFFMANNVS v) et millena sibi exempla fauere dicit. Nec de vi earum in calculo efficaciorum testem afferre queo, quam cel. SPRINGSFELD x), de descriptione *thermarum istarum*, et de aegris illuc aduenientibus tantopere meritum, qui aquam calcis illis longe postponit. Ad quam laudem in primis adductus fuit experimentis cum calculis in hanc aquam vel in vrinam hominum, qui ea vsi fuerant, immersis, sub quibus nempe celer solutio facta. — Ex *amarorum* remediorum classe praeterea nouimus multa esse, quae et calculo et arthritidi opponun-

t) COHEN *Diff. de calculo*, p. 33.

u) V. BLACKRIE in *Disquisition on medicines, that dissolve the stone* et auctor anonymus libri *Pract. Essays on med. Subjects*, p. 57. sq.

v) *Med. syst.* Tom. 4. P. 2. p. 525.

x) *Commentatio de praerogatiua thermarum Carolinarum in dissoluendo calculo vesicae.*

ponuntur. Herbas, ex quibus pulvis ducis Portlandiae (Duke of Portland's Powder) tantam famam in Anglia, nec omnino nullam in Suecia y), proximis annis nactus, constat, vetustissimo tempore iam fuisse contra arthritidem vsurpatas, sollicite demonstraui cl. CLEPHANE z). Quis vero nescit Virgam auream, Gentianam, Absynthium, Trifolium fibrinum, Ac mellam, Vuam vrsi, quae omnia insigni amaritiae instructa sunt, praestantioris virtutis contra calculum laudem prae se ferre?

y) *Suar, loc. cit. p. 19.*

z) *Medical Observ. and Inquir. 1. p. 126. sqq.*



V.  
DE  
OBSERVATIONIBVS  
ET  
EXPERIMENTIS  
APVD BRVTA CAPTIS  
CAVTE AD  
CORPVS HVMANVM  
APPLICANDIS.

OVERSEA TRADING

ESTABLISHED

1847

107 N. B. ST. N. Y.

NEW YORK

DE  
OBSERVATIONIBVS  
ET  
EXPERIMENTIS  
APVD BRVTA CAPTIS  
CAVTE AD  
CORPVS HVMANVM  
APPLICANDIS.  
ORATIO. \*)

(ALLOCVTIO AD REGEM.)

REX AVGVSTISSIME.

*Animavit ante aliquot hebdomades Regiae Maiestatis Tuae excelsa praesentia et indulgentissimae tutelae sponso academiam Tuam scientiarum, eiusque nomini et in praesens et in futurum tempus splendorem conciliavit. Nullum vero luculentius perennis clementiae et studii, quo, Rex augustissime, eandem complectaris,*

P 3

docu-

\*) Quum post longam moram per dimidium annum reuiferem patrios lares, hacce oratione, iam ex Suecico idiomate (*Tal om de på Djur anställdte Röns och Förföks opålitelighet vid tillämpningen på Menniskans Kropp.*) in Latinum versa, d. 4. Martii a. 1772. in academia R. scientiarum Stockholmiensi sedem occupavi, quam quidem illa aliquot annos antea mihi absenti per diploma concesserat. Mihi sanctissimus ille dies,

documentum exstare potest, quam quod eam iam iterum  
 beare Tuo accessu haud dedigneris. Testis equidem in-  
 comparabilis huius Tuae indulgentiae adstisti, id quod  
 ad felicissima ac maxime memorabilia vitae meae refero.  
 Plurimam eius partem sub FRIDERICI et diui  
 PATRIS TVI miti sceptro transegi. Non concessit  
 haec diuina prouidentia, eadem felicitate sub regimine  
 magni EORVNDEN SVCCESSORIS uti. Atta-  
 men quod mihi honorificum R. academia scientiarum vin-  
 culum iniecit, hoc idem denuo cum patria mea eiusque rege  
 me coniungit. Obseruandis officiis sedulo, quae hicce nexus  
 praescribit, nihil mihi antiquius, nihil carius, erit. Vi-  
 res autem tanto auso potissimum suppeditabit spes, quam  
 venerabunda pietate concipio, fore, ut nec absentem ex  
 clementiae Tuae sinu excludas, qui in eo gloriam ponit,  
 ex gente se esse natum, cuius fata Tu, Rex augustissime,  
 sapientissime regis.

## (ORATIO IPSA.)

AVDITORES O. O. HONORATISSIMI.

Post absentiam duodecim fere annorum contigit  
 mihi, quod iam dudum in votis fuit, reuifere ca-  
 rissimam meam patriam. Auiditas ista pernoscenti  
 res

dies, quoad vixero, erit. quod orationi, quum ha-  
 beretur, interesse Rex Sueciae, GVSTAVVS III. non  
 grauatus fuerit. Quae vero, finita ea, nomine illu-  
 stris huius coetus, Praeses eiusdem, cuius munere  
 tum Eques A ROSENSTEIN fungebatur, regessit, beni-  
 gnus et honorificentius iudicium de me ferunt, quam  
 ut sine rubore eorum interpretem heic agere possem.



res circumstantes, quae aduenae, regionem antea sibi ignotam calcanti, sollemnis est, longe ardentius in eo flagrat, cui post longam temporis intercapedinem locum sibi ante familiarem et adamatum adire datur, quin adeo natalem. Comparat hic tum nuperiora tempora cum vetustioribus. Quilibet, quo incedit, gressus in mentem eiusdem reuocat pristinas perceptiones, amicitias olim initas, facta negotiaque praeterlapsa. Commutationes, quas haec ipsa subierunt, mox in eo gaudium mox miserationem cient. Hilares iuuentutis anni quaelibet de gratissima facie ei repraesentarunt, et qui inde enati sunt sensus tanto firmitus impressi remanent, quo acrior tum et imaginationis et memoriae vis est, et tanto iucundiores, quo consuetius est laetari magis memoria bonorum praeteritorum, quam usu praesentium. Ex hocce visionis quasi puncto contemplatur quaelibet grata olim sibi obuia, amorque iste patriae, quem natura cui-libet bono iniecit, in causa est, ut fortuna eiusdem et secunda et aduersa tanto sincerius moueatur.

Hocce sensu, Viri honoratissimi, redux in patriam mox perfundebar et adhucdum perfundor. Quilibet dies nouis animaduersionibus ansam praebet et intellectui et animi propensione profuturis. Nemo me magis patriae suae amore trahi potest, eiusque efflorescente salute propriae meae accessionem fieri semper sentio.

Absentia tot annorum non potuit non multis grauissimis commutationibus et vicissitudinibus locum concedere, partim iucundis, partim ingratis et dolendis. Subiit eiusmodi inconstantiam ipsum Regium solium, quod vero iamiam Princeps sapientissimus condecorat, aequae exteris venerabilis ac a Suecis suis dilectus. Multi viri ex proprio Vestro sodalitie, meritorum pondere et doctrina insignes, iam viuis interesse desierunt. Quanta ex horum censu TESSINI, DALINI, KLINGENSTIERNAE, CRONSTEDTH, SWABII nomina! Multos, quos infantes olim noueram, maturior aetas, ornata ingenio et scientia, dignos reddidit beneuolentia eorum, penes quos est fortunam adiuuare. Alii annis mihi aequales, muneribus grauissimis iam funguntur, nec pauci horum familiae numerosae praesunt. Tristitia vero sensu afficior rugosam faciem et vacillans virium robur in haud paucis conspiciens, quibus, ob studium in patriam rerumque grauium gestarum copiam, vitam aliquot seculorum, nisi vana in hac rerum inconstantia eiusmodi vota essent, lubentes apprecaremur.

Plura oculis meis iam obuersantur, nouiter in scientiarum, artium, rerum manu factarum et oeconomiae augmentum, instituta, et plura enitent noua fastigii istius documenta, in quod haec ipsa cuncta sunt. Radices haec optime agunt in vrribus, quas sibi principes sedes elegerunt, vt in quibus

quibus gustus plerumque delicatior, remunerationes et incitamenta crebriora sunt. Venuſta Stockholmia fidem eius facit laetiſſime. Heic poſterioribus annis plura noua ſodalitia in elegantiorum litterarum, oeconomiae et religionis, incrementa; emerſerunt. Commertium librarium conſpicio modo ampliatur, et officinae typographicae numeroſiores euaserunt. Iam noua diaria et periodica ſcripta genti tanto vberius exterorum inventa et progreſſus in ſcientiis enucleant. Medicorum collegium nouis membris adauctum eſt. Inſitioni variolarum noua tutela et nouum adiumentum acceſſit aedibus eiusdem exercitio dicatis. Fuit omnino res attentione beneuoli medicorum collegii digniſſima, aegris egeſtate et morbo ſimul afflictiſ proſpicere peculiareſ medicos in horum gratiam conſtituendo. Balneorum varietas, quae Strömsburgi \*) adornata reperiuntur, licet priuatis modo impenſis ſuſtineatur, ob elegantiam tamen et commoditatem tum ob inſignem uſum memorari meretur; ut ne de aliis laudabilibus artis ſalutaris adiumentis dicam. In aegrorum haud exiguum emolumentum ſolida Anglorum medendi ratio ſenſim maiorem imitationem fulcrumque obtinet. Laetus cerno Veſtros aſtronomos metientes curſus ſtellarum in coelo Suecico inſtrumentis in Suecia fabrefactis. Ad erigendas ſtatuas in memoriam

P 5

GVSTA-

\*) *Strömsborg*. aedificium in formam caſtelli prope Stockholmiam in ipſo maris torrente a mercatore quodam diuite exſtructum.



234 V. DE OBSS. ET EXPERIM, APVD BRVTA  
 GVSTAVORVM non indigetis GOORIO \*) quodam:  
 nam Vobis ipsis et materies et magistri ad eiusmodi  
 monimenta ponenda suppetunt. Heic datur iam  
 gloriari pictoribus, chalcographis, sculptoribus in-  
 signis peritiae, quorum nomina ante paucos an-  
 nos ignota fere exstiterunt. Reuiuiscere videtur  
 HEDLINGERVS in alio magno artifice, ciue Ve-  
 stro \*\*), et in honorem gentis ars nummaria  
 impenditur immortalitati patriae beneuolorum pro-  
 curandae, prout effigies LINNEORVM, KLINGEN-  
 STIERNARVM rel. numismatis in formam a cl.  
 L'ARCHEVEQVE fusae \*\*\*)) et artis et honoris inge-  
 nio et doctrinae inter Vos tributum monimenta  
 sunt. Musice Suecana iam et cultores suos et au-  
 ditores fascinare valet. Propria sua academia iam  
 instruitur suique in decus Societas, nomen *Vtile dulci*  
 asciscens, cultores musices sibi adsociavit. Non  
 delectat nationem nummos aureos et argenteos ab-  
 ditis tenebris damnare: nobilitat illos contra ea  
 artibus fauens, in cimelia nitida vel vasa affabre cusa  
 eosdem transmutando. Eadem proportionem ars  
 gemmas metallis nobilibus infigendi ad maiorem  
 perfectionem ascendit, ita vt saepe dubius haereas,  
 vtrum ipsae gemmae an artificium, quo suis oculis  
 inditae fuerint, plus mirationis mereantur. Quod  
 offici-

\*) Hic artifex Francogallus Hafniae aeneam massam pro-  
 statua FRIEDERICI V. liquauit, et in formam a cl. SALY,  
 pariter Gallo, fictam redegit.

\*\*) LJVNGBERGER.

\*\*\*)) Diametro fere duorum pedum, quam seriem imagi-  
 num iam continuat cl. SERGEL, Suecus.



officinae, quibus fericeae telae texuntur, passae sunt decrementum refarcitur emergente vigore earum, quae texturis laneis dicantur, qui ipse regioni, bombycum hospitio ob asperius clima minus fauente, longe plus lucri promittit. Venditum a Vobis ferrum non amplius opus est, foenore insigni soluto ab exteris sub alia forma redimere. Specula Vestra, horologia automata, vasa murrhina, suppellectile lignarium, gustui gentis honori cedunt. Et in omnibus mihi videor mediam quasi viam cernere inter fragilem Franco-Gallorum ornatum et durabilem Britannorum simplicitatem.

Hae sunt mutationes praecipuae, quae per illam, qua proxime abfui, temporis intercapedinem in patria mea contingere. Epocham peculiarē in vitae meae cursu constituunt, Vobis non minus memorabilem, quum tot tantaque Vobis ipsis honorifica facta complectatur. Haec ipsa nisi Vobis fatis nota essent, vix, si quid sciam, ullam digniorem tempore et loco dicendi materiem eligere possem, declaraturus Vobis obseruantiam gratumque animum ob locum, quem mihi ante complures iam annos in illustri Vestro sodalitie adsignastis, quam hanc, ut per partes ista singula persequeretur. Sed omnium optime Vosmet ipsi natale Vestrum solum nostis, eiusdem commoda, eiusdem defectus. Istis, quantum officii ratio postulet, conseruandis omnem operam impenditis, hisce aueruncandis et leuandis. Seligam ideo aliud orationis

nis argumentum magis cum consuetis meis negotiis congruens, dum expendere animus est, *quam ambiguum sit, ex observationibus et experimentis, in brutorum corpore institutis, ad similem naturam et effectum in homine concludere.* Res, de qua anquiritur, non caret suo pondere: sed quae peregrinatoribus communis esse solet turbatio et cogitationum varietate rerum obuenientium continua diuulsio, impedimento sunt, ne ea accuratione et studio eandem expendere queam, ac in votis fuit. Tanto maiori, Auditores, indulgentia et beneuolentia mihi iam opus est, et tanto magis me deuincietis patientia, qua me dicentem condecoraturi estis.

Ad cognoscendam structuram corporis nostri mirabilem indeque explicandas multiplices tam simpliciores quam magis compositas functiones, quae in eodem contingunt, tum et ad naturam et indolem multorum alimentorum medicaminum et venenorum eruendam, non solum apud homines sed etiam in brutis frequentes operosaeque observationes et experientiae captae sunt: Negari nequit, ad vtrumque huncce finem consequendum comparisonem inter naturam animantium et hominum summae esse necessitatis. Tam diuina quam humana lex et sensus, qui cuiuslibet animo inditus est, vetant, instar HEROPHILI et ERASISTRATI vivorum hominum corpora incidere; nec minus contra humanitatem pugnat, submittere valetudinem vel vitam experimentis cum remediis periculosis et ambiguis vel iis, quae sub inertia sua ferocienti

rocienti morbo frena libera concedunt et eatenus veneni vices gerunt. Nec carere superius dicta via possumus, quum innumeris exemplis in re naturali constiterit, quam fallaces sint hypotheses, coniecturae, analogiae. Verum acerrimum iudicium quum in selectu animantium, quae ei fini adhibentur, tum in conclusionibus inde formandis, requiritur, ut perspicaciam non attingam, quae in omnibus momentis obuiis rite rimandis intendi debet. Quicquid horum sit, fatendum est, ne hoc quidem auxilium aliquando tutum esse vel sufficere, sed veri expiscandi causa tandem ipsum corpus humanum observationibus et experimentis nostris submittendum esse.

Non quaeuis animalia ad eiusmodi scrutinia aequae commoda sunt. Quadrupedia et aues prae reliquis singulis praerogatiuam mereri videntur, utpote quum structura sui corporis proxime ad nostram veniant. Horum cor, ut hominis, ventriculis duobus instruitur. Vasa eorum percurrit sanguis ruber, calidus. Arteriarum ictus, sensus neruorum, irritabilis musculorum vis, apud haecce praecipue sese manifestant. Motus pulmonum iisdem legibus absolvitur, et in reliquis partibus internis non obscurior conuenientia quoad figuram, compositionem, situm et usum animaduertitur. Multo magis a nostra natura amphibia et pisces, vermes et insecta, deflectunt, quae omnia cor vno tantum ventriculo praeditum habent, et vel frigidum modo sed rubrum sanguinem, vel huius loco albi-



albidum frigidum liquorem, velunt. Haec ipsa igitur in dictos scopos minoris longe ponderis sunt. Procliue maxime fuit, iis praecipue animantibus inter conuenientissima vti, quae et frequentia et minimo sumtuum impēdio prae reliquis sese commendant. Huius census sunt canes, cuniculi, feles, caprae, oues et aues complures domesticae.

Quantum etiamnum physiologia cōporis nostri vacillaret, nisi lucem ab ista animantium mutuari daretur! Paucae enim istae obseruationes, quibus capiendis, vulneribus casu inflictis item sub chirurgicis encheiresibus, copia data est, vel scopo non omnino satisfecerunt, vel non vacauit curate fatis eas in homine doloribus excruciato praecipue sub bello et strepitu instituere, nec extendere easdem ad omnes istas partes et momenta, quorum cognitione solidiori nosmet indigemus, nec renouare illas fatis saepe. COLLINS ideo, TYSON, AB HALLER compluresque alii cell. viri verum pretium eiusmodi comparationi constituere nouerunt. Ex brutis praesertim didicimus cordis alternas contractiones et expansiones, vim, qua illud sanguinem ibidem collectum expellit, diuersitatem, quae functiones arteriarum et venarum intercedit. Qui structura sua et liquido, quod includunt, tam incogniti sunt nerui, horum functiones aequae nos laterent, si crebra ista in animalibus suscepta experimenta desissent. Vel vnicum iusta sollertia in quadrupede (nam in auibus, vt notum, alia est ratio) institutum experimentum, suffecisset ad aëris absentiam

inter



inter pulmones et pleuram extra dubium contra strenuum aduersarium ponendam. Horum subsidio HALLERI ingenium et opera fatigari nescia doctrinam de sensilitate et irritabilitate partium, in exercitio artis salutaris aequae ac scientia fani corporis vtilissimam, in tantum fastigium eleuauit, et quum inuentor iste confirmare dicta simul posset copia obseruationum, casu in hominibus factarum: obuiam facile iri potuit obiectioni ab HAENIO prolatae, quod nulla inde ad corpus nostrum applicatio fieri posset. In brutis patienter ventriculi et intestinorum reptatus scrutari possumus, et subtilissima chyliфера vasa eorumque nexus anquirere. Nonne. RVDBECKIUS noster lymphatica vasa primus in vitulo detexit! Quem latent HALLERI cum ouis incubationem gallinae expertis facta numerosa experimenta, quibus ipsis hypothesis, quae antea inuoluit, de partium successiua per moleculas coeuntes creatione, siue per epigenesin, cecidit, et euictum, omnes corporis nostri partes iam sub primordia nostra praesto esse, nec nisi subtilitate et pelluciditate sua oculis nostris sese subtrahere. Quanto remotiores adhuc essemus a vera legum generationis notitia, nisi ex brutis lacunas multas supplere daretur? Experimenta Rubia tinctorum in auiibus facta nobis facile persuaferunt, ossa originem suam non trahere ex membrana, eadem succingente. Non mihi scopus est, enumerare omnia illa inuenta, quibus animalia ansam dedere, et quibus vsi sumus ad fabricam corporis nostri penitus cognoscendam. Sufficit, nos iis debere maxime memorabilia

rabilia haud pauca, quae ipsa omnium primo nobis hoc adiumento innotuerant, vel vltiori confirmationi et explorationi aliorum antea iam cognitorum inferuierunt.

Nihilominus tamen quoad multas partes et dotes tantum discrimen obtinet inter corpus nostrum et animantium, et iterum inter haecce ipsa mutua, vt nonnisi summa cautione adhibita in eam, quam pro scopo nobis proposuimus, applicationem descendere queamus.

Quibusdam brutorum competunt partes, quibus homo destituitur. Sic nobis maxime nota animalia ruminantia quatuor ventriculis instruuntur, et aues graniuorae ventriculum musculosum habent. Membrana ista allantoidea, in quadrupedibus liquido, quod includit, tam conspicua, paucioribus modo quibusdam exemplis in homine comparuisse visa est, vt iure metuatur, ne analogia imposuerit. Similiter coniectura potius quam obseruatione nititur, vrachum in homine per vmbilicum exeuntem in placentam vsque patulum continuare. Auium pulmones in superficie tam insignibus foraminibus pertusi sunt, vt aer haud aegre in pectoris cauum transire possit.

Contra ea exstant animalia, quae partes quaedam et viscera deficiunt, in corpore humano reperiunda. Colligimus ex hocce defectu hasce ipsas partes etiam apud nos minoris necessitatis esse. Notum est, genus ceruinum, equum, cuniculum, elephan-

elephantum et nonnulla alia praecipue graniuora animalia, vti et quasdam aues et pisces destitui vesica fellea; et apud alia ductum hepaticum absque vnione cum eo, qui ex vesica fellea emergit, intestinum petere. Prouti quaedam animalia loco duorum vno tantum cordis ventriculo vnaque auricula instruuntur: ita animaduertimus, naturae catenam vltterius prosequentes, imperfectiorum animalium, insectorum nimirum et vermium, cor carere omnino auricula. Defectus pulmonum apud pisces branchiis refarcitur, et apud insecta et vermes spiraculis. Frustra quaerimus cor et vasa in animalculis simplicissimis, vt polypis aliisque aquaticis.

Obuiam quoque nobis veniunt apud nonnulla animalia multae singulares dotes, quae frustra apud alia quaeruntur, licet saepe satis arcta cognatione cum iisdem iungantur. Animalibus plerumque, quae magnitudine et pondere quodammodo nostro corpori respondent, fortior natura, quam huic, adscribitur. Quod ipsum discrimen praecipue dependet a gradu minori sensilitatis et irritabilitatis istis competentis; et huius languoris causa non in elementis modo latere videtur, sed et in vehementiori et intensiori actione fibrarum sensui et motui destinatarum. Maior quoque medicamentorum dosis, qua bruta indigent, satis rem ita sese habere euincit. Quum hoc ad ipsum cerebrum sese extendat: non mirum, quod eorum organa sensoria animaeque vires longe obtusiora sint. Nihilominus

Q

tamen



tamen sensus quidam in nonnullis horum acutiores sunt, quam in aliis. Quis non meminit olfactus canum, adeo subtilis, vt heri sua vestigia per longam distantiam exhalationibus pedum indagare queant. Ob papillas istas magnas, quae obuestiunt linguam animalium graminuorum, haec ipsa magis apta sunt, quam nos, ad stirpes venenatas gustatu dignoscendas. Strix Bubo antecellit cetera animalia auditus subtilitate. Experimenta cum antlia pneumatica docent, quaedam animalia longe diutius ferre posse aëris dispendium sine periculo, quod praecipue valet de ranis, lacertis, testudinibus et pluribus insectis. Obseruamus insuper, ranas plures saltus absolvere et per notabile tempus viuere, etiamsi cor illis e corpore euulsum fuerit. Canes et aues, et, quod quidam etiam sustinent, feles quoque ob densitatem cutis insudare nequeunt. In equo ne vehementissimum quidem emeticum ciere vomitum valet, nec in cuniculo. Alia non minus memorabilis natura est haec, qua quaedam bruta, vt vrsus, meles, erinaceus, mus cricetus, per hiemem somno alto sopita iacent. In aliis, vt sciuris, leporibus, ineunte hieme pilorum color mutatur, prout plumarum in tetraone lagopo et emberiza niuali. Quaedam, vt serpentes et cancri, quotannis integumenta sua deiciunt. Vlula, vespertilio et aliae aues rapaces coecutiunt die, sed noctu vident. Testudo, lacerta et reliqua pleraque amphibia diu inedia perferre possunt; imo in cochleas nostras hortenses eadem praerogatiua cadit. Quis non stupet vi ista reproductrice, ver-

mibus,



mibus, insectis, amphibis quibusdam a natura, tanquam priuato iure tributa, qua ipsa horum nonnulla, e. c. lumbrici, polypi, etsi in plures partes diremta, ita reparantur, vt quaelibet pars pecularem vermem viuum integrumque constituat, in aliis, vt cancris, lacertis, serpentibus, cochleis limacibusque, quibus violenter vnum vel aliud membrum aufertur, hoc quasi ex gemma sese explicante nouo membro refarcitur. Pili felium maiori vi electrica sponte sua praediti sunt, quam alii. Verum abstinere a recensendis pluribus exemplis discriminis illius, quo natura nostra ab ista brutorum differt, et quod horum quibusdam modo proprium est. Causa huius non potest non nisi in fabrica totius corporis vel quarundam eius partium diuersa contineri, quam ipsam saepe vel plane non, vel nonnisi opera insigni impensa, indagare conceditur.

Ex hisce vero diuersitatibus hoc confectarium prono alueo fluit, quod, prouti natura et dotes corporum animalium tam multipliciter differunt, ita et effectus, quos venena, vel quod eodem fere recidit, mēdicamenta, imo alimenta, in eadem exserunt, differant necesse sit. Non licet ideo in hac ipsa re ex vno animali ad aliud conclusionem facere, ex animalibus ad nosmet ipsos. Signatura externa, quam vocabant, et astrologia, quibus olim creduli delectabantur, non gustui temporum nostrorum illustratorum accommodatae sunt. Expectare, donec fortuito casu detegamus vim

medicamenti cuiusdam, tardi est, nec de scientiae limitibus ampliandis solliciti. Concludere ex similitudine morborum vel medicamentorum mutua ad conuenientiam virtutis, saepe quidem suppetit, sed multo saepius fallit, quin homines ingenii summo acumine instructos. In stirpibus sapor, odor, color et statio, ansam potius experimentis dant, quam iudicium de vi earundem ferunt. Cognationes earum saepe lucem hac in re accendunt, sed exceptiones crebrae, quae admitti debent, et discrimina, quae saepe quoad gradum virtutis animaduertuntur, hoc indicium obscurum et minus tutum reddunt. Chemiae suus honos merito statuendus est, sed experimenta academiae R. scientiarum Parisiensis satis superque ostendunt, quam exigua eiusdem in eruendis medicamentorum virtutibus potestas sit. Maioris esse momenti experimenta extra corpus animale capta videntur: modo idem ignis gradus, eadem menstrua, idem motus aliaeque vires in corpore viuo praesto essent, quarum vsum in nostris museis et officinis facimus, et nisi in corpore nostro per admixtionem peregrinorum liquidorum et longam istam viam, quam medicina saepe capit, antequam ad aegrotam partem perueniat, virtus mirifice debilitaretur vel omnino sufflaminaretur. Non obtinet ideo, praeter experimenta in corpore humano, aliorum optio, quam horum, quibus bruta subiiciuntur, de quorum lubrica fide iam ex diuersitatibus supra in medium prolatis iudicare vacat. Pondus vltterius huic iudicio addit ipsa experientia.

Id iam scrupulum non leuemi contra ista movet, quod bruta non distincte sensus et mutationes exprimere queant, quas ipsa patiantur. Equus ne iniuria quidem vehementissima ad clamorem cogitur. Alia anguntur quidem violentia allata, et inquietudine, turbis in dolente parte enatis, eiulatu, vel voce ingrata, variis euacuationibus, quantum afficiantur et qualis sit effectus, declarant. Quum vero loquela sint orbata: neque locum, qui moleste afficitur, vel gradum aerumnae, nec subtiliores sensus, vt tensiones, nauseam, anxietates, tormina, vertiginem aliosque similes, satis nouimus; ad quae accedit, quod vires animae brutorum, si conferatur cum humana, longe infirmiores sint.

Mirationem ciet, quod quaedam homini innoxia, saltim non lethifera, animalibus nonnullis, quae tamen plerumque fortioris naturae creduntur, damnum afferant. Illuc pertinent amygdalae amarae, quas bibones cum liquidis spirituosus ante prandium ingurgitant aliique cibis et bellariis addunt et quae copiosius captae ad summum inebriationis sensum in homine creare dicuntur; fues autem, vulpes, canes, sciuri, feles et pleraeque aues iis necantur. Affinitate iunguntur cum Lauroceraso, de cuius deleteria virtute, nominatim in aqua destillata, MEAD, LANGRISH, DV HAMEL \*)

Q 3

alii-

\*) Quibus hodie nominatim FELICEM FONTANAM ob nuperiora experimenta addere oportet.



aliique certiores nos reddiderunt. Hoc virus licet homini pariter infestum sit: moris tamen est, hinc inde folia eius lacti immergere, vt infusum Theae vel decoctum Coffeae vel et fercula varia, quae lac vel eius cremor ingreditur, palato tanto magis placeant; antidoti vices sine dubio lac in iis egit, quibus non nocuit, ambiguo tamen tentamine nec imitando. Quis vero credidisset, ipsum oleum amygdalarum dulcium cani vitam eripuisse. Piper apud fues scrophulas generat. Petroselinum non ferunt passerres domestici. Baccae Sambuci occidunt gallinas, et eiusdem arboris flores, obseruante Equite A LINNÉ, pauones. Loxiae pyrrhulae pereunt feminibus Anethi graueolentis et columbae paucis guttis olei Anisi ori instillatis et capiti inunctis. Teste ELLISIO lentes vulgares flatulentia necant equos. Idem valet de specie congenere, Eruilja, quoad gallinas.

E contrario existunt, praecipue e vegetabilium censu res, quae, vtut vehemens et nociua earum efficacia in quaedam animalia sit, in alia tamen nullam noxam exercent. Eatenus male ageretur cum brutis, nisi natura, progeniei suae seruandae semper intenta, haecce facultate donasset sensibus suis res nociuas ab innocuis discernendi; quam ipsam vim iuniora maiori gradu possident. Ranunculi isti acriores et acris Caltha plerumque a pecoribus in pratis intacta relinquuntur; prout Lilium Conuallium, Angelica, Helleborus niger, Comarum et alia ab equis; nec nisi

peco-



pecora peregrina sibi imponi ab Anemone nemorosa, acri stirpe, patiuntur. Sunt tamen alia animalia minus in delectu sollertia. Horum e numero sunt caprae. Hae non dubitant deuorare Cynoglossum officinale, Vincetoxicum, Cicutam virosam, Mezereum, Rhoeadem, Lycodtonum, Pulsatillam, varias Ranunculi species, Scrophulariam nodosam pluresque alias stirpes suspectas, quas repudiant alia animalia, exceptis forsitan ouibus, quibus praeter varias dictarum specierum, Lolium temulentum, Conium maculatum, Oenanthe crocata, Sambucus, vt alia taceam, in deliciis est. Licet Hyoscyamus niger nostros et multorum animalium neruos stupefaciat: variae tamen canes et fues illum absque periculo depascuntur. Vtut venenatus est succus recens expressus Jatrophae Manihot, vel, vt alii illam vocant, Cassauae amarae, quotidie tamen, teste cl. BROWNE, radix eius recens a suis effoditur et impune deuoratur \*); nec nocere gallinis HERBERTVS auctor est. In commentationibus Societatis R. scientiarum Londinensis legimus famosum istud venenum Lamasense vel Ticunasense necare cuncta animalia quadrupeda, item aues, dum per vulnuscum applicatur, sed piscium, insectorum atque reptilium, vitam non destruere, licet horum quaedam valde afficiantur.

Q 4

Phyto-

\*) De atroci hoc remedio conferri merentur experimenta ill. FEL. FONTANAE (*Phil. Transf. Vol. 70. P. 1. et Traité sur le venin de la vipere etc.*, quae in quibusdam ab istis cl. HERRISANT (*Transact. Vol. 47.*) differunt.

Phytolaccae, suspectae alias stirpis, tam folia, quam baccae, aui cuidam, quae emberizam citrinellam nostram refert, loco escae sunt. KALMIVS, cui hanc posteriorem obseruationem debeo, de Kalmia sua latifolia narrat, quod etiam si oues, vituli, boves et equi ea vel pereant vel multas turbas patiantur, folia tamen eius salutare alimentum ceruis et aui cuidam, quae tetraoni bonasiae similis est, praebere. Acre istud Veratrum album, cuius radicem veteres in pluribus obstinatissimis morbis optimo successu adhibuerunt, feriori tempore omnino fere obliuioni traditam, respuunt omnia animalia, mulis, quantum constat, exceptis, qui ipsi folia, ubi crescit, anide deuorant. Equisetum istud, falci infestum, palustre, (cum quo HALLE-RVS E. limosum et alias species instar varietatum coniungit) excitat in bubulo pecore diarrhoeam funestam et dentes reddit vacillantes; quum contra ea equi, rhenones et oues, nihil inde molestiae sentiant.

Quod specie sua teneriora animalia vsu quorundam validiorum non grauius corripiantur animantibus fortioribus, eius rei iamiam plura exempla in medium protuli. OSBECKIVS Capsicum annum memorat, vt escam, loxiae cardinali haud ingratum. Boues in Jamaica repudiant Petiueriam, Allii odore et sapore ingratam, et, dum eadem vescuntur, caro eorum nauseoso hocce sapore corrumpitur: gallinis tamen in deliciis est. Si animantia minoris staturae eminentiori etiam essent  
fensi-

senfilitate et irritabili vi instructa: sane insecta potissimum effectû efficaciorum medicaminum vel venenorum mouerentur; verum experimur, id non semper locum habere. Eques A LINNÉ in peculiari dissertatione academica eas stirpes designauit, quas singula insecta deuorant, inter quas copia venenatarum quoque occurrit. Nomino modo ex horum numero Cynoglossum, Hyoscyamum, Oleandrum, Iatropham, Ricinum et Veratrum album. Mirabatur cl. KRAFF, Austriacus medicus, in multis suis cum Ranunculis ad eorum acrimoniam indagandam institutis experimentis, quod, vtut eiusdem lingua floribus pungeretur, hi ipsi tamen auide ab insectis consumerentur. Ex corrosiua Euphorbia sphingis peculiaris species et phalaena neustria pabulum petunt. Contra insecta collectiones rerum naturalium moscho tueri vulgo tentatur, non parem vero esse animalculo minuto, ptino Furi, quod tam atrociter in Bibliotheca R. huius academiae scientiarum saeuit, haud ita pridem nobis aperuit magnus iste naturae interpres, quo septentrio iure superbit; nam animalculum oua sua in ipsum moschi globulum deposuerat, et alia occasione acerrimum puluerem sternutatorium consumserat.

Sic itaque, Auditores, quicquid hætenus dictum est, declarat, quam male fidatur obseruationibus et experimentis apud bruta initis, ea quidem expectatione, vt similes effectus in homine sint enascituri. Non me quidem latet, quam



diffimile nutrimentum, medicamen, vel venenum, esse possit pro variis conditionibus casu accedentibus. In stirpibus solum, clima et aetas magni momenti sunt; nec omnibus et singulis stirpis partibus eadem potentia insidet. Ipsum animal minus ad eiusmodi effectum concipiendum inclinatur, dum aetate prouectum est, quam dum in iuuentutis vigore versatur. Multis vescitur fame stimulatam, quae repudiat, quando iam aliquid ingessit. Multa intacta relinquit admixto alio meliori alimento. Nec ventriculus pabulo et foridibus repletus tam facile effectum sentire potest, ac vacuus. Et saepe in eo vitium latet, quod in quantitate peccatum fuerit. Non negligit perspicax et omnia rite ponderans obseruator horum omnium rationem habere, nec eum, qui frigidae magis quam calidae temperiei est, taedet, pluries idem experimentum repetere. Quicquid verò horum sit, sub applicatione ad corpus humanum saepe iudicium in angustia haerere, cognoscit.

Corpus igitur humanum ipsum consulendum est. Hoc sub prudentis naturae scrutatoris administratione tutissime nodum explicandum soluit. Idiosyncrasiae exempla tam pauca sunt, ut nulla obstacula struat. Exceptiones illae, quas aetas, sexus, clima, situs locorum, temperamentum, viuendi consuetudo et epidemica constitutio, afferunt, oculis eius longe clarius illucescunt, quam ut confusio anisam praebere possent. Initium a dosi minima facit eandemque sensim auget, cauet a  
super-



superflua miscela, nec debilitat medicinam cancrorum lapidibus, saccharo, vel syrupis. Nouit ita praemunire corpus, vt ne casu noxia vel iners fiat.

Hanc normam medici magnae existimationis exteri prosequuntur, eandemque quoque multi virorum laude dignissimorum in Suecia obseruant, qui ex schola illustris ROSENSTEINII prodierunt. Concludatis inde ad ingenium et scientiam, qua ipse horum dux excellit.

Medicis Suecicis reseruatum esto, detegere remedia, quae epilepsiae, maniae, phthisi, hydropi, cancro, taeniae tollendae, sufficiant, et variolas in tenerrimo suo germine suffocent.

Iam pauci modo coetus Vestri confessus, Auditores, superfunt, quibus interesse mihi datur. Augere doctrinam meam, exosculari suauissimam patriam et amicos longa annorum serie probatos, restaurare valetudinem vacillantem, haec ipsa incitamenta fuerunt itineris mei. Voto in plerisque potitus sum et longe laetius Sueciae meae valedicturus essem, nisi gaudia mors patris incomparabilis obscurauisset, cui nomen probi ciuis vel post fata non denegabitis. Publice \*) Vestra, et a multis

\*) Heic in primis respicio ad sollemnem meam receptionem, coram a Praefide tum temporis, Consiliario rei metallicaе ill. SANDELS et Secretario ill. WARGENTIN nomine totius Academiae factam, vti et ad subsequen-  
tem

multis Vestrum priuatim mihi significata beneuolentia insigni mihi delinimento fuit, et grato pectore, quoad vixero, seruabitur. Accelero igitur reditum ad locum, quem prouidentia diuina alteram mihi voluit esse patriam, ad musarum domicilium, quod magnus MVNCHHAUSIVS fundauit, cuius commodis aequè ardenter prospexit BEHRIVS, quod verò iam post huius philantropi inopinatam mortem per tempus parente suo orbum est; quod HALLERVM aliosque illustres viros habuit doctores, et quod consuetudo cum eruditis viris, suppetiae commodae in scientiis colendis, vacuitas ab oeconomicis negotiis, a confessuum academicorum \*) frequentia et a curis victus comparandi anxiiis, tam doctoribus quam discipulis gratiam conciliat. Sed perditus esto dies, quo amor meus in patriam occasum capiat.

tem noui Praesidis electionem, quae dum fieret praesente Rege, adeo honorifice membra academiae de me fenserunt, vt paucarum modo tessularum in meas partes defectu in ill. ROSENSTEINIVM praesidium transfret, quod nisi accidisset, deprecari honorem mihi destinatum, ob festinandum in academiam Gottingensem reditum, opus fuisset. — Aue iam sancta WARGENTINI anima, fulgens in memoria ciuium Tuorum et singulorum, qui virtutem et ingenium amant, eodem nitore, quo sidera, quorum naturas et orbitas, dum in terris eras, tam impigre speculatus es. Saluete et Vos, pii ROSENSTEINII et SANDELSII manes.

\*) Consistoria vocant academiae Suecicae, quorum interpellationes frequentes doluerunt LINNEI, BERGMANI, JHRII, AVRIVILLII.

VI.

DE

P O L Y P I S

BRONCHIORVM.





# D E P O L Y P I S

## B R O N C H I O R V M. \*)

**S**anguine, dum adhuc calet, conquassato, partem eiusdem in fila coire, aliam liquidam persistere, res est notissima, nec ab HIPPOCRATE *a)* ignorata. Estque haec origo membranae factitiae albae, coriaceae, filamentis numerosis instructae, quam RVYSCHIVS *b)* agitando sanguinem ramulo, HAENIUS *c)* autem eundem in lagena probe obturata concutiendo, intra breuius tempus et maiori mole, parauit.

Coagulabilis istius sanguinis partis, de cuius praesentia multa insuper alia experimenta nos condocerunt, licet summa ad vitam et incrementum utilitas in corpore animali sit, et huic vulnere sanatio plurimam partem debeatur; non exigua tamen illa nec rara multorum malorum causa euadit,

\*) Commentatio Societati scient. Gottingensi praelecta d. 6. Martij a. 1773.

*a)* "Si quis ipsum (sanguinem) conquasset et fibras eximat, non congelatur;" *de carnibus Liber.*

*b)* *Thef. anat.* 7. n. 39. *Tab. 3. fig. 6.*

*c)* *Rat. med.* T. I. p. 63.

dit, dum vel copia, ratione reliqui sanguinis habita, peccat, vel nexu cum reliquis sanguinis partibus soluitur, vel variis de causis coagula format. Huius generis fuit glutinosa ista materies, quae, SARCONÉ *d)* narrante, in famosa ista et lethifera epidemia, ante aliquot annos Neapoli grassante, interna oris obduxit, quae aegros pectoris inflammationi tantopere obnoxios reddidit, vesicatoriis impositis instar membranae adhaesit, et in cadaveribus, intra caput, in pulmonum superficie eorundemque cellulis, in faucibus cum affini oesophago et mesenterii glandulis, praesentiam suam manifestavit. Huic tribuitur merito lardosa crusta, pleuriticorum sanguinem obtegens. Ab hac nascuntur ligamentosae istae concretiones, quibus pulmones aliquando cum pleura coadunantur *e)*, et cor cum pericardio. Hinc membranacea vel lacera ista coagula, quae in aneurysmatibus et varicibus maioribus fuerunt reperta. Hi sunt natales membranae aduentitiae in angina ista, Croup dicta, arteriam asperam obuestientis. Eadem natura concretionum polyposarum intestina referentium, alio subinde reiectarum. Multa quoque suadent, ut ab eadem materia incunabula quarundam hydatidum *f)* in abdomine repertarum, vel certae cuiusdam

*d)* *Geschichte der Krankheiten vom Jahr 1764. 2 Th. p. 170. sqq.*

*e)* V. Exemplum memorabile in COTVNNI *de sedibus variolarum Syntagmate p. 58. sq.* ut taceam numerosa a MORGAGNI collecta.

*f)* Cfr. *Medical Transactions, Tom. 2. p. 496.*

dam fedi affixarum, vel soluto nexu libere fluctuantium, repetamus; quae, dum increfcunt mole, hydropem faccatum formant, vel crepantes verum asciten gignunt.

Nec difficile est, fimilitudinem quoad colorem compagemque inter hafce concretiones et istas, quas, ob aliquam figurae cum verme aquatili convenientiam, Polypos vocant, eodem forfitan iure Sepias, animaduvertere.

Sedes polyporum maxime vulgaris est iis in locis, quae sanguis libere alluere potest, creberrima in corde et annexis vasis maioribus, praecipue arteriosis, interdum vero etiam in minoribus, ex quibus subinde specie vermis, qua credulis imposuerunt, extracti, et in sinibus cerebri. Minus commode hoc nomen tumoribus circumscriptis imponitur, qui haud raro intra vterum vel eius vaginam, vti et in naribus, rarius in aliis cauis, pululant, vtqui non ita in ramos vel fila producuntur, et plerumque vel carnosas massas vel expansiones tunicae internae caui muco repletas constituunt, suisque vasis sanguineis, vnde nutrimentum capiunt, instruuntur.

Rarissime polypi veri extra sanguinis claustra gignuntur. Ex horum numero sunt massae membranaceae cellulares oblongae vel cylindricae, quas sollicitè ill. LVDWIG g) descripsit, proprio interdum pedun-

g) *Aduersaria medico-practica*, Vol. I. P. I. p. 173.

pedunculo adhaerentes, et in hisce, qui vomitu cruento laborant, subinde obuiæ, quæ si, nouo vomitu incidente, vi abripiuntur, vitæ periculum insigniter augent. Par est ratio polypi illius insignis oesophagi, quem cl. DALLAS *h)* memoriae prodidit, qui vomitu vel nisu ad eundem excitato ex faucibus, ad dentes primores vsque, quatuor diuersis productionibus basi communi iunctis; os vndique replens, haud sine suffocationis metu ascendit; vnde deglutire illum mox necesse fuit. Et eandem raritatis notam prae se ferunt, nisi ipsa re, certe si obseruationum consignatarum numerum aestimes, polypi in bronchiis subinde, quasi in modulo, formati, quorum igitur figura longe reliquis ramosior et elegantior. Hi licet initio nexu arcto cum membrana vera, asperam arteriam obvestiente, iuncti fuerint, sensim tamen a contactu mutuo soluuntur, et enata ob stimulum, quo sensibilem istam membranam afficiunt, tussi, eiiciuntur. De hisce bronchiorum polypis curatius et prolixius iam commentandi occasionem dedit, Sodales, haemoptysis iuuenis cuiusdam, litterarum causa hic commorati, cuius curam in eodem hocce morbo, pluries recrudescente, gessi, et animum addidit recentius ad simile vitium ab augustissimi Regis

*h)* *Essays and Obseruat. physical and litterary, Vol. 3. p. 525.* Cfr. simile exemplum descriptum a SIGISM. SCHMIEDER in *Schediasm. de polypo oesophagi vermi-formi*, recus. in HALLERI *Collect. diff. pract. T. 8. p. 594.*



Regis nostri Archiatro, ill. R. WARREN *i*) adhibita sollertia \*). Is vero tractationis erit ordo, vt primum ex aduersariis ea tantum morbi medelaeque momenta depromam, quae ad physiologicum harum concretionum argumentum illustrandum faciunt; dein easdem cum aliis in medicorum monumentis memoratis comparem, quibus ipsis historia polyporum bronchialium, quousque sub paucitate observationum fieri potest, continua confarcinabitur.

De iuvene loquor, tum, quum primus ei consilia medica suppeditarem, 21 annorum, staturae procerae et habitus eorum, quos ad phthisin pronos iam antiquitas iudicauit, collo nimirum exili longo, thorace plano scapulisque prominentibus praedito. Prehenderat eum, ceterum sanum et alacrem, exeunte vere anni 1770, primum tussis sicca, vesperi praecipue ingruens, quam tamen linctus pectoralis mitigare videbatur. Sed aliquot menses post, uestione in equo citatiori, in haemoptysin (morbum inter ciues nostros academicos, sub eo aetatis vigore, qui omnes valetudinis insidias ridet, nimium familiarem) incidit, parca quidem sanguinis floridi eiusdemque spumantis reiectione cum tussi. Medicus tum d. 18. Julii arcessi-

R 2

tus

*i) Medical Transactions, Tom. 1. p. 407.*

\*) Rei dignitas postea, praelecta iam a me hac commutatione, permouit R. academiam chirurg. Paris. vt non solum nouam horum polyporum historiam suis actis infereret, sed et alias obseruatorum adiungeret. V. *Memoires de l'acad. de Chir, T. 5. p. 539.*

tus commodis remediis compescere haemoptysin annifus est, et quum recrudesceret, iterum feliciter sopiuit. Pacatum iam videbatur malum, auramque liberam aeger capere rursus audebat, quum, eodem d. 23. vesperi in loco publico obambulante, ex leni corporis nixu nouus insultus fieret. Proxime dicti paroxysmi, quum aeger me adiret, meum auxilium exploraturus, quoad partem spectator fui. Noua enim successit me praesente exspuitio, sub strepitu insigni pectoris, etiam tum percepto, quum nihil sanguinis ascenderet. Sanguis tum non spumans erat, sed fluidus et pituita mistus, inter quem quidam grumi vel frustula pisi magnitudinis conglobata apparebant. Anxietas sessionem repudians iuncta, oculi retracti, et annulo liuido cincti, pallor faciei, insignis ad iram procliuitas, pulsus sub ipso paroxysmo celer durusque, dein autem languescens et mollior. Ad sedandum sanguinis profluuium frigida aqua partitis vicibus pota, domum reuertit, et medela ibidem adhibita noctem satis quietam transegit.

Quum mane postridie eum inuiferem, sanguinem coagulatum cum pituita exspuit, de dolore pectoris tensiuo querelas mouens. Constatit tum, maceratione in aqua per noctem facta, particulas illas molles conglobatas praecedente die reiectas, ramosas fuisse, et eius tenacitatis, quae polypis vasorum inesse solet.

D. 25. ante meridiem iterum exscreauit crebrius coagulatum sanguinem, mistum liquido griseo, puri non abssimili. Verum autem pus fuisse vix crediderim. Laetabatur autem de superato pectoris dolore, respiratione liberâ, et diminuto isto ad scretum stimulo; pulsus quoque naturalis, et appetitus probus. Atque haec fuere morbi longi initia.

Quam infidae autem essent istae induciae, frequentibus tribus diebus et dein aliquoties apparuit, quippe quum pluries, plerumque modo vesperi noua haemoptysis mox parcior mox copiosior, vix vero vltra cyathum, exorta. Quum hoc die 28. hora vespertina 7, praegresso pallore faciei per totum diem, et oculis cauis conspectis, alui praeterea obstructione (vt ante quemlibet nouum paroxysmum solebat) grauante, contingeret: nouus simul polypus reiectus, quem infra plenius describam, reliquis supra dictis longe maior, inque longe plures ramos diuisus; leue tum quoque sanguinis e naribus stillicidium prorupit.

Eo tandem sub varia medicamentorum mutatione aeger peruenit, vt conticesceret haemoptysis sine vlla pectoris molestia, praeterquam quod plerumque mane, interdum etiam vesperi aliquid mucî sanguine tincti exspueret. Adiumentum pariter haud exiguum ipsa natura attulit haemorrhoidum fluxu, quem antea aeger nunquam expertus fuerat, qui vero quum subsisteret, variis iterum incommo-

dis aeger correptus est, pressiois scilicet vel punctiois levis sensu mox medio pectore mox in alterutro latere ingruente, horroribus erraticis, praecipue post pastum molestis, aliquando visionis sensu in manus vola. Inter haec quoque narrauit, se polyposas concretiones subinde iterum exspuiffe, quorum et ipse exiguum frustum vidi; verens autem, ne pituitam tenacem interdum pro polypo habuerit. Quicquid vero antea ad sistendum fluxum floridi meracique sanguinis valuerat, non potuit tamen tincturam istam pituitae sanguineam omnino coërcere, etsi aliquando minueret. Et, quum vere sequentis anni nouus insultus haemoptyseos non vehemens quidem fieret, hoc licet superato, permansit; donec felici consilio pulueres ex cortice peruuiano, puluere absorbente WEDELI et nitro, exhiberem, qui adeo laetum effectum reliquerunt, vt nullus non solum relapsus fieret, sed vt sputa matutina plerumque cruoris expertia reiicerentur, absque vlllo pectoris residuo incommodo, vires quoque firmiores manifeste euaderent. Transiit sensim, inter seuerae diaetae leges per totum annum 1771. et 1772. obseruatas, ad varia alia phthisi auertendae opportuna, sed hic ob morem reticenda, quibus is virium vigor recuperatus, vt media hyeme anni proxime dicti, auocatus a suis, reditum ad remotam suam patriam, Rutheniam, per veredos ingrederetur, quin dein robur insigne virium accessisse itineris beneficio litteris declararet.



Nolo censurae morbi vel medelae adhibitae vltius immorari, etsi quaedam de vsu largiori nitri, spiritus vitrioli, et malorum citreorum, corticis peruuiiani et pulueris absorbentis WEDELII ab auctore suo et cl. Lubecensium olim medico IO. GERARDO WAGNER *k*) tantopere laudati, quorum vim hic casus laete confirmat, commentari alio loco non incongruum esset. Sed redeo ad polypostas istas concretiones ex bronchiis reiectas, quarum natura non potuit sine narratione ipsius morbi rite cognosci. Fuerunt istae plures, vt dixi, quarum quaedam pluribus, aliae paucioribus ramis compositae, omnes rubicundae, glabrae, et eius tenacitatis, vt absque ruptione notabiliter extendi possent. Horum polyporum vnus, quem depictum adiungam, reliquis maior, supra digitum longus, manifestius declarauit originem suam. Ore reiectus in globum quidem conuolutus, vt reliqui, apparuit, sed in aqua mox sponte ramos suos explicuit. Ex trunco nimirum simplici, breui, duo emergebant rami primarii paullum exiliores, aliquoties repetita serie in alios minores subdiuisi, quorum vltimae propagines tam exiles, vt vix filum esse tenuius possit. In altero ramorum primariorum subdiuisio in primis copiosissima fuit, in opposito parcior, ob diuulsum vnicum insigniorem, cuius basis adhuc supererat. Quousque residua ista

R 4

poly-

*k*) De haemoptoës inprimis vero habitualis s. phthificae expeditiori quadam efficaciorique curatione, recul. in Coll. HALLER. Diff. praëtic. T. 2. p. 277.

polypi pars intra pectus remanserit, vel an eadem sensim difflexerit, quod vix probabile, non dixerō. Cauum interne esse, inflatio docuit. Figura descripta, ex trachea et bronchiis illum traxisse originem, extra dubium ponit; quippe quorum diuisio ex trunco communi eadem serie perficitur. Quod vero polypus iste exilior appareret suo modulo, contractili sine dubio naturae gelatinosae substantiae adscribendum, quae mox cohaesione cum pariete bronchiorum soluta, libere sese exferere potuit. Alia exsurgit quaestio, vtrum hi ipsi polypi causa fuerint haemoptyses siue sanguinis in bronchia excretionis, an effectus? Pro effectu tantum hoc casu habendos existimo. Etenim vix probabile est, screatum sanguineum ex dilaceratione vasorum pulmonis enatum, quippe quum parcam modo quantitatem sanguinis quauis vice aeger expueret, nec dolor, nec respirandi difficultas nimium grauaret, nec febris valde notabilis paroxysmum quemlibet comitaretur. Anastomosis igitur modo ex debilitate pulmonum oriundam accuso. Hac factum esse arbitror, vt sanguis, vel eius tantum coagulabilis pars, lento gradu in cellulas asperae arteriae, et ex hisce in bronchiales ramos stillaret, mora autem in spissum gelu coiret. Repletio autem bronchiorum videtur tussim excitaſſe, qua ipsa solutus nexus est, isque tamen, vt apparet, non firmior, quam vt sine erosione cruenta membranae arteriam asperam succingentis tolli posset. Quod vero sanguis meracus eiectionem polyporum comitaretur, concussioni ex tussi adscribere

scribere licebit. Sanguis ex aegri vena missus, quod quidem non rarum est in haemoptoicis, cacochymiae de reliquo expertibus, crassus pleuriticaque crusta tectus erat, fluido omni orbatus. Vnde patet, quantus sanguinis in coagula nifus esset. Screatus quoque copiosus pituitae tenacis probabile reddit, praeter sanguinem, glutinosam istam et plasticam eiusdem partem in bronchia transfudasse. Cur vero raro eiusmodi polypi in haemoptysi extendantur, non definio; existimo crebrius id fieri, modo medici ad id attenderent.

Comparando aliorum de similibus polypis observationes, nonnunquam quidem, haemoptysi coniunctos eosdem fuisse, vel prae euntem illam habuisse, interdum autem absque illa reiectos, reperio. In haemoptysi exspui tales aliquando concretiones iam GALENVS nouit, vt variis locis operum eiusdem *l*) constat, et inter signa haemoptoës refert: "Si quis bronchii partem quandam aut arteriae, aut venae tunicae, aut etiam pulmonis ipsius carnis eiiciat." Sanguis vna cum polypo exscreatus interdum valde copiosus fuit *m*), et phthisin pedissequam habuit *n*): subinde parua modo quantitate prodiit, prout in meo casu *o*). Quin accidit

R 5

in

*l*) De locis affectis L. 1. c. 1. CHARTER T. 7. p. 379. Method. med. L. 5. c. 12. Ed. cit. T. 10. p. 123.

*m*) Aët. eruditor. 1683. p. 218.

*n*) SAMBER in Philos. Transf. n. 398. p. 262.

*o*) Et in eo, quem LEMERY in Hist. d. l'ac. d. sc. 1704. descripsit,



in vno eodemque aegro, vt polypi mox albi, mox cruore tincti, extunderentur *p*). Nec maiores semper post se trahere sanguinis sputum ex casu memorabili cel. WARREN *q*), euincitur, qui maiores absque sanguine et muco reiectos, minores autem cruentos fuisse narrat.

Sub reiectione mox plura et grauiora, mox pauciora et leuiora symptomata vel concomitantia mala animaduersa sunt. In quibusdam febris adfuit; cuius exempla de phthificis *r*), alia de hominibus pleuritide vel peripneumonia laborantibus *s*), aliud demum de foemina febre verminosa et putrida correpta *t*), leguntur. Alii febre liberi exstiterunt, quin quodrarum, molestiis aliis consuetis, prout absque febre, orthopnoea, dolore vel alio symptomate peritus olim sua arte chirurgus Haganus DRINGENBERG incredibilem copiam materiae ramosae secreauit *u*). Ceterum ob functionem asperae arteriae et sensum subtilem membranae, qua vestitur, non potuit non tussis polypi reiectionem comitari, quod idem

*p*) NICHOLLS in *Phil. Transact. Vol. 37. p. 123.*

*q*) *Med. Transact. T. 1. p. 407.*

*r*) THOM. BARTHOLINI *Histor. anat. rarior. Cent. 3. Hist. 98.* TYSON in BARTHOLINI *Act. med. et phil. Hafn. Vol. 5. p. 94.*

*s*) DE HAEN *Rat. med. T. 2. p. 106.* NICHOLLS *loc. cit.* MORGAGNI *de sed. et caus. morb. Epist. 21. art. 20.*

*t*) DALBY in *Journal de Medecine Chirurgie etc. Tom. 11. p. 42.*

*u*) KAV BOERHAAVE *de perspir. Hist. c. 12. p. 114. sq.*



idem et obseruatio confirmat; et fere semper respiratio antea vel sub reiectionem valde molesta fuit, vnde et anxietas, strepitus in pectore, oculi retracti, annulus circa illas liuidus, pallor faciei aliaque symptomata enata. Subinde dolor acutus pectoris solutionem immediate praeceffit, vt inde redeuntis huius screatus indicium caperetur. Ob oppressionem pectoris aliaque incommoda aliquando ad tartarum emeticum confugiendum fuit, vt per emesin polypus solueretur x).

Iuncta nonnunquam scrophulosa diathesis y). Vtrum haecce praecise polyporum causa fuerit, non dixerim. Nam sub paucitate casuum rite enucleatorum non quodlibet malum, quod hisce praeiuit, vel sub decursum sese manifestauit, pro eius causa agnoscere licet. Nec mala singula, in quibus concretiones similes extra asperae arteriae cancellos enatae, absque erroris metu ex analogia vnice in causarum recensum trahi possunt, quum, vitium singulare pulmonum accedat, necesse sit. Vereor igitur adhuc vna serie haemoptysin, pulmonum vel pleurae inflammationes, catarrhum, phthisin, scrophulas, arthritidem rel. tanquam causas polyposae concretionis bronchialis proponere. Manifestior fuit illa, qua post dosin essentiae terebinthinae insignem incaute ingestam praeuiis grauioribus affectionibus eiusmodi polypus excussus est z).

Sunt,

x) SENAC *Traité de la structure du Coeur*, T. 2. p. 456.

y) WARREN l. c. p. 407.

z) *Memoires de l'acad. de Chirurgie*, T. 5. p. 539.

Sunt, qui semel modo polypum screarunt, sunt rursus alii, quibus id pluries et per longum tempus contigit. Factum hoc est in quodam quotidie, idque per septem integros annos sine quodam alio incommodo *a*). In foemina pluries intra spatium annum hic screatus recrudit *b*). Sartor vero per triennium centenos aliquot polypos ore reddidit emaciatus et insigni dolore pectoris dorsi-que afflictus *c*). Et in puero, qui polypum reiecerat, post mortem similis intra asperam arteriam inuentus est, qui haud aegre absque figurae laesione sese extrahi passus est *d*).

Figura concretionum harum et magnitudo varia. Prodierunt interdum instar grumi, pisi vel globuli maioris magnitudine. Huc forsitan trahendus locus HIPPOCRATIS *e*), quo PHERECIDAS fertur ante mortem reiecis-  
 se velut ex muco fungos compactos, exscreasse autem et antea parua alba lactea. Apud alios membranacea forma *f*) vel instar ramentorum *g*) comparuerunt. Subinde repraesentantur

*a*) NICHOLLS *l. c.*

*b*) WARREN *l. c.*

*c*) CLARKE in *Phil. Transf. Vol. 19. p. 779.*

*d*) BVSSIERE in *Phil. Transf. Vol. 22. p. 545.*

*e*) *Epidem. l. 7.*

*f*) V. SWIETEN *Comment. in BOERH. Aph. T. 4. p. 31.*

*g*) LIEVTAUD *Syst. prax. med. p. 182.* qui illos ad phthysicos restringit, quod nimium.

tarunt massam carnosam rubentem, non ramosam *h)*, eandemque aliquando insignem. Tum vero maxime admirationem excitarunt, quum ramosae prodirent. Plurium pollicum magnitudinem aliquando aequarunt *i)*. Probabile est minores interdum ideo prodiisse, quod sub tussi pars abrupta fuerit et intra bronchia remanserit.

Quoad colorem eadem diuersitas, ac de polypis vasorum *k)* notum est, locum habet. In quibusdam albus, instar coaguli lactis *l)*, in aliis rubicundus, quin ruber, existit. Pluries vero hi polypi rubicundi apparuerunt, quum sanguine iuncti prodirent, quam absque isto.

In quibusdam solidi reperti *m)*, in aliis caui. Solidus ex plurimis laminis compositus apparuit, facile a se inuicem discerpendis, quarum intimae laxiores fuerunt, media parte mucosam materiem includentes *n)*. Compages mox laxior, vt aquae concussionem extrema fila non ferrent, interdum tenax,

*h)* ESTRUVE in *A. N. C. T. I. Obs.* 196. Huius census videtur esse frustum, vt existimabatur, pulmonis, fauces occludens, longitudinis septem, latitudinis trium pollicum (ita lego), quod medico cuidam mortem peperit, narrante TVLPPIO in *Observ. med.* L. 2. c. 14.

*i)* TVLPPI *Observ.* l. c. cap. 12. 13.

*k)* SENAC *Traité de la Structure du Coeur*, loc. cit. p. 453.

*l)* WARREN l. c.

*m)* DALBY *Journal de Medecine*, T. 11. p. 43.

*n)* CLARKE in *Phil. Transf.* loc. cit. WARREN l. c.

tenax, dura, elastica. Aquae calidae immixtus eiusmodi polypus solui plane non se passus est o). Est quoque in medio cauo verus sanguis inuentus p).

Aetatem nullam immunitatem praestare, facile cognoscitur lecta historia pueri quinquennis q), aliaque hominis annos nati duo de octoginta r).

Proximum est de materia, ex qua haecce concrementa constant, differere. Condonandus GALENO facile error est, ob aetatem qua vixit, partem internae tunicae esse, qua aspera arteria fucingitur. Aegrius vero recenti auctori DALBY s) ignoscas, qui in altero casu a se descripto exfoliationem membranae internae bronchiorum vocat. Fuerunt rursus alii t), qui sanguinea vasa ex ipsa pulmonum substantia reiecta perperam arbitrati sunt; quem errorem facile erat RVYSCHIO u) ad refutandum.

Hisce igitur natalibus ad signenta relatis, nihil superest, quam vt materiam polyporum in ipsa

o) BVSSIERE l. c.

p) DALBY *Journ. de Med.* l. c. p. 372.

q) BVSSIERE l. c.

r) MORGAGNI *de sed. et caus. morb. Epist.* 21. Art. 19.

s) *Journ. de Med.* l. c. p. 370.

t) Ita TVLPIVS *Observ. med.* L. 2. c. 3. p. 116. vbi p. 117. figura. BARTHOL. *Cent.* 3. *Hist.* 98. *Aff. erud.* 1683.

u) RVYSCH *Opp. omn. T. 1. Epist. anat.* 6. qua respondit ad litt. IO. HENR. GRAEZ.



ipsa sanguinis massa quaeramus, quae quoniam ex variae diuersaeque indolis partibus constat, et ipsa horum polyporum natura multipliciter variat, optioni inter varias sanguinis partes locus concessus est, ex quibus progigni potuerint. Eatenus plerique medici in duplici eorundem origine substiterunt, aliis scilicet eos ex muco, aliis ex gelatina sanguinis, quam recentiorum quidam lymphaticam sanguinis partem, vti SENAC, alii lympham coagulabilem  $\alpha$ ), vti HEWSON, dixere, deriuantibus. Quod ad mucosam eorum naturam attinet, varia omnino momenta adfunt, quae eidem fauere visa sunt, sedes nimirum glandulis muciferis instructissima, mucus cauos polypos subinde replens et vna cum scretu polyporum vberius reiectus, mollis quorundam compages, praeuia in quibusdam aegris catarrhalis diathesis. Haecce aliaque si errori ansam dederint: error tamen est ornatus magnorum quorundam virorum nominibus. Ita LISTERVS  $y$ ) polypos bronchiales sibi commonstratos muci glandularum indurati progeniem existimauit. Huius quoque concrementi ROSENSTEINVS  $z$ ) inter plures membranas, quas arbitratur ex muco generari, meminit. Eiusdem sententiae quoad polypos hosce fuit HALLERVS, qui

$\alpha$ ) Quae an alius sit naturae in crassamento, vt vocant, alius in sero sanguinis, vti quidem HEWSON (*Experimental Inquiry in the properties of the blood*, p. 7. de eo adhuc cum HALLERO (*Auctar. ad Elem. Physiol. Lipsf. Fasc. 2. p. 39. sq.*) dubito.

$y$ ) *Phil. Transf. n. 235. p. 779.*

$z$ ) *Om Barns Sjukdomar, p. 456.*

qui errores redarguens aliorum, vera vasa sanguifera esse sibi persuadentium, ex muco conflatos declarat; in opere autem magno physiologico, vbi vberius de iis agit, eadem eos sectione, qua glandulas fistulae spiritalis pertractauit, vbi in eo quidem a dicta explicatione deflectit, quod mucum aliquo, vt videatur, transsudante fero mistum eosdem formare innuat. Quantae tenacitatis mucum capacem ill. vir existimauerit, inde quoque apparet, quod membranas aliquando per anum excretas huic liquido adscripserit. Fateor non difficultatibus suis carere, hanc polyporum aliarumque multiplicis formae concretionum tenacium in corpore humano aliquando obuiorum ex muco originem tueri, et longe procliuius esse, polypos istos ex coagulabili sanguinis parte, siue serum, vt graues varii viri voce iusto generaliori, siue lympham coagulabilem vocare velis, deriuare. Interim et illud dandum arbitror, quod ob miscelam arctam variarum partium, quae intrant sanguinem nostrum, lymphae coagulabili ad formandos hosce polypos subinde mucum varia proportione accedere et vtrumque liquidum vna coadunari, vnde diuersa albedo et tenacitas dependere videtur, ita, vt quo plus mucum infit, eo laxior et albidior compareat. Nec minus ex colore vel rubro vel rubicundo, qui hisce polypis subinde competit, cognoscitur, rubram sanguinis partem sese reliquis interdum vario gradu adsociare. Ex mero muco repetere istos, aduersatur mucum naturam, quae tenacitatem non adsciscit eam, quam hisce et aliis concremen-

crementis non natura sua sed forma vnice discrepantibus, quorum exempla iam sub exordium huius commentationis dedi, inesse constat; mucus praeterea aqua soluitur, polypus autem dictus minime. Statuendum igitur erit, hosce polypos lymphæ coagulabili maximam partem, aliquando lymphæ hacce sola absque alio quodam connubio, conflare, quæ ipsa lento nixu in pulmonum caua aërea transfludet, prout vel eodem in aegro crustas flauas in pulmonum aliquo lobo et polypum ramosum in aspera arteria effecerat a).

Isti polypi materie, loco, figura, conueniunt cum membrana aduentitia illa, quæ in Cynanche stridula s. angina *Croup* dicta oritur, quam ideo non absone anginam membranaceam dixeris, quæ membrana sub larynge orta nonnunquam vsque ad bronchia extenditur, fibrarum omnium expers, et plerumque laxè modo cum membrana altera vera cohaerens. Nec vnquam existimo aliquam huius verae membranae partem siue in angina siue alio morbo reiectam, et veram post hoc dispendium redintegratam, quamuis alii aliter sentiant b). Decursus tamen peculiaris huius anginae, confluxus diuersus causarum, medendi demum discrepans ratio, singulare nomen illi tribui iubent.

Non vulgare autem et spernendum vitium hi polypi constituunt. Ita enim increfcere et replere bron-

a) DE HAEN *Rat. med. P. 2. p. 106.*

b) V. auctores ab HALLERO citati in *Element. Physiol. T. 3. p. 148.*

bronchia polypus potest, vt aëris transitum omnino intercipiat. Quantum obstaculum sanguinis motui eo opponatur, difficultas respirandi et anxietas testantur. Idque de polypis solidis in primis valet. Hinc ille infarctus pulmonum, cuius MORGAGNI *c)* meminit, quo ipso duritie hepatis non absimiles existere. Aliud periculum enascitur, dum polypus, nimis tenaciter membranae asperae arteriae adhaerens, vi auellitur, vnde haemoptysis funesta, vt casus recensiti docent, oritur; et ex hac interdum phthisis. Quorundam tamen mortem ad alia vitia, quibus corpus simul laborauit, referas. Laetior contra ea subinde euentus est. Reiecto nimirum polypo decreuerunt pectoris molestiae, idque post iteratam quamlibet eius reiectionem, prout in meo casu et isto ill. WARREN; in quo proxime dicto singulare fuit, quod aegra, enata ad calcem suppuratione et ossis carie, nullos amplius sciret polypos, quos antea tamen crebro extuderat. Ita et duodecennis puer quauis hieme vehementer tussiens et viscida exspuens, reiecta polyposa materie continuo liber euasit *d)*.

*c)* De sed et caus. morb. Epist. 21. Art. 19.

*d)* V. supra A. N. C. cit.

---

### T A B. I I.

#### *Polypus bronchialis.*

*a.* Truncus.

*b.* Ramorum primariorum vnus cum subdiuisionibus suis, integer.

*c.* Ramus primarius alter, mutilatus.



VII.

DE

P H T H I S I  
P I T V I T O S A.

11

1-2-1-47 1-11-9

020267110

## DE

## PHTHISI PITUITOSA. \*)

## §. I.

**P**hthiseos pulmonalis curatio prout difficillima, nec nisi paucis exemplis locum habet, etsi protrahere vitam, minuere molestias, pacata intervalla impertire, saepius artis est: ita ipsa cognitio mali, sub primis eius initiis, variae eius speciei, diuersae fedis graduumque, haud parum difficultatis parit. Multa quidem circa haec omnia rescimus omnium, tam quae in aegro praecesserunt, quam quae in ipso morbo contingunt, attenta comparatione: fefellisse nos tamen iudicium nostrum haud raro comperimus secto defuncti cadauere. Sic apparet subinde, hominem clandestino vlcere pulmonum fuisse correptum, de quo nulla per vitam suspicio fuit. In alio, quem consumptionem insignem pulmonum perpeffum, copia reiecti per sputa puris denuntiare visa est, neque in hocce viscere nec alio fontem mali detegimus, sed tum modo constat, ex pleno sanguinis riuo pus illud

S 3                      redun-

\*) Scriptio haecce Programmatiss nomine a. 1776. primum prodiit. dein recusa in ill. BALDINGERI *Sylloge selectior. Opusc. argumenti medico-practi. Vol. 5. p. 316.* iam iterum additionibus variis aucta.

redundasse. Sunt rursus alii, in quibus pus per os in vita reiectum, non in pulmonibus vel aspera arteria genitum, verum altius in aliquo imi ventris viscere, hepate, renibus, pancreate, mesenterio, vtero rel. habuisse natales suos, post mortem euincitur.

## §. 2.

Crederes ex hisce prolatis exemplis, me phthi-  
seos naturam ad purulentam vnice labem restrin-  
gere, siue pulmonibus inquilina sit, siue aliorum  
illuc translata. Quod si facerem, propius quidem  
ad veterum sententiam accederem, vtqui, licet in  
definienda phthisi inter sese discrepent, puris prae-  
sentis plerumque rationem habent: a vulgari tamen  
loquendi modo, quem experientia propria et au-  
ctoritas aliorum sagaciorum quorundam, qui studio  
deditaque opera in phthi-  
seos genium inquisuerunt,  
confirmat, deflecterem. Vnde non dubito vel  
eum phthisi pulmonali laborantem dicere, qui,  
absque puris vllibi collecti vel exundantis indiciis,  
sub tussi, respirandi molestia vel grauiori vel le-  
viori, sputisque plerumque frequentioribus ema-  
ciatur. Phthisin hanc a tabe facile distingues, in  
qua ista pectoris incommoda desunt; aegrius ab  
hectica, quamdiu nihil sputorum, qualiscunque  
naturae sint, extunditur. Hecticam non vnus  
originis esse anatome saepius docuit, quippe quae  
obrepisse subinde ex sabulosa materie, cysticis tu-  
moribus, ossiculis in pulmone enatis, aqua intra  
thoracem alicubi collecta, accretione pulmonis ad  
costas



costas, manifestavit. Frequentissime autem scirrhi apparent huius visceris vel tubercula, materia mucosa siue alio colliquamento turgida, quin subinde pus concipientia. Vnde hecticæ successius in phthisin ulcerosam transitus cognoscitur. Verum rarior est phthisis purulenta, quam vulgo existimatur. Multi contra ea pluresque pereunt pituitæ vnice vberiori ad pulmones affluxu, qui, intra reliqua pathognomica phthiseos generatim consideratæ signa, sputis frequentissimis et copiosissimis mucosis cognoscitur. Quod mali genus apte *Phthiseos pituitosæ* vel *mucosæ* nomine videtur insigniendum, et, quoniam sua natura et decursu ab altera differt, diuersam quoque curationem sibi vindicat, pro peculiari specie merito habendum. In hanc strictim carptimque inquirere, quoniam nec in libris, nec in praxi vulgari, satis ab altera distinguitur, hac opportunitate data constitui, inspersis et additis obseruationibus, quas ipse feci.

## §. 3.

Non omni hic praeuia veterum luce destituimur. Meminit enim HIPPOCRATES a) phthiseos a pituita capitis putrescente orientis, quae sensim in pulmonem sese transferat, quam, vbi pulmo suscepit, confestim morbo affici indicat, quum a pituita falsa et putrida mordeatur. GALENVS b) vero duplicem phthisin memorat, alteram, quae

S 4

ex

a) *De intern. affectionib. oper. Ed. FOES. Sect. 5. p. 536.*

b) *Comment. in Lib. 1. Epidemic. Ed. CHART. T. 9 p. 23°*

ex capitis defluxionibus constet, alteram ex ipso pulmone affecto prognatam, nec hanc vnice ex cruentis sputis, sed saepius ex rheumate affecto viscere, ob aliam quamdam ex aliis partibus non ex capite causam. Huc et illud CELSI *c)*: frequens destillatio in corpore tenui longoque tabem timendam esse testatur. Condonandus est sub ista anatomés infantia veteribus error, quo catarrhalem materiam ex cerebro in varias sedes et hanc nominatim, de qua hic sermo est, deriuarunt, quem humorem, deficientibus istis per caluariam viis, e contrario ex glandulis varia ista sede reperiundis prouenire et plus aequo subinde redundare omnibus hodie in confesso est.

#### §. 4.

Recentiorum plerique hocce malum pro primo potius stadio vel causa phthiseos pulmonum vlcerosae, quam singulari morbo, habuere. Ita SENNERTVS *d)* in incipiente phthisi vna cum tussi sputum rotundum diu comparere innuit, cuius materia sensim pedetentimque acredine acquisita pulmones exulceret. Non multo dissimile SYDENHAMI *e)* iudicium est, qui plerumque phthisin inde oriri existimat, quod tussi ex frigore hiemali contracta ingens pituitae crudae copia ad pulmones conuertatur,

*c)* Lib 2. cap. 7. p. 58. Ed. KRAVS.

*d)* Oper. T. 3. p. 306. Ed. Lugdun.

*e)* Oper. univ. p. 637. Ed. Lugd.

tur, indeque continua eorundem agitatione et vehementi nisu per os affatim reiiciatur, subsequa purulenta degeneratione. MORTONO f) autem visum est, sero in pulmonibus a glandulosis eorum partibus perpetuo quasi riuo secreto, hosce ipsos, praesertim vero glandulas, infarciri, tumescere, indurescere, tono plane priuari, demum exulcerari. Eo etiam vergit BENETI g) mens. Estque hoc spasticum a BRENDELIO h) vocatum phthiseos studium, quod inter varia spastica et catarrhalia incommoda vitiaque ventris multiplicis generis, adulto nonnihil morbo erratica febre stipatum decurrit, donec subdole in alterum suppuratorium vel empyicum ab eo dictum trans-eat. Negari quidem nequit, phthisin vlcerosam post prodroma ista mala saepe contingere, et labem istam catarrhalem subinde in vlcerosam degenerare. Id quoque verum est, in phthisi pituitosa, quam dixi, non semper simplicem pulmonum laxitatem peccare, sed simul subesse aliquando tubercula, quin subinde purulenta, arenam, lapillos, cauum thoracis aqua repletum, adhaesiones pulmonis ad pleuram similiaque, item interdum vitia quaedam manifestiora visceris cuiusdam abdominis, vel accumulata in eiusdem cauo lympham, rel. vt cadauere

S 5

secto

f) *Phthisiol. Lib. 2, cap. 1. versus finem in Oper. med. Tom. 1. p. 38.*

g) *Theatr. tabid. p. 100.*

h) *Diff. de tabescentibus ad nares ducenda fluxione, p. 5.*

fecto praecipue cognoscitur *i*). Quoniam tamen multi phthifici, copiosum pituitae scretum perpeffi, moriuntur absque vllis puris generati sub vita indiciiis, nec horum in cadauere vlcus vllum inuentum: eodem iure mihi videor hanc phthisin distingui debere a suppuratoria, ac morbillos ab inflammatione pulmonum vel scarlatinam ab hydrope, licet saepe pleuritis vel peripneumonia morbillis et hydrops scarlatinae superueniant.

### §. 5.

Recte igitur FRACASTORIVS *k*) et eos phthificos vocauit, quorum pulmones pituita redundant; qua ipsa eosdem integros de reliquo nullo vlcere vel alio vitio affectos, praeterquam flacciditate et molli-  
tie, factis dissectionibus interdum obseruauit. Citra exulcerationem quoque locum habere phthisin, quum pulmo tantum, quem mucor pituitosus et semiputris alluat, instar folii longa lentoris mace-  
ratione flaccescat, notat SEVERINVS *l*). Experientia sua nixus MERCVRIALIS *m*) flaccescere interdum pulmonem ad consummatam phthisin sine vlcere et  
haemo-

*i*) Vid. BONNET *Sepulchr. Tom. 1. p. 791.* MORGAGNI *de sed. et caus. morb. Epist. 20. Art. 32. 36 Epist. 36. Art. 4. Epist. 38. Art. 6. Epist. 40. Art. 23.* ZECHIVS in LIEVTAUD *Histor. anatomico-med. p. 441.* ipse LIEVTAUD *l. c. p. 495.* PORTAL *ibid. p. 538.* WILLISII *Pharm. ration. p. 45. Ed. 4.*

*k*) *Oper. P. 1. Lib. 2. cap. 9. p. 169.*

*l*) *De recond. abscess. natura, p. 269.*

*m*) *Consultat. et resp. med. T. 2. n. 43.*



haemoptysi asserit. LEIGH *n*) inter Bristolienſes in plures phthiſicos incidit, ſputum ſubdulce leui conatu reiicientes ſpatio trimēſtri fatiſcentes, et plane eneruatos, in quorum vno (ita interpretor verba: vnicae deſectionis cauſa), eſſi ſanguinem extuſſierat, et pulmo vbique tonum amiſerat, vniuerſa ſpirabilia nec non viſcera omnia naturalia, quoad ſenſum ſana comperta ſunt. Iſtarum incolarum phthiſin prout ſaepe tuberculorum et vlcerum ſodalitio immunem pronunciat: ita idem iudicium de phthiſi Lancaſtrienſium, quorum res praecipue agitur, format, et etiamſi doleat ibidem ſibi non licuiſſe cultrum anatomicum admouere, affirmat tamen ſe plures ſputum craſſum album in dies egerentes ſuccumbere vidiffe absque vlllo febris inflammatoriae ſymptomate, a quo defectu et colligit pulmones non fuiſſe exulceratos. Apprime cum hiſce conveniunt obſeruata HUXHAMI *o*), qui plures quotidie per longum tempus immenſam muci ſalſi, dulcis vel etiam plane inſipidi, copiam per tuſſim reiicere vidit, cui nec foetor inſuit nec purulenti aliquid, glandulis nimirum cum ductibus aſperae arteriae nimium relaxatis. Nec BRENDÉLIUS *p*), cuius mentem de phthiſeos verae ſc. primariae origine ſupra declaravi, diffiteri auſus eſt, pluries in phthiſicorum cadauere nonniſi profuſam quandam per pulmonum

*n*) *Phthiſiol. Lancaſtrens.* MORTON. *Oper. T. 2. Ed. Lugd.* in 4. addit. p. 9.

*o*) *De aëre et morb. epid. in Oper. Ed. REICH. T. I. p.* 197.

*p*) *Diff. cit. p. 5.*

monum substantiam inque interstitiis mediastini extra vasa collecti liquoris proluuiem ichorodem, spumofam, subcruentam, pallidam, aliorumque colorum. Eleganter reprehendit LUDWIGIUS *q)* observatores, qui ex crebra pituitae tenuis pellucidae, subinde purulentam materiam referentis, ex pulmonibus excretionem ad vlcus pulmonum concludunt, quum tamen attentio acrior nonnisi relaxationem eorundem subesse edoceat. Delectat me in libro cl. CHALMERS *r)* eodem anno, quo primo Programma meum prodiit, edito, sed tum temporis a me non viso, auctorem tam in mali huius, quod *catarrhal consumption* vocat, adumbratione, quam praecipuis curationis momentis cum meis placitis tam egregie consentire. Serius cl. DUNCAN *s)* de eo agens *Catarrhi* voce morbum complectitur, quem in febrilem s. acutum et non febrilem s. chronicum, in cuius descriptione nominatim occupatur, distinguit.

Conspirant cum hisce cadauerum sectiones. VALSALVA *t)* fassus est in nemine se integriores pulmones offendisse, quam in Episcopo, cui vitiiati credebantur ob multos humores, quos expectoraverat, a propriis videlicet bronchiorum glandulis secre-

*q)* *Aduersar. medico-pract. Vol. I. p. 586.*

*r)* *Account of the Weather and Diseases of South-Carolina, Vol. 2. inde a p. 121.*

*s)* *Medical Cases, p. 64.*

*t)* Apud MORGAGNI in *Epist. 22. Art. 28.*

secretos. Et cl. MACBRIDE *u)*, qui huius morbi genium probe nouit, comparat pulmones hominum eius vi demortuorum, tam quoad tactum quam aspectum cum pasta molli; adeo scilicet mutatam in hisce fuisse prae laxitate structuram constitit. Egomet in variis casibus mihi obuiis confirmare quidem absentiam illam vlceris anatome nequeo: verum in toto morbi decursu ne minimum quidem eiusdem indicium mihi sese obtulit.

### §. 9.

Miror ideo, quod quidam discrimen vtriusque speciei probe perspicientes, doctrinae tamen vulgaris causa non audeant pituitosam phthisin ab altera distincte vel vero suo nomine in medium proferre. In systemate SAVVAGESII *p)* sub genere Tabis eiusdem non Phthiseos collocatur, aliis vere iudicandum relinquit, quomodo hic affectus a phthisi imminente distingui possit, et an sit ab ea diuersus. Et SWIETENIVS *q)* timidulus plerumque in discedendo a praeceptoris sui BOERHAAVII mente, postquam satis aperte sententiam, quam et ego foveo, declarauerit, ordinate nihilominus doctrinae causa, inquit, forte talis morbus melius ad atrophiam et marasmmum reduci poterit, quam ad phthisin pulmonalem.

### §. 7.

*u) Method. Introduction to the theorie and practice of Physic, p. 398.*

*p) Nosol. meth. T. 3. P. 2. p. 265. Ed. in 8.*

*q) Comment. T. 4. p. 57.*

## §. 7.

Quos hocce malum inuadit, macilenti sunt corporis. Diu, antequam vere obrepat, catarrhis frequenter tentantur, febre subinde stipatis, aliquando autem coryza modo et rauedine vel screatu crebriori molestis, calida aëris temperie in frigidam subito transmutata facile recrudescentibus et dirioribus, saepe etiam sub ipso aestiuo calore gravantibus. Nonnulli peripneumoniam facile contrahunt, copiosis sputis iunctam, sicuti fartorem Göttingensem quater curae meae, dum hac ipsa et quidem circa Paschatis festos dies decumberet, commissum habui, semel ante plures annos, ter hisce proxime sese insequentibus. Et hi quidem lentius priores vires recuperant. Vitia inter haecce gliscunt varia viscerum, digestionis ciborum et chyli praeparationi inferuentium, et spasmi varii, quibus ponderis vel alium ingratum in pectore sensum, per intervalla subinde plane cessantem, tribuo; quae ipsa incommoda manifestius ipso subdolo morbo apparente sese exserunt. Sicque subinde per plures annos vitam terunt absque vlla respirandi difficultate, ut adeo celeri incessui vel scansioni sine incommodo indulgere queant. In quibusdam tussi grauiori primum sicca dein humida exordium malum capit, in aliis catarrhali diriori affectioni vel peripneumonia, quibus etsi arti convenienter sublatis remanet tussis molesta cum sputis frequentibus. Sputa ista immensa copia reiecta, ita ut per noctem plura interdum muccinia conspurcentur, multiuariae et consistentiae et coloris sa-  
sapo-



saporisque. Mucosa quidem sunt, sed initio limpida tanque tenuia, ut saluam fere meram crederes, quam, certe in quibusdam copiosius secerni ex hypochondriacis reliquis symptomatibus colligere pronum est. Sensum tenacior euadit mucus, et, una cum tenuiori isto, pituita globosa, alba, subflaua et progrediente morbo viridescens, vel et interdum cruore remixta, aquae immissa in superficie eiusdem haerens eandemque pallidam vel dilute lacteam reddens, post tussis irritamenta noctu plerumque et mane incidentia screatur. Quibusdam sputa falsa vel dulcia contingunt. Manet inter haec subinde pristina respirandi integritas, nec labefactata, etiamsi, ut plerumque fit, dolores postea sese adfocient thoracem vel ipsos pulmones occupantes, tensui vel lancinantes rheumaticorum in morem fixiores, nonnunquam tamen instabiles magis et fugitiui. Sanguis vena missus tenaci plerumque crusta tegitur, pauco sero et cruore plerumque profunde rubro constans. Manifesta verum iam obtinet corporis emaciatio, non vitio isto pulmonum vnice sed et labefactatis concoctionis viribus, cuius rei indicia prostratio appetitus, sordida lingua, ictericus faciei color, alui tarditas vel obstructio flatusque praebent. Accedit tandem febris primum erratica, horroribus calori crebro interfertis, dein plerumque post pastum recrudescens, tandem vno fere tramite decurrens, post meridiem et vesperam versus exasperata. Quae postquam impetiit, macies celeri gradu increfcit, siti

siti haud parum molesta, lingua pura quin rubicunda, sputis subinde adeo tenacibus, ut suffocationem minentur, oppressione pectoris insigni, deficiente prae virium inopia tussi, respiratione autem ad finem celerrima et strepera. Mors vel succedit suffocatoria, vel languescunt sensim viribus fractaque cordis et pulmonum potentia pereunt.

### §. 8.

Id vero scrupulum mouere quibusdam potest, quod difficilius, quam vulgo creditur, pus a pituita crassiori alba vel subflaua vel viridescente distinguitur. Vnde existimari poterit, sputa ad aspectum pituitosa vere purulenta esse, nec infestare phthisin pituitosam, sed vere suppuratoriam. Pus ex pulmonibus erumpens non potest adpectu esse tam album, pingue, aequabile, instar cremoris lactei spissum, ut quod integris alias humoribus in vulnere suppurante vel abscessu aperto redundat, siquidem sub screatu sese admiscet et salivialis liquor et mucus asperam arteriam et interiora oris nariumque obliniens. Fallax quoque sputorum cum aqua experimentum, quod praelagii potius causa, quam discriminis, commendauit HIPPOCRATES. Si quid enim mucii spumosi adhaeret puri, non sublidit illud aqua, sed supernatat. Soluto rursus mucos per moram in vase, sputum purulentum initio superficiem affectans fundum petit. Non maioris valoris est signum, a foetore sputi in carbonem candentem iniecti petitem, qui de pituitoso non potest

potest non pariter valere. Nec quae cl. DARVIN *x*) ante aliquot annos proposuit criteria puris mucique experimentis cum variis menstruis superstructa satisfaciunt. Donec igitur praestantiora detegantur, tutissimum duco a mucofo sputo purulentum eo distinguere, quod huic non ea tenacitas, quae alteri generi, contingit, sed maior fluiditas, figura non globosa, sed multiplicis ambitus, odor magis minusue foetens; concomitantium denique symptomatum syndrome, saepe et consideratio primae eiusdem originis, lucem accendit.

Aliud malum, a quo adhuc aegrius discernitur, est pulmonum hydrops, quem haud ita pridem curatius, quam antea ab ullo factum est, persequutus est ill. DE HAEN *y*), in quo eadem catarrhosa dispositio, variae pariter pulmonum affectiones consimiles, quin ipsa copiosi muci per sputa reiectio, locum habent. Spumosa tamen eadem describit (*l. c. p. 121.*), dyspnoeam vehementiorem diuque durantem, tumorem oedematofum vel faciei, vel crurum, vel totius corporis, qui tamen perpetuus non est, aliaque, quae discrimen arguunt, ita tamen, ut subinde nonnisi cadaueris sectio videatur veram mali naturam extra dubium omne ponere.

#### Varia

*x*) *Medical and philos. Comment. Vol. 5. p. 330.* Vid. et quae hisce opposuit cl. SALMVTH in *Diss. de diagnosi puris*, Gott. 1783.

*y*) *Rat. med. T. 15. cap. 3. p. 121. sq.*

Varia symptomata existant huic phthisi et asthma humido communia, tussis, respirationis molestia, secretus creber pituitosus: sed longe diutius plerumque ferri potest hoc asthma superstita vita et corporis robore, per paroxysmos ingruere solet noctu praecipue ingrauescentes, sub quibus in respirandi negotio longe plus laboris quam in phthisi pituitosa est, nec cum emaciatione manifesta, cui tandem accedit febris, coniungitur, rel.

Imponere quoque incautis potest in catarrho contingens pituitosorum sputorum vbertas, quae quidem mox per brevius mox per longius tempus perdurat. Si brevioris morae catarrhus est, natura acutis morbis communi et leuitate symptomatum discernitur. Protractior facilem transitum in phthisin pituitosam habet, ut in limite dubii aliquando de nomine haereamus, donec extenuatio corporis magis conspicua fiat.

### §. 9.

Proximum est de modo, quo vis, valetudini, muco nimium ad pulmones conuerso, infertur, dispicere. Multi sunt, qui acrimoniam in eo accusarunt, eamque duplicis generis, scilicet vel conceptam iam antea, quam ille ad pulmones deriuetur, vel stagnando tantum ex mora et calore ibidem generatam. Vergunt ad posterius genus supra 2) ex HIPPOCRATE citata verba. BENNETVS a)

com-

2) §. 3.

a) *Theatr. tabid. p. 100.*



commoratione diuturna pituitam non solum partis, in qua hospitatur, tenorem et compagem dissolvere, sed putredinem exinde acquirendo erôsionis reddi accommodatum instrumentum, innuit. Infarciri, tumescere, tandem tono plane priuari et exulcerari, pulmones existimat MORTONVS *b)*. Et hosce quidem ad subdolum, in vlcus pulmonum transitum respexisse in confesso est. Ex superioribus partibus, narium cauo, faucibus, pharyngè, acris subinde in laryngem pulmonesque descendit materia, vlcere alicubi horum locorum nato, vimque consumendi ipsam pulmonum substantiam habet. Ast latius isti extenderunt exulcerandi istam potentiam idque audacius quam vere, vt supra iam indicatum. Quod vero ad prius memoratum acrimoniae genus siue illam attinet, quae extra pulmones concepta ad eosdem aliquando confluxisse, sicque phthisin hanc generasse, existimatur: negari nequit, hanc quoque subinde complicatam, vt reliquos quoslibet morbos, cum alia quadam labe esse posse vel praegressa aliqua flacciditate pulmonum morbosa illuc interdum acre quoddam, rheumaticae, arthriticae vel venereae naturae, vel ex scabie retrogressa, vlceribus male exsiccatis, haemorrhoidibus vel menstruis suppressis, deferri.

In eo autem phthiseos genere, quod describendum sumsi, non est, vt acrimoniam erodentem arguamus. Consideranda enim primum flacciditas

T 2

ista

*b) Phthisiol. l. c. p. 38.*

ista et mollities pulmonum, quam nimium ex glandulis membranae caui aërei secreta pituita tam propria sua lubricandi et macerandi vi, quam dilatandi lacunosam visceris fabricam potestate, gignit, quae agitatione eiusdem per frequentissimam tussim valde augeatur necesse est. Peruertitur inde insigniter respirationis negotium, sensimque munia reliquorum corporis partium, quarum integritas ab illaesa functione nobilissimi huius visceris pendet, turbantur. Ratio praeterea habenda dispendii probi nutritiique humoris, quo vna cum mucositate sub ista diuturna copiosa excretionis priuatur, quod vere contingere vel ex pallido siue dilute lacteo colore, quem aqua in vase sputa excipiente assumit, et qui chyli misti suspensionem excitat, videtur euinci. Cl. CHALMERS, *c)* ex sapore subdulci colligit, verum chylum mucositate esse admixtum. Sed euidentius eius praesentiam declarat narratio a cl. BRÜCKMANN, medico Embseni, mecum communicata *d)*, de cane valde emaciato, qui, ex vicinia ad aegrum phthisi hacce affectum quotidie accurrens et sputa eius lambendo absumens ad insignem obesitatem peruenit. Idem hic accidit, quod in diarrhoea, diabeteque, vel ut in analogis magis exemplis maneam, sicut in fluore albo vel catarrho vesicae urinae *e)*, quibus diutius infestantibus corpus, prae

*c)* Loc. cit.

*d)* Quam exposui in *Med. pract. Bibl. Vol. 3. p. 319.*

*e)* Vid. GRASHUIS de colica piscionum p. 69. GILBERT in *Journ. de Medec. Chir. etc. Vol. 51. p. 507.*

prae iactura laudabilium succorum, eneruatur tandemque tabescit.

§. 10.

Quaenam sit formanda praedictio, sponte iam apparet. Certe non vereor catarrhalem diuturnam dispositionem tam ex iis, quae in aegris meae curae commiſſis cognoui, quam in aliis, ad quorum valetudinis decurſum eminus reſpexi, ſuſpectam valde pronunciare. Nec multum fido iſti praefidio, quod quidam, (vt WILLISIVS f) et auctor Diſſertationis Göttingenſis g) a defluxione iſta exſpectant, quorum hic, b. VOGELIVS, meritiſſimus alias vir et a me ſemper ſuſpiciendus, catarrhum excretionis locum ſuſtinere vult, quae, quidquid ſuperfluum et inimicum ſit corpori, ad locum imbecillioſum deponatur, perque iſtam ulterius e corpore proſcribatur, et (inferius) ex ſuppreſſa iſta protinus varias aegritudines oboriri, eaſque non in viſcere tantum imbecilli, ſed etiam in aliis partibus. Quorum quaedam ſimilia alio in loco h) expreſſit. Verum ipſe cel. vir, proh dolor, proprio ſuo exemplo, ſiquidem ſenſim ipſe, praegreſſa hac labe per plures annos, vera phthiſi ulcerofa pulmonum conſectus obiit, teſtatum reliquit, quam fallax iſtud beneficium ſit. Ita et fluxiones iſtas ad naſes, quae in tabeſcentibus non-

T 3

nunquam

f) L. c. p. 47.

g) *De catarrho phthiſin mentiente* 1758. p. 15. ſq.

h) *Praeleſt. de cogn. et cur. C. H. affect.* § 310. 313.



nunquam contingunt, et quas veteres nonnullique recentiorum arte adiuuandas praeceperunt, ad vindicias turbatarum iam naturae virium refero, prout post sputa siue pituitosa siue purulenta largius reiecta induciae nonnunquam fiunt, donec noua per moram accumulatio facta ad tussim sollicitauerit, et priorem scenam renouauerit. Sunt tamen, qui sub vitioso isto pituitae ad pulmones comineatu, modo non effraenus sit, per plures annos satis tolerabiliter vitam protrahunt, quin ad senectutem prouectiorem perueniunt, vt casu memorabili cognoui, vel eo, per refrigerium vel aliam causam exasperato, et in morbi speciem seueriorem iam erumpente, lentiori gradu contabescunt. Periculosissimas ex defluxu in capite phthises iam pronunciauit HIPPOCRATES *i*). Et HVXHAMVS *k*) hoc malum haud minus lethale, licet aegros diutius trahens, declarat, quam si vel ipsam saniem expuissent. In aliis decursus vltimae scenae longe breuior, ita vt intra paucarum hebdomadum spatium pereant *l*). Spei locus est, quamdiu febris deficit, nec macies ad insignem gradum peruenit. Febrem praecipitare fatum in latenter tabidis cor quoque effatum confirmat, hosce sola febre ad supurationem peruenire. Quod non de iis modo, quorum pulmones tubercula vel aliud concrementi  
genus

*i*) *Prænot. coac.* 438. FOES. p. 188.

*k*) *L. c.* p. 197.

*l*) V. Hist. prolixius §. II. narrata.

*\*)* *Prænot. coac.* 422. FOES. p. 185.



genus conceperunt, sed et de istis, quos flacciditas modo vitiosa huius visceris male habet, accipiendum. Transiitum huius vitii in phthisin vlcerosam subinde accidere non nego, modo simul confitearis, multos absque secundo hoc morbo vita decedere.

## §. II.

Resoluentia non fert haec phthiseos species, si simplex est, nec tuberculorum sodalitio iuncta, nisi condensata pituita nimis grauet, contra quam Chermes minerale reliquis palmam praeripere expertus sum, quin ipsis aceti vel eiusdem aqua remixti vaporibus, quos admittere naribus detrectant plerumque aegri. Dulcia et oleosa expectorantia nocumento potius quam leuamini esse, vel ipsa morbi natura edocet. Vtut probam suppurationem excitarent reuellentia, quorum corticem Mezerei et vesicatoria tentavi: haec tamen fato arcendo imparia sunt, differendi istud vim forsitan habent. Anodyna neque ad tussim moderandam neque ad somnum nimium turbatum restituendum multum valent. Crederet quispiam iacturam istam laticis nutritii refarciri posse iis alimentis, quae absque insigni coctionis molimine nutriunt. Lac repudiat plerumque debilitatus nimis ventriculi tonus. Frustra grana Sagu cocta et radice Salep gelatinam copiose ingerenda curavi. Praecipuum remedium autem constituit cortex Peruvianus, tempestive antequam pulmonum obstructions oriantur, adhibendus, sed resoluentibus, si opus, praemissis,

item, si signa colluuiei, purgantibus, quae et interpolanda vsui corticis, si nouae fordes colligantur. Emetica blandiora plus saepè hocce fine, quam laxantia, praestant. Excellit cortex tam roborandi sua, quam neruos refocillandi efficacia. Perperam metui, ne obstructions creet, vis eximia in scrophulis testatur. In catarrhali tussi, item in febre tertiana, tussi et sputis stipata, nec non in raucitate post morbillos superstitie, optimo successu isto vsus est WHYTTIVS *m*). Commendat quoque illum MEAD *n*) quibus tenuis in pectus fluxio contingit *o*).

### §. 12.

Egomet virum procerum, per plures menses tussi cum crebris reiectionibus mucosis noctu praecipue molestis laborantem, iamque praeter consuetudinem

*m*) *Works*, p. 636.

*n*) *Monit. et praec. med. Ed.* WINTRINGHAM. *T. 1. p. 55.*

*o*) Miror, quod cl. DVNCAN (*Medical cases l.c.*) in rimanda abdita morborum natura alias tam sagax, roborantium rationem plane non in hoc morbo habeat, sed in excutiendo tantum muco pulmones grauante et deriuandis humoribus ab iisdem per fonticulum et Squillam, cui admisceri iubet Gummi ammoniacum vel Assam foetidam, acquiescat. Non sufficere hancce medendi methodum vel casus iste singularis, quem ipse producit, testatur, quin nocere efficaciora ista resoluentia sine roborantium connubio persuadeor. Egrege autem cum mea medicatione congruit ista ill. STOLL (*Rat. med. P. 2. p. 98.*), saepenumero amaris remediis, Lichene (Island.), Polygala, radice Arnicae et cortice Peruuiano ac diaeta restaurante rel. sanasse se phthisin pituitosam, declarantis.

tiudinem emaciatum, et me ipse simili vitio post protractum catarrhum per plures hebdomades affectum, a metu phthiſeos pituitosae liberaui. Quoniam vero simul debilitas insignis officinae chylopoieticae subest: amarorum connubio opus est, quibus et mitia martialia vtiliter adduntur.

Sic decocto, ex cortice Peruv. et ligno Quassiae parato, et tincturae martis cydoniatae tantillo remixto, in viro, cuius §. 7. memini, lecto iam prae virium infirmitate continuo fere affixo, faciem subicteritiam gerente, tussim et mucosas reiectiones cum emaciatione manifesta abundantissimas compescui, interpositis mitibus laxantibus, quum colluiei sensim noua congeries fieret, subiunctis dein aquis Pyrmontanis initio lacte iunctis postea sine eo; sicque cibi appetitus et vires ex voto restitutae p).

Haud sine animi voluptate grates mihi inopinato a matrona venerabili Suecica, coniuge Consiliarii aulici w — z solutas accepi, quae hoc eodem morbo correpta, frustra reliquis tentatis, medico sibi vſitato eam praecise curationis normam, quam ipse in ſcriptione hac, paullo ante edita, commendo, iniunxerat, eo ſucceſſu, vt eidem vitam suam ſeruata cum marito meritissimo adſcribere non vereatur.

T 5

Adde-

p) Obiit tamen vir iste, a. 1777. hieme, quum sub novum morbi insultum, in quem me nescio inciderat, alius medici, in vicinia habitantis, auxilium implorasset. Quali methodo aegro ab hoc prospectum fuerit, me latet.



Adderem ad confirmanda dicta ex aduersariis plures historias; quoad momenta singula praecipua exaratas, et inter hasce quasdam felicissimi euentus, nisi manibus desideratissimi fratris IOANNIS PHILIPPI MVRRAY, Philosophiae quondam in hac academia Professoris ord., hanc scriptionem potissimum consecrassem, vt qui, morbo descripto succumbens, ad eundem hoc loco persequendum animum primus stimulauit.

### *Historia morbi Eiusdem.*

Dederat fratri b. natura sensile valde et irritabile corpus animumque inde agilem, mollem, ad humanitatis omnis studium et exercitium procliuem. Ea aetate, qua ad spes concipiendas praecipue inclinamus, iuuentute, multa illi hilaritas contigit, corporis habitus obesus magis, quam tenuis. Quod vero postea, quum cresceret curarum et laborum diuersae naturae multitudo, macrum extenuatumque gessit, — ita, vt quum ante 16 hosce annos eum post longam annorum feriem Gottingae reuiferem, animo fere praedicerem, quae postea proh dolor! acciderunt. Egerat tum sensim radices hypochondriacum malum, a quo fere oppressus ad finem superioris tristissimi belli fuisset, nisi tum vlcus foedum in crure erupisset, sanatum feliciter; ita et disparuit, ope acidularum, corticis Peruuiani et exercitii corporis, Cirsocele eodem fere tempore orta. Catarrhis postea valde per plures annos obnoxius exstitit iisque longis,

mox



mox mitioribus mox molestioribus, qui, tussis etsi saepe et difficultatis respirandi expertes, screatum tamen frequentiore coryzamque excitarunt. Subdolam vero tum indolem saepe declararunt sensu pectoris molesto tensionis, nonnunquam adeo punctiois, recrudescente semper et vehementiori, si qua res odiosa animi tranquillitatem turbauerat. Moeroris deiectionisque animi causas expertus est bene multas, quas commemorare huius loci non est, nulla vero fuit grauior iustiorque, quam mors coniugis eius lectissimae, eodem, quo ipse, morbo extinctae. Haecce iactura accedens ad pristina mala adeo mentem eius affecerat, ut morbosam fere postea animi aequalitatem in eo animaduernerem, nullaque esset amplius res, qua valde laetaretur, nec vlla, etiam si antea dolorem aegritudinemque haud mediocrem attulisset, angeretur. Labes hypochondriaca inde vero noua alimenta traxit, digestionisque officinam praecipue vitiauit, et intestinorum saepe absque alia causa molestam laxitatem, succos nutritios viresque consumentem, creauit.

Tandem incidit in vltimum morbum Nouembre mense a. 1775. in finem vergente, postquam refrigerium in publico quodam loco ex fenestra conclauis valde calefacti aperta perpeffus fuerat. Attamen binos dies post negotiis in vrbe et per plures adhuc praelectionibus indulsit. Initium morbi fuit tussis, tum ob subitas aëris calidioris in frigidiorum mutationes in vrbe frequens, crebro in eo rediens, corpus valde concutiens, noctu praeci-

praecipue grauans, primum sicca, cum raucitate aliisque catarrhalibus molestiis, perseuerante adhuc per tempus cibi appetitu, absque vlllo sensu extra tussim in pectore molesto, et absque vlllo virium notabili dispendio. Inter haecce vero nullo modo suspecta signa mox insignis pusillanimitas eum corripuit, ita vt praesagia tristissima futuri euentus formaret et de restitutione, sub insigni ad lacrymas procliuitate omnino desperaret. Sensim colluies in primis viis colligebatur aliusque obstruebatur, et tussis vehementer ingrauescebat, quae non catarrhalis vnice videbatur, sed simul spastica. Quibus tamen commodis purgantibus, et dum tenacior saburra esset, emeticis, tum et antiphlogisticis, expectorantibus, subiunctis versus noctem mitibus anodynis, ita prospectum est, vt mitescere, quin declinare, videretur morbus. Tussis antea sicca, iam humida fiebat, ita vt sine multo molimine tam copiam tenacis pituitae affluente largiter saliuam mistae, quam sputa crassa albida et globosa, extunderet. Quae vero quum absque vlla in respirando difficultate absque doloribus pectoris et sine alio febris signo nimia essent, et tum iam emaciationis notabilis indicia sese efferrent, nimia laxitate laborare pulmones collegi, hincque exactis fere tribus hebdomadibus de tenui corticis Peruviani decocto, oxymelle simplici et extracto Cascariillae remixto, cogitavi, quo parca quantitate in resoluentium interpolatione vteretur. Hisce quamvis medicaminibus post aliquot praebia melius sese haberet, persistentibus sputis: tamen medio fere

Decem-

Decembre de doloribus pectoris conqueri coepit, tenuis potius quam acutis, et sensim sedem mutantibus, cum quadam anxietate per noctem et leuiori spiritus angustia, omnis tamen febris expertibus. Qui quum externis, vt camphora et deinsale cornu cerui oleo excepto et inuncto, nollent cedere, venaesectio in brachio facta, ad quam et praegressum leue sanguinis per nares stillicidium suasit; qua administrata, sanguis apparuit crusta lardosa tectus et dolor sensim post aliquot dies, continuatis externis, conticuit. Noctu solito copiosius sudauit. Non remisit autem tussis seueritas, sed inter nouam sordium accumulationem, et quicquid ad illam sopiendam, hasce euerrendas praeciperetur, perstitit sub frequentissima et copiosissima sputorum descriptorum reiectione, quae subinde viridescencia exstiterunt, et in vitro aqua repleto superficiei inhaeserunt, aqua tamen lactea simul facta; macie corporis in dies crescente et concoctionis praesidiis mirifice languescuntibus. Cuius torporis causam hepatis partim fuisse tribuendam, color faciei valde icteritius vno praecipue die manifeste arguit. Hinc purgatis primis viis ad corticis Peruvian. decoctum, sed saturatius iterum rediit, et vt concoctionis viribus subueniretur, elixir viscerale ante prandium ingessit, interposita mixtura ex sale ammoniaco. Simul, vt reuulsio a pectore fieret, vesicatorium brachio sinistro, quoniam in hoc latus dolor inclinauit, impositum, quod pus copiosum et bonae naturae mouit. Et vt iactura succi nutritii, copiosissimis sputis consumti,



fumti, refarciretur, gelatinam radicis Salep miscela  
 robis Ribesiorum rubr. et aquae florum Naphae  
 gratiorem, ferculaque varia sine magno ventriculi  
 molimine nutrientia, vt iuscula granorum Sagu &c.  
 ingerenda dedi. Febris in quartam fere hebdoma-  
 dem vsque adfuerunt indicia plane nulla, nec mo-  
 lestum illi fuit, cuicunque vellet lateri, incumbere.  
 Eiusdem vero tum aduentum indixit mane color  
 vnguium coeruleus, quem excepit post meridiem  
 horror mitis calore stipatus. Haec inter respirandi  
 difficultates recrudit proximis diebus p. m. mox  
 diuturniori mox breuiori mora, et versus finem  
 vitae etiam ante meridiem incerto tempore, eaque  
 initio interuallis liberis crebris interrupta, tandem  
 vno fere tenore pergens nullis remediis compe-  
 scenda. Post huius accessum manifestius velocius-  
 que longe emaciationis incrementum contigit, et  
 d. 3. Ianuarii a. 1776. tanta infestauit oppressio  
 pectoris tantaque muci reiecti tenacitas, vt suffoca-  
 tionis metus instaret, quem vapores aquae aceto  
 mixtae naribus attracti et Chermes minerale ea  
 vice ex voto dispulerunt. Variis inter haecce mo-  
 liminibus natura fatifcentibus iam viribus succurrere  
 annitebatur. Noctu nimirum inter 4. et 5. Ianua-  
 rii diem sputa solita cruore tincta prodire, osque  
 interne aphthis obsessum. Ambigua licet inde au-  
 guria formarem, illum ex rupta forsitan vomica  
 deriuans, vel tanquam haemoptyseos grauioris fu-  
 turae prodromum signum reputans, hasce vniuer-  
 sali humorum corruptelae, vi febris auctae, ad-  
 scribens: ipse aeger tamen laetabatur liberiori re-  
 spira-



spiratione, tussi parciore, pacatiore animo, febris absentia, et spem concipiens id arti tribuit, quod iustius vltimis naturae nixibus adiudicandum. Mirum inde per binos dies omnium molestiarum levamen. Ast breues modo fuerunt induciae. Nec protrahere haece haemorrhoidalis fluxus molimina valuerunt, cuius indicia tulit tubus clysmatis vesperti d. 6. eiusd. m. cruentatus; nam vaporibus aquae calidae substratae ali detrectavit. Disparuerunt sensim aphthae, quarum cura linctu mucilaginoso et detergente et gargarismate habita, repululantes d. 10. parca copia nec sine levamine febris reliquorumque symptomatum. Per hunc diem versus et post meridiem in soporem procliuis, interruptus tamen subinde tussi sputisque crassis istis et globosis sub febre modica. Postero die s. 11. mane iam facies hippocratica eum deformauerat, respiratio velox, aperto ore et naribus dilatatis peracta et strepera. Quae crebra antea fuerat tussis et exspuitio, iam prae virium imbecillitate rarissime incidit, irrita iam resoluentissimi Chermis mineralis, vaporum dictorum nares alluentium, vti et vesicatoriorum furis impositorum ope. Subinde deliria obrepserunt, quae plerumque ad obiecta per vitam ingrata ferebantur; inter quae tamen rediit per intervalla mentis serenitas, quam optimus frater, qui, quum tota vita Christi assecclam tum vltimo morbo declarauerat, quo sermonibus sacris virorum summe venerab. D. LESS et Superintendentis LVTHER recreatum valdopere se sensit, stupenda memoriae integritate precibus votisque pro cognatis

tis liberisque suis impendit. Ita praegressa aerum-  
nosa maxime prae oppressione pectoris calorisque  
atrocia nocte d. 12. m. Ianuarii versus horam mat.  
7. exactis circiter 50 annis, quorum 28 fere Göt-  
tingensi academiae consecrauerat, in beatioram  
vitam discessit. Amicitiae et benevolentiae moni-  
menta illi elogiis struxerunt ill. HEYNE (*Elogium in  
confessu R. Societatis scient. d. 20. Ianuarii 1776.*)  
ill. KAESTNER (*Erinnerung in einer Versamml. der  
Deutschen Gesellschaft d. 27. Ianuar.*) et summe ve-  
nerab. BÜSCHING (*in wöchentl. hist. Nachr. 1776.  
n. 6. et 21.*).

---

VIII.

DE

T E M P O R E

CORTICEM

P E R V V I A N V M

IN

T V S S I C O N V V L S I V A

EXHIBENDI.

J. E. W. & C. W. W.

GOLDTIEG

B. F. B. A. J. J. B. W.

3621 DIXON ST.

CHICAGO



DE TEMPORE

## CORTICEM PERUVIANVM

IN

TVSSI CONVVLSTIVA

EXHIBENDI. \*)

## §. I.

**N**oua remedia contra difficiles et incurabiles antea visos morbos detegere publicique iuris facere, nobilissima fane res est, nec indigna multis exemplis habita, quae publicis praeconiis praemiisque condecoraretur. Non minoris vero, me iudice, meriti est, medicamina iam satis cognita ad alios, in quibus nondum tentata fuerant, pertinaces morbos transferre, vel eadem, temporis curatori aestimatione, praeparatione corporis scita, ordine in usu commodo, vel apta cum aliis miscela, vtiliora reddere. Cur enim minus honorificum fructuosumque esset censendum, Aluminis in febribus intermittentibus vel colica pictonum tollendis efficaciam, Belladonnae in ictero ab obstructione hepatis nato, Cantharidum in diabete, Sabinae insperfae in verrucis venereis, experimentis demonstrare! quam Aconiti in rheumatismis chro-

V 2

nicis

\*) Programma, editum a. 1776.

nicis, vel Gummi Kino in alui profluuiis inucteratis, vel feminum Ajauae in colica flatulenta virtutem ex tenebris protrahere multisque laudibus efferre: quum totius artis nostrae scopus nonnisi curatione morborum contineatur. Hinc inter inventa maximi ponderis detecta corticis Peruuiani in tussi conuulsiua praestantia merito reponenda: donec ipsius fomitis, a quo oritur, per specifica mox sub initium mali destruendi ars, quae hucusque nos latet, nobis innotuerit.

## §. 2.

Cuinam auctori vel tempori inuentionis huius honos tribuendus, difficilius eruitur, quam epocha, qua cortex primus in mali moris variolis, ictero, scrophulis, gangraena, aliisque, quibus serius oppositus, casibus in subsidium tractus. Mirum, quod WERLHOFFVS *a)*, corticis virium veracissimus iudex, in censura remediorum, quae contra hoc malum opportuna existimantur, corticis ne vocula quidem mentionem fecerit; nec alibi *b)* morbos multiplices, contra quos valeat, in catalago quasi lustrans hancce tussim interseruerit. HVXHAMVS *c)* vero iam in obseruationibus a. 1732. de aëre et morbis epidemiis tanquam eximium maxime in hoc morbo remedium illum proposuit. Paucis verbis

BREN-

*a)* *Commerc. Noric. a. 1733. p. 172.*

*b)* *Observ. de febr. sect. 2. §. 5. sq.*

*c)* *Oper. phys. med. Ed. REICH. T. I, p. 99. sq.*

BRENDELIVS *d*) a. 1747. declarauit vsum eiusdem, Gottingae comprobatum. Duosque annos post experientissimus Stockholmienſis practicus celeb. STRANDBERG *e*) in actis Academiae R. ſcient. Suecicae, vbi de medendi huic tuſſi methodo generatim ſolidiſſime agit, pretii eiusdem praeclari teſtis exſtitit. Quod ipſum ſerius Anglici praecipue medici bene multi, quorum iudicium in praxi medica ſummae auctoritatis, confirmarunt.

### §. 3.

Periodica huius tuſſis acceſſio et ſpaſtica natura ad eiusdem vsum inuitare facile potuit, corticemque tanquam medelam malo, ſubigendo in ipſo ſuo decurſu, aptam commendare. Verum alii vnice ad roborandi eius vim reſpexiſſe videntur, qua et praefenti virium per tuſſis pertinaciam inductae iacturae ſuccurreretur, et multa mala ex hac ipſa metuenda auerterentur. Quidquid horum ſit: auctores, qui eiusdem praefantiam in hoc morbo agnouerunt, non ſatis accurate definiuiſſe mihi videntur, quonam morbi ſtadio eiusdem initium fiat, quam diu in illius vſu pergendum, quam ſubinde miſcela vel interpoſitione opus habeat. Tentabo iam, an quibusdam horum defectuum ſubuenire propria experientia queam.

### V 3

### §. 4.

*d*) Progr. de tuſſi conuulſiua, p. 6.

*e*) Kgl. Vet. Acad. Handl. 1749. p. 251. ſq.

## §. 4.

In eo omnes, qui proluxius rem memorant, conueniunt, corticem non nisi praeuia praeparatione corporis in hac tussi esse praecipendum, quorsum resoluentia, euacuantia, et inter haecce vomitoria praecipue, porro purgantia, et febre vel plethora urgente, venae sectio et temperantia pertinent. Cel. STRANDBERG differendam tam diu corticis administrationem duxit, donec praemissis hisce tantopere mitigetur tussis ferocia, vt paroxysmus absque vomitu solito conticescat. Tempestiuum vsum requirit WHYTTIVS f), antequam obstructions in pulmonibus gignantur, et fultus virtute eius eximia in resoluendis glandularum tumoribus, a vitio obturandi vascula liberum pronunciat. Verum licet in connubio pectoralium instar roborantis et stomachici, et ad praeuertendum sequelis funestis, vt scrophulis, rachitidi vel phthisi, proficuum maxime iudicet BISSETVS g): negat tamen eam supprimi eodem, febris intermittens in modum, vel abbreviari tussis decursum posse, quin, eo sub incrementum vel vigorem dato, pituitam viscidiorum paroxysmosque vehementiores reddi affirmat. Serius administrat illum Eques A ROSENSTEIN h), viribus iam manifestius detritis;

vt

f) *Observations on nervous Dis.* in EIVSD. *Works*, p. 636.

g) *Med. Essays et Observ.* p. 181. sq.

h) *Underrättelse om Barns Sjukdomar*, p. 284.



vt igitur pateat, restitutioni virium b. virum praecipue corticem destinasse. Simili fini et ad coërendam febrem ex tussi natam hecticam conducere significat MILLAR *i*). Nec nisi roborandi vim Chinchinae in hoc malo concedere videtur THOMSON *k*), dum eandem cortici, quam eadem paragrapho amarisi, laudem in hac tussi tribuit. Sed quantum equidem perspicio, attenuari nimium corticis laus videtur, si roborandi eius efficacia vnice consideratur. Nec specificam potestatem ideo illi derogare poteris, quod aliorum vel praemissorum vel concomitantium adiumento indigeat, vel non mox sub initium morbum supprimat. Eodem iure hoc meritum ei in sanandis febribus intermittentibus denegabis, quippe quae ipsae cortice profligandae eandem subsidiariam opem plerumque sibi vindicant.

### §. 5.

Quae a. MDCCLXXII. in hac vrbe epidemice grassabatur tussis conuulsiva, ansam mihi dedit inuestigandi exactius, quo primum tempore ad usum corticis confugiendum, et quam diu in eodem pergendum esset. Istaque data occasione et ego in eo confirmatus sum, emeticorum vel purgantium, quae tamen lentius vim exserunt, cum cortice Pe-

V 4

ruuia-

*i)* On the asthma and hooping-cough, p. 136.

*k)* Med. Consultations on various Diseases, p. 56.

ruuiano connubium, reliquis contra hoc malum commendatis remediis antecellere multis numeris. Non fuffecit mihi Julapium e Moscho ab Anglis tantopere laudatum; nec miscela ex spiritu salis dulci et syrupo Coralliorum <sup>1)</sup>, quae spiritus aetherei FROBENII ab aliis laudati vires aemulatur; nec a. cl. MILLAR tantopere deprædicata Assa foetida: sed emeticis etsi præmissis, aequè pertinax, vt antea, tussis permansit. Tenacitas vero mucī subinde adfuit tanta, vt ne solitus quidem vomitus tussim terminans insequeretur, et in fila digitis ex faucibus trahi sese pateretur. Hinc saepe nec ampliori emetici dosi excutere pituitam stabulantem valui, et quae in maioribus infantibus commodam emesin exseruit, in tenello irrita fuit. Resoluentibus igitur antiphlogisticis præmissis oportuit attenuare pituitam nervosque magis denu-  
dare. Cui fini accommodatissima fuit mixtura ex aqua Pulegii (quam fateor ob laudatum ab Anglis Pulegii succum me præscripsisse), Oxymelle scillitico, liquore terrae foliatae tartari, et syrupo quodam pectorali. Hacce per diem vnum vel alterum partitis dosibus, idque per bihoria, ingesta, spes affulsit effectus ab emetico futuri, quem excitaui oxymelle scillitico aqua diluto, sed aliquot Ipecacuanhae granis reînixto, non stimuli  
vnice

1) Si diario, *Hannöuersches Magazin* a. 1768. n. 80. fidentum, sacra anchora b. WERLHOFII in hac tussi fuisset: sed alia nos docet cel. WICHMANNVS in editione sua operum summi viri (*Praef.* p. 15.)

vnice causa, sed et ob vim huius antispasmodicam. Et hoc quidem vel quotidie vel alternis diebus, prout res requirere videbatur, ante meridiem iteratum. Nec restrinxi vsum ad initium curationis modo, sed redii ad eum noua pituitosa colluuie post transitum ad alia magis specifica sese effe-  
rente. Sicque paroxyfmi et mitiores et breuiores euaserunt noctesque pacatiores, quibus alternis plerumque paroxyfmi incidit.

### §. 6.

Vehementia autem tussis licet hisce remediis fracta: subinde tamen prius ad corticem confugere opus fuit, quam paroxyfmi absque vomitu spontaneo desineret. Cunctationem enim et praesens virium dispendium, et metus, ne diuturnitate irregularis euaderet tussis et pertinacior, et mala alia pedissequa contraheret, dissuasit. Vtne tamen quid temere agerem, initio decoctum corticis liquore terrae foliatae tartari permixtum, dein istud solum, vel si tussis nimis effraena esset, tantillo Castorei, ad modum cl. MORRIS *m*), mixtum propinaui. Inde tandem siluit vomitus spontaneus, cessauit tussis, viresque rediere. Procliue vero valde corpus ad recidivas fuit. Quae vt prohiberentur consultissimum fuit, per longius tempus, etiamsi tussis plane consopita, continuare corticis vsum.

### V 5

### §. 7.

*m) Med. Observations and Inquiries, Vol. 3. p. 284.*

## §. 7.

Et hoc quidem argumentum vt denuo persequer, incitauit inualefcens iterum apud nos ancipitis huius mali epidemia, quae confilia priſtina in memoriam reuocat, et occaſionem ingratam pretium eorum explorandi praebet.



IX.

DE

REDINTEGRATIONE

PARTIVM

COCHLEIS LIMACIBVSQVE

PRAECISARVM.

24

25

THE NEW YORK PUBLIC LIBRARY

ASTOR LENOX TILDEN FOUNDATION

500 FIFTH AVENUE, NEW YORK, N. Y.

1897



DE

## REDINTEGRATIONE

## PARTIVM

## COCHLEIS LIMACIBVSQVE

PRAECISARVM. \*)

## §. 1.

**M**ira est naturae in reparanda iactura partium durarum pariter ac mollium corporis animalis potentia. Vulnera etiam si profunda confervere cicatricesque induere, cutem gangraena consumtam alio vitali commeatu refarciri, ossa fracta callo sensim coadunari, mutilata accessorio quodam fine suppleri *a)*, luxata articulo recens enato suffulciri *b)*, carie destructa post separationem corruptae partis novis ossium laminis protrusis redintegrari, observationes partim non infrequentes docent. Eadem, quae haec perpetrat naturae vis reparatrix, dentes deciduos restaurat aliis, pilos delapsos reparat, epidermidem in tenues squamas vel pulverem detritam nobis insciis renasci finit.

## §. 2.

\*) Programma, a. 1776. conscriptum.

*a)* MORAND in *Hist. de l'ac. de sc. de Paris 1770. p. 50.*

*b)* *L. c. p. 54.*

## §. 2.

Hae similesque immunitates hominibus pariter ac brutis communes sunt. Aliis vero natura brutis nonnullis vñice prospexit, exemplo reparationis cornuum quotannis de cœruo cadentium et plumarum in auibus. Quin in horum quaedam videtur restituendi deperdita dono vſa fuiſſe longe liberalius. Ex amphibiorum vermium inſectorumque claſſibus ſunt, quibus hancce praecipue prerogatiuam erogauit, videturque in viliffima quoque animantium aequa, quod multis momentis denegauit illis perfectionis, hacce tributa, quae quidem ad iniurias, quibus prae aliis animalibus iſta obnoxia ſunt, eludendas et ad familiae propagationem aptiſſima eſt, reſarcire voluiſſe. Etenim conſtitit, quaedam animantia, in particulas diſſecta vel alia ratione nexu ſuo ſoluta, ita reparari, vt quaelibet pars nouum animal illudque priori omnibus notis ſimile conſtituat; in aliis autem vno vel altero membro ablato huius loco aliud priſtina forma ſuccreſcere. Multa ſunt circa hanc rem inſtituta experimenta, vtinam ita ab omnibus, vt fidem mereant eam, quam cl. TREMBLEY c), aquae dulcis polypos ſcrutatus. Quin dolendum, variorum animalium, cum quibus facta, ne ſpeciem quidem rite eſſe definitam.

## §. 3.

c) *Memoires pour ſervir à l'hiſtoire d'un genre de Polypes d'eau douce.*



## §. 3.

Quis crederet, nisi cuilibet suo visui conuinci suppeteret, vermēs quidam si in numerosa frustra disiungantur, horum quodlibet, siue sectio transversim siue secundum longitudinem fiat, contracta sponte plaga vitam seorsim continuare, et sensim protrusis ex vulnere moleculis restitui ablatam partem; quodlibet demum post aliquot dies vel menses in animalculum eiusdem, ac sub pristina integritate, formae increfcere, cibi avidum, effoeta excernens, sexui propagando aptum; item, quodsi duae partes disiunctae sibimet inuicem admoveantur, hasce in integrum vermem coadunari. Plurima huius generis, quin dictis, si placet, mirabiliora spectacula Hydrae praecipue siue Polypi TREMBLEYO aliisque postea exhibuerunt, quae sigillatim exponere huius loci non est. Sed similia phaenomena in Nereidis LINN. variis speciebus, nominatim lacustri L., obuenerunt REAUMVRIO *d*), TREMBLEYO *e*), BONNETO *f*), RÖSELIO *g*), SCHAEFFERO *h*) et, qui lacustris structuram et redintegrationem omnium accuratissime scrutatus est cel.

OTTONI

*d*) *Memoires sur les Insectes*, T. 6. *Pref.* p. 59.

*e*) Mille Pie à dard; in *libro cit.* p. 220.

*f*) Anguille blanchatre; in EIVSD. *Insectologie* T. 2. *Obs.* 21. Nais barbata MÜLL.

*g*) Wassertschlänglein. V. *Insectenbelust.* T. 3. p. 483.

*h*) *Vom Wasseraal*; in libello *von den grünen Armpolypen*, p. 87. Forsitan Nais barbata MÜLL.

OTTONI FR. MÜLLERO *i*). BONNETVS *k*) eadem descripsit de Lumbrici quibusdam speciebus minoris staturae, nempe Lumbr. variegato et tubifice MÜLL. &c. Quae vero ab hisce non diuersa de Lumbrico terrestri REAUMVRIVS *l*) retulerat, confirmauit postea idem BONNETVS *m*); verum ita, vt ad iteratam rei inquisitionem alios incitaret, cui inuitationi SPALLANZANI *n*) morem gessit, desideria tamen amplioris descriptionis post se relinquens. In Gordiis eundem multiplicationis modum locum habere ipsi in Smolandia rustici norunt *o*), et ill. A LINNÉ *p*) expertus de ea loquitur. Par occurrit narratio, attamen nonnihil ambigua, de specie quadam hirudinis minori *q*). In Fasciola ciliata

MÜLLERI

*i*) *Gezüngelte Naide. V. Würmer d. süß. u. saltz. Wassers* p. 17. sq. Nais proboscoidea; in EIVSD. *Hist. verm. terrestr. et fluuiat. Vol. I. p. 2. p. 21.*

*k*) *Insectol. T. 2. Obs. 1. Cf. Obs. 30. sq. et MÜLL. Hist. verm. p. 26. 27.*

*l*) *Loc. cit. p. 64. sq.*

*m*) *Insectol. T. 2. p. 212. et vltcrius in Consideration sur les corps organisés, T. 2. p. 2. sq.*

*n*) *Phys. u. mathem. Abhandl. p. 5. sq.*

*o*) LINN. *Amoen. acad. Vol. 2. p. 405. Cfr. EIVSD. Oländska och Gothländska resa, p. 281.*

*p*) *Amoen. ac. T. 2. p. 56.*

*q*) LORD in *Phil. Transf. n. 470. p. 522. Videtur esse eadem, quam REAUMVR (Hist. des Insectes, T. 6. Pref. p. 58.) Sangsue - limace vocat, vulgaribus maioribus hirudinibus reparationis praerogatiuam tamen deneigans, licet partes diuisae per plures dies viuere perrexerint.*

MÜLLERI qq) pariter propagatio partitione transuersali successit. Taceo Taeniarum; Vorticellarum aliarumque affinitum vermium; exempla:

#### §. 4:

Ast si haec phaenomena stuporem iniciant; vix certe minori admiratione digna sunt alia; quibus partes auulsae, abscissae vel alio modo casu vel studio separatae, renascuntur, etiam si pluries idque in renata parte facto experimento. Res notissima est in cancris, quorum chelam non modo; sed et crus disiunctum reparari conspicitur r); artificio tanto maiori, quum haecce membra ossibus, musculis; vasis; nervis; membranis; ligamentis manifeste conflentur, et novos adeo articulos generari oporteat. Idem contingit in pedibus eorum; item antennis et instrumentis, quibus pabulum capiunt; quum contra ea abscissa cauda paucos post dies moriantur. Ipso vero illos tegmine suo externo osseo quotannis exui; vt serpentes sua cute; alioque restaurari; inter omnes constat. Huc et spectat mirabilis inuolucris insectorum sub metamorphosi depositio. Oniscis aquaticis, si pedibus mutilantur, eadem praerogatiua adscribitur s). Nec non pedibus Phalangii Opilionis L. Araneae holo-

qq) *Hist. verm. Vol. I. P. 2. p. 55.*

r) Modum et ordinem reparationis describunt REAUMUR in *Mem. de l'ac. R. d. sc. a. 1712. p. 226.* sq. et BONNET in *Considerations sur les corps organisés T. 2. p. 22.*

s) LINN: *Amoen. acad. T. 2. p. 58.*

holosericeae L. Libellulae Virginis L. \*) ita tamen, ut noui pedes minores compareant. Ita radios suos abscissos recuperant Asteriae t), item articulos suos Sepiae, quod iam PLINIO u) notum fuit. Quae de Medusarum renascentibus membris binis verbis pronunciauit LINNEVS, cum hisce apte conueniunt experimenta cum Actiniarum variae speciei membris, multiplici numero et directione iteratis vicibus abscissis, eaque haud ita pridem a cl. DICQVEMARE capta x). Amphibiorum variorum par ratio est. Serpentum et Lacertarum caudas amputatas renasci antiquitas pariter iam nouit, ut apud ARISTOTELEM \*\*) et PLINIVM \*\*\*) legere est. Sunt tamen, qui renatam partem nunquam pristinam integritatem recuperare, sed semper monstrosi et mutilati aliquid prae se ferre, sustinent. Certe aliquando euenit, ut speciem serpentum explorare volentibus discre-

pans

\*) V. GÖTZE in *Naturforscher*, Stück 11. p. 221. qui de Perla quadam, genere Phryganaeis affini, idem declarat: attamen suspendere adhuc fidem quaedam me iubent.

t) REAUMVR *Hist. de insect.* l. c. p. 61. sq. quae eadem inserta *Phil. Transf.* n. 467. p. 15.

u) *Hist. nat. Lib. 9. cap. 29.* p. 421. Ed. DALECH. Conf. quoque LINN. l. c.

x) *Phil. Transf. Vol. 63.* p. 361. sq. et serius in l. c. Vol. 65. p. 207. sq. Praecedunt haecce ista, suasore REAUMVRIO (*Hist. des inf.* l. c. p. 61.) a cl. GVETTARDO et GERARDO DE VILLARS instituta cum molluscis a cl. REAUMVRIO in *Mem. de l'ac. d. sc.* 1710. p. 478. sq. Tab. 10. memoratis.

\*\*) *Hist. animal. Lib. 3. cap. 17.*

\*\*\*) *Hist. nat. Lib. 11. cap. 50.* p. 554. ed. cit.



pans scutorum vel squamarum numerus, ob mutilationem facile imponat *y*). Quod ad redintegrationem caudae apud Lacertas attinet, eandem inter recentiores in Lacerta agili L. MÜLLERVS *z*) observavit; in Lac. aquatica L. (hanc enim intellexisse arbitror) autem praecisam non solum caudam verum pedes resectos, pluribus licet articulis et numerosis ossibus content, imo et maxillas perfecte redintegrari vidit SPALLANZANI *a*). Quae ipsa tentamina in pedibus iuniorum ranarum et bufonum eodem ille euentu subiit *b*).

### §. 5.

Numerum animalium, quorum ablata membra recrescere observatum, augent Limaces et Cochleae. Quae restauratio inde ab anno 1768. multum rumoris excitavit, postquam cl. SPALLANZANI in singulari libro *c*), qui praecipua capita continet alius maioris ab eo promissi, experimenta sua iisdem capta exponeret, et dein in praefatione versionis Italicae libri Bonnetiani *Contemplation de la nature* cautiones quasdam adderet. Vt accederetur ad ista, affinitas cum aliis animalibus, de quibus ista reproductio partium iam innotuerat, facile inuitare potuit.

X 2

*y*) LINN. *Syst. nat.* T. 2. p. 348.

*z*) *Hist. verm.* Vol. 2. Praef. p. 33.

*a*) *Loc. cit.* p. 46. 54. 64.

*b*) *L. c.* p. 20. 65.

*c*) *Prodromo di un opera ad impressersi sopra le riproduzione animale*, 1768.

potuit. Si de tentaculis folis fermo est: non potest ille iure rei inuentor haberi. Etenim ill. A LINNÉ *d*) iam viginti annos antea "cochleas resumere tentacula post resectionem" edixit. Vltterius vero Italus naturae scrutator processit, hanc reproductionem ad caput ipsum extendens. Qui post eius vero in vulgus prodita tentamina dicuntur anticipasse eius inuentum cl. ZIEGENBALG *e*), Profess. Mathes. Havniensis, et cl. WATEL *f*), item ven. SCHAEFFERVS *g*) non nisi post praecisum caput diu vixisse cognoverunt, prout et LISTERVS *h*) observavit in Limacibus viscere cinereo cum corde euulso per quatri-duum vitam fuisse superstitem, et testudines terrestres capite priuatas libere et valide ad sex vsque menses ambulasse. Quam vtramque rem inter sese comparatam mirum in modum differre, quilibet facile fatebitur, etsi vel sola vita Limacum et Cochlearum praeciso capite superstes, ob iacturam tot partium, inter mirabilia naturae, referenda. Cognitis cel. SPALLANZANI experimentis multi alii ad similia allekti sunt, quorum haud pauci euentum qualemcunque typis euulgarunt.

§. 6.

*d*) *Diff. de Taenia recuf.* in *Amoen. ac. T. 2. p. 58.*

*e*) *Mercurie Danois 1754. Fevrier.*

*f*) *Gazette salulaire 1768. n. 36.*

*g*) *Versuche mit Schnecken, 2 Aufl. 1770. p. 8.*

*h*) *Exercit. anat. de cochleis, p. 150.*

## §. 6.

Inter eos, quorum inuestigatio mihi innotuit, nominandi sunt cll. SCHÄFFER i), Suecus quidam ROOS tum Parisiis degens k), LAVOISIER l), WATEL m), COTTE n), VOLTAIRE o), SCHRÖTER p), BOMARE q), GIANETTI r), OTTO FRID. MÜLLER rr), ab hocce citatus D'ARGENVILLE s), ADANSON ss), BONNET \*). Silentio praetereo varios auctores anonymos, qui inter noua politica rem nunciantes

X 3

quae-

i) *Erst. u. fernere Versuche mit Schnecken nebst einem Nachtrage mit Kupf. 2 Aufl.*

k) Breuis narratio in *Mercur de France* 1768. Dec. p. 200.

l) *Journ. de scav.* 1770. Juin. p. 358. Conf. et litteraria annexa a. 1768. in *Frankf. Zeit.* n. 184. *Reichspost.* n. 188. *Hamb. Corresp.* n. 160.

m) *Gaz. salut.* 1768. n. 36.

n) *Journ. d. scav.* l. c. p. 357. sq. Continuatio eiusdem experimentorum existat in ROZIER *Observations sur la physique etc.* T. 3. p. 370. sq.

o) *Les colimaçons du reverend Pere Escalopier Capucin du Clermont,* 1768.

p) *Vers. e. system. Abhandl. über d. Erdconchylien,* Berl. 1771.

q) *Journ. d. scav.* l. c. p. 359. Conf. et SCHRÖTER l. c. p. 50.

r) *Lettere scritta al Sign MANETTI in Giornale d'Italia spettante alla scienza naturale* 1773. Tom. 9. p. 312. 317.

rr) *Hist. verm.* Vol. 2. Praef. p. 30.

s) *Zoomorph.* p. 79. Mihi non visus liber.

ss) Vid. litt. EIVS ad BONNETVM in ROZIER *Journ. de Phys.* 1777. T. 10. p. 173.

\*) *Palingenese philosophique,* T. 1. p. 334.

quaedam de suis siue experimentis siue cogitatis addiderunt, aliosque, qui nomen reticuerunt. BONNETVS, licet nonnisi nono anno post primum capta experimenta ad propria accederet \*\*), tempestiue tamen recensendo Spallanziana. iisdem summum plausum tribuit. Equidem pariter fidem narrationum explorandi cupidus a. 1768. in rem propriis ausis inquisiui. Quinam fuerit eorum successus mox exponam, postquam collatis inter sese aliorum obseruationibus potissima earum momenta enucleauero.

## §. 7.

Aptissimi experimentis visi sunt Limaces quidam et Cochleae nonnullae indigenae, quarum genus in vniuersum ab isto vnice distinctum anfractibus spiraliibus animalis, testae calcareae contiguus nec nisi per musculos quosdam columellae inferius annexis, in quos scuti loco dorsum producit. Atque horum animalium vel tentacula vel caput vel vtraque pars vel carnosus et in planitiem compressus pes, item stria longitudinalis dorsi, cultro vel forfice praecisa. Pleraque experimenta cum prioribus duabus partibus facta, quorum successus tanto mira-

\*\*) V. EIVSD. *Experiences sur la regeneration de la tête du Limaçon terrestre* in ROZIER *Journ. de Physique* 1777. T. 10. p. 165. sq. cum Tab. 1. vbi et refert rem successisse LAVRAE BASSI et cl. SENEBIER. Recusa est haec commentatio in BONNETI *Oeuvres d'Histoire naturelle et de Philosophie* T. 5. p. 246. sqq. nomine *Memoire I.* et addita alia, s. *Memoire 2.* p. 267. sqq. cum Tab. 4. fig. 15-21.



mirabilior ob compositionem vsunque earum est. Elegit SPALLANZANI inter Limaces eum maiorem, qui Italis dicitur Lumacone ignudo, in quo tentacula quidem renata aequae certe ac in cochleis, sed capitis regeneratio difficultatibus maioribus obnoxia fuit; SCHÄFFERVS autem illam speciem, quam cel. MÜLLERVS t) Limacem reticulatum vocat, qui fusco clypeo punctis abdomine lineolis nigris distinguitur. Huius etsi varia exempla, sine dubio sectionis vitio, mortua, aliis tamen alterutra dictarum partium ablatarum lente renata u). Quidam auctorum speciem Limacis non satis definiunt. — Plerique autem in cochleis substituerunt, quarum e numero fuerunt maiores istae edules in hortis obviae (Helix Pomatia L.); vti et varietates plures Helicis nemoralis. Quin postea in qualibuscunque Cochleis ditionis Modenensis et Regiensis rem tentauit cl. SPALLANZANI, nec infelicitur. Complures ille habuit assertorum suorum asseclas cllos. nimirum LAVOISIER, ROOS, SCHÄFFER, VOLTAIRE, MÜLLER, GIANETTI, BONNET &c. Nec hi modo vitam continuare, abscisso capite, sed in integrum postea illud restitutum, obseruarunt. Quod non ita tamen accipias, ac si semper idem rei successus fuerit. Contra ea subinde quaedam exempla perierunt; alia superstita etsi vita nunquam recuperarunt caput; in aliis capitis redintegratio prior fuit ista tentaculorum, conuersa rursus in aliis ratione, vel

X 4

t) Loc. cit. Vol. 2. p. 10.

u) L. c. 1-7. Versf.

rudimenta labiorum primo sese exseruerunt; subinde tentacula singula simul ad perfectionem pervenerunt; in aliis vero indiuiduis ne post duos annos quidem completa omnium partium capitis reparatio facta, vel capite nimirum imperfecto et deformi existente, vel deficiente vno siue altero tentaculo aut eodem iusto vel breuiori vel ampliori. Forma autem globuli vel verrucae primum particula recens comparuisse dicitur, sensim magis magisque euoluta. Ast tanto minus dubitari potest, vere regeneratum aliquando fuisse caput, quum et praeter cicatricem transversalem nullum plagae vestigium remanserit, deuorare potuerit proiecta animal et anatome sollertiori omne deperditum restitutum fuisse constiterit. Nullam licet diuersitatem inter pristinum caput illudque denuo succrescens subinde notauerit cl. SPALLANZANI, et tentacula quoque noua prioribus tam forma quam longitudine et puncto atro medio congruisse obseruauerit: tamen cl. LAVOISIER recens caput pellicula pellucida et glabritie differre, tentacula insuper breuiora esse pristinis indicat. Eodem obseruatore non ante tres menses caput repullulauit. MÜLLERVS illud post decem modo mensium moram in quadam Helice reparatum vidit, deficientibus tamen adhucdum quibusdam partibus.

Iucundum est, successum horum experimentorum per calculum definire, quem et recentius cl. SPALLANZANI \*) iniuit, ob numerum cochlearum reli-

\*) *Memorie di Matematica e Fisica della Societa Italiana, Tom. 1. n. 15.*

reliquis omnibus computationibus grauiorem, scilicet ex 423 cochleis, quibus totum caput praecisum, 32 ne post annum quidem redintegrationis eius vlla signa dederunt; 93 illud integrum recuperarunt; in 145 aliquantum deforme exstitit; reliquis omnino pereuntibus.

### §. 8.

Sunt tamen et alii, qui harum partium redintegrationem in dubium vocarunt ipsi experimentis suffulti. CL. WATEL vltra dimidium annum seruauit cochleas mutilatas viuas, sed ne tentacula quidem, multo minus caput, rediuiua obseruauit. Eandem querelam mouet CORTE, etiamsi per annum adeo vita fruerentur paucissimae illae inter tot occisas, existimans imposuisse obseruatori subitam retractionem capitis sub tentamine, ita vt rescuisse se putauerit, quod incolume manserit. Quibus transuersim caput praecisum, haec periisse significat. Assentitur BOMARE x), 52 adeo plaga necatas narrans, nouem vero viuentes nonnisi particulam cutis et labii superioris prae acie cultri nimis obtusa amisisse. Sic et SCHRÖTER etsi testis est superstitis vitae duarum post abscissum caput, negat eiusdem vel tentaculorum reparationem; imo nec caudam regeneratam asserit. Maxime vero ab affirmantium parte recedit ARGENVILLE ex centenis 25 modo in diem posterum vixisse referens. Ad-

X 5

versa-

x) Mirum vero, virum cl. in *Dictionnaire d'hist. nat.* Ed. 2. T. 6. p. 343. affirmare redintegrationem, non negare.



versatur quoque SPALLANZANI experimentis clar. ADANSON, citans 14 ad 1500 cochleas et limaces experimento ab eo subiectos. In hisce negat capite, maxillis vel tentaculis pone radicem suam praecisis iacturam partium vere restauratam; sed vbi id factum videretur, vel tegmen capitis (le bonnet ou la calotte) vnice fuisse ablatam vel particulam tentaculorum vel maxillarum remansisse sustinet. Ad quae vero aliaque dubia respondit BONNETVS \*), encheiresin simul adhibitam redarguens.

### §. 9.

Quaenam causae fuerint euentus in singularibus casibus tam contrarii, vt non solum non repulularint ablatae partes, verum ipsae cochleae abscisso capite paullo post interierint, difficile eruitur. Non vltra certum limitem, h. e. non vltra locum radici tentaculorum posteriorum proximum, salua vita praecidi posse traditum est y). Fac vero cultum iusto obtusorem, vulnus conquassatum potius quam sectum efficientem, et ferratorio motu viscera ipsa euellcantem, adhibitum esse, non miraberis, si res aliter eueniat. Vulneratus quoque limax vel cochlea si varie laceffatur, prout in hacce praeprimis, mox post sectionem sese intra testam reconcidente et vix sine stimulo prodeunte, prae sciendi effectum cupidine fieri solet, non potest non moli-

minibus

\*) *Oeuvres d'Histoire naturelle et de Philosophie, Tom. 5. p. 267. sq.*

y) Praefatio SPALLANZANI praefixa versioni Italicae libri BONNETI *Contemplation etc.*



minibus adhibitis damnum iis conscisci \*). Ver porro aestatemque reproductioni partium fauere obseruatum. Nec dubium est effectum quoque variare pro aetate diuersa; quod et suadet redintegratio celerior caudae laruarum ranularum iuniorum, quam adultiorum z). Potuit insuper aliquando animal mortuum videri, quod etiamnum vixit, vel redintegratio partium forsitan adhuc futura fuisset, si modo per longius tempus euentui experimentorum rimando indultum esset.

## §. 10.

Si quis dixerit, horum aliquid subinde peccasse in meis experimentis, et in causa fuisse, vt pleraque minus fauste cesserint, per me licebit. Sufficit, me, quantum potui, errores cauisse, nec in vniuersum experimenta male cecisse. Duplici vero de fine et ego illa institui, tum vt explorarem, an vermium dictis generibus pars abscissa recresceret, tum, nisi hoc fieret, an, resecto adeo capite, vitam continuarent. Posterius certissime affirmare licet: quoad prius, medium quasi inter negantes et affirmantes prodire experimenta me iubent. Hisce operam nauans varia alia in despectis  
hisce

\*) Ad euitandum igitur hocce, dum vulneris natura inuestiganda est, praestat ad consilium ill. BONNETI (ROZIER *Journ. l. c. p. 167.*) immergere cochleam aquae, quo facto mox ex testa sua prodit. In cochleis, quibus consuetum est, operculo aperturam claudere, hoc diffringi prius oportet.

z) SPALLANZ. *phys. u. mathem. Abhandl. p. 20.*

hisce animalibus praeter scopum praefixum observavi, quorum commemoratio non ingrata omnino, ut spero, erit. Id in antecessum monere convenit, me capitis voce hic uti eodem, quo vulgus, quo multi eruditi utuntur, significatu, licet non diffitear illustrem virum *a)*, qui etiamnum hisce verbis caput denegat, plus prodere negando ingenii et scientiae, quam reliqui omnes, qui affirmando cum plebe consentimus. De ipsis experimentis vero confectaria potius quam singulorum recensum hic sistere scribendi occasio iubet.

### §. II.

Ex *Limacum* genere selegi *Limacem agrestem* L., idque varietatem MÜLLERI  $\beta$  *b)* albidum atomis nigris sparsum; praetereaue *Limacem cinctum* MÜLL., h. e. flauescentem clypeo abdomineque cingulo cinereo, quem ipsum LINNEVS sine dubio tacite prioris varietate habet. D. 15. Septembris p. m. in quatuor Limacibus agrestibus; et vno Limace cincto m., praeuia pluvia in horto collectis, caput ad anticum clypei marginem qua potui celeritate praecidi; qua ipsa itaque sectione vna cum tentaculis anterior oblonga pars, limacis caput et colum complectens cum pedis particula adnata, amputata. In quibusdam capitibus abscissis motus mox periit, in aliis ex attactu cultri acuti conuulsiones

*a)* Expressit sine dubio in hisce praeceptoris sui, LINNEI, mentem carissimus frater ADOLPHVS MURRAY in *Diss. Fundamenta Testaceologiae*, p. 6.

*b)* *Hist. verm.* Vol. 2. p. 9.

siones tentaculorum contigerunt, sed vix per minutum temporis primum perdurantes. Corpus reliquum tam ex plaga quam superficie multum mucī lactei edens initio nihil de vita perdidisse videbatur. Quidam enim vermes initio vegeto reptatu, contractione post attactum motu rugosae superficiei et ampliacione foraminis lateralis, vitae superstitis documenta dedere. Quorundam plaga aequalis apparuit, in aliis substantiae interioris notabilis particula protuberavit. In vno canalis albus cum duobus tuberculis nigris prominuit. Die sequente quidam elongati conspecti, de quorum quidem vita non certe constitit, alii in figuram oui coarctati ex contactu adhuc magis sese contraxerunt. Die 3. duobus modo s. agrestibus iisque reliquis maioribus vita superfuit (mortuo et eo, in quo canalem album mox post sectionem protuberasse indicaui), quorum vnus pristina adhuc alacritate in vitro reptauit. Quod et idem limax d. 4. fecit, quo solus superstes inuentus, valde in plaga sensilis, ex qua ad dimidiam lineam vsque canalis quidam media parte procefferat. D. 22. Sept. primum eum mortuum vidi. Per 7 igitur circiter dies absque capite viuus permanferat.

Colligitur ex dictis, Limaces abscisso capite etiamsi basi tentaculorum longe posterius, quam commodum esse supra indicatum, viuere posse satis diu et alacriter. Canalis aliquot dies post, in vno limacis exemplo protuberans, mihi facile imponere potuisti



potuiffet, me renafcentis capitis ftamina confpexiffe, nifi eundem in alio limace mox poft refectionem capitis animaduertiffem, prout idem error oboriri poteft ex retractione cutis externae. Canalis dictus viscus cibus recipiendis aptum fine dubio fuit, bina vero tubercula, quae praeter hunc iam primo die in quodam vidi, reſecti iſti ductus, quos ſaliales SWAMMERDAMIUS in anatome Helicis Pomatiae vocat. Vitae limacum ſigna ſaepe dubia ſunt. Si, contracti antea in oualem formam, iam elongati alicubi adhaerent, mortem vel adefſe, vel non procul abefſe comperi. In torpidis motus rugosae cutis per oris halitus reſuſcitatus ſaepe vitae praefentiam arguit. Putredo vel exſiccatio mortem ſubito excipiunt.

## §. 12.

Tranſeo ad experimenta cum *Cochleis*. Duo- bus exemplis *Helicis Pomatiae* ſ. maioris illius edulis in hortis obuiae, per aliquot dies antea Braſſicae et Lactucae foliis probe ſaginatiſ, die 20. Septembris pone baſin tentaculorum poſteriorum caput vna cum pedis ſubiecta parte praecidi. Capitis ablati motus ilico periit in vtraque. Corpus ipſum vero mox, ſub copia exundantis muci intra teſtam ſeſe abdedit, ita tamen vt in vna, de qua hic praecipue fermo erit, vulnerata pars promineret, vnde tanto certior euafi, nihil eorum, quae auferri volui, remanſiſſe. Ex ambabus latex aquoſus deſtillauerat in vitrum, parcius ex illa, quae ſpectaculum iam ſignificandum dedit. Per 8 dies non  
atti-



attigeram illam, ne vim coalescenti vulnere inferrem, nec extra testam eam conspexeram, etsi pluries sedem me absente mutauerat, quibus factis tamen membrana mucosa annulari aperturam ad marginem clauferat. Morae tandem pertaesus d. 28. Sept. calami scriptorii stimulo eam foras prodire coëgi. Quo ipso praeter opinionem protrusit particulam teretem apice rotundatam, formae eiusdem colorisque ac tentaculum, lineae longitudinis, quae vero medio propius quam alterutri lateri, quo alias sedes tentaculorum esse solet, inserta conspiciebatur. Locus sectionis valde tenui membranula tectus albidusque et valde sensibilis existit. Hinc eo attactu iterum sese subripuit intra testam. D. 11. Octobr. stimulo iterum animal prouocans nihil praeter tentaculum renascens obseruaui, iam dextrorsum emergens, vt tentaculorum anteriorum vnum esse appareret, basi solito crassius et breuius instar digiti chirothecae sese euoluens, apice quidem rotundatum, sed absque puncto solito nigro medio, quod vtrum oculus sit nec ne, nondum fatis euictum. Ad 27. Nouembris vsque, versus quod tempus subinde Lactucae folia illi supposui non tamen deuorata, pluries domicilium eiusdem mutatum vidi, tum vero diffracta triplici membrana mucosa, qua aditum ad interiora interseperat, iterum prodiit animal emaciatum, et iam praeter breue istud descriptum tentaculum duobus tuberculis nigricantibus notatum versus candelam praecipue probe conspiciendis. Periisse postea probabile, nam diu post in eam iterum inquirens tam  
pro-

profunde sese abdiderat, vt attingi nequiret. —  
 Altera Hel. Pomatia die 7. post encheiresin interiit.

Decem praeterea *Helicis nemoralis* specimina  
 d. 14: Octobris experimentis subieci, eaque vel  
 rufa vel flaua, ex quarum vtraque tribu quaedam  
 concoloria, alia fasciis diuersi numeri picta, quas  
 omnes varietates ill. A LINNÉ; LISTÉRO praecunte;  
 vno nomine complexus est, cel. MÜLLER autem  
 curatius dispescuit. Verum quoque ab hoc pro-  
 nunciatum vidi, iunioribus cochleis deesse margi-  
 nem testae labiatum, sed hunc eodem, quo reliqua  
 testa, plano terminari. Insignis vero illi inest pel-  
 luciditas, et ea teneritas, vt facillime frangatur;  
 quod ipsum opinionem alit, incrementum testae  
 appositione calcarearum particularum hoc praecipue  
 loco facta contingere. Quod idem eo certius fit  
 anfractuum numero minori in tenella aetate. Aper-  
 tura enim testae dextrorsum et deorsum retenta mox  
 duos, mox tres, mox quatuor anfractus sinistror-  
 sum numeravi, cum qua diuersitate et magnitudo  
 conuenit. In adulta testa nimirum quinque an-  
 fractus sunt. Labrum igitur finem incremento im-  
 ponit et fimbriam quasi constituit, cauentem, ne  
 opus calcareum deteratur. Obseruari quoque in  
 tenellis et iunioribus umbilicum testae perforatum  
 adesse, adolescente aetate coalescentem. — Prae-  
 gressa omnium, quae adultae fuere, saginatione per  
 folia Lactucae, quibusdam speciei dictae cochleis  
 hisque adultis integrum caput cum vtroque pari ten-  
 taculorum cultro praecidi, aliis partem modo an-  
 teriorem

teriolem cum tentaculis duobus, aliis dimidium caput cum affixis tentaculis, aliis rursus forfice amputauit tentacula modo vel duo vel singula quatuor. In tentaculis seorsim separatis mox motus periit, quae vero vna cum capite ablata, in horum vno ad 6, quin in alio ad 15 minuta pr. fere temporis sensilitas et mouendi potestas perseuerauit. Ipsum vero animal detruncatione tentaculorum vix aliquid damni traxisse videbatur, vtpote in reptatu pariter ac rosione per aliquot dies post vegetum. Vna ex hisce, testa flaua fasciis duabus fuscis coalescentibus, cui posteriora duo tentacula vnice resecta, non solum sequentibus diebus folia Lactucae auide consumserat, sed ipsam chartam, super vitrum expansam strepitu isti muris non absimili binis in locis et diuersis temporibus ita perforauerat, vt fugam minaretur c). Frustrula chartae detrita autem ita contorta conspiciebantur, vt fere crederem fuisse deglutita. Post sex fere hebdomades quum irritata foras prodiret, ecce comparuit tentaculum sinistrum insignius quam antea, et dextrum pariter incremen-

- c) Rodendi Helicum nemoralium potestatis aliud quotannis ingratius documentum in horto botanico experior, dum numeros et characteres bacillis stirpium inscriptos, siue id rubrica fabrili siue colore oleo commixto factum fuerit, delent, ita vt si rubrica adhibita fuerit, subinde bis vel ter per aestatem renouandi ductus taediosissimam necessitatem imponant.



mentum ceperat: sed extimus finis prius dicti non rotundatus fuit, nec punctum nigrum consuetum sese mihi obtulit. Reliquae autem, quibus vel totum caput, vel dimidium abscissum fuerat, mox decollatione facta summa velocitate sese intra domicilium suum abdiderunt, copiam mucī spumosi emittentes, post aliquam moram tamen prodeuntes, ut in plagam inquirere possem, quam apud quasdam canali medio protuberante instructam vidi. Postquam vero dein iterum sese occultauerant: vel vna vel duplici quin nonnunquam triplici membrana aditum clauferunt, et nonnunquam tam profunde retrocessisse repertae, ut vix conspici possent, ut igitur in hisce vel excrementorum deiectione vel styli flexilis immissi per mucum albidum coloratio sola vitae residuae indicia essent. Nam stimulo quouis non potui ulterius eas prouocare. Prae taedio testam vnus, cui totum caput praecideram, hebdomades sex postea frangens antrorsum duo oblonga antice latiora corpuscula vidi instar rudimenti tentaculorum, sed insensilia. DiffRACTio testae vim illi attulerat. Nec ultra sex hebdomades observationes in cochleis hisce in vniuersum continuare vacauit, casu iisdem ex vitris suis eiectionis. Per hoc tempus octo harum vixisse extra dubium.

## §. 13.

Sic igitur vitae diu post detruncationem capitis in limacibus et cochleis superstitis numerosa exempla



exempla addenda habui, vnum post encheiresin hanc indubium in cochlea renascentium tentaculorum, etsi imperfectorum; aliud in alia rudimentorum modo eorundem ptopullulantium; iterum aliud tentaculorum vnice abscissorum eorundemque postea recrescentium. Reparari itaque partes ablatas horum animalculorum inde colligo, sed non omni ea perfectione, quam ante habuerunt; saltem longius tempus requireretur (de quo autem ego met iudicare nequeo), antequam pristina forma redeat.

## §. 14.

Qui LISTERI *d)* et praecipue SWAMMERDAMII *e)* sectiones horum anatomicas scrutetur, vel ipse, etiam si rudius, easdem peragat, mirabitur structurae partium artificium et multitudinem tot diuersarum intra tam arctum spatium collectarum; indeque quandam erga historias de mutilatione partium earundemque regenerationem diffidentiam concipiet. In eo vero labi mihi videntur isti viri acutissimi, eorumque affeculae, quod partium a se conspectarum nomina, et, quod adhuc maioris momenti est, functiones secundum analogiam cum aliis partibus perfectiorum animalium determinauerint. Quum

Y 2

multa

*d)* Exercitatio anat. de cochleis.

*e)* Biblia naturae p. 97. sq. Tab. 4. 5. 6.

multa tam diuerſa phaenomena in imperfectioribus hiſce contingant, quae organiſmum longe alium minimarum partium praefupponunt: cur non maiorum quoque multas legibus aliis regi, functionesque longe alias exercere, et inferiores longe forſitan iis, quas ſimilibus quodammodo partibus in perfectioribus aſſignamus, probabile eſſet? An igitur viſcere cum cerebro analogo vna cum prominente anteriori limacini animalculi parte, quam caput vocamus, praecifo, vita tamen poſt tantam plagam per tam longum temporis ſpatium ſuperſtite, cerebrum verum nos praecidiſſe dicendi ſumus? Vix probabile, quum cerebrum in aliis animantibus omnium maxime neceſſarium ſit. Cerebrum cochleis adſcribit mobile SWAMMERDAMIUS *f*) eoque gradu, vt profunde in corpus retrahi poſſit; an igitur illud, cultro baſi tentaculorum admoto, forſan ſeſe ſubducit, vt illaeſum remaneat? Quicquid ſit portentum vitae reſiduae valde minuitur.

## §. 15.

Vnde vero redintegratio ipſius partis in hiſce animalibus praecifae? In re tam abſtruſa difficile eſt hypotheſium ſcopulos euitare. Polyporum, reliquorumque vermium nexu ſuo ſolutorum, vt et partium in exemplis ſupra (§. 4.) recensitis detruncatarum, reparationem commodum eſt viſum

per

*f) L. c. p. 103. ſq.*

per gemmarum abditarum euolutionem, simili vt in stirpibus fit lege, explicare. Quibus haec sententia placet, adfuisse dicunt in animalculis limacinis iam ante refectionem partem nouam succrescentem, nec nisi post remotum obstaculum euolutam. An tota reparatio productioni vnice telae cellulosae adscribenda, prout videmus, insignes cutis iacturas ea refarciri, et aduentitias varias membranas generari, nexusque partium praeter naturam fieri? Fauere videtur huic opinioni mucosa s. gelatinosa animalis natura, quae et forsan in causa est, quod cochleae tam diu, quin vltra annum absque nutrimento, siue caput adsit, siue desit, viuant, quae immunitas pariter in alia multa mucosae naturae animalia praecipue ex vermium classe et amphibiorum cadit g). Mucum istum naturalem credibile est, hisce ad famem tolerandam idem praestare, quod Gummi arabicum ceteruae numerosae per deserta Abyssinae peregrinantium, deficiente alio nutrimento h). Telae cellulosae productione dispendium partium horum animalium refarciri facilius creditur, dum nouae succrescentes partes magis vel minus deformes apparent, prout similis in cute recens subnata deformitas conspicitur. Aegrius vero concipitur, quomodo

Y 3

g) Vide inediae horum protractae memorabilia aliquot a GRONOVIO (*Comment. in PLINII Hist. nat. Librum 9. p. 38.*) consignata exempla.

h) HASSELQVIST'S *Resa*, p. 533.

modo partes forma et functione tam dissimiles, prout praeter tentacula, os, labia cum dente pectinato, lingua, cerebrum, vasa, nervi, huius solius ope ita redintegrarentur, ut, quod innuit SPALLANZANI, pristinis perfectione nullo modo nec subtiliori anatomico scrutinio subiectae cedant.

---



X.

OBSERVATIONVM

ET

ANIMADVERSIONVM

SVPER

VARIOLARVM  
INSITIONE

SATVRA.

8

ORSELY TIONYM

AMAND/ERON/MI

THE

VARLOEYAN

IN 8110NE

1877

## OBSERVATIONVM

ET

## ANIMADVERSIONVM

SVPER

## VARIOLARVM INSITIONE

SATVRA. \*)

## SECTIO PRIMA.

## §. I.

**D**erisa iam dudum superstitiosa mulieris istius Theffalicae, cui ceteroquin insitionis variolarum ars insignia debet, in huius exercitio industria est, comprecationibus protractis, incisionibus in formam crucis factis, selectu pro hisce eorum membrorum, quibus seruatori clauis transfixi fuerant, candelarum certo numero in aris accenso, aliisque ritibus, credulae plebis mentem pascentibus, comprehensa. Serius longe deridere, vel, quod magis decet ingenuum virum in re graui et seria, vituperiis digna, improbare, vitare, emendare didicimus male sedulas medicorum plerorumque in insitionis administratione ambages, licet su-

Y 5

persti-

\*) Tribus Programmatibus, a. 1779. exaratis, argumentum hocce complexus sum.

perfititione qualibet, vi, quam intulerunt vitae salutique humanae, nocentiores. Non multi numerantur anni, quod praeparatio corporis per specifica sic dicta explosa fuerit, quibus quidam ita indulserunt, vt maculas siue exanthemata, quae vi medicamenti emerferant, insitione emerfisse arbitrati, euentu subinde funesto homines nouae infectionis periculo subiicerent, Alii peccarunt in nimio diaetae rigore vel ante insitium morbum vel sub eodem praescripto, quum tamen praestet, in pristina vitae norma, si per se vitio careat, persistere, et, si quid in hacce mutandum sit, hoc pro diuersitate naturae cuiuslibet fiat necesse sit. Nec carceris amplius damnamus infantes per plurium hebdomadam spatium, intra conclaue ab hominum commercio quolibet eos arcendo, sed liberam frigidamque auram illis concedimus, confabulationem, lusus idoneos, imo imperamus, modo eo stadio, quo insitionis effectus adhuc in ambiguo est, accessus suspectorum interdicatur, et dein infectio eorum vitetur, qui variolis nondum laborarunt. Nec pellentibus intempestiuis insitione affectis beneficium artis eripimus, quod paullo ante illis erogauimus; sed raro, praeter aërem, qualem indicaui, aliis auxiliis, quam copioso acidulo potu et leui alui subductione, nisi sponte vel per ciborum delectum aperiatur, in eorum leuamen indigemus. Instrumenta artificiosa, SCHOV TENIANVM, HOSTYANVM, GATTIANVM, alia, eodem fere sacro horrore iam contemplamur, quo loricas ferreas, scuta, sclopeta grandaeuae aetatis, in armamentariis bellicis



licis raritatis causa seruata, simplicitati litantes et persuasi, etiamsi haecce instrumenta ad metum apud infantes arcendum aliquid facerent, non magni momenti esse apud istos commotionem animi fortio-rem, certe equidem persuadeor. Non auxiliatrice manu chirurgi amplius opus est in plagis inferendis vel deligandis, nisi vulnera ad finem molestias facebant, mechanicam opem requirentes, quippe quum insitionis ars non plagis istis inferendis (dextrorsum enim, sinistrorsum, an ad perpendiculum vergant, non refert) et per hasce virus variolosum immittendis, sed naturae iusto moderamine contineatur. Quicquid theoria olim de usu longiorum profundiorumque vulnerum asseueraret, vnde largum et dolorosum sanguinis profluuium, inflammatio dira cum sequelis saepe funestissimis: iam acquiescimus in puncturis vel incisionibus minutissimis apice lanceolae factis, vix cruentis, per quas, si fieri possit, fluidum pus variolosum insinuamus, omittentes carptum linteum, vnguentum, emplastrum, splenium, fasciam (nisi haec videatur, frictionis vitandae causa, commoda), omnemque alium apparatus, quo aucupari gloriolam apud credulos haud pauci tentarunt, alio veriori merito denudati. Filis pro insitione tum modo iam utimur, quando pus liquidum non suppetit, quum contra ea vulgaris antea praxis in filorum pure varioloso infectorum per vulnus applicatione consisteret.

## §. 2.

Et in hacce aurea simplicitate iam ingenuus quilibet sagaxque medicus variolas inferendo subsistit, idque tanto iustius, quoniam euentus felicitas plurimam inde partem dependet. Nec poenituit me, eundem hucusque me Gottingae prefuisse tramitem, quum insitionem administrarem, quae faustissime mihi cessit, etiam quum epidemice a. 1777. variolae grassarentur. Igitur non ad me saltim spectant mortes, quae anno dicto in hac vrbe ex insitione contigisse publice narrantur *a)*, quarum rumor et multos vrbis nostrae incolas postea deterruit ab insitionis beneficio vel quaerendo vel accipiendo, vt, quantum equidem noui, inde ab hoc tempore nemo medicorum *\**) ad idem heic impertiendum vocatus fuerit, praeter me, qui anno subsequente filium meritissimi Professoris PEPIN illius participem reddidi, cuius insitionis historiam, quoniam momenta quaedam non vulgaria complectitur, infra exponam. Inspergam vero et subiungam alias eo ordine, quem argumentorum quorundam grauiorum, in quae sub ipso rei exercitio incidi, de insitionis arte consideratio dictat. Quae ipsa si aduersa magis quam fauens huic artificio quibusdam

*a)* V. ill. SCHLÖZERI *Briefwechsel Th. 2. Heft II. p. 274. sq.* et cl. KLAERICH *Pensum in Hannöv. Magaz. 1778. n. 14.*

*\*)* Post illud vero, quo Programma hoc comparuit, tempus, iterum aliquot infantibus ab aliis medicis variolae in hac vrbe et vicinia insitae fuerunt, et optimo quidem successu.

busdam videatur, sciant, me, qui ipse liberos meos mihi carissimos insitioni feliciter submisi, id modo eadem pro scopo habere, vt quosdam attentiores et cautiores in eiusdem exercitio reddam, alios excitem, vt in defectibus quibusdam adhuc residuis suppleendis neruos intendant.

## §. 3.

Quae in recentissima inferendi variolas methodo perpetua sint, plurimumque ad vitam seruandam faustumque decursum consequendum et mala pedissequa arcenda conferant, perpendens, duo modo offendo, puris scilicet fluidi per vulnusculum immissionem, et frigidi aëris liberum com meatum; vt ideo RHASIS siue SYDENHAMI frigidum variolosorum regimen cum Graecae mulieris placita puris fluidi administratione coniunctum totius artis neruum constituere videatur. Iniunxit insuper b. WAGLERVS *b)* tanquam rem necessariam, et, vt equidem arbitror, optimo iure, potum diluentem, refrigerantem, copiose sub ipso morbo insitio bibendum. Linquimus itaque SVTTONIANA arcana; nec DIMSDALII miscelam antimonialis cum mercuriali medicina et vsum purgantis ante encheiresin et post eam factam tanti aestimamus, quin omitti saepissime posse agnoscamus.

## §. 4.

Quum L. B. A DIMSDALE fluxo puri praerogatiuam haud mediocrem tribuat, miror valde, quod  
non

*b)* In cl. GATTI *Betrachtung üb. d. Verfahren bey der Inocul. d. Blatt. übersf. p. 145. 148.*



non excusserit euidentius, quamnam nominatim ab illo expectet. Non exigua sane haec est, quod fluidum pus longe certius miasma impertiat, quam in filo siccatum. Vix enim molestius aliquid accidere potest vel aegro vel medico, quam post praeviam per plures hebdomades praeparationem falli expectatione sua, renouari debere pristina praesidia, quum eorum fructus colligere iam in spe esset, variis nasutulorum per hoc interuallum iudiciis patere, sub quo aliquando minus opportuna in temperie vel aliis atmosphaerae momentis mutatio incidit, nec raro periculum aeger subit miasmatis variolosi naturali via vel alius inquinamenti epidemici contrahendi. Fluidum pus et subtepidum omnino facilius longe reforberi a discissis vasculis neruulisque potest, quam emolliendum vulneris latice, hinc et citius certiusque contaminat. Inficit adeo eos fluidum pus, qui efficaciam fili, virtutis apud alios comprobatae neque actione sua villo modo turbatae, eluserunt; ut et ego cum aliis expertus sum. Videtur hoc eadem de causa mitius afficere systema neruosum, quum hostilem suam vim per apertas quasi portas exserat, nec iisdem post pertinacem repugnantiam impetuose effractis: certe plures homines qui vna infitioni subiiciat, nonnullos filis, alios fluido pure peractae (ceteris, quae effectum mutare possent, non neglectis), blandius longe decurrere morbum in hisce, qui recens pus adhibuerunt, manifeste experietur. Porro ipsa fila indita tam materie sua, quam pressione a superimposito emplastro vel circumiecta fascia, qua loco suo



suo retinentur, molestum irritamentum excitant; et prout subinde in hominibus adeo variolas naturales iam eluctatis, vel et subinde iis, quibus irrita euadit per fila insitio, rubedine, pruritu aliisque notis infectionem vere contigisse per aliquot dies imponunt: ita, quando haec vere contingit, plagas saepe iusto magis fila inflammant, molestum erysipelas creant, tumores in vicinia vel axillis generant, et, licet primis diebus ablata, consolidationem vulneris difficiliorem reddunt. Quae quidem incommoda tanto molestiora, si vulnera ultra necessitatem longa profundaue inflicta et pinguedinosis deligatio facta. Haud tamen audeo hominem, cum quo variolae artificiales communicandae, in idem conclaue admittere, quo variolis naturalibus laborans decumbit, infectionem per os vel nares metuens. Nec opus fuit, dum in capsula eburnea tantillum puris facile seruari potuit, vel, si haec defuerit, guttulas aliquot puris charta cerata excepi, quam capitulo fistulae tabacinae recentis, epistomio ex cera clauso, indidi, applicatione dein puris mutatis vestibus facta.

### §. 5.

Frigoris moderatioris effectus eximios et sani et aegri in vniuersum experiuntur, sed magis vel minus beneficos pro naturae quorumlibet diuersitate. Nihil ad debilitatum systema neruosum roborandum, tonum vasorum flaccidorum restituendum, humores compingendos, et animi vires intendendas efficacius, nihil quoque ad putredinem coë-

cendam

cendam praestantius frigore est, siue istud per auram superficiem corporis alluat, siue per aquam ei applicetur varia arte, siue potulenti cibique vehiculo ore hauriatur. Frigus vero in motum redactum si ad corpus allidit, tanto magis nervos concutit, et omnes reliquas partes horum imperio subiectas; hinc et flatus frigidi, immersiones in aquam frigidam, perfusiones aquae ex vasis violenter excussae rel. tanto maiorem vim exercent. Quantum autem frigus in febribus et nominatim febre variolosa et symptomatibus quibuslibet fociis mitigandis, coercendis, valeat, quantum contra ea calor lecti, aëris, potus, medicaminum, in variolis febrem intendat, cephalalgiam, deliria, anxietatem, dolores rel., numerum variolarum vna cum putredine, augeat, crises necessarias per salivam, lotium, alium perturbet, quemlibet sua experientia condocere potest. Innumeros igitur aegros variolis naturalibus fere prostratos frigoris diuina potentia potissimum in vitam sanitatemque reuocavit. Nec eodem praeprimis beneficio, quin liberalius erogato, multa millia hominum feliciter infititias variolas superasse negabit, nisi qui historicam fidem omnem conuellere audeat. Prout vero semper proportio quaedam inter vim medicamenti et vim morbi ad felicem curationem requiritur: ita et in frigoris per auram potum vel quemcunque alium modum administratione, quod ipsum in hoc morbo, si quid aliud vnquam, medicamenti nomine dignum est. Dabo igitur quidem lubens RHASI, saepe profuisse aegris variolas subituris,

praepa-

praeparationis instar, non liberum modo accessum frigidi aëris potumque frigidum, balneationem frigidam, quin imo, si iam symptomata morbi ingruerint, ad extinguendum febrilem aestum aquam frigidissime et copiosissime potam. Largiar anonymo auctori *c*), temeritatis etiamsi variis notis alias suspecto, in insulis Americanis, in quibus aëris calor raro 76. gradu therm. Fahr. inferior est, putridis variolis vnice aliquoties suffecisse perfusionem aquae frigidae sub intensissimo febris gradu factam, vel commorationem aegri inter duas ianuas apertas, vt perflatu refrigerium caperet. Non repugnabo, bene cessisse in Bengalia Gymnosophistarum morem, post variolarum insitionem ad febris vsque exortum, dein eruptione facta ad finem vsque morbi quotidie aegros gelida aqua perfundendi; concedamque HOLLWELLIO *d*), qui haec narrat, pustulas sub praesentissimo periculo collapsas audaci hocce consilio fuisse eleuatas pureque incantamento quasi repletas. Nec in dubium vocabo prosperum successum, quo centum et duodecim homines in insulis maxime septentrionalibus Scotiae dicuntur *e*) insitionem subiisse, licet sub tanta penuria ligni, vt vix cibis coquendis sufficeret, et licet horum multi denudatis pedibus per niuem

*c*) Libri *Practical Remarks on West-India Diseases* p. 117.

*d*) *Account of the manner of inoculating for the Small-Pox in the East-Indies*, p. 34.

*e*) MONRO'S *Account of the Inoculation of Small-Pox in Scotland*, p. 27.



niuem glaciemque incederent. Credam et disparuisse Vindobonae, moderante rem celeberrimo INGENHOVSS *f*), convulsiones infantis insitione variolosi, quum per apertam fenestram frigidae aëri illum exponeret. Verum non omnia omnibus conveniunt. Sub febre effrena aestuque ob putridum fomitem immodice grauvante saepe sine incommodo aeger perferre potest frigus, sano molestissimum nec innocuum. Alia omnino ratio est hominum exercitatione corporis, balneatione frigida, inclementia aëris, cibis siccioribus, induratorum: alia hominum, sedentariae vitae, calidis ferculis potibusque, teporique aëris inter hypocausta coërciti affueto- rum. Alia hominum, qui animalis victus, aromatum, potuum spirituosorum, copioso usu caloris naturalis augmentum notabile contraxerunt, iisdemque de causis febrem efferatiorem perpeti solent, quo in casu Angli versantur: alia eorum, qui victu potuue tenui, aquoso, blando minusque nutriente acquieuerunt. Itā inhorrescit rigetque hysterica foemina, vir laboribus excretionibusque nimis eneruatus vel infans tenellus ad eum frigoris gradum, qui robustioris cutem voluptatis sensu afficit. An porro idem est, aerae liberum per fenestras vel ianuas commeatum vtrum media hieme an vere vel autumnio concedas? idem, exspatiari vel efferri extra aedes et in campos, quando gelu omnia rigent, venti frigidi saeviunt, nubibus effunditur gelidus imber, ac quando contrario modo haecce omnia:

*f*) A ROSENSTEIN om *Barns Sjukdomar*, p. 199.



omnia sese habent? idem, bibere aquam aëris benignitate sponte tepescentem, ac non aliam potare, quam, quae inhorrescente corpore ex puteo ab aegro ipso hausta fuerit? Sed multiplicem hancce incidentium vel circumstantium rerum varietatem non curant SVTTONES eorumque affeclae. Imo ne diuersorum quidem stadiorum variolosi morbi rationem habent. Equidem etsi liberum frigidumque aërem per totum decursum morbi approbem et sollicite eundem aegris sub insitione variolarum conciliem, ita tamen moderandum esse arbitror, vt febrem quidem eruptioni praeuiam mitiget, non suffocet, porro vt, instante eruptione, paullo maior tepor admittatur, praecipue si febris iusto mitior praecesserit. Etenim febrem ad euoluendum latens miasma variolosum necessariam iudico, et in hac, quum et morbus absque pustulis absolui possit, veram eius essentiam pono. Quantum vero frigus febrilem impetum refrenet, satis superque egomet cognoui, probeque animaduerti, horis illis, quibus persuasione seueriori aegrum extra lectum retinui, illum fuisse blandiorem, quam vbi vel lassitudo, vel nocturnum tempus, vel cognatorum nutricumque indulgentia siue praeiudicium, lecto aegrum affixerat; et licet in eo quidem exceptiones nonnullae g) locum habere queant, quod, quo mitior febris, eo parcius pustularum numerus subsequuturus sit: plerumque tamen, quo blandior

Z 2

febris,

g) Vid. ill. CAMPER de emolumentis et optima methodo insit. variol. p. 70.

febris, eo pauciores variolae pullulant. Ita vidi sub insitione a. 1777. inter quatuor eiusdem parentis liberos, quorum interesse existimabat medicus insitor ad febrem alendam eruptionemque promovendam foueri verno tempore conclauis calefacto, infusoque florum Sambuci calide et copiose potu, duos, qui sese hisce molestis fomentis prae naturali alacritate subtrahentes mitissime affecti sunt, paucissimisque bene suppurantibus emerferunt (quod praëprimis filio subinde per ianuam apertam clam aufugienti accidit), dum reliquos effrena febris, tumor faciei ingens, copiosa variolarum eruptio cum omnibus hancce concomitantibus incommodis et diuturna molestaque plagarum suppuratio multabat, horumque parentes in metum atrocissimum futuri euentus coniiciebantur. Mihi et maxime probabile, infantes tenellos variolis vel ideo grauius affici, quod fotu corporis nutricum, a quibus gestantur et quibus accumbunt, iusto magis incalescant, et in hosce beneficium istud aëris liberi aluentis, quo maiores infantes vel adulti sedendo vel ambulando fruuntur, cadere nequeat. Cauendum tamen, ne vitando Scyllam in Charybdim incidas. Dubio enim caret, iusto tenuiori diaeta, repetitis purgantibus, item frigoris immodici et intempestiui vsu eneruari tantopere vires corporis, vt fomes variolosus suscitari, circumagi, subigi, eliminari nequeat, vel etiamsi motus aliquos peragat, hi salutari depurationis officio non sufficiant. Et huic nimiae corporis debilitationi adscribo, quod saepe post insitionem euanidae modo effectus ini-

plagiss

plagis notae, nimirum exiguum sed fugax molimen febrile, maculae tantummodo paucae, vel eleuata quaedam exanthemata absque debita duratione et suppuratione sese exseruerint, quibus si credulitas insitoris nimis confisa fuit, nec hicce artem, prout par est, iterauit, aeger periculum nouae improvisae infectionis in ignominiam insitionis incurrit. Hoc quoque nimium per frigoris praecipue austeritatem virium dispendium in culpa habeo, quod in haud paucis post insitionem eruptio non suo vnice stadio contingat, sed et saepe serius, quum nihil eiusmodi expectetur, noui pustularum prouentus fiant, licet et aliae recidiuae huius efflorescentiae causae subesse possint, vt exemplo infra suppeditando constabit.

### §. 6.

Nec minimum ad successum, quo hucusque in variolarum insitione gauisus sum, contulisse arbitror potum copiosum farinaceum acidulum, verno tepore imbutum (nempe extra hoc anni tempus hactenus hanc artem non exercui), quem aegris stadio praecipue febrili iniunxi. Acre enim quodlibet mitescit aquoso latice, diluuntur pro indigentia humores, humectando fibrae emolliuntur, aluus aperta seruator, lotii secretio liberior fit, sicque febris non solum mitigari se patitur, sed crisi variae adiumentum praebetur.

## §. 7.

Quoniam vero variolae, ea arte excitatae, quae omnia insitionis commoda colligit, omnibus momentis totoque suo decursu plerumque mitiores sunt breuiorisque durationis, quam istae, quae vel naturali infectione, vel quando vitii siue defectus aliquid in insitionis norma commissum fuit, enascuntur: res summi momenti est, perspecta habere phaenomena signaque, ex quibus certissime cognosci possit, hominem aliquem, vtut blande ex insitione affectum, vere tamen variolas eluctatum, et contra nouum infectionis periculum munitum satis esse. Si criteria insitionis efficacis ab Equite A ROSENSTEIN *h)* in medium prolata cum decursu isto mitissimo arte productarum variolarum, qui DIMSDALIO aliquando obtigit, comparatur: varias ab hoc recensitas historias pro irriti successus exemplis habere procliue est. Neminem enim illustris ille Suecus agnoscit post insitionem contra nouam infectionem tutum, nisi in quo plaga quodammodo suppurauerit, febris septimo, octauo vel nono die sese exseruerit, quam ipsam exceperit exanthema plus vel minus copiosum, cuius pars pus conceperit, flauum colorem induerit, maturuerit, crusta subsequente decidua; vel, in quo, deficiente eruptione, plaga copiosum pus diu satis effuderit. Haecce scena si insitionem insequuta fuerit, nullus sane varioloso morbo aegrum vere laborasse ambiget.

*h)* L. c. p. 173. sq.



get. Sed DIMSDALIVS i) casus memorat tam brevis ambitus, vt intra octiduum omnino finiretur; tempore purgantibus, quae subiungere solet, destinato simul in computum relato; vnde iam patet non omnibus dictis phaenomenis locum esse. Vidit subinde iam postero vel subsequente die in vultu manifestam infectionis indicia, febrisque simul notae sese exseruerunt valde exiguae, inhorrescentia vnice miti, cephalalgia, leui inebriationis sensu vel somnolentia declaratae, intra viginti quatuor horas euanidae; nec in hisce suppuravit vulnus, sed in crustam exiguam exaruit, absque vel vlla subsequa pustularum in corpore eruptione vel parvissima modo papularum, veris variolosis pustulis dissimilium, nec maturefcentium, sed intra triiduum exarescentium. Quis hosce simulate quasi aegrotantes crederet eodem iure veris variolis laborasse dicendos esse, eademque immunitate aduersus futuram infectionem nouam potitos, ac istum, qui, aliquot millenis pustulis confusus, duplici febre aestuosissima inter dirissima aegri tormenta et centena circumstantium ad leuanda ista perpetuo oblata auxilia, tanquam naufragus in tabula vndis procellosi maris circumactus, emerfit, nisi tam frustra postea iterata insitio; quam consortio cum variolosis ab omni noua labe immunis, id confirmasset certissime. Fefellerunt se aliosque multi infectorum eo, quod in diiudicanda insitionis effi-

Z 4

cacia

i) *Present method of inoculating for the Small-Pox, p. 47. sq.*

cacia singularibus quibusdam indiciis nimium tribuerint, quum in mitissimo isto morbi decursu nonnisi plura coniuncta de eadem convincere nos possint. Quo minor est plaga inflictâ, eo leuior inflammatio fiat (nisi qua corruptela humorum vel aliud vitium subsit), necesse est. Hinc in puncturis istis nouae methodi saepissime praeuia leui nec multum extensa rubedine cum duritie, pruritu vel miti doloris sensu, vulnusculum vesicula modo tegitur rotunda, quae collecta purulenta materia vel sensim exarescit, vel attritu accedente crepans per aliquot dies tantillum modo puris emittit. Omisso vnguento vel emplastro exigua exanthemata in vicinia simul erumpentia effectum portentunt. Dolore in axilla, qui vulgare solet esse, sed febris propius, indicium efficacitatis insitionis viaeque, quam miasma primum petiit, subinde tum modo conquestos percepi infantes, quum digito eandem premerem. Huius doloris loco quidam rigoris vel stuporis sensu in brachio afficiuntur. Febris praesentia ex regimine descripto adhibito saepe valde ambigua euadit. Numeros pulsuum in carpo inire apud infantes, quibus sponte valde celeres sunt, difficile est. Horror saepius incidit, quam calor, vterque, vt ipsa celeritas pulsus, non vna serie pergens sed interrupta, saepe noctu modo, qua, quid contigerit aegro, plerumque nonnisi infidis narrationibus muliercularum famulantium rescimus. Verius igitur febrem latentem ex symptomatibus quibusdam eam alias concomitantibus, quam pathognomicis istis, quae schola vocat, signis erui-

eruimus. Ita sine errore, vt computatio dierum postea indicauit, aliquando conclusi, febrile stadium incepisse, quum mihi non interroganti, post praegressas noctes quietas narraretur, nocturnam quietem fuisse insigniter turbatam. Idem porro confirmauerunt lassitudo corporis, lecti desiderium, capitis dolor, rubedo genarum, nausea, vomitus, dolores dorsi et lumborum, lingua impura cum sapore oris ingrato, appetitus prostratus, foetor oris molestissimus, qualem suppurantes variolae copiosiores spargunt. In paucitate ista pustularum earumque minutiorum, ad quam plerumque methodus noua easdem restringit, vtrum vere pus conceperint, nec ne, determinare subinde arduum est. Vidi enim ex multis exanthematibus, diebus primis eruptionis stadii emergentibus, sed sponte dein euanescentibus, paucissimas nonnunquam pustulas vnice superstites, bene sese in acumen solitum attollentes annuloque rubro cinctas, quarum vna vel altera tantummodo ad maturationis iustum gradum peruenit, quoniam reliquas ob pruritus perceptum intempestiue contriuerant. Fac iam et superstites hasce paucissimas contritas fuisse: nonne, si tibi sine viso in pustulis pure satis non fiat, sub miti isto, quem haecenus in aegro obseruasti, morbo, dubitabis, an aeger veris beneque maturatis variolis laborauerit.



## SECTIO SECVNDA.

## §. 8.

Quod vero me infitionis arti alias fauentem praeprimis angit, vetus quidem opprobrium est, sed solidis argumentis nondum retusum, quod nimirum, licet illa reipublicae, tanti ciuium numeri vitae parcendo, quam maxime profit, nihilominus tamen, quicquid praesidiorum coniuncta acuti ingenii et consummatae experientiae virorum sagacitas excogitauerit, et quisquis fuerit in omittendis omnibus, quae dubium euentum reddere possent, rigor, de singularis hominis, apparenter sanissimi, sed infitioni subiiciendi, vita sponsio fieri nequeat. In principe igitur, e. c. vnico forsitan regni herede et pacis salutisque populi seruatore, in filio vnico parentum solatio, coniuge dilecta numerosaeque familiae matre, animus medici haud immerito in capiendo consilio vacillat. Regeri solet vulgo, si eiusmodi homo sub cunctis istis commodis, quae infitionis ars offert, moriatur, eum tanto certius vita decessurum fuisse, si variolae naturales eum corripuissent. Sed quidni potuit successu temporis clandestinum istud vitium, quod infitione suscitatum necem attulit, vinci? Fac et insuperabile aliquod vitium subfuisse, per plures tamen annos viuere vtileque reipublicae membrum esse potuit. Aliter sine dubio se res habet, epidemice variolis grassantibus periculoque infectionis imminente, quod tamen infitionis tempus, tam ob aëris peruersam indolem, quam ob facilem infectio-

ctio-



tionem naturalem, qua fama medici periclitatur, omnium minime commodum est. In gratiam generis humani rarissimum est infortunium, cuius tamen calculus non commode eo fine subduci potest, ut metum mortis ex insitione oriundae minuat. Alia enim ratio fuit, quum in cunis iaceret ars *a*), alia iam, quum post multos errores commissos praesentis perfectionis fastigium attigerit. Fieri quoque potest, ut nescio quo fato vnus medicus incidens in corpora mali habitus, licet apparenter boni, exitum dolendi causam habeat, quum alteri nonnisi corpora habitus vere boni votoque omnino respondentis obuenant. Nolim hisce patrocinium agi inscitiae vel temeritatis medici vel aegri vel famulantium, quorum omnium culpa aliquando causa mortis enata. Sed, ut vetustiora tempora cum recentioribus conferam, neque ex JVRINI et SCHEVCH-ZERI tabulis, quae omnium primae in Anglia comparuere, vnum fere mortuum ex 52 insitione subiectis, assignantibus, nec ex narrationibus de longe feliciori SVTTONVM sorte, quod scilicet inter 17000 nonnisi 5 vel 6 *b*), vel ut alibi fertur, nonnisi 6 vel 7 *c*) hominum dispendium fecerint, tuto vel maius

- a*) Collegit varias eiusmodi computationes ill. A SCHLIZENHEIM (*Berättelse om Koppors Inpande p. 94. sq.*), quae saltem hunc usum habere possunt, ut inde incrementa artis sensim laetiora quodammodo cognoscantur.
- b*) BAKER'S *Inquiry into the merit of a method of inoculating the Small-pox now practised, Vers. Germ. p. 16.*
- c*) PRINGLE in litt. ad cel. WICHMANNVM, insertis *Historiae meae insit. variol. in Suecia, Prooem. p. 12. not.*

maius vel minus periculum insitionis colligitur. Quis enim demonstrabit inter numerosas istas mortes, quae in priori computo notatae sunt, omnes et singulas vere ex insitione contigisse, nec ullas ex naturali infectione clam facta, vel alio vitio? et quis felicitatem SUTTONIBVS adscriptam omni falsi suspicione liberabit, quum ill. Baronetus PRINGLE iam significauerit, Suttonianorum ducem ne ullius quidem interitum admittere voluisse.

Dolendum inter haec, quod medici scientia praestantes, quibus infausta eiusmodi insitio obtigerit, metu forsitan, ne inde fama periclitaretur, exceptis paucissimis exemplis, casus hosce reticuerint, quum tamen nihil videatur ad pericula futura similia auertenda efficacius ampla omnium momentorum expositione, adiuncta cadaueris sectione. Vtinam plures hac in re ingenuitatem LVDWIGII d), LOCHERI e), DIMSDALII f) sequuti essent.

### §. 9.

Causae mortis post insitionem contingentis, vel, quod idem heic loci, vehementiae morbi insolitae, licet omnia antea blandissimum optimumque euentum praesagirent, nihilque postea sub decursum vitii accederet, non vna, sed plures exstant.

Vnam

d) *Progr. de contagio varioloso*, p. 7. sqq.

e) *Observat. circa inocul. variol. in neonatis*.

f) *Pref. method. of inoculating for the Small - Pox*, p. 135. sqq.

Vnam in nimia debilitate systematis nervosi quaero, sub qua initio quidem omnia, vulnere excepto, ex voto succedunt, febris mitis est, nec suspectis symptomatibus stipata, eruptio statuto tempore incipit, sed solito copiosior nec ordinem vulgarem partium observans, nec exanthemata sese ut par est attollunt, nec pus postea concipiunt, sed eius loco ichorem acrem late profundeque erodentem. Bina eius generis exempla vidi lethalia, spectator vnice, non medicus, utrumque infantum. Alterum horum pusio fuit dimidii anni, cui mater hysterica mammas praebuit, cuiusque in cadauere nihil vitii clandestini apparuit; alterum puella duorum circiter annorum. Periculi imminentis iudicium ex vulnere tempestive iam formari potest, ut quod consueta inflammationis signa prae se fert, sed pallidum, planum, vel vix tumidum, absque pruritu vel dolore vel tenui sub cuticula latice conspicitur, et absque consuetis in brachio vel axilla incommodis, ita ut quinto adeo imo sexto post infectionem die adhuc de infectione dubitari possit. Atque haec vulneris conditio subinde aliis iam sese exferentibus signis variolarum, febre, doloribus dorsi vel lumborum perseverat, imo depressum medioque liuescens apparet. Obuiam mihimet venit eiusmodi casus in puero anno adhuc minori, sed iam ablactato, in quem conferre artificiales variolas me, etsi ob tenellam aetatem inuitum, oportuit, ne a fratre et sorore, cui variolas inserueram, inficeretur. Sexto adhuc die in hoc clausa utriusque brachii plaga erat, tumoris omnis fereque  
omnis



omnis rubedinis expers, etsi papulae quaedam tam super iisdem, quam in vicinia conspicerentur. Quae ipsa inflammationis retardatio me, a DIMSDALIO g) admonitum, anxium iam reddiderat. Nec immerito, vt postea comperi; nam variolarum magna copia inter eiulatus ploratusque trium nycthemerorum erupit, sine consueto alias ordine, earundemque neque rite sese attollentium neque probe suppurantium, quae ipsae nec pepercerunt parti capillatae capitis, nec labiis, nec linguae apici. Tertio post eruptionem die exanthema purpurae haud multum ab simile, Anglis Rash, incidit, quod ipsum, vtut ante eruptionem variolarum alias non infuetum, sub eodem tamen raro pullulat. Intumuit sensim facies sub insigni rubedine febreque haud mediocri, vt palpebrae fere clauderentur. Qui tumor sensim in manus desedit. Seruavi tamen puerum clysmatibus, cortice Peruviano et spiritu vitrioli, vnde maturatio pustularum bene successit, calorque cum tensione cutis dolorifica remisit. Subiunxi ad feriores noxas arceudas tempestivum et repetitum purgantis vsum. Naturaque ipsa subuenit copioso diuque continuato puris ex dextro vulnere effluvio, et secretionem salivae copiosiori, nisi haec ipsa dentitioni adscribenda sit. Non vnice autem infantes huic infortunio obnoxios esse, duae a DIMSDALIO h) de adultis ample factae

g) *L. c. p. 34.*h) *Cas. 16. 17.*



factae narrationes testantur. Et in hisce nullam aliam causam quam inertiam virium arguo, nihil neque heterogenei in primis viis neque inquinamenti in humorum massa offendens. Quid hanc inertiam producat in hominibus ad aspectum sanissimis floridaque aetate fruentibus, imo robustis, quum contra ea in aliis, pallidis, laxae compagis, debilibus hominibus, saepissime et vulneris inflammatio et variolarum eruptio et maturatio tempestive laeteque succedat, fateor animo me comprehendere non posse. In ancipiti hocce casu totus curationis cardo sine dubio inflammatione vulnerum suscitanda vel augenda, et, vna cum hac, stimulo, ad febrem eruptionem et maturationem necessario, impertiendo, nititur. Ad purgantia efficaciora hoc sine tempestive confugit praestantissimus DIMSDALE *i)*, quorum usus sub eius saltim moderamine proficuum fuisse, quis tam ingenuo et ab omni empirico fuco alieno viro non fidet? Quantum equidem capio, irritamentum pro febre excitanda ex hisce expectavit: ill. A ROSENSTEIN *k)* contra ea iis usus est stadio febrili ad febrem effrenam moderandam, quorum tum modo me iudice tuta est administratio, quando febris vehementia a saburra primarum viarum proficiscitur, quam semper tamen praestat ante insitionem eliminasse, quam sub febre  
iam

*i)* L. c. p. 34.

*k)* Om Barns Sjukdomar p. 537. inter additamenta, ut inde fere conicias, hoc non vulgarem b. viri praxin fuisse, sed admonitum amico quodam ad hoc consilium subiungendum.

iam emergente. An vero ubiuis sub dicta illa vulneris conditione purgans conferat, vltterioribus experimentis constabit: certe anceps videtur remedium, si is eius delectus fit, vel ea eius dosis adhibetur, quae loco stimuli vel concussionis in systemate neruoso expectatae hoc ipsum magis debilitat simulque inflammationem magis imminuit; quippe quum inter omnes palam sit, mitia purgantia ad coercendam inflammationem haud parum conferre: praetulit vero DIMSDALIVS ceteris purgantibus potionem, quam Senna Ialappaque inurant. Nonne igitur tutius, vt viribus calcar subdatur, emeticum est, vtquod neruos vasaque intensius concutit, et minorem semper debilitatem post se relinquit, quam per aluum purgans, et humores ad cutem testante diaphoresi subsequente valide pellit. Multa quoque sub hac inertia spondet ius carneum, alias restringendum, cochlear vnum vel alterum vini Rhenani, Moschus, Camphora et praeprimis cortex Peruvianus. Quibus tamen praeferendum iudico sinapismum, vel, si cum aetate prouectioribus res est, vesicatorium, quoniam citius haec vires erigunt, mox sub ambigui istius ominis notis imponenda. Ipsum insitionis vulnus pro vesicatorii applicandi loco eligerem, nisi metus dehortaretur, ne ex connubio miasmatis variolosi cum cantharidibus pertinax vlcus enasceretur, quod insitione variolarum vesicatorii ope peracta aliquando accidit. Suris igitur vesicatorium vel plantis pedum epispasticum imponendum. Simplicium horum stimulantium alterutro obuiam

obuiam subnascituro alias periculo iri posse, confidentia haud mediocri persuadeor.

Alia causa sinistri post insitionem euentus, dum nullus eius metus suberat, continetur diathesi putrida subito emergente. Miratus iam est ill. CAMPERVS l), vndenam fieret, quod virus variolosum febrem putridam tam saepe prouocaret, a variolosa tamen diuersissimam. Rarius quidem longe enascitur in insititiis variolis, quam naturalibus: dolendum tamen connubio alieni huius inquinamenti adhuc subinde post insitionem locum fuisse, quod ipsum adeo intermixtae petechiae vel variolae nigrae declararunt, nec febris suppuratoria, confluentes praecipue excipiens, hocce connubio caret. Bis in infantibus aliorum curae demandatis et perfectissima sanitate ante insitionem gauisis, petechialem febrem vidit CAMPERVS. Aliud exemplum et quidem lethale pueri septennis specie sanissimi, a se insitioni submissi, sistit b. LVDWIGIVS m). In isto d. 12. pustulae nigrae eruperunt, quibus quamuis infusum corticis Peruuiani et radicis Serpentinae Virginianae mox opponeretur, successerunt tamen deiectiones aluinae crebriores et tanta resolutio sanguinis, vt hic ipse ex ore et naribus proflueret, et puer d. 14. animum efflaret.

Non

l) *De emolumentis et optima methodo sit. variol. p. 8. sq.*

m) *Progr. de contagio variol. p. 7. sqq.*



Non dubito porro vermes, nominatim lumbricos, inter clandestina corporis vitia collocare, quae subinde spem omnem salutis frustrantur. Hi ipsi, quum in plerisque morbis mutare decursum peioremque reddere soleant, non mirandum, quod eandem in variolis nequitiam exerçant. Nec vlla alia potuit erui mortis causa in duobus pueris, naturalibus variolis correptis iisque paucis, mitissimis, beneque suppurantibus, quam lumbricorum copia post mortem, pustulis iam siccescentibus sub convulsionibus obortam, in intestinis reperta *n*). Memorabile tamen, quod quidam variolosi, molestos istos hospites licet apud se fouentes, impune tamen eos ferant; prout ipse de epidemia a. 1767. heic grassata in aduersariis notauit, quamuis infantum haud pauci verminantes tum variolis obierint, causa forsitan longe diuersa, alios tamen, vermibus correptos leuem modo morbum fuisse expertos. Quae-  
nam tantae effectus diuersitatis causae? An copia vermium subinde accusari potuit, vel insignis eorum viuacitas? an aliquando sensilitas subfuit intestino-  
rum subtilior, conuulsiuus motibus fauens? An subinde a motu reptatu vel rosione vermium nerui quidam affecti, qui plus commercii cum pulmonibus vel corde habent? In harum causarum aliqua ratio quoque sine dubio latet, quod quidam sub  
institiis variolis verminantes grauius, alii mitius vel plane non afficiantur. Ipse memini, me inse-  
visse variolas puellae duorum annorum optimo suc-  
cessu,

*n*) COTVNNI de sedibus variol. p. 56. sq. p. 66. sqq.



cessu, tametsi vermes foueret, anthelminticis praeparationis tempore non obsecundantes, quorum vnus tertio eruptionis die mortuus, alius post datum sub finem morbi purgans, viuus secessit. Similem immunitatem plures alii in morbo arte producto obseruarunt; vnde quidam infitores audaciores facti praesentiam vermium non curant, nec, prout prudente olim consilio factum fuit, euerrendis antea iis intenti sunt. Ne vero credas, nouissimam insitionis methodum peculiarem quandam vermibus praesentibus praerogatiuam habere, binas huc transferre historias o) operae pretium est. Altera spectat ad puerum quinquennem, qui, licet viginti pustulae modo eaeque bene suppurantes numerarentur, caro et stupore haud mediocri tentabatur et trifino; altera ad infantem lactantem, iam tertio ab insitione die febrientem, dein confluentibus variolis multatum, quibus succubuit, causa praecipue verminosa, vt symptomata vulgaria et deiectio vermis magni edocuerunt.

Memorat insuper colluiem biliosam primarum viarum DIMSDALIVS p), quae aliquando, etsi valde raro, incidit, et valetudinem insigniter labefactans vomitiones eruptionis stadio excitauit. Fomitum biliosum declarauit tartarus emeticus datus, qui et emesin excitando et aluum mouendo et modice sudorem pellendo profuit. Aluo exinde non bene

Aa 2

succe-

o) DIMSDALE *l. c.* p. 116. *sqq.* p. 135. *sqq.*p) *L. c.* p. 42.

succedente subducere eam cathartico visum, et eruptio subsequens aegritudinem hanc omnino dissipulit. — Fateor mihi non satis probabile videri, colluviem hanc post insitionem fuisse collectam, sed ante eam, qui tamen impurus fomes eiusmodi est, ut suis signis cognoscatur, et tolli antea possit. Quod si neglectum fuerit, suppetias dictas prodesse quisque facile largietur.

Id igitur ex demonstratis istis clandestinis nocendi causis satis euinci arbitror, felicem insitionis exitum non apud omnes et singulos, simplicitate vnice artis, aërisque liberi et frigidi comineatu, contineri q).

#### §. 10.

In noua inferendi variolas methodo molestum est, quod seriores iteratique pustularum prouentus nonnunquam contingant, qui quibusdam rei ignaris imponunt, ut de morbo recidiuo querantur. Semper tamen intra tempus decursui variolarum destinatum coërcentur. Prior tempestiue suoque stadio obtinens eruptio solet in hisce casibus post febrem etsi praeuiam esse pauca, nec pustulae rite suppurant, aegro ceteroquin bene se habente. Hancce morbi lenitatem facile aliquis tum naturae vel artis beneficio tribuere posset, et, loco supurationis variolarum, tanto largius ex vulneribus puris effluuium exspectare: sed ecce, quum omnia in

q) Ita quidem b. WAGLERVS in versione libri Gattiani *n. Betracht. üb. d. Verfahr. bey d. Inocul. d. Blattern*, p. 140.

in vado esse credantur, noua exanthemata pullulant, subinde pristinis copiosiora, et repetitis nonnunquam vicibus per plures dies. Praecedit haec febris priori aliquando fortior cum symptomatibus consuetis, subinde ne cephalalgia quidem prius molesta est: ipsae vero variolae istae succenturiatae vel arescunt absque pure vel modo post illud conceptum. Patet igitur euidentissime, miasmatis partem remansisse adhuc in corpore, quae viribus nouis collectis critice ad cutem exundauit. Qui opprobrio hocce vertunt insitionis arti, perpendant in naturalibus variolis iisque copiosissimis saepissime virus hocce superstes pulmones vel alia nobiliora viscera interna vel oculos vel glandulas, vnde bubones molestissimi, petere; nec rarum esse, quod secundum vulgarem per fila inferendi artem, exanthema pruriens, quod scalpando acre liquidum effundit, succedat, nisi tempestiuus purgantibus et potu demulcente illi obuiam eatur. Quum tamen noui isti prouentus ad anomalos casus referendi, et negligentia varia inde mala consequi queant: dispiciendum est, quibusnam causis debeantur et quibus modis facile iisdem praeuerti possit. Iam supra (§. 5. *ad finem*) indicaui, probabile esse valde, aëris frigidi iusto liberiores usum in culpa eorum saepe esse, quae tanto manifestior, me saltem iudice, si sub eruptionem ipsam frigori homo pateat *r*). Accusandae et diaeta nimis nu-

Aa 3

-triens

*r*) Conf. RVSTON'S *Essay on inoculation for the Small-Pox*, p. 80. sqq. BROMFIELD'S *Thoughts concerning the present*



triens et exercitationes fortiores corporeae; nempe ii praecipue haec recrudescentes variolas experti sunt, qui lenitate morbi capti, iusto praecocius ad suos negotiaque pristina reuerterunt s). Sed et alium non satis per morbum liberam, pro causa huius phaenomeni habeo, inductus casu singulari, in quo tamen pars culpaе forsitan in nimium corporis motum coniicienda. Est hic ipse casus, quem ampliori sermone me descripturum supra pollicitus sum, filii cel. Professoris PEPIN.

Inuitauerat me ad insitionem in filio suo annos octo nato instituendam parens ipse, de beneficio huius artis persuasus, nec nuperioribus infausti successus exemplis turbatus, nec vanis aliorum vel ignorantia vel mala mente peccantium auocationibus. Etenim alii praetenderunt periculum, ne morbus per urbem dispergeretur, alius effluxisse iam tempus insitioni idoneum, etsi medio Maio degeremus, rel. quas aniles persuasiones facile fuit ad refutandum. Quin pater praestantissimus filiam pariter suam Cellis degentem huc arcessiuiisset, ut una arti subiiceretur, nisi ipse consuluissem, ut curae eximiorum ibidem commorantium medicorum eam relinqueret. Puer iste omnibus notis sanus fuit, praeterquam quod pallidam faciem gereret, bene appetens, respirans, egerens, dormiens, viribus infantibus eiusdem aetatis aliis fortior. Quoniam

*present peculiar method of treating persons inoculated for the Small-Pox, p. 30.*

s) DIMSDALE l. c. p. 51. sqq.



niam vero infantes copioſori eſca facile ſordes in primis viis contrahunt, praefcripſi illi mixturam blande purgantem, per aliquot dies ingerendam. Nihil tamen in diaeta mutaui, carneum cibum modo interdicens, eumque ſerio admonens, quoniam curſui ponderumque grauiorum geſtationi indulſit, vt a nimio corporis motu et exaeſtuatione abſtineret. Hic licet commercium cum varioloſis epidemia anno antea graſſante habuiſſet, ab infectione tamen tum immunis manſerat. D. 1. Junii a. 1778 inſeui illi variolas, tempore, quo Gottingae variolae omnino defuerunt, et in vicina vrbe, Nordheimi, ceſſare inceperunt, idque mane in vtroque brachio ſolito loco, filo ab amico mihi per veredos miſſo, recenti et probae indolis, quod modo pellicula bracteariis uſitata nonnihil madefacta fasciaque obuoluta tēxi. Mox vero poſt primam incisionem, quae vt altera vix guttulam ſanguinis provocauerat, manifeſte impalleſcere coepit puer; deliquio animi proximus, etſi ſui adhuc conſcius et Lauendulae ſpiritu egregie reſectus. Interrogatus de valetudine reſpondit caput ſibi dolere leſticaeque incumbendi deſiderio trahi. Sed aceto vini temporibus illito et olfacto et inuſo Theae cyatho potato mox hilaritatem priſtinam viresque recuperauit, ſurrexitque, vt et veſperi in horto plauſtellum trahentem eum inuenirem. Cauſa imminentis huius deliquii animi terror fuit, quem muccinio ante nares in proximo conclauſi ligato conceperat, quod ROSENSTEINIO ſuadente ad infectionem per nares vitandam, ſed ab adiutore citius quam par eſſet, ad-

motum. Cubile, in quo illi, praecipue per morbum, commorandum, spatiosum erat, occidentem spectans et vtrunque cum aliis conclauius commercium habens, ut igitur et frigidiusculus ibi aer esset et pro lubitu renouari absque noxia eiusdem perfusione posset. Per decursum autem huius insitionis eadem obtinuit tempestatis inconstantia, quae vulgaris Gottingae esse solet. Nam, post dies frigidos et pluuiosos multos, insitionis die ad gr. 68. Fahr. calor in cubili aegri ascenderat, per subsequentes dies temperatior, febris autem die primo et secundo iterum increscens ad gr. 70. imo 74. usque, sensim iterum sequentibus diebus subsidens ad gr. 60. Pediluua tepida alternis diebus ante febris initium adhibita. Ante eruptionem concessi quoque commorationem in atrio et horto, modo in umbra subsisteret. Quae secundo die conspecta rubedo vulnerum manifestior fuit tertio, quo fila exemi, praeprimis in dextra plaga, quae demto filo hiauit et subhumida apparuit. Tum et nonnihil albida lingua. Quarto die dextrum vulnus sic cum omninoque crusta tectum, sed rubrum, non vero pruriens vel dolens, nec sub contactu, attamen nonnihil durum; sinistro omnino pallido, ut constaret, recrudescere non amplius posse. Remiserat calor aeris p. m. hoc die usque ad gr. 61. Ratio vulnerum quinto die eadem, praeterquam, quod quibusdam dextri particulis rubedo paullo magis dilataretur, et hoc nonnihil crisparetur, vix sub contactu duriusculum. Mane diei post insitionem sexti efficacitas insitionis adhuc in ambiguo visa fuit.

fuit. Nam nulla humiditas vulneris dextri, rubedo non magis ampliata, nihil stigmatibus simile in vulnere, halitus oris bonus, sanitas hucusque optima. Attamen prurire nonnihil vulnus narravit aeger, et axillam eiusdem lateris compressam nonnihil dolere, qui dolor subsequenter diebus acutior. Imo vesperi me vocat pater, significans post prandium filium, de doloribus dorsi conquestum, lectum occupasse, et inde ab hora septima laborasse febre. Et hac quidem vere laboravit, quum paullo serius aduenirem, simulque capitis dolore cum oris sapore ingrato. Dormiuit tamen bene noctu subsequente. Febris blandae vestigia plura per tres proximos dies percepta, noctu praesertim, per diem vero nonnisi per intervalla, tuncque semper mitior euasit, quando extra lectum sese contulit, id quod ipsemet sponte concupiuit. Secundo febris die foetorem ex ore molestum sparsit, quasi ex suppurantibus variolis, linguamque albis sordibus tectam obtulit. Et iam tum quoque formari coepit orbiculari rubedine pustula in inferiori plagae dextrae extremo, quae proximis diebus ad maturitatem sine dubio peruenisset, nisi contriuiisset eam aeger. Nam pruritus plagae aegro haud exiguo incommodo. Ad coercendam febrem nulla re praeterquam potu acidulato, cum saccharo copiose ingerendo, et mora extra lectum, opus fuit. Cibi appetitus inter haecce non imminutus. Sub finem tertiae diei febris iam aliquot stigmata variolosa in facie pater observauerat. Ipse quarto die absente omnino febre eorum aliquot diuersae magnitudinis et incerti nu-



meri in facie conspexi, et duo maiora ad antibrachii extremum anterius, quae ipsa et pruritum excitarunt. Hunc ipsum diem reliquis temperatiorem, serenum tamen, totum extra lectum consumsit, quin, quum quaererem illum post meridiem cum patre, per fenestram in atrium transuolauerat, intentus variis ludis, motum corporis fortio- rem re-quirentibus. Huic excessui vt praeuenirem, sedulo iniunxi, vt die quinto (pergo computare ab initio febris) in cubili retineretur, ceterum sanissimus, quo ipso tres circiter variolae in facie prurientes, binae in antibrachio, tres in scapula dextra tantummodo superstites. Hasce paucas sperabam ad probam suppurationem peruenturas, sicque totam scenam transituram. Ast inexpectato noctu diei sexti, licet ad mediam noctem bene dormiuisset, expergisci, sese agitare et febrile manifeste iterum coepit, quae febris per tres dies per interualla durauit, priori longe fortior et lecti appetentiam aegro ciens, altera nocte tam vehemens, vt deliraret, et horrida facie surgere e lecto conaretur, cum lingua fordida saporeque illi valde ingrato. Sponte querebatur de dolore axillae. Phaenomenon aliud vere singulare sese paullo post initium febris huius secundae adiunxit, ptyalismus, tam largus, vt ipse vas pro excipienda salina desideraret, et libram circiter eius dimidiam per dimidium diem exspueret; decreuit ille versus noctem secundae diei febris recrudescentis, vt tamen die post subinde erumperet. Ad mixturam temperantem confugere tum oportuit. Causam recidivae febris initio nullam  
aliam



aliam obseruationibus DIMSDALII insistens agnoui, quam nimium corporis motum. Dein vero in obstructionem aluinam partem culpae reiiciendam reperi. Nempe, licet mihi de alui ratione quotidie sciscitanti aeger praecedentibus diebus responderet, semel bis vel ter solutam, quod praesente fella perforata tanto facilius credi posset, dein rescui per aliquot dies obstructam fuisse, et famulantem ancillam deceptam fuisse aegro in latrinam atrii alui egerendae causa, vt retulerat, discurrente. Clysis igitur mox applicandum curavi, quod copiam excrementorum durorum elicuit. Subiunxi dein mixturam purgantem. Vulnus sensim vmbonem erysipelaceum notabili distantia sparfit, medio fusco pel-lucens et quasi intropressum, vesiculis minutis circumdatum. Compressum aliquid puris limpidi per aliquot dies emisit. Quarto post nouam istam febrem die, postquam pustulae ex priori iam exaruerant, nouae paucae iterum emerferunt, bene acuminatae. Harum quasdam dein contriuit, aliae sponte disparuerunt, adeo vt ad finem nonnisi vnica in gena superesset, secundaria febre orta, et in omnibus periodos solitas variolarum obseruans, egregie suppurans. Erysipelas brachii dissipavi aqua frigida applicata. Alere suppurationem vulneris vnguento digestiuo tentavi, sed frustra: omisso vero vnguento plaga pauxillum puris crassi per aliquot dies, dum premebatur crusta illam obtegens, emisit, donec inde a die decimo ab initio febris computato omnino exaresceret, crusta aliquot dies post decidente. Per tres hebdomades postea me sua-

fuadente ptisanam ex radice Chinae, potus vulgaris loco, bibit et bis aluum purgante sollicitavit. Sicque rediit pristina sanitas, qua ipsa adhuc eaque optima et constante utitur.

Confectaria quaedam paucis subiungere huic historiae refert, eo ordine, quo res ipsae narratae a me sunt. Exemplum praebet illa, terrorem non multum damni apud infantes secum ferre, modo causa terroris non diu alatur. Id si de puero octo annorum, deliquio adeo animi proximo, valet, tanto magis de infantibus aetate minoribus locum habet; hinc superfluum, instrumentis artificiosis aciem ferramenti, terroris vitandi causa, recondere velle. Iterati variolarum proventus frigus non esse unicam causam, inde liquet, quod et febris et eruptionis stadio temperies aëris in hoc casu contingeret iusto potius calidior, quam frigidior. Infectionis effectus heic praecox haud parum fuit, utpote quum quatuordecim horis citius, quam alias sub accelerata miasmatis actione, hoc est ante finem sexti diei, febris ingrueret. Singulare est, quod sub praecoci isto morbi exordio signa effectus in vulneribus tam exigua essent, tamque sero sese manifestarent. Iustius autem merito ptyalismus ille sub secundaria febre erumpens me moratur, qui in variolis adeo naturalibus nonnisi apud adultos, (quum infantes sine dubio salivam deglutiant, unde diarrhoea) et quidem sub copiosa exanthematum eruptione obtinet, qua caput in tumorem attollitur et interiora oris simul variolis obsidentur, unde glandu-

glandulae salivales ad vberiore secretionem stimulantur. Negavit ill. CAMPERVS *t*) hanc ipsam esse criticam, quoniam in insitio morbo, in quo paucae vel nullae pustulae sint, non contingeret. Casu tamen a me prolato contigit, quo stimulo suscitata, equidem non dixerim. An sapor ingratus oris secretionem sollicitavit? Vix probabile, nam sordes oris claudunt potius salivae vias, quam aperiunt, an potius ipsi salivae alluenti aliquid infuit, quod molestum saporem creavit? Operae pretium est, explorare, an infantes, qui absque infectione cum variolosis impune in epidemiis adeo variolosis commercium habuerunt, mitius morbo insitio afficiantur, quam alii, prout in hoc casu fuit. De naturalibus variolis exceptiones quasdam huius rei novi, ut adeo lethales evaserint *u*).

---

## SECTIO TERTIA ET NOVISSIMA.

### §. II.

Aliud insitionis variolarum incommodum, quod tamen medico eam administranti magis quam aegro infestum duco, hoc est, quod temporis interuallum, inter encheiresin insitionis et febrem subsequam praeterlabens, saepe insigniter variet, ita ut vel febris anticipet consuetissimum exordii sui

*t*) *L. c. p. 21.*

*u*) *Conf. Fortsättning af Provinc. Doct. Berättelser 1763, p. 11.*



fui terminum, vel solito serius ingruat. De ipso hocce termino auctores alias graues dissentire, res ingrata est. Vt exempla afferam, ill. TISSOTVS *a)* quinto die, plerumque sexto, nonnunquam tardius, morbum capere initium suum indicat. Qui primo non ante octauum ingruere existimauerat ill. A SCHVLZENHEIM *b)*, serius vltiori experientia ductus neminem ante sextum diem post insitionem febre affici, nec ante nonum emittere exanthema, declarauit *c)*. Ill. A ROSENSTEIN secunda editione *d)* libri sui de morbis infantum initium morbi ad septimum vel octauum diem restrinxerat, tertia autem *e)*, quinto adeo incidere posse, largitur. Ita et L. B. A DIMSDALE septimo vel crebrius octauo diei initium febris adiudicat *f)*, fassus tamen *g)*, subinde illud multo praecocius imo nonnunquam longe serius contingere. Qui nouissime iterum hanc quaestionem attigit cel. BERGIUS \*) in variolis siue spontanea infectione siue insitione acquirantur, terminum hunc inter quintum, sextum, septimum diem ambigere obseruauit, et nominatim vesicatorii ope si insitae fuerint, febrem plerumque sexto die

*a)* *Inoculation instifisee*, p. 70.

*b)* *Om Koppors Tmpande*, p. 65. 73. not. bb.

*c)* *Fortfätn. af Prov. Doct. Berätt.* p. 11.

*d)* *Underrättelser om Barns Sjukdomar*, p. 178.

*e)* *L. c.* p. 192.

*f)* *Inoculating for the Small-Pox*, p. 32.

*g)* *L. c.* p. 47.

\*) *K. Vetensk. Acad. nya Handlingar för år 1784*, p. 145.



die post exortum, interdum quinto, reperit, si vero vulnere inciso filum siccum immissum fuerit, rarissime ante septimum diem. Quae igitur antea tanquam falsae reiiciebantur cl<sup>mi</sup> LE DVC *h*), de se ipso iam tertio die post insitionem aegrotante et de aliis, circa praematurum insultum narrationes, iam firmamentum quoddam recuperant; licet non negem, me adhuc de veritate casuum, quibus iam primo die vel secundo aduenisse refert, haud mediocriter dubitare. Similiter ferotini morbi varia leguntur exempla, quorum plura sistit KIRKPATRICK *i*), scilicet eruptionis die 14. vel 17. factae, item febris 23., quin imo, quod vix credibile, post vndecim modo hebdomades incidentis. Ill. AB ACREL *k*) semel die 11. febrem exortam observavit. — Optio igitur (si praematuri maxime insultus a LE DVC relati, et serissimi KIRKPATRICKII nulla habenda ratio), inter diem 5. et 23. relinquitur. Omnium casuum mihi met obuiorum, praecocissimus est in Sectione secunda *l*) a me dictus, quo horis ad minimum 14, prodromis quibusdam signis non simul computatis, ante finem sexti nychthemeri sese exseruit febris. An pus vetustius (quod de eo filis excepto inprimis valet) serius excitet febrem recenti, ut variae observationes

*h*) *Diff. de Byzantina variol. insitione* L. B. 1722. §. 26.

*i*) *Analysis of inoculation* p. 102. Cfr. A SCHVLZENHEIM *om Koppors Tmpande*, p. 72. not. bb.

*k*) *Fortfätn. af Prov. Doct. Berätt.* p. 15.

*l*) §. 10.

nes et serior germinatio feminum vetustiorum plantarum edocere videntur, vel citius iusto aut tardius per decursum morbi collectum pus febrem acceleret aut retardet, an potius hoc a diathesi corporis dependeat: hic non disquiram. Equidem vtrumque in causa esse posse arbitror, nam etiamsi eodem pure eademque hora pluribus variolas inferamus, nihilominus tamen nonnunquam horum quidam vno vel altero die tardius reliquis febrile incipiunt. Quicquid vero horum sit, haec termini discrepantia subinde in ambiguo medicum relinquit, quando mitis morbi euentus, is infectioni naturali an insitioni debeatur; item, quod res maioris longe momenti, quando infauste res post insitionem cessit, qualis harum causarum subsuerit. Potuit enim iam ante insitionem vel maiori vel minori intervallo sponte irrepere, vel potest mox post insitionem peractam eamque irritam infectio naturali via fieri, quae si finistrum euentum capiat, famae insitoris insidias struit. Si terminus emergentis febris constans esset, facile tolleretur dubium. Vulneris facie tolli non posse dubium, inde patet, quod nonnunquam primis diebus eius exigua sit mutatio, effectum etiamsi suo encheiresis non defraudetur. Tanto igitur magis necessarium est, tam ante quam post illam summo studio contagium vitasse. Ad praerogativas fluidi puris hoc quoque pertinet, quod citius febrem prouocet citiusque decursum totum morbi finiat.

## §. 12.

De opportunitate corporis humani ad contagium suscipiendum paucis differendi casus quidam singularis ansum praebet. Notum est, multos, pluries licet inter variolosos absque infectione versatos, inopinato tamen alia occasione data morbo hocce corripì; ita et multos infectionem primam vel secundam eludere, qui tertiam tamen efficacem experiuntur, etiamsi idem pus effectum in aliis desideratum praestiterit. Id quod filis adhibitis haud raro contingit. Sed rarius accidit, quod pus per vulnus immissum vel in loco infectionis notabiles mutationes producat, quorsum non solum rubedo, sed et exesio et suppuratio vulneris, maculae vel pustulae in vicinia, erysipelas, crusta vulnus tegens, pertinent, vel remotius in corpore molimina varia febrilia excitet, sed praeter opinionem sine causa manifesta iterum disparentia, absque vlla subsequa pustularum eruptione. Subinde febris orta, sed interrupta per aliquot dies, dein rediens cum exanthematum satellitio *m*); quam vero conditionem a praesente, de qua hic sermo est, remoueo. Ita nec hic vrgeo leuem illam per vnum vel alterum diem durantem vulnusculi inflammationem, quae in hominibus a procliuitate ad variolas omnino alienis, vel iis, qui iam superarunt variolas, apparet, quae quidem ipsa in hisce quoque filis pinguedinosisque adhibitis intensior fit, sed apud omnes  
et

*m*) V. *Historia mea insit. variol. in Suecia*, p. 115.



et singulos sine aliis symptomatibus, coalescente mox vulnere, dissipatur. En igitur historiam ipsam.

A. 1777. d. 30. Aprilis per vulnus in utroque brachio filum pro insitione applicui puellae trienni, tenellae et ad lacrymas pronae, nulla ceteroquin alia aegritudine quam abdominis intumescencia et nonnullis tineae capitis residuis tentatae, cui et postea obnoxia fuit. Sororem eius et cognatam eadem hora eodemque filo encheiresi submisi, eo effectu, ut in hac sueto tempore morbi signa sese efferrent, in illa vero et secundum experimentum filo alio in aliis efficaciam comprobante institutum inane esset, nec nisi tertium pure liquido succederet. In puella, de qua hic sermo, vberius sanguis effluxit, etsi plagae non profundae. Calor conclavis septentrionem spectantis per totum morbi tempus inter gr. 60. Fahr. et 64. substitit. Quoties tempestas ferret, liberam horti vicini auram illi concessi. Biduum post insitionem eximens fila (quae modo extra limites vulneris striis Emplastri Anglicani ex Ichthyocolla firmaveram) utrumque vulnus aliquantisper rubrum vidi, minus vero sinistrum, quod tamen duobus locis papula aciculari notatum, item una remotius pollicis spatio; dextrum pallida crusta tectum. Catarrhalia aliquot symptomata inter haec per aliquot dies sensit, praecipue raucedinem, ante sextum diem cessantia, et ceterum nullius momenti. Quarto die utrumque vulnus siccum rubrumque, prope sinistrum vero insuper macula rubra rotunda apparuit, magnitudine



dine feminis Lupini hirsuti L.; tum appetitus cibi solito minor. Sexto die in huius summo extremo macula dicta sedem fixerat, nonnihil eleuata. Septimo et in dextra plaga, quae et rubra et tumida fuit, macula, pisi magnitudinis, enata. D. nono dextra plaga largiori ambitu rubens et eleuator, macula dicta amplior. Sinistra gessit ad vtrumque extremum maculam nonnihil eleuatam. Post meridiem gena sinistra rubicunda. Et hoc quidem die puella alui deiectiones fluidas quatuor sponte ortas habuit. D. decimo dextrum vulnus in vnam fere maculam oblongam inflammata eleuatam degenerauit, medio albidam. Haecenus puella sanissima, sed d. vndecimo sponte aliquoties post meridiem contra consuetudinem lectum appetiit, subinde de horroribus conquesta, et vesperi coenam recusauit. In vtroque brachio versus flexuram cubiti erysipelatosa rubedo conspicua et maculae dictae latiores. D. duodecimo vtrumque pariter vulnus erysipelatofum, et dextrum labiis duris tumidis instructum, non quidem hucusque hians sed distensum et medio profundius. D. decimo tertio crusta rotunda bruna tegebat dextrum vulnus, quod adhuc rubrum erat, et, vt ex maculis indusii cognosci poterat, pus exundauerat, sine dubio ob attritum, quem nutrix etiam animaduenterat. Sinistrum pariter crusta opertum, sed duplici, tumidum in peripheria et vltra spatium sesquipollicis rubrum, epidermide vicina in exigua nonnulla tubercula eleuata. Quum vero iam spes successuri hoc casu ex insitione effectus ferotinarum vario-

larum exemplis vix ali posset: die decimo quarto post primam encheiresin, quum pus tenue sub epidermide vulnerum lateret, linteum carptum madens pure ex plaga cognatae dictae (de cuius efficacia ex dierum calculo certus esse poteram) hausto vulnere sinistro imposui; et quum die postero dera sum linteum carptum offenderem, idem pus apice lanceolae exceptum brachio vtrique punctura siue incisione exigua extra limitem rubedinis indidi. Maduit et rubuit hoc nouum dextri brachii vulnus per binos dies, alterum paullo post coaluit, et postea dextrum quoque. Inter haec vero veterum plagarum rubedo ad diem 19. vsque permanfit, quo ipso decreuerat notabiliter. Tandem die 27. in sinistro brachio crusta vna sponte decidit, dein altera; in dextro autem formata quadragesimo adhuc die tenaciter adhaesit. Remanserunt post delapsum cicatrices rotundae, adhuc superstites, eiusdem latitudinis, vt crustae, sub quibus formatae fuerant; harum cicatricum scilicet in dextro brachio vna oblonga piso maior, in sinistro duae, quarum vna inferior lentis, altera superior pisi grandioris, magnitudinem aequat, conspiciuntur.

Sic exiguam valde aptitudinem ad contagium suscipiendum et fouendum posse existere colligitur, quae tamen non habenda pro nulla, prout solum macrum stirpes profert, et statura et perfectione reliquis terra fertili et succosa crescentibus inferiores. Rubedo vulneris, maculae, erysipelas in vicinia eius et loco remotiori, puris porro vestigia, pruri-

pruritus, crustae, cicatrices ab insitionis filo absque ullis aliis irritamentis per plagam exiguae profunditatis et longitudinis immisso, in infante nulla ceteroquin corruptela humorum laborante, testantur fatis, non pro simplicibus vulneribus ista posse haberi. Quid vero effecerit, ut ferius longe coalescerent, et cicatrices formarent, quam alias sub tam miti insitionis effectu fieri solet, dirimere nescio. Lassitudo, horrores et cibi appetitus deficiens, quae ipsa phaenomena die vndecimo notata, si febris praesentis indicia habenda, certe blandissimae omnium sunt. An sub mitissimis eiusmodi naturae ad euoluendum virus variolosum moliminibus immunitas contra nouum morbi insultum contingat, iterata insitione optime exploratur. Nec diffido in praesenti casu tertio praecipue experimento, quo liquidum pus per lanceolam immiseram, nisi verendum sit, ne subinde pus variolosum vnius hominis plus efficacitatis in vno, quam in altero exerceat. Hinc occasione data maioris certitudinis causa insitionem iterabo.

## §. 13.

Illam denique insitionibus molestiam etiamnum aliquando obuenit, quod, licet infectio tempestiue subsequatur, morbiq; circuitus omnibus momentis voto nostro respondeat, vulnerum tamen sanatio tarde nimis nec sine difficultate fiat. Non loquor de iis temporibus, quibus primarium ex insitione commodum largum et diuturnum puris ex plagis profluvium reputabatur, eamque ob causam vulnera profunda longaque placebant, quae ipsa copia lintei carpti farciebantur, iis vnguentis obliti, quae suppurationem copiosam ciendi alendique vim habent. Non poterant igitur non ex fibrarum haec multifariae naturae dissolutione, heterogeneo isto lintei discerpti immisso, quod vi glo-



bulum fonticuli aemulatur, et relaxantibus stimulantibus obstruentibus applicatis, molesta ulcera enasci. Quam vana vero plerumque spes sit, fore, ut, quo vberius ex vulnere fluat pus, tanto minor pustularum numerus efflorescat exitusque in vniuersum tanto blandior fiat, inde iam palam est, quod vix antea, quam variolae suppurent, vulnus sese dilatet, et siccescentibus iisdem plurimum demum puris fundat. Millenis quoque exemplis constat, absque copiosa et protracta vulneris suppuratione variolis laetissime emeruisse aegros optimamque sanitatem recuperasse. Ast incisiones vix guttulam sanguinis prouocantes, quin puncturae apice lanceolae factae aliquando obstinata ulcera eo, ubi inflictae sunt, loco relinquunt. DIMSDALIVS, si profluuium hocce ultra stadium exsiccationis perdurat, hoc singulari in corporis diathesi (in the habit) vitio adiudicat; quale, non determinat. An humorum aliquam corruptelam intellexit, prout haud raro haec in causa est, quod vulnus, contusio, intertrigo exigui alias momenti in vlcus foedissimum degeneret? an sensilitatem iusto maiorem corporis? an flacciditatem fibrarum insigniorem? Sed et omnino infantes exstiterunt ante et sub insitionem ceterum sani, quibus vulnus diutius hiauit suppurauique, sensim tamen, sine ullius medicaminis auxilio, coalescens. Nonnisi inter diem vicesimum sextum et tricesimum octauum refert cl. SCHINZ <sup>n)</sup>, apud plerosque infantes, in quibus ipse insitionem peregerat, vulnera coadunata esse, naturae quidem solius beneficio. Casum iam exhibebo ab hisce eatenus diuersum, quod praeter laxitatem fibrarum nihil vitii manifesti aderat, in quo vero nonnisi post multa tentamina claudere vulnera mihi datum fuit.

Spectat

<sup>n)</sup> Versio Eius Germanica libri Dimsdaliani, *neue Methode für die Einpfropfung der Pocken*, p. 31.





Spectat hic ad puellam, quae annorum quinque eodem tempore, scilicet d. 30. Aprilis, quo ea, cuius historiam mox recensui, encheiresin subiit, idque in brachiis solito loco, filo quidem, sed absque vnguento, plagae exiguae immisso. Praeter naturalem fibrarum flacciditatem et pusillanimitatem supra annum omnino sana, olim ad conuulsiones a vermibus prona. Post quadraginta octo horas, quum insitionis fila eximerem, vtrumque vulnus iam suppurauit, ita vt compressione leui pus proflueret, aliaeque in hisce effectus indicia tempestiue apparuerunt. Siccum tamen iterum tectumque crusta vulnus dextrum die quarto conspexi, sinistro suppurationem continuante tam liberaliter, vt d. quinto fasciam circumuolutam per plures gyros humectasset, et die post manifeste hiaret. Ob inflammationem, insigni dolore ante febris insultum stipatam, humectavi illud aqua frigida. Post prodroma varia febrilia symptomata septimi et octauae diei, inter quae et exiguae quaedam maculae in facie d. octauo eruperant, versus finem noni diei febris initium cepit. Quum non sufficeret aqua ad mitigandam sinistri vulneris inflammationem, camphoram vitello oui solutam d. vndecimo illiui haud sine successu, quo eodem die versus flexuram cubiti sinistri exterius conspectum erysipelas. Febricula eamque concomitantes molestiae cessarunt cum eruptione, tanto autem copiosius manauit vulnus sinistrum, tantoque magis hiauit, dextro quidem pus formante, quod tamen die decimo nono primum effluxit, initio parce dein copiosius. Variolae erant paucae ad summum septuaginta bene suppurantes et iusto tempore siccescentes, quarum e numero et istae, quae iam ante febrem die octauo macularum forma visae. Nihil inter haec alieni contigit, quam quod die decimo quarto palpebra superior oculi dextri nonnihil intumesceret, id quod vero inter aliquot dies imposito sacculo

ex floribus Sambuci et camphora discussi. Variolis in facie exsiccatis ad purgans ex manna et sale neutro per interualla repetendum transii. Licet vero plaga sinistra inde a die vicesimo primo in fundo repleti videretur, prouentus tamen pristinus puris continuauit, et labia late hiantia propius ad se inuicem accedere detrectarunt, simul lata excoriatio cutis vicinae facta cum doloroso valde sensu, renouato praecipue sub deligationem. Sic res perstitit ad diem decimum Junii h.e. 41. post insitionem, quo metuens, ne vlcus habituale inde fieret, quum et in panniculum adiposum penetraffet, haud sine periculo postea claudendum, corticem peruvianum in electuario praescripsi, quo ipso per aliquot dies continuato tandem coaluit dextrum vulnus; alterum vero diu adhuc pus plorauit, donec et hoc corticis largioribus dosibus, quibus interposita Jalappae radix o), reuulsionis causa, et imposito emplastro saturino, nominatim defensiuo rubro, sanaretur. Sed crusta vulneris nonnisi die 26. Augusti decidit; post quod tempus integerrima et constantissima valetudine puella vsa est, corporisque virium et animi incremento notabili. Supereſt iam modo cicatrix in sinistro brachio, figura et ambitu oliuae maioris.

Molimen suppuratorium insigne in hac adfuisse merito agnoscitur, quod rariori obseruatione secundo iam insitionis die puris in vulneribus praesentia sese declarauit. Causam vero huius moliminis nullam aliam quam relaxatam nimis corporis compagem offendo.

- o) Cui ipsi, nec nitro, in curatione vlcerum vetustorum a cl. ROWLEY (*Essay on the cure of ulcerated Legs*) explorata, plurimum meriti tribuerem, nisi iste expressis verbis declarasset (p. 11), se intemperato modo vitae generi additis Jalappam praecepisse, et nisi in multis casibus recensitis nec huius radice nec alius purgantis mentionem fecisset. Conducere nitrum tum modo existimo, quando vehementior vlceris inflammatio stimulum insignem creat, eoque vlcus alias facile claudendum alit.
-





*Morus nigra*

*Ptelea trifoliata*

*Gleditsia triacanthos*





Murray's Opusc. Vol. I.

Tab. II.

